






M









hæc Crimi (am. Sicula. Regis Romani)





FERDINANDO  
TERTIO

ROMANORVM IMPERATORI  
PIO, IVSTO.

IMPIETATE ATQVE INIVSTITIA  
INVITIS  
INVICTISSIMO:

MARIAE ROMANORVM  
IMPERATRICI.

PROPTIO CÆLO



PIENTISSIMÆ.

PRINCIPIBVS AVGVSTISSIMIS

Fr. Cherubinus Maria O Dale Hibernus, Ordinis  
Seruorum DEIPARÆ VIRGINIS.

FELICITATEM

ÆTERNITATE CVMVLATAM.



STIT sefe S. is C. is M. bus V. is Diuus  
PHILIPPVS BENITIVS, qui in atra-  
tæ familiæ nostræ velut quodā no-  
cturno cœlo, in Diuorum Deiparæ  
Seruorum bono numero, non secus  
corruscat, arque inter reliqua sid-  
ra, sudâ de nocte, Lunaplena, Sistit,  
inquam, nō quidem in eo corpore,  
quod Tuderti in Vmbria requiescens, iam per quatuor

## LIBRI DEDICATIO.

sæcula, non quiescit à rebus admirabilibus & prodigiis, cum admiratione Italiæ, ac veneratione, perperrandis; neque verò etiam in eo spiritu, qui illatus iam dudum cœlo, non modò per ista, ad nostram ætatem, prolixâ temporum spatia, sed etiam in omnem omnium sæculorû aternitatem, rebus maximis & immortalibus, dum inter mortales, mortalis militaret, summâ cum gloriâ gestis, ex Emphyrei Imperij Senatûs. Consulto iussus est perpetuû triumphare: *et reuelat à facie gloriam Domini speculari, in eandem imaginem transformatur à claritate rerum in hoc nostro orbe patrarum, in claritatem luminis gloriæ, tanquam à Domini spiritu, cum quo est unus spiritus, Diuinitate, per immensæ beatitudinis participationē decoratus.* Sed sistit se in gloriæ rum facinorum suorum, hoc Breuiario contentorû, quodam velut Spicilegio, quod, illatâ per summam Humilitatis industriam, omni reliquâ heroicarum virtutum, eius Messe, in cœlestia Horrea, eoque Indagini nostrâ, ad depredicandum subtractâ, per me ex aliquot inclycæ Vitæ eius scriptoribus collectum est. Sistit igitur se Diuus PHILIPPVS, S. is C. eis M. tibus V. is hoc modo, quia non potest alio: si tamen ei, vt more quodam nostro humano philosophemur, diuinit<sup>9</sup> esset concessum, tantisper è cœlo in terram se demittere, nullum mihi dubium est, quin, si Hospitium illi deligendum foret, nullam aliam, quàm Austriacam Domum subiret. Etenim vt fuit vir Apostolicus, & Euangelicorum præceptorum consiliorûque, per omnem integerrimâ vitam tenacissimus, ita fugere illum illud Euangelij præceptum, & præcepti obedientia non posset, quo Apostolis atque Apostolicis viris mandatur; *In quâcumque domum intraveritis, ibi manete, et inde ne exeat.* Intrauit PHILIPPVS, dum in terris ageret, accitus non semel

2. ad Co-  
 rinth. 3.  
 v. 18.

1. ad Co-  
 rinth. 6.

Luc. 9. v. 4. *In quâcumque domum intraveritis, ibi manete, et inde ne exeat.*

## LIBRI DEDICATIO.

semel ex Italia in Germaniam, & inuitatus prolixè, per Legatos à Diuo Rudolpho Cæsare, Austriacæ Maiestatis Satore, in Domum Austriacam: habitus est à magno Hospite Hospes perhonorificè, & adeò etiam familiariter, vt breui à summo Principe, ex Hospite in Amicum Domesticum mutatus, ad omnium animi eius, & reliquorum articanorum conscientiam sit admissus: idque illi, sub Imperij sui ardua primordia, tam bene, tamque feliciter vertit, vt amictus à PHILIPPO, sub Imperiali purpurâ, vnâ cum Augustâ Coniuge (vt ea tempora ferebant) tertij Ordinis nostri Habitu, armatusque gladijs dolorum lugentis in DEFILIJ funere, Deipara, è cœlo mutuat, varijsque sancti viri ad Imperij Proceres atque Respublicas, iusta Imperia optrimi Cæsaris capeffere detrectantes, Legationibus, ingentes, atque asperas superatu difficultates, & magnæ molis obitacula (vt erat in dicendo præpotens, & ardentibus persuadédi præditus spiritib⁹) complanârit. Et ita res fluere necesse fuit; nam vt sapientissimè interrogat sapiens;

*Quis hominum poterit scire Consilium Dei, aut quis poterit cogitare quid velit Deus? nisi illi homines, qui supra homines, sub-* *Sapient. 6. 9. v. 13.*

lime quiddam, ac diuinum sapientes, ex consortio Sermonis *Exodi 54.*

Dei ad obsecrationem vsq; ceterorum è vulgo hominum, diuinitus illustrantur, & in Deorum numerum ac dignitatem, per afflatum DEO, Regium Vatem asserti, dicuntur

*Dii & Filii excelsi omnes, & ab ipso DEO homine audiunt, iam non dicam vos Seruos, sed amicos meos, quia omnia quacunque audiui à Patre meo, nota feci vobis. Cogitationes enim mortalium timida, & incerta prouidentis nostræ: si homines supra homines* *Psal. 81. Ioan. 15. & 14. Sapientia c. 9. c. 13.*

non erigimur, & os homini sublime datum, Cœlûmque videre iussum, non inferimus astris, & inde petimus consilij lucem, vnde, nec aliunde, quidquid lucis, vel oculis,

## LIBRI DEDICATIO.

vel animis heurimus, vt ab æterno, veroque Veri fonte, certum est promanare. Id cum enixè faceret celestis homo, & DEI Amicus PHILIPPVS: ex altissimæ sapientiæ Adytis, atque recessibus, diuo Rudolpho suo, Consilia & auxilia deprompsit cœlicus talia, quibus sapientissimus Princeps, maximæ in terris Domûs suæ Austriacæ prævalida arque inconcussa iecit fundamenta, quæ tantæ moli, quanta est hodièque, & magnitudine iam laborat suâ, sufficiant, & paria sint sustinendæ. Quam ergo aliam ad Domum diuerteret, & ad quem Hospitem alium, quàm ad S.<sup>as</sup> C.<sup>as</sup> M.<sup>es</sup> V.<sup>as</sup> ? quæ non minùs, quàm Diuus Rudolphus, sub Paludamento, & Purpurâ gestant, in illis humeris, qui portant Orbem ( Symbolum obsequii, & suæ erga Deiparam, & hanc nostram eius Seruorum familiam pietatis) eundem Habitum; animûmque fouent, cuius ex clementissimâ in nos pronitate, tot singularis beneuolentiæ significationes, tot magnificæ Benificentie argumèta, tot Cæsareæ Prouidentie ac sollicitudinis, in propulsandis incrementorum, in Germaniam reducis Ordinis nostri, obstaculis, documenta, tot denique eidem Ordini, eiusque hominibus publicè priuatèque exhibito sunt honores: qui (vt Regis ad exemplum totus componitur orbis) imperij procures, & Aula Cæsareæ Purpuratos, in Instituti ac Nominis nostri venerationem concitauere, & tamquam ex publici Solis Regia, & Serenissimæ lucis fonte Ferdinando, in nos sunt deriuata. Quid ad hæc Diuus PHILIPPVS noster, si vt in hac Vitæ suæ historia, ita se ipse sisteret S.<sup>is</sup> C.<sup>is</sup> M.<sup>ibus</sup> V.<sup>ris</sup> ageret, diceret, reponeret? Ego quidem, si quid ex communis cum illo Instituti ratione, aut è scriptiuncula ista Vitæ eius, spiritûs hausi, prorsus arbitror, eum “ in hunc modum S.<sup>as</sup> C.<sup>as</sup> M.<sup>es</sup> V.<sup>as</sup> allocuturû. Ferdinande

Cæsar

## LIBRI DEDICATIO.

Cæsar: En me huiusce Domûs tuæ, antiquiorẽ te ipso Do-  
 mino, Hospitem; Incolam dicerem, nisi me DE I Opt:  
 Max: Benignitas domûs longè beatioris, in omnem æter-  
 nitatem Incolam fecisset. Cæterùm quia gemino tibi no-  
 mine, Tuo scilicet, ac Maiorum tuorum Debitor sum, gra-  
 tias tibi ago, habeoque, pro auitâ tuâ, atque abs te auctâ, in  
 DEVM nostrum, & Maiestate illi proximam, cæli Reginam  
 Deiparam, Religione; quam quia propugnâs, tam arctè  
 vndique oppugnaris, sed minimè expugnabere. Curâ &  
 cordi est DEO Domus tua, & longa in cælo series est Diuo-  
 rum Domesticorum, quorum præsentia tibi patrocini-  
 æternum vigilant, tanto operæ pretio, quanti interest Ec-  
 clesiæ Militantis, murum aheneum habere, *qui opponatur* Ezech. 13  
*pro domo Domini*, cui per aliquot iam annorum Centurias Esaia  
 Domum Austriacam tuam placuit *pro hoc muro esse*, 26.  
*et Antemurali*. Quod cœtum nostrum Seruorum cœlestis Impera-  
 tricis Mariæ tractes, vt tractas, *erit merces operi tuo*, 2. paral.  
*et quod vni* 15.  
*existis minimis Seruis*, multò magis vniuersis, feceris, Domi-  
 næ eorum, & mihi, vni eorū, & quondam, imò iam multò Matth.  
 largiùs, Patri eorum feceris. Et Tu O MARIA AVGVSTA, cū 25.  
 tribus istis Angelis tuis *confide filia: nam orationes tue*, Act. c. 10.  
*et Eleemo- n. 4.*  
*syna tua ascenderunt in memoriam, in conspectu Dei*: non solū  
 illæ, quarum ardore, solutum ac liquefactum Riphæum  
 regentis Danubij gelu, nuper ad Ratisponam, *conuersi retror-* Psal. 113.  
*sum Iordanis* miraculū renouauit, inde, quòd illi fluuiio gelu c. 3.  
 consistere, eo anni tempore, & constitutione, quo fluxit  
 (ne transiret populus Sathanæ) propemodum æque pro-  
 prium fuit, ac Iordani fluere, cū constitit, vt transiret  
 populus DEI: Sed illæ etiam orationes tuæ ascenderunt  
 in eandem memoriam, quibus assiduis atque ardentibus,  
 non minùs, quàm Cæsar, armis, Domum DEI Ecclesiam,



## LIBRI DEDICATIO.

„ Domum tuam Austriacam, atq; ipsum vniuersum Impe-  
 „ rium contra aëreas potestates & earundem asselas, pro-  
 „ pugnas & contutaris. His alijsque operibus, quæ libentiùs  
 „ facis, quàm audias, quibùsque te sanctis Imperatricibus, ac  
 „ Reginis, quæ te in cœlum præcesserunt, DEI Imperatoris  
 „ ac nostræ cœlitû Imperatricis Mariæ Amor ac Benignitas

*Tobias. 12.* „ æquauit; quia *accepta eras Deo, necesse fuit, ut tentatio probaret*  
 „ te, in motibus Bellorum, in mortibus Filiorum. Illi quiescēt  
 „ breui, hi aternum apud nos in cœlo Triumphant, atq; Im-  
 „ peritāt beatiùs, latiùsque, quàm si mille illis, apud vos Re-  
 „ gnandi noui Orbes, ijs, quos habetis feliciores, detecti fuis-  
 „ sent, & acquisiti. Illic vos præstolantur, illic longè glorio-  
 „ siōres, suis, atque ampliores adornant triumphos vobis,  
 „ ducendos olim, postquam Domicis vbique perduellibus,  
 „ Pace, terrâ marique partâ, & clauso non vano Iano, sed la-  
 „ nuâ Inferorum ( vnde per aliquot iam añorum lustra, vlti-  
 „ mus potestatis tenebrarum conatus terris incubuit ) pleni-  
 „ dierum & gloriâ rerum gestarum, consenueritis, & maturi  
 „ cœlo, ad nos cœlites, cælites ipsi facti, transeuntes, huic Fi-  
 „ lio FERDINANDO, pulchro, vultu quidem isto candido &  
 „ rubicundo, hoc est Austriaco, sed innocente animulâ, &  
 „ indole, iam ad omnia summa gliscente, longè pulchriori,  
 „ pulchrum ac latè pacatum Imperium, & auita Sceptra viui  
 „ vegetique tradideritis. Tum Tu FERDINANDE pulcher, vt  
 „ bellicoso quondam Patri Dauidi, felix Salomon, ita belli-  
 „ coso Patri Ferdinando, rerum Dominus aliquando suffe-  
 „ ctus, si Religionem in DEVM, si in parentes pietatem, vt fa-  
 „ cis, colueris, si Educatoribus, ac præceptoribus, quos habes  
 „ optimos, morē gesseris, si Parentum ac Maiorum tuorum  
 „ suspexeris, atque imitatus fueris exempla, Salomonis feli-  
 „ citatem (quam horum obliuione monitorum, si non ex-  
 „ tinxit



## LIBRI DEDICATIO.

tinxit in fine, magnopere tamen obscurauit) longo post te „  
 interuallo relictam superabis. Quæ vt vobis eueniant, Do- „  
 mus mea *Austriaca, gaudium meum, & Corona mea, sic state in „* *Ad Phi-*  
*Domino charissimi, ac satagite, vt hæc fixa, diuini Numinis, „* *lip: 4.*  
 ac decretoria sit voluntas. Quod ad me reliquosq; sanctæ „  
 Domûs Vestræ Diuos Tutelares attinet, quia in cœlo non „  
 dormitur, neque cœlitum quisquam frustratur optatis, nō „  
 deerimus in huiusce curâ causæ, officio nostro. Idque vo „  
 bis hac, quam impertior, benedictione meâ, cœlo allatâ, „  
 confirmo, ac sponsor valedico, & obiturus vadimonium, „  
 ad cœlum, vnde veni, ab eo: Vbi piissimâ Matrem vestram „  
 Eleonoram Augustam, Archiduces, Leopoldum Wilhel- „  
 mum Fratrem, Sorores in Poloniâ & Boicâ, & in Boicæ Vi- „  
 ciniâ Claudiam, popularem meam, ac Liberos eius, Patru- „  
 eles Vestros, ac deinde sanguine & sanctitate cognatam „  
 Boicam Domum, Monachum Iac Boñæ (arque inde transiens, „  
 ad alteram Austriacæ Domûs Partem Hispaniam) Philip- „  
 pum Regem, ac Reginam visitaui, eisq; omnibus de „  
 Dei nostri gloriâ, de Dei paræ cultu, de Ecclesiæ Militantis, „  
 & familiæ meæ, maguæ Matri seruientis Ecclesiæ, Tute- „  
 lâ optimè meritis, eadem, quæ vobis, bene precatus, & ho- „  
 rum meritorum ac decorum suorum sempiternam, quæ „  
 illos in cœlo manet, gloriam fuero gratulatus. „

Hæc mihi (quantum balbo blæioque mortali, & adhuc  
 humi repenti assuequi licet) D. PHILIPPVS, si Domûs Au-  
 striacæ, hoc modo hospes esset, vt est cœli ciuis, facturum,  
 dicturûq; haud inani, ni fallor, coniecturâ, videretur.  
 Verum quid in cœlo Philippus faciat (vbi omnia fiunt. *Que*  
*nec oculus vidit, nec auris audiuit, nec in cor hominis ascenderunt*) *1. Ad Co-*  
 prodilectâ sibi, & cordi, præ omnibus alijs, habitâ Austria- *rinth. 2.*  
 cæ Domus, id verò nō est tenuitatis meæ, neque vllius mor-  
 talis

## LIBRI DEDICATION

talis quantumuis magni Logodædali, Eloquentiæ, sine re-  
 meritate in medium adducere conari. Id duntaxat quasi  
 in summâ, dici, ac legitimè concludi potest: **PHILIPPVM**,  
 qui in hac vitâ mortali, charitate plusquam paternâ huius-  
 ce Domûs flagrârit, diebus noctibûsque, pro illius incolu-  
 mitate, pro geminâ eius, in hoc, atque in futuro æuo, feli-  
 citate, ac pro eiusdem stabiliendæ æternitate, excubârî,  
 eûmque in finem precibus, ac sacrificijs cœlum indefessè  
 fatigârî, idque tam defæcato ardore, tamque alieno ab  
 omni labe ac nœuo, qui cadere possit in virum sanctum,  
 qualem Philippum fuisse cœlum ac terra, atque ipsa adeo  
 Elementa (vt ex Historiæ patebit scrie) restantur: nunc in  
 cœlo, id est Charitatis erga suos in immensum auctæ  
 sphæra, **DEI** compotem, ac potentem, necesse esse, in ea  
 Curâ ac patrocinio **S. rum C. rum M. um V. rum & vniuersæ**  
**Domûs Austriacæ** versari, quæ planè sit inexplicabilis, &  
 magis adoranda, quàm verbis, nihil ad rei dignitatem ac  
 splendorem allaturis, adornanda. Quæ cum ira sint, æquo  
 me animo esse conuenit, de Clementissimâ voluntate, ac  
 Serenissimo oculo, quo **S. æ C. æ M. tes V. ræ** non secûs, at-  
 que iste publicus mundi oculus, **Sol**, liberalissimo Intuitu  
 omnes accedentes animant, serenântque: hunc (quem di-  
 co, dedicôque maximo vestro Nomini ac tutelæ) de Di-  
 ui Philippi Vestri Vitâ Librum, excepturæ atque aspectu-  
 ræ sint; non môle suâ, neque modo meo, sed Diui, de domo  
 Austriacâ, dum in terris ageret, bene, dum in cœlo agit,  
 optimè meriti, meritis, ac præsentē patrocinio merien-  
 dum. Quem, vt loquentem, rudi hac Mineruâ meâ Viri  
 sancti quandam Imaginem, vel hoc nomine sacrario Cæ-  
 sareæ Bibliothecæ suæ non dedignabuntur, quòd eum lo-  
 quatur, qui toti Austriacæ posteritati, in Progenitore Diuo-  
Ru-

## LIBRI DEDICATIO.

Rudolpho (cuius egit aulicum, partâ coelitus linguæ Germanicæ peritiâ concionatorem) *Locutus est verbum Dei*, ac proinde audiri legique meretur, *ut intuentes talis Præpositi exitum conuersationis, imitemini Fidem*, còque potiti DEO, in speculâ Imperij, in qua meritò sedetis, quàm diutissimè, felicissimèque sedeatis, ac demum Mundi gubernati Pro-  
 uinciâ bene gestâ, cum DEO, cum Deiparâ, cum ipso Diuo Philippo vestro, ac Diuis omnibus, æternùm triumphetis. Id quod ego, & per me vniuersus noster Ordo S. is C. is M. bus V. ris cum Serenissimis Liberis, & vniuersæ Augustissimæ Austriacæ Domui, non solùm publicis, sed priuatis etiam obstrictus Beneficijs, exopto, & *donec supereſt halitus in me, & spiritus Dei in naribus meis* (hisce me S. is C. is M. bus V. ris & ante me Ordinem meum, quàm submississimè commendans) inter omnia prima vota medullitus exoptabo. Ita voui Pragæ, Anno millesimo sexcentesimo quadragesimo tertio. VII. Idus  
 Novembris.

*Ad Heb.  
c. 13.*

*Job. 27.*

APPRO-

APPROBATIO NOMINE REVERENDIS-  
SIMI ET ILLVSTRISSIMI ORDINA-  
rij data.

Cum præsentem Librum de Vita B. P. Philippi Benitij, Ordinis  
Seruorum Beatissimæ Virginis, ex lingua Italica in Latinam à  
R. P. Cherubino Dalao, eiusdem Ordinis translatum, PP. reli-  
giosi à nobis requisiti, reuiderint, ac publicâ luce dignum censuerint:  
Ideò concedimus licentiam, vt in Diœcesi nostrâ imprimi possit. In  
quorum fidem &c. Brixinæ in officio Ecclesiastico Die 18. Augusti,  
Anno M. DC. XXXIII.

Isid. Perghoffer, Vicarius Generalis.

Michael Stainer,  
Notarius.



Facultas  
ADMODVM R. P. VICARII GENERALIS,  
Ordinis Seruorum B. Virginis per  
Germaniam.

Cum præsentem Vitam B. P. N. Philippi, à P. F. Cherubino Maria  
Dalao, ex Annalibus Ordinis, & historia eiusdem Italicè editâ collectam,  
ac Latinitate donatam, Ordinis nostri Patres Theologi, ad censuram depu-  
tati, dignam luce censeant. Ego P. F. Archangelus Beneuenius Ordinis Ser-  
uorum B. Virginis, pro authoritate mihi à Reuerendissimo Patre Generali con-  
cessâ, eius imprimendæ facultatem concedo. OEniponti in Conuentu S. Iosephi  
die 23. Novembris Anno 1643.

# HISTORIAE

VITÆ AC RERVM GESTARVM  
BEATI PATRIS PHILIPPI BENITII

Patricij Florentini, Ordinis Seruorum  
Beatissimæ Virginis.

LIBER PRIMVS.

BEATI PHILIPPI PATRIA, NATALES,  
& futuræ sanctitatis præludia,

CAPVT PRIMVM.



Etruria, (quæ Beato PHILIPPO nostro Patria fuit) eam omnibus sæculis, tam Pacis, ac Belli artibus, quàm propensione quâdam adnatâ in Religionē, ac pietatem, laudem tulit, vt si ascititiâ luce in adumbrando serenissimo sidere nostro PHILIPPO, vt placeret, copiosorem habi-

*Patria Philippi Florentia vnde quaq; nobilis.*

turi materiam essemus, quàm suscepti Consilij nostri ratio, quâ breuitati studemus, videatur postulare. Etenim iam inde â temporibus Aboriginum, Deorum Interpretem fuisse Etruriam, & generali quodam Sacerdotio illorum temporum superstitionis iniciatam, nihilominus in Euangelij coruscum Iubar generosos oculos intendere potuisse, nescio quam Diuinitatis cognationē illius Coeli ac Soli hominibus diuinitus insitam esse conuincat, & hominēque (absit verbo inuidia) penè dixerim, vix esse in orbe Prouinciam, quæ pietatis exercitationibus, ita ad Vi-

A

uum

num repræsentet primævæ Ecclesiæ venerandum simulacrum; quod pluribus prosequi ac demonstrare, non est eius, qui contendat, magnorum Heroum Natales Patriam illustrare potius quàm à Patria illustrari. Interim, ut cætera omnia Philippo nostro diuinitus contigerint, modestiæ tamen nostræ fuerit, Florentiæ, Etruriæ Regiæ, in quâ natus est, gratias habere, quòd ei clarissimos Parentes dederit. Ij fuerunt Iacobus & Albauirdis; quorum iste paternum genus sortitus est ex antiquâ & perillustri Benitiorum prosapiâ, quæ, quoad stetit, summos illius Reipublicæ honores non solum adiit, sed penè domesticos, multarumque Imaginum causas habuit. Mater parem nobilitatem nobiliorem fecit egregiâ Religionis, ac virtutum reliquarum præstantiâ. Verùm, ut nihil est in rebus humanis perpetuum, de tam magnâ & clarâ Benitiorum famidiâ nihil iam superest, nisi domus, in quâ natus est Philippus, quæ Visitur in Vitis regione, quæ Guicciardino-rû appellatur, antiquis parietib<sup>9</sup> insignia Benitiæ Gentis, hoc est, in cæruleâ arcâ, aperti pectoris candidam aquilam præferens; Symbolum videlicet, quodam Velut Hieroglyphico Gentium Familiæ Benitianæ, ab generosâ sinceritate, commendans. Cæterùm tametsi summâ concordia vnâ conuiuèrent Coniuges, amicâ tamen Cælo contentione in Christianæ pietatis studio acerrimè certabât, eamque contentionē desiderium prolis, quâ diu caruerant, cò magis acuebat, quò enixius optabant, ut series ex illis existeret Nepotum, quæ mundi ætatem perennitate suâ æquaret: ut essent, qui quàm diutissimè pro ipsiis brevis æui mortalibus, diuinam benignitatem colerent ac venerarentur. Certamè optato utriq̃ue euentu sic diremptum est, ut, quamuis id precum constantia quæserint, quod diu mul-

*Ortus, ex  
sterilibus  
Parentib<sup>9</sup>  
mirabilis*

multumque optauerant, tamen hoc ipso eò grauiorem, causam acceperunt, in incepto impensius persistendi, quò æquius est, accepto, quàm petito beneficio, benignitatem diuinam adorare. Nam cum in eâ, quam dixi, orbitare, atque in hoc pietatis studio magnam partem ætatis vixissent (arcano quodam DEI consilio, vt illa corporum sterilitas, sæcunditas esset animorum, quæ Philippo omnes virtutes, sed verò præcipuè tolerantiam, & infractam in DEVM fiduciam Sorores faceret) ad eam recurrunt, quam sua Virginitas sæcundam fecit, & Matrem eius, qui omnia potest, nisi negare id, quod Matre interueniente, atque patrocinante petitur. Itaque concepta vota, & maturatæ constantiâ supplicationes, momentum habuere, & MATER DEI Albauirdem, Philippi Matrem fecit: atque vt agnosceret Albauirdis, se non modò Filium sed sanctum etiam impetrasse, dum vterum gereret, secundum quietem sibi obiectum videt clarissimum Iubar, quod de Ventre suo prodiens, luculento fulgore omnia lætè complexum, vniuerso Orbi sese infundebat. Atque id quidem, neque naturæ viribus, neque affectibus grauidarum, neque Vi imaginariæ facultatis, aut violentæ alicuius apprehensionis conflatum commentum fuisse, editus in lucem iste lucis Filius & Vterinus Frater, rei Christianæ bono clarum fecit. Sed ne vno tantum omine Beati pueri natiuitas prodigiosa foret, alia memoratu digna effecerunt: nã eodem aão, eodemq; die, quo Ordo Servorum, inusitato, vt postea videbimus, modo ortus est: hoc est Aão à partu Virginis nostræ Millesimo ducentesimo trigesimo tertio, decimo octauo Kalendas Septembris, qui dies eidem Assumptæ Virgini sacer est, Philippum Mater in hanc lucem effudit.



effudit, admirabili sanè & iucundâ rerum omnium, velut  
 harmoniâ, quâ minimè obscurè portendebatur, fore, ut  
 Philippus die inauguratæ Cœlorum Reginæ, eodémque  
 natæ Seruitutis Seruorum eiusdem natus, & illius Maie-  
 statem, & horum industriam plurimùm clararet, & ipse  
 vicissim clararetur. Neque verò id agere, quod dicimus,  
 utique ad Prætextam aut Togam distulit Philippus; quin  
 loculentiore ostento, vix quartum Infantiæ Mensem e-  
 gressus, admirabili, & quam Soli Superi tribuere possunt,  
 Eloquenciâ, Seruorum Patronum agere cœpit; fortè enim  
 aliquando Matris in gremio gestatus; duos è Septemviris  
 Familiæ nostræ Conditoribus, ostiatim mendicantes, o-  
 culis vsurpauerat: & ecce, lætitiâ gestiens, ad Matrem ar-  
 ticulato, & distincto sermone conuersus, age, Mater, in-  
 quit, En Serui Mariæ virginis, stipem prome. Perculit rei  
 nouitas circumstantes, non de nihilo obstupescences, illi  
 in fauorem Seruorum Virginis, eorumque gloriosi Tituli  
 promulgationem, Verba suppetere, qui suas ipse causas  
 nonnisi Vagitu, alijsque muris insinuationibus pro ætatis  
 conditione agere poterat. Non stetit in his solis, nudisque  
 verbis, hoc futuræ Philippi Sanctitatis Omen, sed opere  
 etiam, cœque non minùs quàm verba, miro, se prodidit;  
 nam statis in septimanâ diebus, lacte Nutricis, quo ferè so-  
 lo, per ætatem alimento uti poterat, abstinebat: & relictis  
 molliibus cunis, alijsque conciliatricibus somni illecebris,  
 diuino quodam instinctu, innocua, & adhuc lactea mem-  
 bra ad molestiorem quietem humi prosternebat. Vnde  
 non absurdè de hoc Infante id asserueris, quod de sancto  
 Nicolao Myræ in Lycia Antistite, habet grauis Auctor  
 Laurentius Surius.

*Futura san-  
 ctitatis in  
 ipsis incu-  
 nabulis in-  
 dicia.*

II. Infantem hūc, quis dubitet in ipso statim Natiuitatis

EXOR-



exordio diuino fuisse Numine afflatum, Sanctificatum-  
 que, qui non prius viuere, quàm DEVM venerari, non prius  
 comedere, quàm ieiunare cæpit. Compertum enim ha-  
 bemus, illum, cùm reliquos dies noctetq; omnes Nutricis  
 vbera crebrò duceret, quartâ tamen sextâq; feria, non nisi  
 semel duntaxat, & vesperi quidem lac voluisse gustare.  
 Atque hoc certo semper, immotoque seruauit ordine, vt  
 nullis posset blanditijs, nullo Nutricis lenocinio, nullâ na-  
 turæ necessitate à leiunio capto deflecti.

Quamobrem rigidissimum quemque bonarum re-  
 rum interpretem planè faceri oportet, nō fortuitò illud,  
 aut intemperie stomachi factum esse, sed quasi consultò,  
 & DEI affante Spiritu. Hactenus Surius. Quæ omnia,  
 solo nomine mutato, Philippo nostro conueniunt.

Quapropter etsi id hîc vnicè agimus, vt Philippus ex  
 merito omnibus appareat mirabilis, fatemur tamen mi-  
 rum nō esse, tam insigni, tamque maturè iacto fundamen-  
 to, tam nobilem virtutum molem, duorum supra quin-  
 quaginta annorum in pigro vtriusque Vitæ, contemplati-  
 uæ, actiuæque labore ab eo superimponi potuisse, conge-  
 nito hoc, & collactaneo DEI Optimi Maximi fauore, ma-  
 ximis cum compendijs, quibus ille incredibili industriâ  
 collaborauit, deducente.

## PHILIPPI EDUCATIO USQUE AD SVVDIA GRAVIORVM DI- sciplinarum.

### CAPVT SECVNDVM.

**E**ducationem PHILIPPI respondisse multiplici nata-  
 lium eius claritudini, summa Parentum honestas ac  
 Religio, domesticusque splendor procliuè creditu fa-

cit. Curam eorū mirificè stimulabat, quòd ex prodigiòsâ ipsâ conceptione, primorumque ab haustâ luce progressu dierum, haud vanâ coniecturâ diuinauerint: manum Domini esse cum illo, vt non tam datum sibi illum filium, quàm suæ concreditum curæ, persuasum haberent: eoque atque alijs multis nominibus, sed verò præcipuè, quòd meminissent Beatissimæ Virginis Donum esse, eū tenerè charum, preciosumque habebant. Proinde inter domesticos parietes, quoad pueritiā excessit, accuratè custodit<sup>9</sup>, studio humanioris literaturæ reliquarumque omnium, virtutum contubernio, forenses strepitus, tranquillarum mentium, in tenerâ maximè ætate, in festos hostes, vel vicit vel ignorauit; magno Virtutum suarum & doctrinæ bono atque incremento; quorum vtrorumque nobilia specimina, datis occasionibus, edebat. Igitur ab elementis orsus Christianæ pietatis, ea, summâ celeritate memoriâ complexus, mane à somno, & ante somnum vesperi, non pro puero, sed maiore, quàm in virum cadat, momento & pondere, recitabat. Factus deinde decennis, nunquam interrupto vel Ieiunio (quod cum haustâ iam Vitali aurâ cæperat) vel more in nudo ac frigido solo cubandi, ad statas preces, adiecit officium Dei paræ Virginis, & Defunctorū, atque septem illos Psalmos Dauidicos, quos Ecclesiâ potius deploraturis antea etæ vitæ scelera, quàm simili innocentia præscripsit. Præterea in altissimò noctis conticinio, ex loco, in quo malignè iacebat, erigens sese, bonam noctis partem, in rerum Cœlestium contemplatione, traducebat, eumque morem ad mortem vsque perpetuatum, penè ipsi sepulchro intulit. Atque hinc quidem consequens fuit, (quod consequens esse necesse est,) vt tantum animo ardorem hauserit nitendi per ardua omnia.

atque

*In puero  
pietas, &  
vinendi ri-  
gor.*

atque aspera ad Diuini amoris interiorem æstum, vt subinde à Matre ad templa (ad quæ illa frequens visebat,) adductus, longè præ ac alij, supparis ætatis, pueri solent, qui hac illacque irrequiescit per templa (velut largiorem quam domi aream nacti) vel discurrunt, vel obstrepunt supplicantes, ille fixis humi teneris geniculis, & puris manibus in Cælum duplicatis, venerabundus, insertis miri ardoris precibus, suspiciebat & obseruabat sacros ritûs, vt faciliè ab astantibus animaduerti posset: penetrari à Beato puero ipsorum rituum Sacrosanctam medullam, ac spiritum, vt non tam puero seculari, quàm viro sacris initiato, & probè exercitato similis videretur. Quòd si verò quandoque à Matre in hoc pietatis consortium, prudenti moderatione, non est admissus, sed domi se continere iussus est, asperitatem eius imperij, obsequendi amore leniebat. Interim tamen domi pro melimelis, gladiolis & arundineo equitatu (quæ Heroum filij pro paternâ Indole amare solent) ille sacra tractabat, arulas erigebat, sacrisque imaginibus & faculis erectas illustrabat: ac sibi ipsi ædituus & Sacerdos factus, nō minore, quàm in templo ardore ac veneratione in preces incumberebat. Traductâ in his artibus studiisque pueritiâ, vbi visus est in adolescentē euasisse, & grauioribus disciplinis satis adoleuisse, Parentes illi, & virtutibus & literis imbuendo, spectatæ virtutis, ac doctrinæ hominem religiosum præfecerunt. Id parentū consilium, Philippum sine hoc mirè in virtutē prouum, sic accedit, vt incredibile sit, quāto intervallo omnium circa se industriâ præuerterit. Certè iurati homines, in examine super ipsius vitâ instituto, sanctè affirmarūt: eū illius ætatis illecebras non solum procul habuisse, sed etiā in omnibus, quæque egit, quæque dixit, cum se exhibuisse, qui ipsius perfectionis idea videri potu-

*Animi  
tranquilli-  
tas, & sa-  
crarum re-  
rum studi-  
um.*

*Augetur  
in adolescē-  
te, omnib⁹  
Virtutibus  
ornato.*

potuerit, adeò omnes virtutes ex cælesti illo animo diuinum quiddam singulæ spirabant. Sed præcipuè has inter charitas erga omnes mortales, & miseratio in egenos familiam ducebat: quâ ille omnium inopiæ quoad se cunq; extêdere facultates statûsq; conditio poterat, manûs iuxta atq; animi promptitudine subueniebat. Curam deinde sui ex eiusmodi rationibus instituebat, vt lubrica in lapsûs Adolescentiæ, ad exaggratâ mentis tribunal vocata, leges dixerit, & fixerit limites; extra quos, ne exorbitaret; Diuinæ legis Reuerentiam, & Virginei corporis afflictationem, orationem quoque mentalem, vocalemque, præferuidam vtramque atque ignitam, cum SS. Eucharistiæ Sacramenti frequentissimâ susceptione, custodes adhibuit. Hoc igitur apparatu atque hisce armis instructo Philippo, Diuina providentia pugnandi copiam deesse noluit, ne deesset gloriæ; sed Philippus instructam ex aduerso, toto conspirante Orco, omnis generis machinamentorû aciem generosè inuasit, fortiter disiecit, & nobile de se spectaculum Agonothezæ Deo Exercituum dedit & Fortitudinis, Patientiæ, & Humilitatis maximè præsidij, gloriosum de vltimis inferorum conatibus triumphum reportauit: eaq; vi viam sibi fecit ad illustriores Christianæ militiæ honores. Itaque velut in victoriæ præmium diuinus immissus spiritus, proterendi præsentium rerum vanitatem, & transeundi ad religiosum vitæ institutum, quotidiano incremento in animo eius gliscere cæpit, & iacta in eius corde iam inde ab ætate quinq; mensiû semina, magnis progressibus, æstu quodam diuino maturata, ad messem properabant; neque parùm iniectam hanc cælitus mentem urgebant gemellæ ipsius familiæ Seruorum ingentes in dies accessiones, vt vix explicari possit, quanto ad eam ample-

*Quarum  
præsidio  
Orcina.  
n. is inf.  
dias supe-  
rat.*

amplectendam, & ambiendam, (serui Deiparæ affectus nomine) ferretur, cuius voti vigesimo ætatis anno demum compos euasit.

## APERIVNTVR PRIMORDIA ET INCREMENTA ORDINIS SERVORVM,

vt clariùs percipi possint, quæ  
dicenda sunt.

### CAPVT TERTIVM.

**A**D ea, quæ hinc porro narranda sunt, exactiùs percipienda, non parum lucis attulerimus, si quodam velut Breuiario strictos, ordinis Seruorum Natales, & adolescentiâ retulerimus. Fuit ergo Florentiæ inter alias, quas ea Ciuitas magno numero habet, Sodalitas quædam virorum, anno Christi 1193. instituta (quam, à deprædicandis magnæ Virginis Encomijs, Laudantium appellabant) eaquæ hodie etiam perstat, nisi quòd mutatis sedib, saluo tamen instituto, loco Laudantium, de Assumpti Tutelararum Diui Nomine, Societas S. Zenobij vocetur. Huic inter alios dignitate ac Religione præstantes, nomina dederunt septem, Patricij ordinis, viri Florentini: qui cum aîno reparatæ salutis 1233. die Assumptæ in Cælum Virgini sacro rei Diuinæ in honorem inauguratæ eo die Cælorum Reginæ, cum reliquo sodalicio, interessent, illapsus diuinitus singulorum animis arcanus insedit ardor, Deo, ac S. mæ Parenti eius, abdicatis fluxarum rerû curis, sublimiorem quandam seruitutem seruiendi. Ita quæ cum soluto Conuentu conuenissent, & afflatus ille diuinus, quem totis medullis hauserunt, animorum limitibus, non ita se contineret, quin in ipsa etiam ora, atque oculos erumperet, hæserè aliquamdiu, mutuâ contemplatione perculsi,

B

idquif-

*Origo Ordinis Seruorum Benetissima Virginitis, ex Sodalitate, piâ.*

idquisque miratus in alio, quo ipse vicissim mirantem rapi-  
 piebat. Tenuit id silentium diutulè pertinace modestiâ,  
 nemine loquendi initium faciente, quoad naru forrè ma-  
 ximus, id quod ægrè misereque tum à se, tum ab socijs dis-  
 simulari videbat, magnâ animi demissione edere aggressus,  
 non tam quid ipse, quàm quid cæteri omnes animo  
 gererent aperuit. Singulis, ex narrantis ore verba rapien-  
 tibus; quibus se quoque inter paulò ante absolutas preces,  
 inusitata mentis illustratione perfusos, & vt abiectis la-  
 bentium rerum impedimentis, ad cognatam cœlo, & na-  
 tam deplorandis antè actæ vitæ erratis, solitariam vitam,  
 sub tutelâ præcipuè Cœlorum Reginæ amplecterentur.,  
 monitos sese eodem tenore, iisdemq; affectibus vicissim  
 narrabant. Quare, vt in re clarâ, compendiariâ delibera-  
 tione vsi, concordibus sententijs statuunt, diuino Imperio  
 vtique parendum esse: eiusque executioni sextû Iduum  
 Septembrium, qui Deiparæ Natalibus festus est, diem  
 dicunt. Is vbi illuxit, vnâ omnes Urbis Antistitem Ardin-  
 gum, eius nominis secundum adeunt, virum omnibus suæ  
 dignitatis numeris absolutum, & pene fastigio suo maio-  
 rem; ei que consilium suum, & authorem eius, ordine ex-  
 ponunt: rogantque, vt bonâ ipsius veniâ & auctoritate lo-  
 cū illis, diuino imperio capeflendo, capere liceat: id quod  
 illis vir sanctus, optimusque rerum Diuinarum interpres,  
 & æstimator, non modò indulgit, sed etiam his eorum au-  
 spicatissimis cœptis bene precatus, omni prosecutione  
 feliciū votorū oneratos à se dimisit: irent, & quod vtiq;  
 felix, faustumque foret, Christianæ Reipub: diuinis ius-  
 sionibus morem gererent. His illi rerum successibus, per-  
 peruâ serie ex animi sententiâ fluentibus, læti, extra urbis  
 Florentiæ Pomæria in humilem casam, Camaritiæ Pagi se-  
 cedunt;

*Septem-  
 primorum  
 Patrum  
 primus se-  
 cessus.*

cedunt, ibique quam iam dudum in votis habebant, communem vitam inter rerum omnium voluntariam inopiam instituunt. Cæterum horum Nomina huc ex libro vitæ transcripta hæc fuere. Bonifilius Monaldus, Joannes Mannettus (postea ad dissimilandum Generis honorem, Bonaiuncta dictus) Benedictus de Antellis, Bartholomæus de Amideis, cui cognominis dulcedo, ut aptius ad institutum, Amidei nomen fecit. Ricoverus Lippius Scalandronius (ea hodie Familia Gentilitium Vguccionum nomen ducit) qui proinde Vguccionis nomen assumpsit, Alexius Falconerius, & Gerardinus de Sostegnis, quæ ea est Familia, quæ nunc de Melioribus appellatur; utique hoc Diuo accepto magnâ occasione melior facta. Ità Septemviri nostri, nec infra vigesimum, nec supra trigesimum ætatis annum, (quod dignum notatu est) ex tribus Ordinibus hominum, ex quibus populus Christianus coalescit, assumpti sunt; Quidam enim eorum ex Virgineâ Ecclesiæ Orchestrâ, alij ex Cælibe viduorum statu, alij etiam maritalibus adstricti fæderibus fuerunt; qui tamē cum vxoribus suauiter transegerunt, ut contentæ res suas sibi habere, non morarētur Diuinum Maritorum consilium: cuius petitionis sanctitati non solum illæ acquieuerunt, verum etiam ipsis inter se, virosque nouis diuinioris amoris fæderibus, vel proprijs Domibus, vel Asceterijs inclusæ, vel Religiofarum Virginum Parthenonibus datis nominibus adscriptæ, cum viris & virginibus, propositi sanctitate, cōstantiâq; certarunt. Itaque his cæterisque omnibus remoris è viâ sublatis, septem Expeditionis Deiparæ Duces, post defudata, sub suaui Religionis iugo egregiæ fortitudinis certamina, post multos variosque labores exanclatos, & nauatam colendæ Vineæ Domini insignem operam, sanctissimæ vitæ stadio, cum gloriâ rerum admirabilium, decurso, nobiles spiritus ad

cœlestes honores, & debitos bene gestis rebus triumphos accipiendos, alij seriùs, alij citiùs cœlo illati sunt, Corpora in môtè Senario, originariâ familiæ nostræ sede, sepulchri honorem sortita indidem miraculis quaquauerfum inclaruerunt; Cæterùm, vt nulli dubium esse debet, hos seprem viros, velut septem à diuinâ sapientiâ excisas columnas, ad ædificandam Matris suæ domum fidelem, electos esse; ità eos constat errore lapsos, qui vel istos septem, vel etiam B. Philippum ipsum, de quo hîc agimus primarios conditores esse Ordinis Seruorum existimârunt; cùm is honor ipsi Deiparæ Virgini, vel (vt tantâ maiestate dignûs, reuerentiùsque loquamur) ipsi ordini à tantâ Conditricè conueniat. Certè vocationes eorum, quarû hic seriem, ordinemque texemus, clarissimè euincunt, nihil hos, quos modò laudauimus, viros, minùs cogitasse, quàm de nouo, nouum aliquem Ordinem (quantum in ipsis fuit) moliri: vt proinde familia nostra, alium humanum authorem, præter ipsam Matrem Christi agnoscere neque possit, neque debeat. Interim eò faciliùs hunc errorem cæteris ignoscimus, quòd scriptor nostrâ, ac fortè etiam Patrum ætate sacræ historiæ consultissimus, alicubi de Philippo nostro honorificam mentionem faciens, illum Ordinis Seruorû Institutorem appellat, reclamantibus Pontificijs literis, quibus nostrum institutum approbatur; quæ disertis verbis nobiscum loquuntur. Itaque prima vocatio iam memoratorum Patrum ea existit, quâ, apparente ipsis cœli Reginâ augustâ, atque aspectabili formâ, facie radiatâ, & cœlestium Geniorum beato comitatu stipatâ, suauit illo quidem, sed efficaci imperio, iussi sunt sanctius, & sublimius vitæ institutum arripere, ascitis in eius gloriæ societatem, ijs quos promptus ac pronus, in tam salutare consi-

*Eorundem,  
ad sacien-  
da Ordinis  
fundamētā  
varia vo-  
catio.*



consilium animus commendasset. Altera vocatio illa fuit, quâ se eadem Virgo seorsim singulis, Domibus suis spectandam exhibuit, postridie eius diei, quo in album sodalitat<sup>is</sup> laudantium relati sunt, in hac verò, & in eâ, quæ ordine tertia est, quæ tum contigit, quando extra urbem in eam, de quâ paulò ante diximus, Casam secesserunt, diuinitus de instituendâ communi, abiectis rebus secularibus, religiosâ vitâ, oraculum acceperunt; Quartâ hinc vocatione in montem Senarium euocati, ad iacienda illic solidiora religionis fundamēta, de eiusdem virginis iussu sese accinxerunt. Quinta his omnibus illustrior atque admirabilior fuit, quando in ipso Feriæ sextæ Maioris Hebdomadæ peruigilio, iisdem Patribus acerbissimorum dolorum, & mortis CHRISTI Seruatoris contemplatione defixis, ab eadem DEI Genetrice singulis pulla vestis, (quam Habitum siue Scapulare vocamus) iniecta est, pro Symbolo & Memnosyno eius luctus, qui sub tempus passionis filij, eandem Sanctam Matrem, Reginam Martyrum, & maximi, quod vnquam fuit, Funeris, Præficam fecit, Sexta denique illa fuit, pro reliquarum coronide, quâ, ita atratis Nomen Seruorum inditum est cœlesti manu, certo quodam montis Senarij loco, aureis exaratum litteris, scriptū apparens, ex quibus omnibus satis, vt arbitror, liquet Religionem Seruorum velut per quosdam rerum admirabilium gradus solius B. mæ Virginis operâ coaluisse, & hos viros, quò ne ipsi quidem sciebant, diuinitus esse manu ductos, Septem omnino annos septem Patres nostri in hoc exelso monte traduxerant, potius de excolendis animis suis, & de summo perfectionis apice, per passionis Christi, aliarumque rerum diuinarum contemplationem indipiscēdo, quàm de fundando propagandoue aliquo religioso

Ordine cogitantes, quamvis hoc temporis spacio eam spiritus, ac veræ sanctitatis celsitudinem interim assequuti sint, quæ tanto operi ac moli sufficere posset. Sed aliud placuit veræ ordinis Fundatrici Deiparæ, quæ in cœlesti illâ mente suâ, Diuinæ providentiæ sacrario, iam statutum habuit, ex hoc septem horum Seruorum seminario, infinitam Seruorum messem, ex omnibus orbis terræ plagis parare, quod huiusmodi ostento, manifestum esse voluit. In obliquo illius S. montis iugo sancti viri arcam sentibus ac dumis purgatam Hortulo plantando ceperunt; non tam spe alicuius frugis in tã sterili cœli ac soli loco, quam ut esset, quo infestum virtutis hostem, veterum PP. exemplo, otium iugularent; in eo hortu inter alias parabilis culturæ stirpes, ac plantas vitium aliquot malleolos depaungunt; Mira dictu res! in tam apestri monte, qui in nouem milliarium altitudinem ab vrbe Florentiâ porrectus est, ac proinde maximam partem anni gelu constrictus riger, horretque reliquâ soli iniquitare, ex deplantatis vitibus vna extitit, quæ naturæ cursum anteuerrens vnâ nocte, quæ tertiam Dominicam Quadragesimæ proximè antecessit, ante Festum Annunciatæ Virginis, quo tempore in locis pinguibus, & Soli maximè obiectis vix aliqui Veris prodromi cernuntur, eodem quo plantata fuit anno de repente Pampinis læta, & ante florem fructibus racemorum grauis, palmitib⁹ præterea fructuarijs longè lateque diffusis bene magnū montis tractum complexa, omnium in se oculos & admirationem conuertit. Attonitis omnibus tam insolitæ rei nouitate Bonfilius, qui familiæ Anzistitem agebat, Florentiam descendit, & vrbis Præsuli Ardingo de prodigiosa vite omnia, vti res erat, ex fide denarrat, sed id quamvis per se insolens Ardingo viro sanctissimo,

*Germinā-  
tis præma-  
nente vitis  
mirabile  
ostentum.*

Altissimo, & ob insignem vitæ integritatem non ad huius  
 tantum, sed ad aliorum etiam cælestium secretorum con-  
 scientiam frequenter admissio nouum non fuit, quippe  
 nocte proximè præteritâ hanc vitam, uti à Bonfilio descri-  
 bebatur, sibi à Deiparâ Virgine commonstratam fuisse re-  
 spondit, eandemque dixisse, eo ostento id agi, ac signifi-  
 cari, ut omnes intelligant, velle se, ut hoc suorum Seruo-  
 rum institutum per vniuersum orbem propagetur, atque  
 ut id se authore futurum nemo ambigeret, subiunxisse illud  
 Ecclesiastæ: Ego quasi vitis fructificaui suauitatem odoris,  
 & flores mei fructus honoris & honestatis; atque hinc fa-  
 ctum, ut deinceps à Patribus plurimi bonæ expectationis  
 in societatem admissi sint, ad quod hætenus nullis ratio-  
 nibus adduci potuerunt; ac paulò post hæc Seruitanæ Cõ-  
 gregationis Vitis, ex hoc monte feliciter quaquauersum,  
 proserpens varijs in locis numero Cænobiorum, veluc  
 Palmitibus aucta, cum in formam iustæ Religionis reda-  
 cta adoleuisset, anno à partu Virginis nostræ 1267. quinto  
 loco B. P. PHILIPPVM Priorem Generalem accepit. O-  
 ctavo scilicet à confirmatione eius per Alexandrum IV.  
 Pon. Max. anno, quo temporis spacio mirâ celeritate per  
 quatuor Italiæ Principes Prouincias propagata est, ut plu-  
 ribus in familiæ nostræ Annalibus diligens Historicus Gian-  
 nius noster prosequitur, nobis suffecerit hæc paucula de  
 tam nobili origine pro instituti ratione delibasse, in viam  
 redire properantibus,

*Ab Ar-  
 dingo Epi-  
 scopo expla-  
 natum.*

B. PHI.

# B. PHILIPPVS POST NAVATAM OPERAM LITERIS LVETIÆ PARI-

siorum & Patauij Florentiam reuersus, à DEO  
bonarum animarum amatore singularibus fa-  
uoribus & gratijs excipitur.

## CAPVT QVARTVM.

**C**VM PHILIPPVS, eo viro religioso, quem illi instru-  
endo supra præfectum diximus, Magistro, eos in po-  
litiore literaturâ, & latinâ eloquentiâ progressus  
fecisset, vt in ijs diutius nō nisi otiosus hæsurus videretur,  
Parentes illū grauioribus studijs admouere statuerunt. Et  
quia hoc ferè tempore vniuersitas Parisiensis à D. Ludo-  
uico Galliarum Rege, Innocentij. 4. summi Pontificis præ-  
cipuè hortatu, melioribus legibus, & maiori amplitudine  
constituta constabat, eò maximè luuenem placuit desti-  
nare. Quò vbi peruenit, insignes sortitus præcepto-  
res, breui in Philosophicis disciplinis tam insigne spe-  
cimen dedit ingenij, vt post paucos menses doctoris sui  
iudicio dignus census sit, qui diuiniore & altioris indagi-  
nis disciplinas adiret. Interea quantumuis diligentia atq;  
industriâ disputationibus, & rerum naturalium commen-  
tationi sese daret, tamen minimè immemor Initium sapi-  
entiæ esse timorem Domini, nihil per hoc feruori oratio-  
nis, & frequenti Sacramentorum vsui ademptum voluit.  
Ità pietate & industriâ comitibus, cursum Philosophicum  
in solito profectu emensus, Parenti (qui à gratulantibus de  
filij progressibus certior fiebat) curam iniecit, ne si in ijs  
studijs, quæ speculationibus perficiuntur, moras traheret,  
clarissimum ingenium immensa nactum spacia, in sola illa  
raptum, absorberetur; quare vt moderandum sibi felix  
filij ingenium putaret, domesticâ opinione inductus est,  
quâ

*In Parisi-  
ensi Vniuer-  
sitate Me-  
dicina ope-  
ram dat.*

quâ persuasum fuerat, illi æuo, nobilem in libero populo Iuuentutem, studijs totum hominem requirentibus ad-moueri instar vicij esse, quòd hac ratione Iuuenes ab ne-gotiorum domesticorum, & reipub. cura auerterentur. Quo factum est, vt absolutâ Philosophiâ, Philippus Medi-cinæ reliquam operam nauare iussus sit, cum quòd nobi-lissimi quique, Ciuitatis maiori emolumento, & Ciuium bono, quàm nostra ætate cernatur, eo tempore hanc facul-tatem sectarentur, tum etiam quòd Medicinæ cum Phy-siologia cognatio, non statim retunderet librati iam in speculationes, honestum ingenij impetum. Cæterùm etsi id parentis Consiliũ Philippo peringratum accidit, vt qui toto animi ardore in Theologiam ferretur, is tamẽ omnia suis momentis librans, ac perpendens: summa ingenia, dum incautiùs ad hæc Diuina in altum tolluntur, eo grauiore lapsu ruere; tutius sibi esse purauit, suas rationes ex maio-rum suorum, quàm ex Genij sui, aut ingenij præscripto, instituere. Quare Medicinam eodem, quo Philosophiam ardore aggressus, illam ita suam fecit, in ætate adhuc 19. añorum, vt omnes in sui admirationem raperet. Reuoca-tus deinde Florentiam, inde Patauium, ad accipienda vtriusque facultatis insignia, quibus doctores cohon-estantur, missus est; vbi editis eximia doctrinæ multis ar-gumentis, examine, summa cum laude, superato, duplici

*Doctoris  
laureâ in-  
signum do-  
mum reuo-  
catur.*

*Abi in tem-  
plis & re-  
rum divi-  
narum me-  
ditations-  
bus assidu-  
us.*

tia veneratus, Florentiam reuenit, vbi liberum iam ab Scholastico penso tempus in sacrarum literarum priuato studio ponebat. Pro cæteris animi relaxationibus, sacrarum ædium visitationes, pro conuiujs, Epuli Eucharistici frequentationes erant, & siquid operæ naturalibus literis horis subcisiuis datum est, id fiebat, vt illis velut adminiculis, & quibusdam gradibus, animus ad considerationes rerum diuinarum eueheretur; quarû ille hoc tempore mirificos sensûs, etiam hac viâ expertus, frequenter extra se rapiebatur, exstatico amore in Dei amplexûs effusus; eâq; in animo eius ardentia desideria, (quorum semina iam olim cum lacte hauserat) existebant; quibus ad suscipiendum Habitum Seruorum B. mæ Virginis impellebatur. His artibus, atque hoc instituto domi versatus, ex consortio tam frequentium sermonum DE I, quædam in illo species resultauit, quæ humanâ maior, vniuersis ciuitatis ordinibus admirabilis atque venerabilis videretur. Etenim eâ domi erga Parentes obsequentiâ, eâ foris cû viris Reipub. principibus vrbانيتate, eâ modestiâ, cum æqualibus, eâ cum minoribus facilitate, eâ denique in agendo, vbi vsus postulauit, dexteritate fuit; vt hisce dotibus, adiuncto integerrimæ vitæ, morumque exemplo, omnium in se admirationem iuxta ac venerationem commoueret, sic, vt reparatoris integritatis Christianæ, in Iuuentute Florentianâ nomen non immerito tulerit. Sed lancinnabat interim ardentem Patriâ Charitate animum eius, miseratione, quâ in afflictam Guelphorum, ac Gibellinorum factionibus Ciuitatem ferebatur; quippe id malum hoc tempore, in generis humani perniciem, Friderici Imperatoris studio ita recruderat, vt non tantum Rempub. Florentianam, sed vniuersam etiam Europam euersum iret; ad hæc per-

*Lacerata  
factionibus?*

*urbi Dint-  
num Nu-  
men placat  
re conatur.*

perditissimorum morum ac nefariorum facinorum licentia in immensum excreuerat; quibus emendandis, cum se imparem Philippus cum dolore videret; se ac cætera omnia Deo committens, à partium studijs diligentissimè abstinuit, & solo conscientia, præsidio tutus, non quam adduci potuit, quantiscùmque inimicis totius ciuitatis familiaria in mutuum exitium armarentur, ut ensen, aut vllum aliud teli genus indueret. Cæterum tor in diuinam benignitatem admissis in oculis eius sceleribus, saucius, anxiusque Ciuum suorum periculo, in more positum habuit, tam desperatis rebus, ad pedes cuiusdam Imaginis Christi in crucem suffixi, prostratus, remedium quærere, quod & multis alijs parabat & ipse ex illo benignitatis fonte amplissimos Diuinæ gratiæ fauores in se deriuabat. Sed singularis ille fauor exitit, quo ardentius solito, Religionis capescendæ amore incensus, hoc ab illà sanctâ Imagine, expressis verbis oraculum accepit: vade Philippe ad montem Senarium, ibi te docebo incomprehensibilem iucunditatem vitæ aternæ. Non arido, aut petroso senticeto ea diuinæ vocationis semina, ad suffocationis periculum, sed fecundo, & bene subactò solo excepta sunt, ut fructus breui secutus demonstraui. Nam tempore solennis Quadragesimæ, sequentis anni 1253. vitam orditus tum in edia cibi, tum cubandi malignitate, ac cæteris corporis afflictationibus admirabilem, delicijs omnibus valedixit, præter eas, quas ex contemplatione Diuinâ, ac sacrarum literarum studio delibandas accepisset. Interea ad loca sacra, quæ inter Florentiam, & dirutæ, Fesularum urbis ruinas sunt, frequenter inuisens, itineris sui in modum, quo à Christo Crucifixo destinabatur, velut nou' illic immolendus Isaac, rudimenta quædam, atq; initia ponebat.

*Crucifixi  
oraculo ad  
religionem  
primò vocatur.*



B. P. PHILIPPVS ANTE IMAGINEM  
MIRACVLOSAM D. ANNVNCIATÆ FLO-  
rentiæ, admirabili visione, quam B. P. Bonfilius explicat,  
illustratur. Hac Occasione huius Imaginis Historia  
paucis recensetur.

## CAPVT QVINTVM.

*Mirus  
animo Phi-  
lippi ad Di-  
uinam ar-  
dor.*

**A**pparitionibus Diuinis, & ordinarium naturæ cur-  
sum excedentibus rebus, velut necessariâ consecu-  
tione proprium atque connexum est, humanâ men-  
tem, insolita luce perculsam, mirificè illustrare, & inflam-  
matam in rerum Diuinarum amorem rapere; hinc vix sa-  
tis explicari potest, quantis incrementis Philippus, corpo-  
re per varias macerationes, animo per contemplationis  
assuetudinem subactò, ac benè præparato, & serenaretur  
in dies magis, & ex objectu huius lucis, futuræ beatitatis  
amore succenderetur, vt proinde ardentissimâ Justitiæ sibi  
corruptus (quæ est, inter Euangelicas, octaua beatitudo, &  
quam Patres desiderium solidæ sanctitatis esse statuunt)  
iam felix, beatusque esse inciperet. Fortè quadam die, quâ  
potissimum his flammis agebatur, domo ad nouum Ser-  
uorum Deiparæ Sacellum, vbi Miraculosa D. Virginis  
Annunciata Imago erat, Diuino sacrificio interfuturus, se  
confulerat; vbi rursus aliarum omnium, quibus cum adhuc  
DEVS, aut Bona Virgo dignati sũt, efficacissimâ vocatione  
ad Religiosum Seruorum institutum inuitatus est. Sed  
prius quàm hæc expediam, iuuat diuerticulo, lectori non  
iniucundo, huius prodigiosæ Imaginis originem paucis  
promittere, mox ad Philippum admirabilis scenæ spectato-  
rem in viam nobiscum reuersuro. Est haud procul Floren-  
tiâ suburbatum, Henrici tertij Imperatoris clade ab Exer-  
citu Florentiano acceptâ nobilitatum quod Cameritis  
indigitant.

Hic



*Origo mi-  
raculose I-  
maginis D.  
Annūcia-  
te Floren-  
tia.*

Hic anno ab allatâ salute 1250. captum est ædificari oratorium, adiuncto quodam habitaculo, quo velut hospitio Patres, negotij causâ ex monte Senario Florentiam ventitantes, recipi possent. Ibi iam olim in crudo recentique adhuc muro Imago Virginis, quam Mariam de Capragio vocabant, temperatis non oleo, sed aquâ coloribus effigiata prostabat, quæ cum temporum iniuriâ inter ædificiorum ruinas esset oblitterata, Patres eius sibi memoriâ renouandâ esse ducētes, aliam ad oblitteratæ Prototypon, ijsdem coloribus & insimili crudi muri areâ in eo oratorio pingendam curare statuerunt. Et quia circa allati ad Virginem cœlitus felicissimi nuntij tempus, ipsi illustri Servorum MARIE titulo cohonestati fuerant, sub eius formâ mysterij ipsam Imaginem maximè pingi placuit, in quo eadem Virgo, dato ad summum, quod concipi possit obsequium consensu, se æterni Numinis Ancillam appellavit. Itaque ad incipiendum opus vocatus est pictor, câ ætate, non tam pingendi artificio, quàm pietate in B. mam Virginem celebris, quippe in cuius honorem perpetuam Virginitatem coluit, isque, pro suo in Matrem DEI amore, susceptâ in se perficiendi gratis hoc opus curâ, priusquam manum operi admoveret, ferventium precum præsidio, & expiatis per sacram Exomologesin peccatis, sacre Eucharistiæ sumptione se comparare voluit, ad quod eius studium Patrum etiam, iam tum nescio quid fausti animo præfagientiû, preces accedebât. Ita cæpto opere Archangeli Gabrielis imago iam in pariete spirare videbatur; ipsa etiam B. mæ Virginis effigies, præter faciem, caput, & ceruices, sub oculos perfecta prodierat, reliquæ etiam operis Parergæ ultimam lucem acceperant, cum ecce Pictor supremam manum sacre Imagini impositurus, repente totis artibus, sed manibus præcipuè contremiscere, exalbe-



scere vultu, deniq; animo linqui cæpit, & velut nunquam penicillum contrectauisset, omnis ars, atque industria pingendi ex manu, & animo euauisse visa. Igitur rei nouitate attonitus Pictor, & ipse se in preces dat, & Patres, vt sibi Diuinum Numen placent, exorat, id quod ipsi impigrè agressi, non sine lachrimis, quas tum admiratio, tum timor insoliti euentûs elicuerant, consternati Pictoris causam apud DEVM ac B. mam Virginem agebant. Sequenti die Pictor ad opus redit, & tantisper aliquid in eo contemplantus, diuino quodam sopore, siue Extasi repente correptus, à sensibus abiit; tum paulò post sibi redditus, se in pedes colligit, Imaginem intuetur (quam in illo mentis concitamento perfectam, atque absolutâ viderat) iam collò, vultu & capite, ad quæ manûs pridie exprimenda torpuerant, expressis, summo cum stupore recognoscit; & tum ille, cum adstantes alij Miraculum ingeminantes, ingenti applausu, DEO, ac Deiparæ Virgini cumulatissimas gratias agunt. Peruulgato rei successu, sit totius vrbs, atque omnium ordinum ad oratorium Seruorum accursus, & habitis Imagini iustis honoribus, frequentis senatûs consulto, respub. decreuit vt hæc verba, *Madonna santa Maria Madre di gratie*, id est, Diuina S. Maria Mater gratiarum, imagini subscriberentur, quæ hodieq; antiquo charactere subscripta visuntur. Atque hoc quidem inter alia Priuilegio cœlorum Reginæ visum est; Seruorum suorum Primordia nobilitare. Sed vt ad PHILIPPVM, quem apud hanc ita diuinitus absolutam Imaginem, supplicem reliquimus, reuertamur; vbi se ad rem diuinam in hoc oratorio audiendam, feriâ quintâ infra octauam Dominicæ Resurrectionis (quæ illo anno in VIII. Kal. Maiarum, inciderrat) composuisset, sacrum (in cuius Epistola habentur illa verba,

*Coram,  
quâ supplex  
Philippus;  
admirabili  
visione  
donatur.*

verba. (*Philippe accede, & adiunge te ad currum istum*) faciente B. P. Alexio Falconerio, illis verbis velut ad se dictis permetus Philippus, Diuino arreptus spiritu, à sensibus in suauissimæ Violentiæ Extasin rapitur, eaque extra se peregrinatus, in vasti horroris solitudine, inter præruptas rupes, & aculeatarum spinarum Dumeta expositus sibi videbatur, vbi hærentibus insuper tenaci in limo vestigijs, multiplici anxius malo, cum ipso interitu, ancipiti sorte, luctari videbatur. Has inter angustias deprehensus, cum, Regij Vatis verbis *Saluum me fac Deus, quoniam intrauerunt aque usque ad animam meam*, Diuinam opem imploraret, alapsam auribus miræ suauitatis vocem audit, quâ redditus sibi, serenatâ mente, animi status, ex hoc periculorum cōfinio. eductus est, & mox Beato Iuueni coruscum, ignotâ mortalibus oculis, luce, cœlum se aperuit; cuius cū claritas, ac tranquillitas, tum reliquorum ornamentorū Maiestas, vt simile nihil haberetur in rebus humanis, ita nulla verba reperiūtur, quibus possit describi. In huius cœli spaciofo ac beato æquore, bijugus, ex animoso leone, & miti agnâ, auro solidus currus, volucris quidem, sed peritæ aurigationis moderamine trahebatur. In ipso curru, sublimi locata solio, cœlorū Regina sedebat pullâ in veste, sed quâ multa clarabat gloria radiorū, quos imminens solij fastigio, ignoti candoris columba, magnâ copiâ, à vertice Virginis ac vultu quaquauer sum latè fundebat. Augebāt pompam frequentes cœlestium Geniorum stipatores chori, qui sedentis versicolore, ac rigentem genis vmbellam sustinentes, Reginæ suæ laudes suauissimo concentu decantabant. Ipsa Virgo habitum, qualem nuper Patres Serui gerere cæperant, manu præferens, vbi cœlites canere desierunt, voce, ipso cœlitum concentu suauiore *Philippe ait, accede,*

*accede, & adiungete ad currum istum.* Plura Virgo promptura videbatur, sed intercessit B. P. Alexius, qui absoluto interim sacrificio, oratoriū ex officio clausurus, vbi B. luuenem ab alienatum a sensibus, inobilem hærere videt, ratus somno oppressum, exsuscitat. Redditus sibi PHILIPPVS, tracto ex imis præcordijs graui suspirio, Ah inquit, Pater R, de ita DEVS tibi ignouerit, vt ego hunc errorem tuum excuso. Nec pluribus interceptam beatitatem verbis incusans; secum tamen ad itæ iacturæ magnitudinem exaggerans, illius spectaculi gloriam & emolumenta, seuerâ trutinâ cum dolore librabat, eò quòd adhuc in cœlestium rerum commercio, non tantum, quantum illâ semi horâ, lucri fecisse sibi videretur. Interim vbi nox affuit, quæ hâc fœlicem diem sequuta est, & Philippus, solitudine ac silentio eius ad libertatem agendi cum DEO utebatur, rursus se illi Deipara videndum exhibuit, his ipsis verbis eum affata: Philippe, seruos meos in crastinum adeas, ab eis enim, præuisi currus magisteria discas quæ statim exequi, fidelis meus seruus euasurus, curabis: nec plura; & ex stupentis, & iam satis persuasi conspectu se in cœlum recepit. Philippus, vbi illuxit, hausto totis medullis cœlestis vocationis igne, ad oratorium Seruorum gradum concitat, & audito illic sacro (in quo auctori Virgini vocationis consilium enixè commendauit) ad Antistitem loci, qui tunc P. Bonfilius erat, admitti rogat; qui vbi affuit, habito illi diceret honore, quâ decuit luuenem, vercundâ modestiâ, visiones sibi obiectas, & adiunctum illas communicandi præceptum exponit: Patrem deinde orat, vt ipso Interprete doceatur, quid quantumque per hæc ingentia beneficia Christus, eiusque S.<sup>ma</sup> Parens a se præstari velit, iubeantq; Bonfilius, diuino spiritu diues, & in hoc rerum gene-

*Quæ ipsi à  
B. P. Bon-  
filio expo-  
nuntur.*

genere versatus, ac perspicax, per obiectam illā sentibus,  
 tribulisque asperam solitudinem, statum illius secularem  
 notari responder, currum verò esse statum Religiosum,  
 ad quem à DEI Matre vocetur: quatuor aurei currus axes,  
 esse quatuor virtutes Cardinales, quibus velut Cardinibus  
 Servorum institutū nitatur. Per Agnam, & Leonem, qui-  
 bus idem currus ducitur, humilitatem religiosam & forti-  
 tudinem, quas arduis in Diuino obsequio susceptis facino-  
 ribus, comites esse conueniat, designari: Columbam verò  
 necessariam cordis puritatem, & contemplandi peritiam  
 denotare. Denique pullam vestem, Virginis manu gesta-  
 ram, factamque inuitationem, quā, ut se currui adiunge-  
 ret, monebatur, oracula esse, quæ illum MARIE Seruum  
 in nouā eiusdem Virginis familiā (vbi mortificationem,  
 Crucis CHRISTI docendus sit) futurum prædicant. Ac-  
 cendit ea interpretatio, iam antè ardentem, PHILIPPI  
 mentem, & denique, ut id, quod diu egit, hoc religiosum,  
 Institutum amplecti statueret, effecit. Nec minore iucun-  
 ditate in eo congressu, perfusus est B. Bonfilius, qui ex ve-  
 recundo Philippi inter narrandum vultu, Diuini splendo-  
 ris radios, haud dubios futuræ sanctitatis indices, emicare  
 videbat. O felicem ac ter beatum, Juuenem, tacitè cogita-  
 bat, qui splendorem generis, fortunæ blandimenta, scien-  
 tiarum lucem pluris, quàm quanti DEVS similium rerum  
 contemptum facere solet, non æstimauit; ex quo supremi  
 largitoris gloria eò maior elucet, qui seruo suo tam gran-  
 dia munera largitus est, ut haberet, quod & piè agnosce-  
 ret, & contemneret fortiter, & utròque viam sibi ad salu-  
 tem aperiret. Atque hæc quidem hætenus de genere vi-  
 tæ, quam vsque ad susceptum vitæ religiosæ statum Phi-  
 lippus duxit, Ex quibus, ut reor, clarum sit, illum aspirante

D

iam

iam inde ab incunabulis Diuinæ gratiæ afflatu, ad eiusmodi perfectæ sapientiæ fastigium compendio prouectum esse, quod alij non ita feruentes velut per grad<sup>9</sup> quosdam, & operosâ per varios vitæ spiritualis anfractûs, peregrinatione vix demum magnâ temporis intercapedine deducuntur.

PHILIPPVS SUPPLICITER ORAT,  
VT AD RELIGIONEM INTER FRATRES  
conuersos recipiatur, & exauditus  
sacro Religionis Habitu induitur.

## CAPVT SEXTVM.

**H**ic iam iactâ à B.â Virgine in Philippi adhuc infancis animam sementis velut quædam Primitiæ, eiusdem Virginis admotæ Aris, consecrantur. Etenim quantumuis & natalium claritudine, & doctrinæ opinione, & integritatis, pietatisq; famâ inter nobilissimos, doctissimos, atque integerrimos quosque Ciuitatis magnum meritò nomen obrineret, retentis nominum rebus, nihil moratus has magni Nominis umbras, in sacriorem iam Religionis Rempub. transcriptus, pro suscepti instituti naturâ, sincere sanctimonie molem, sapientissimâ quadâ architecturâ aggressus, optimæ venæ lapidem, Humilitatem, fundamentalem posuit. Itaq; eo die, quo vocationis suæ rationes exposuisset cum supra meminimus, à P. Bonifilio ad frugale Prandium pauperi Seruorum mensæ adhibitus, sub finem prandij, ex inopinato à mensâ erigens sese, & in medio triclinij in Genua subsidens, verbis ardentissimis, Patres enixè orat, vti duorum sibi postulatum gratiam facere dignentur, quorum primum erat, vt ipsum ad consortium suum admissum, sacro religionis Habitu digna-

*Ardentissimè in Conuersorum Fratrum numerum cooperari postulat.*

CL

digna.

dignarentur: alterum, vt eam gratiam sibi, inter Fratres Conuersos relato, communi omnium obsequio vtcunque compensare liceret: atque hæc quidem tam vberibus lachrimis, & tanto compunctionis, ac demissionis sensu perorauit, vt illum Venerandum Patrum confessum tam altæ humilitatis admiratione attonitum, prorumpere in lachrimas coëgerit. Tum B. P. Bonfilius reliquos Patres circum spectans, velut si tacitus singulorū sententias exquireret, vbi non tam verbis, quam singultibus annuere omnes intellexit, Philippo respondet; se, ac Patres, quippe Seruos Deiparæ, à quâ ipse ad hanc ab illa recens institutam, atque auctam familiam tam inusitatis argumentis prodigiosè vocatus sit, non velle, neque verò posse, non morem gerere ipsius postularis, proinde quâ par sit alacritate, ac promptitudine suscipere ipsum se, ac religiosæ charitatis complexum visceribus, filium Religionis, & Tyrone, sub signis Magnæ Matris deinceps militaturū, creare: & quia, altera pëtitionis pars indidem manarit, vnde prima, hoc est, à spiritu vocantis Deiparæ, quæ totam gloriæ suæ summam in Ancillæ titulo, ac munere collocavit, idque nomen, Matris nomini præoptauit; placere etiam, vt sub Conuersi nomine, & conditione arripiendam Seruitutem dupliciter seruiat. Atq; in hunc modum Philippus, anno ætatis Vigesimo, omnium, in quibus ad hoc ætatis vixit, votorū maximi reus effectus, feriâ sextâ infra Octauam triūphalis Christi Resurrectionis, Religionis Habitu induitur, nomen tamen ex recepto Ordinis nostri more non mutauit, quòd in eo congressu, quem cum B. ma Virgine, de curru illum alloquente, habuit, ab eadem Virgine sub Philippi nomine ad Religionem vocatus fuerat. Ex hoc tam prospero Philippi rerum successu, manifestū fit;

*Ex spiritu*



*humilita-  
tis huic Re-  
ligioni ma-  
ximè pro-  
prio.*

primam incrementorum eius gloriam secundum DEVM B. mæ Virginis liberalitati, ac providentiæ acceptâ referri oportere, quæ, dum illi hoc suæ familiæ arripiendum præ cæteris omnibus institutum designat, spiritumque eius instituci maximè proprium, id est insignem humilitatem, impertitur, compēsare voluisse credenda est, obsequium circa se Philippi, ob infantiam vsque perpetuatum. Nimirum habet hoc necessario quodam nexu perpetuò coniunctum, diuorum Patrocinium; vix ut aliquid efficacius sit ad ineundam DEi gratiam, ac demerendam propitiā eius benignitatem, quā eorum pro clientibus suis ad DEVM preces. Atque, ut inter Diuos B. mæ Dei Mater utiq; eminet, ita proclue creditu est, eam in PHILIPPVM, sub hunc ingressum, tot rerum mirabilium ambagibus adornatum, prolixè liberalem fuisse. In quorum numerum beneficiorum non immeritò rerulerimus; quòd, cum nobilibus Adolescentibus, Religiosum institutum cogitantibus, mille manūs Parentum, amicorum, aliorumque (qui similibus candidatorum ambitum pro infantia habent) iniici solcant, Philippus tamen, & ipsos Parentes, qui illum vnicum, & vnicè amatum habebāt, tot votorum fructum, & emeritæ senectutis solatium, tum illum virum religiosum, quem ei præfectum supra meminimus, & verò præcipuè Episcopum Ardingum, virum omni scientiarum & pietatis luce clarissimum, denique omnes bonos propositi sui promotores habuit, qui eā ætate in Ciuitate floruerunt. Hisce vijs, arque adminiculis in seruum Virginis initiatus Philippus B. Bonfilium de Monaldis (quo interprete habitæ nuper apparitionis vsus fuerat) antistitem sortitus est: cuius viri eximiam vitæ Sanctimoniam, vox cælitus' allapsa, sub mortis eius tempus, quā ad cælum inuitabatur,

*Quantos  
virtutis  
Magistros  
natus fue-  
rit.*

tur, testata est, hoc multa paucis perstringente Elogio: Bone fili, quia filij mei vocem audisti, & inuiolabiliter eam obseruasti, centuplum accipies, & vitam æternam possidebis: quâ voce dulcissimè exanimatum corpus eius, ad iudicium, quàm preciosa in conspectu Domini huius mors sancti sui esset, ignotæ fragrantia suauitatem aliquamdiu exhalauit. Hoc vitæ duce amisso, Philippus operam dedit, vt se in consuetudinem insinuarer eorum, quos illi sanctitate simillimos putaret; quos inter, præter domesticos, fuit S. Petrus Ordinis Prædicatorum supremus per Italiam Hæreticæ prauitatis censor; qui post multum officio sudoris gloriose impensum, sanguinem etiam deniq; fortissimus Martyr impendit. Hic tum suapte erga omnes bonos charitate ac diligentia tum apparentis ipsi B. mæ Virginis commendatione, nouellam ipsius Seruorum familiam, & sibi mirè commendatam habuit, & alijs comendauit, præcipuè verò Reipub. Florentianæ, & Innocentio IV. summo Pontifici, apud quos graphice admirabilitatem Exordij huiusce Religionis deprædicauit. Inter autem Domesticos B. P. Bonaiunctam ex Septemuiris, Religionis post Deiparam authoribus, vnum præcipuè coluit Philippus, hominem aliàs multis nominibus clarum; memorabilem tamen cum primis prodigio, quod in hunc modum euenit. B. P. cum socio in eâ inedia, & lue quæ anno 1244. totam penè Italiam deuorauit, per urbem Florentiâ mendicatum processerat, in eo quæ, salutis fratrum necessario quæstu, ad quæstuosum, vsurarum acerbitate infamem, hominem diuerit, quem nuper ipse B. Pater de salutis periculo hoc ipso nomine grauitè admonuerat. Is vbi Mendicos Virginis Seruos. pro suis foribus operiri stipem aduertit, Panem & Vinum, lethaler condita, per ancillam

*Vnius illorum venerat potius miraculosa deprehensio.*

ad eos mittit; quæ ubi Patres acceperunt, ancillæ, notæ alioquin in Deiparæ Seruos pietatis, partem accepti beneficij obtulerunt, quam cum illa, & temporum & heri auaritiâ prope enecta auidè famelico ori admoueret, Bonaiuncta, caue filia, inquit, morteluitura, mortem mordeas; beneficium Domini cui, mixtum toxicum, maleficium fecit, quo vitam mihi ereptum ibat, sed ad ipsum reuerfa, hanc, aliâque noxas morte illum luisse inuenies, & sub hæc dicta, potentè crucis signo depulsa à muneribus peste, ijs cum socio innocuè vefcitur. At ancilla interea ad Dominum, quem sanum ac sospitem reliquerat, perueniens, cum humi extensum, & exanimem, frustra aliquoties inelamatum, reperit. Quod factum ubi quæque verum percubuit, Buccinæ instar fuit laudum, ac meritorum Seruitanæ familiæ. Hoc ergo, aliâque; Euangelici splendoris Eximia, lumina in Ecclesiæ candelabro radiantia oculis velut aquilinis Philippus identidem obseruans, nō mediocriter alienâ luce suam cumulabat; minimè nescius ad ingenuam sanctimoniam, ingentia ex consuetudine sanctorum virorum, accedere incrementa.

## B. P. PHILIPPI IN ASCETERIO CAPHAGII, QVOD HODIE D. AN-

nunciata dicitur, exercitationes ac studia.

### CAPVT SEPTIMVM.

**T**Antam vim, in corruptis iam inde ab Origine pectoribus hominum, obtinuit affectata à Protoplastis nostris Diuinitatis illecebra, vt non modò ægrè ac difficulter ad Christianam Humilitatem inflectantur, verum etiam, violento ambitus velut æstro quodam rapiantur in omnes eos honores, quibus maleuada Superbia, vmbra aliquam affundit dignitatis. Itaque si quis est, qui

*Summo  
ardore cō-  
tempta of-  
ficia seque-  
ntur,*

effe-

efferre sese, & euehere super alios in promptu, atq; in ex-  
 pedito habet, eam tamen potestatem sponte abdicat, &  
 hunc, in Excellenriam, animi furem impetum, intra  
 rationis limites coërcet, is à se ipso vir alius diuersusque  
 euadit, de quo illud scripturę meritò pronuncies I. Reg. 10  
*in filiet in te spiritus Domini, & mutaberis in virum alterum: se-*  
*ctatorem videlicet eius; qñ dixit Matth. 11. Discite à me, quia*  
*mitis sum, & humilis corde.* Horum in numero Philippus no-  
 stor agmen ducturus, Exemplo vix imitando, certè admi-  
 rando, cùm ætate floreret, clareret & illustri profapiâ, cor-  
 poris constitutione vteretur delicatâ, scientiarum perspi-  
 catiâ excelleret, & assueuisset (tamen si inuitus) pro dome-  
 stico splendore, famulitij obsequijs, quo impetu filij huius  
 seculi ad grandia ac speciosa nituntur, eo Philippus ad ob-  
 secura; & vilia ferebatur, ea maximè sectatus, quibus recti di-  
 potissimùm posse, donorum, quæ habuit, splendorem cre-  
 diderat. Igitur vbi curam hortuli, primam sibi demandatâ  
 Prouinciã, accepit, & rei herbariæ, quæ potissimus domi-  
 census fuit, iussus est quæstorē agere, sic se totum illi operi  
 dedit, vt illum non æstuosus, non frigidus, nō pluuius aër,  
 non deniq; vlla cœli, aut soli inclementia à cultura retar-  
 daret. Quin insuper, impēso in hortum die, bonam noctis  
 partem Culinæ, ac Triclinij obsequijs impendebat. Mirè  
 illum delectabat varietas horum vilium officiorum, potis-  
 simùm ea, quæ ad eius obedientiæ periculum faciendum  
 vsurpabatur. Itaque iam sedentibus ad mensam fratribus  
 ministrabat, aliàs obsequebatur ægrotantibus, subinde  
 longo sacco conspicuus, ostiatim mendicabat, deinde la-  
 nitor fortes Monasterij venientibus aperiebat, denique,  
 ad obsequium æditui, templum verrebatur, sacrificantibus  
 seruebat, vniuersim omnia vnus Domus obsequia com-  
 plecti videbatur. In quibus, etsi perquam laboriosè

*Nihil aqua-  
lium irri-  
siones cum-  
statum.*

ac variè esset distentus, tamè, quin chorum diligentissimè frequentaret, maximè noctu, nihil sibi obstare patiebatur. Imò obseruatum est; illum semper primum in choro, & vltimum fuisse. Atque hæc quidem sedulitate & constantiâ maximâ, illud verò patientiâ inusitatâ, quòd satyricæ Irrisionis dicteria, & probrosa scōmata hilarissimè tolerabat quorundam, qui illum olim nouerant; pauci enim popularium eâ tempestate nobiles reperiiebantur, qui damnis præsentium rerum blandimentis, Christianæ se Philosophiæ dederent. Quapropter Philippum vel emotæ mentis vel animi in vilicatem degenerantis vicio, insanire pannosis & laceris illis centonibus dictitabant, Squalorem oris ac maciem interpretatione eòdem trahentes; quam tamen tum indefessi labores, atque inedia, ac cæteræ corporis afflictiones, tum verò præcipuè animi in res diuinas (etiam, cùm alijs rebus occuparetur) perpetuò eleuati, suspensio conciliabat. Quæ quidem diuinorum (vt cum Arcopagita loquamur) *Patientia*, vbi animo semel insedit, inter eximia alia, quæ agit, mentem à desiderio cibi, nisi & necessarij, & parabilis, auertit, in vestigium delictu vilissimæ amiculorum ambit, ex laboribus & difficillimos, & obscurissimos deligit. Quæ omnia, cùm per annum integrum in Ascererio Caphagij Philippum exercuissent, cupido animi eius ingens incessit arctioris vitæ, & pœnitentiæ rigidioris; nam votum potiùs, quàm rem solitudinis hætenus in Caphagio sibi consequutus videbatur. Hi diuini spiritus stimuli cùm gliscente indies magis ardore, amoreque solitudinis, animum Iuuenis acriter peruagarent, scirètque optimus virtutum æstimator, inuiolata obedientiæ sanctitate, posse subditum, altioris sanctimonix instinctus ac desideria Superiori proponere, & eius expectare

*Amore  
solitudinis  
ad mōtem  
Serrarium  
petit.*

Etare censuram; in animum induxit rem omnē ad Antistitem referre, & vt impetratæ grātiæ beneficium pronius foret, causatus est, quietem suam op̄ratam apud Caphagium solitudinemq; importunis & frequentibus suorum visitationibus, interturbari. Placuit Antistiti res modusq; propositionis, & Philippum familiæ montis Senarij adnumeratum, bonis cēptis bene precatus, dimittit ad solitudinem; vbi DEO ac B. m̄a Virgine Agonothetis, pro æterni viroris palmis, & cœlestis gloriæ coronis aliquamdiu depugnauit.

## PHILIPPVS SE IN VIAM DAT AD SOLITVDINEM, VBI SERVI SVI SAN-

ctitatem DEVS miraculo manifestat.

### CAPVT OCTAVVM.

**A**lexandrum Magnum, Macedonum Regem, (vt inter alios, in Historia S. Hilarionis refert D. Hieronymus) solitum accepimus, fœlicem prædicare Achillem, quod forriū facinorum suorum Homerum nactus fuerit laudatorem. Quod siue ambiciosissimus Iuuenis generis sui Authori inuiderit, siue ira senserit: immodicarum cupiditatem laudum non nisi ob ingeniosissimis fingendi, mentiendiq; artificibus satiari posse: nos certē Philippum nostrum, tantō ab hac vanitate alieniorem, quanto veriūs huiusce compotem voci, multō feliciorem meritō prædicauerimus, quippe cuius insignium factorum, non modō quinque supra triginta optimæ notæ Scriptores, sed ipse adeo æternæ veritatis, cœliq; interpretēs, Christi in terris vicarius, Paulus v. existit præco, in literis Apostolicis, quibus laudari illum in publicis Ecclesiæ officijs concessit, quarum pro re præsentī summa istis verbis

E

conti-

continetur. *Adolescens* (PHILIPPVS) *creſcebat, & confortabatur ſpiritu, & erat in deſertis, uſque ad diem oſtenſionis ſuæ ad Eccleſiam Dei.* Anno igitur ætatis 21. Philippus, eo, quem paulò antè deſcripſimus, ſolitudinis amore incenſus, cū Præſulis ſui literis Florentiã iter ingreditur ad montem Senarium (cuius partem nuper Congregationi Seruorum Deiparæ, nobiliſſima familia Stufenſium dono dederat) montem, qui velut præparatus mons Domûs Domini in vertice Montium, in medio ſex aliorum ſitus montium, cœleſtem verticem inferit nubibus, & cæterorum quodamodo Capitolum agit. Septem Primi Patres, Ordinis ſatores, hunc locum more Eremicolarum primùm habitare cæperant, ſparſis circa exiguum Sacellum, quod in ipſo montis iugo conſtructum erat, caſis, rudi opere ſic contabularis, ut cœlo, quod paſſim admittebant, ac pauperie illuſtriores eſſent. Huc ergo Philippus velut ad tranquillam portûs ſtationem delatus, cùm cœleſtibus grauem mercibus, mentis ſuæ nauem appuliſſet, iactis egregiæ conſtantiæ ſpeiſq; anchoris, multos per annos conquieuit, rationem vitæ exorſus, & poenitienciæ rigore & contemplationis ſplendoribus admirabilem. Itaque paternæ domûs Patricium, ſplendorem, ac dicta commodâ, cum ſylvarum horrore, & præruptorum aſperitate ſcopulorum, antriſque commutat. Nam cùm reliqui Patrum cellas incolerent, tabulis ut diximus iunctas, Philippus vnâ elegit factam naturæ manu, quam non abſimilem dixeris illi, quam in Sublaci Alpibus, Româ relictâ, ſibi delegit D. Benediſtus; nam quâ parte Senarius obliquè in Orientem ſolem, ſeptemque Triones ſpectat, & ad agrum, quem Mugellum hodie vocant, aſperum, & crebrarum ſtirpium inæqualitate hirsutum obuertiit dorſum, centum ſub ſacello paſſibus, Speculunca

*Quam bene commo-  
dis ſolitudinis uſus.*



lunca visitur per antiqua, quæ in montem effossa, arcam  
 dat, ad exigui cubiculi mensuram: altitudinis, mediocrem  
 Viri staturam (quali Philippum fuisse constat) non ex-  
 cedentis. Et si hoc nostro ævo vetustate, & hominum fre-  
 quentiâ attrita, in maiorem altitudinem excavata videat-  
 ur. In ipso Speluncæ aditu sinistrorsum ingredientibus  
 Arula se offert, cui supernè imminet salutiferæ crucis si-  
 gnum, rudi sculpturâ, in ipso excisum saxo; in rupis latere  
 erectus apparet lectulus, cuius in capite prominet ex  
 eodem saxo haud mollius ipsâ spondâ Cervical; breuium  
 somnorum conciliator. Hæc ara orationum, & con-  
 templationum Philippi Thimiamatis Altare fuit; Hæc  
 huius antri Arena; in quâ eos poenitentia, & spiritualium  
 laborum agones exantlavit, qui PHILIPPVM Antonijs,  
 Macarijs, Onuphrijs, & cæteris huius generis Athleticis,  
 suorum miraculis sæculorum, æquare potuerunt: hic  
 enim iungere noctibus dies, in oratione, & contemplatio-  
 ne rerum diuinarum, hic mistas delicijs cœli eiusdem in-  
 iurias, pluuias, niues, gelu, & amicam alpius reliquam,  
 intemperiem fortiter pati, hic herbarum stirpibus & geli-  
 dâ enecare quodammodo potius, quàm sustentare corpus:  
 ut Anima in Virgulam extenuata fumi, ex aromatibus  
 Myrrhæ & thuris, è deserto ad cœlum expeditius pene-  
 traret; hic denique omni alio damnato commercio, niti

*Et Exerci-  
tia.*

*Impetratus  
precibus  
fonticulus.*

Iuuenis studia quantopere Agonothetæ DEO probarentur, è sequenti prodigio intelligi potest. Dum Philippus in hoc solitudinis sequestro ita ageret solitarius, vt rationem vitæ suæ ad obedientiæ amussim exigeret, fieri nõ potuit, vt superiores solida ipsius sanctitas & merita laterent, quo factum est, vt de illo mittendo, ad alia Religionis loca, suo exemplo collustranda, cogitarent, quod vbi PHILIPPVS persensit, quanquam nihil obedientiæ haberet antiquius, ad precationem tamen se contulit, & in eâ enixè DEI benignitatem orauit, vt aliquâ viâ sibi manifestaret, quo vitio suo, minùs grati tolerati illâ sub rupe labores & puræ lachrymæ, aliaque inibi depugnata prælia Diuinis oculis displicuissent, vt propterea exauthorari, & illius statûs tranquillitate deiici mereretur. Vix orandi finem fecit, cum (mirabile dictu) implorati Numinis indulgentia, ad testandû cum ipsi Philippo tum omnium sæculorum memoriæ: longè aliter labores illius, agonésque ac lachrimas in cœlo æstimatas esse; contigit; vt ex illâ durissimâ, eâque pro reliqui montis naturâ, aridissimâ rupe limpidissimæ scaturiginis derepente fons erumperet. Vt perire non potuisse Philippi lachrimas DEVS ostenderet; hunc in hanc vsque diem perennem fontem dedit, qui ab authore nomen sortitus, fons B. Philippi appellatur, documento posteris futurus, pœnitentium lachrymis, durissima quæque mollescere, & quæ priùs fuere sterilia, hoc rigata humore, ad frugem corrigi. Huic Euentui affine quiddam, inter Gallica monumêta habetur de D. Caprasio Martyre. Is Maximiani Principis durissimo in Christianos tempore, suppliciorû exterritus metu, in auia solitudinis spelæum sese abdiderat, vbi cum se ex metu collegisset, pudere eum cæpit ignauia suæ, proindè ad preces conuersus

Deum

Deum vnice orauit, vt si illum tam gloriosi certaminis victoriâ dignum duceret, testatum id faceret, elicitò, ex illo saxo, sub quo latebat, fonte; quod cum illicò diuinitus contigisset, Caprasius, præceptâ in tam claro omine victoriæ dulcedine, animatus, Daciano Prasidi sese vltro stitit, & egregio certamine fortiter defunctus, de Tyranno triumphauit. Itaque vt ad nostram vsq̃ ætatem huius fama & nomen fontis D. Caprasij hoc prodigio perennat in Gallia, sic in Hetruria ad maiorem serui sui Philippi gloriâ, visum Deo est, huius & nomen & venerationem fontis, inde vsq̃ à quadringentis annis in hunc diem conseruare: & quidem in monte, cui naturæ inclementia ne vnâ quidem aquæ venulam concessit; vt exarescere in illo omnia necesse foret, nisi id illi cœlitus, id est pluuiâ, caueretur. Res plena miraculi est, quod fontis crater naturæ ingenio ad capacitatem decem aut certè duodecim sextariorum, in saxo excauatus, vbi ex incompetæ scariginis venâ repletus, exhauritur, illico ad summum alueoli labium exuberat, ibiq̃ arcano quodam imperio sistitur, vt non exundet; vt quoties vel totus, vel partim hauritur, è vestigio ad pristinam redeat plenitudinem. Digna memoratu res est, quæ sub ætatem accidit, Añ reparatæ salutis 1595. cuius siccitate cùm exceptæ cisternis pluuiæ aquæ exaruisent, toti Cœnobio Eremitarum nostrorum, quod in illo monte situm est, quotidianisq̃ hospitibus & fabris, ad quadringentos numero, qui tunc adificium in loco moliebantur, aquandis, vnus hic fonticulus abundè suffecerit, hoc perpetuo tenore haurientib⁹ identidem refusus: in quo, vt prodigiosum. Prophetæ Elisæi, suppeditatum hospiti viduæ oleum retulit, ita mirabilius, non vasis solùm sed temporì etiam resistit, cùm ad hæc

*Queque in  
eo prodigiosa.*

nostra tempora superstes, perpetuato miraculo hunc beneficium morem refundendi sese, nihil haurientium frequentiam morans, velut inuiolabile institutum seruet. Et verò ita conuenit, vt qui fons testis diuinitus datus est meritorum Philippi, idem de eorundem meritorum immortalitate fieret immortalis, & pro veritatis naturâ nunquam posset euacuari. Atque vtinam, quantum illo leni murmure tacitus innuit sanctitatis Philippi hic fons, tantò vocaliori aliquo illi sono loqui daretur, Cœli cum illo Antro consuetudinē, administratas indidem inquilino delicias, solaria, spectacula, monita, & familiares cœlitum congressiones, denique S.<sup>mi</sup> Anachoretæ nostri in illo, spectatoribus Diuis, partas victorias: suppleretur fortasse, quod industria humilitatis Philippi huic Historiæ subduxit, nec dubium est, quin exactum in illo spelæo quadriennium, vel solum, iustum volumen daret. Sed hoc omnium eorum (qui res Sanctorum, posteritatis bono, scriptorum commendant monumentis, factum est, vt nullos experiantur interuertendæ copiæ studiosiores, illis ipsis, quorum gloriæ maximè ire consultum volunt. In quo studio, vt Philippus nemini secundus fuerit, efficere tamen non potuit, vt sanctitatis illius splendor illas se inter latebras contineret, vt ea propter cum Superioribus egerit de ineundâ aliquâ ratione, quâ perpetuò inclusus, atque abditus aliquò, ex omnium hominum oculis ac memoriâ excidere posset, cuius ei postulati, ad Asceterium Senense, vt mox videbimus, transcripto, facta spes est.

B. PHI-

B. PHILIPPVS ADHVC SVB FRA-  
TRIS CONVERSI NOMINE ET CONDITIO-  
ne latens, Tyronibus Asceterij Senensis à P. Generali Ma-  
gister Præficitur, & detectâ eo in Itinere, Diuino consilio,  
illius eximiâ doctrinâ, sacris Ordinibus  
vel inuitus initiatur.

## CAPVT NONVM.

**C**VM annus, à partâ, partu Dominæ nostræ, salute  
1257. volueretur, & B. P. Bonaiuncta secundus Ordini  
nis Seruorum Generalis Prior, debitam Cœlo ani-  
mam reddidisset, in eius locum suffectus est P. Iacobus Se-  
nensis, vir in paucis, vel hoc ipso memorabilis, quòd prius-  
quam familiæ nostræ nomen dedisset, Societatem Lau-  
dantium D. Virginis, quam suprà laudauimus, & ortæ  
ex eâdem Societate, familiæ nostræ initia moderatus,  
fundamenta vtriusque operis iecerit talia, quæ, tantæ  
moli sanctitatis, per tot postea sæcula ferendæ suffecerint.  
Hic minimè rudis virtutis æstimator, PHILIPPI merita &  
sinceram sanctimoniam suis ponderibus librans, nihil-  
que in eo Conuersi conditionem moratus, illum Tyroci-  
nio Monasterij Senensis moderatorem Censoremque  
præfecit. In quo, quàm nihil P. Generalis errarit, leui  
occasione breui monstrauit Diuina prouidentia, quæ  
Philippum ad grandium operum molitionem inaugura-  
tum, iam demum in lucem protrahere, eiusque coniun-  
ctam cum, eximiâ Sanctitate, doctrinam, reiecto illo  
Habitûs Conuersi Velamine, cœlo monstrare, atque edico  
loco,

*Aliud a-  
gens, com-  
sib<sup>9</sup> prodr  
eruditio-  
nem.*

loco, unde in omnium oculos posset incurrere, collocare statuit. Idque in hunc ferè modum accidit. Philippus, ut narrare cœpimus, cum mandatis P. Generalis, viam Senas, socio quodam F. Victorio, ingressus, fortè inciderat in duos PP. I eutonicos instituti Prædicatorum, qui, ut erant egregiè ducti, functi quæ apud suos publicis vel docendi vel gubernandi muneribus, Reipub. suæ causâ Romam, petebant; hi Philippum ac socium, socios itineris nacti, quod Italicæ linguæ non essent gnari, latinè PHILIPPVM salutare, & pluribus affari cœperunt; quibus Philippus tantum tersè promptèq; respondendo satis fecit, ut non tam loqui, quàm cum lacte haustam latinatam fundere videretur. Patres allekti suavi eloquentiæ illecebrâ, alios ex alijs sermones ferunt, & inter alia de instituto PHILIPPI sciscitantibus, ille & nomen aperit Seruorum Deiparæ Virginis, & deinceps admirandam familiæ suæ originem narrat; ut videlicet viginti quinque ab hinc annis Diuino consilio factum sit, ut ipsa cœli Regina hoc institutum, condiderit, perfectæ quæ ei laude, ex ore Infantium & lactentium, nomen Seruorum fecerit idque Diuinæ prouidentiae maximè consentaneum fuisse; peracutâ atque eruditâ ratiocinatione subinfert. Nam, ut in Ecclesia Christi tot essent, & tam varij Ordines, optimis, ac sanctissimis legibus à diuersis excogitati Conditoribus, decuisse, ut vnus aliquis ordo esset, qui à Patrocinio, atque obsequio Magnæ Matris & nomen, & sanctimoniam sortitus, in emergentes hoc æuo, sectarios, qui omnem ubique pietatem, omni armorum genere abolicum atque excisum, ibant; incurreret, vnâ cum reliquis, & sic velut coniunctis doctrinæ, & sanctissimi exempli armis, DE I Ecclesiam, propulsatis hostibus, tegerent, ac tutarentur. Plura in hanc

senten-



sententiam locutus, mirum in modum delectauit Dominicanos, admiratione attonitos coniunctæ cum altâ humilitate facundiæ, ingenij cultu. Quem utique diuinitus ad tantam Diuinarum scripturarum lucem esse prouectum, inelligentes, tam ipsi, quàm socius Victor (huius Philippi doctrinæ hætenus ignarus) eum vnanimes inuadunt, & ut sacris se Ordinibus initiandum cures, hortantur, quò commodius in commune Proximorum emolumentum, ea Diuinæ largitatis munera cedere possint; Ad hæc modestissimus Iuuenis: se verò DEI afflatu, ac Deiparæ (cui se totum commiserit) cuncta dirigente, hunc in Religione seruitij statum, omnibus alijs præoprasse, respondit; & cupere in eodem usq; ad supremum vitæ spiritum perdurare. Cæterum sperare se, fore propediem, ut Religioni de claris viris prospiciatur, qui rei Christianæ fines & proferant, & tueantur; proinde illos etiam atque etiam orare se, uti ignoscere dignentur, quòd patientiâ ipsorum in audiendo abusus, licentiùs, fusiùsque locutus sit, quàm, sub oculis ipsorum Fratri Conuerso conuenerit: quòd si quid temerè exciderit, quod adeò plausû meruisse videri posset, de eo se ab ipsis silentij gratiam petere, quando obsequèdi ipsis, fallendiq; laborem Itineris studio potius, quàm vllum alium in finem sermo institutus erat. Sed frustra fuerunt hæ preces, nisi quòd id efficiebant, ut quò enixiùs adhibebantur, tantò magis conscij accenderentur ad prodendam hac etiam anxîâ humilitate commendabiliorem Philippi doctrinam. Igitur Senas delati F. Victor sub lætitiæ onere laborans, non potuit sibi temperare, quin illico, obuio cuique, suorum de Philippi doctrinâ & latinâ facundiâ, totaque rei in Itinere gestæ serie narraret. Idem nihilò segniùs facticabant PP. Prædicatores, qui Philippi sanctitatem &

*Clericalem  
dignitatem  
abhorret.*

*Recta e-  
ruditis ad  
Antistes  
ordinis de-  
ferunt.*



scientiarum præstantiâ, tum apud externos passim per urbem, tum apud ipsos Philippi Superiores mirè deprædicabant. Iam ipsum scientiarum arcam, iam sapientiæ Thesaurum, iam parem Diuo Stephano Protomartyri acclamantes, propter sapientiam & spiritum, quo loquebatur. His tam honorificis laudibus, quas minimè ex vano haustas veritas ipsa implebat, commoti Patres Senenses, detectas in Philippo dotes P. Generali perscribunt. Is fortè tum Romæ absens, Ordinis sui Confirmationem vrgebat apud Alexandrum IV. summum Pontificem, qui imperioso apparentis sibi B. mæ Virginis monitu, denique datis, binis Apostolicis literis, antiquato quodam Innocentij V. (quod obstabat) decreto, Institutum Seruorum primus Pontificum approbavit, eamque ob rem, familia nostra, & grati sui animi, & huius erga Marianos Seruos, beneficentiæ monumentum, ipsi statuam posuit, & apud D. Annunciatam Florentiæ dedicauit. Itaque delatæ Romam PP. Senensium literæ P. Generali benè gestæ apud Pontificem. Reipub, suæ lætitiæ non mediocriter cumulârunt. Perueniunt interim etiam Romam Prædicatores PHILIPPI duo illi ex Germaniâ Dominici, & promotionem eius ad sacros Ordines, haud secus, ac si rem suam ingenti operæ precio agerent, apud Generalem perurgent. Tribuit ergo communi bono, & tam grauium, ac doctorum virorum Autoritati, P. Generalis, vt Philippo seriò in mandatis daret, vt se ad sacros Ordines suscipiendos compararet; id quod ille post patratum, in illo omnium virtutum Domicilio pectore, Humilitatem inter & Obedientiam, longum certamen, cedente demum Humilitate, vt faceret, in animum induxit, pro vt deinceps videbitur.

PHI-

PHILIPPVS SENIS SERVORVM  
 TYROCINIO MODERATVS, FIT SACER-  
 dos; cui, reddita functionis suæ ratione, per occasionem  
 Capituli Generalis, primo sacrificio operanti, accinit  
 Cœlitum Chorus.

## CAPVT DECIMVM.

**P**ostquam PHILIPPVS toto biennio Senis versatus, non tam monitis salutaribus, quàm institutæ vitæ ratione atque exemplo, omnium verarum virtutum Archetypo, creditam sibi Iuuentutem, Diuino, quò ipse agebatur spiritu, impleuisset, ea quæ prius in animis moribusque Tyronum, ad viuum expresserat, in aliquot redacta capita, Concilio Patrum Generali, habito in monte Senario, anno Christi 1259. censenda dedit. Quæ, vt synce- rum illum Conditricis Virginis, & ab eâdem Religioni infusum spiritum suauissimè redolebant, ita ab illo Patrum consellu auidè accepta, atque laudata sunt, deinceps profundamentis Religiosæ Seruorum molis futura. Sed hæc interea Philippi industria, non ita se intra domesticorum limitum angustias continuit, quin ingenti cum fructu, Senensium salutem complecteretur. Ea illorum æuo potissimum periclitabatur intestinis Ciuium factionum, discordijs, quas Rex Manfredus, immodicis elatus successibus, ferebat, alebatque, vt Senensium viribus res Florentinorum, qui Pontificis partes sectabantur, attereret. Quorum perfidia, & virulencia consiliorum, postero aîno Montem Apertum ad Arbium memorabili clade nobilitauit. Hac opportunitate quantû operæ precij fecerit Philippus, lucrifactus, in illius turbidissimæ tempestatis iactatione,

*Pia studia  
 antefuscep-  
 tum Sacer-  
 dotium.*

ſpectatorum Virorum Catalogus declarauit, qui clariſ ſiſ facinoribus tanti ſe Patris legitimos filios, tantiq; doctōris haud abſimiles Diſcipulos poſtea præbuerunt, prout, copioſius res ab ipſiſ præclare geſtas proſequuti, Annales noſtri demonſtrant. Interea, operoſus MARIÆ Seruus Philippus, in Procuratione alienæ ſalutis, haud immemor ſuæ, ſi vnquam malis, tum verò hoc tempore in eam curam incubuit abſolutiſſimæ puritatis, quam par eſt Euangelici Sacerdotij inaugurationem antecedere. In hoc enucleatiùs, fuſiùſque docendo, vt multi ſimus, non videtur magnopere requiri; nam Philippus natus quodamodo, certè educatus, ab incunabulis vique, in accurato, eoque nunquam interrupto perficiendi interioris Hominiſ ſtudio, vt perpetuo poſitum in more habuit, omnes Diuinæ Gratiæ gradùs, atque incrementa, ſubactæ atque exaggeratæ mentiſ præparatione, quo ad potuit anteuertere, ſic qualem ſe in huius & honoris & oneris, Angelicis humeris formidandi, contemplatione geſſerit, cuius prouum cognitu fuerit.

Interea Prior Generaliſ promotiſ, atque digeſtiſ apud ſedem Apoſtolicam præcipuiſ Reipublicæ ſuæ moliminiſ bus, Comitia Generalia in monte Senario habenda, anno ſæculi huius Quinquageſimo nono edicit, eodẽmque Philip-pum, ab Epifcopo Florentino Ioanne Mangiadorio iam ſacriſ inaugurationum, nondum tamen operatum (quod ad id, humilitate contractus, ac reuerentiâ timidiſ maiorum imperia opperiretur) vocare placet: qui vbi adfuit, in comiti-um introductus, redditâ ratione præfecturæ ſuæ, quam Tyrocinio Senenſi nauauerat, poſtquam Venerando illi Patrum conſeſſui Tyronum ſuorum indoles, dotes naturę, propenſiones, & progreſſùs denique ſingulorum expoſuiſſet,

isset, quantum in Iuuentutis Religiosæ accuratâ, ac peruigili educatione situm sit, tum multis alijs, tum vel inde demonstrat, quod plerumque ex Tyrone colligi possit, quis qualisque Veteranus euasurus sit.

Patres, approbatâ Philippi, & operâ, & sententiâ, abeuntem ex Magistratu Nouitiorum, adeuntemque illud suum Senarij Antrum, in quo non ita pridem ipse ex Tyrone, spiritus sancti vnctione, breui emeritus Asceticæ Philosophiæ Magister extitit, cum latis Diuinæ Gratiæ appreciationibus prosequuntur; Vteretur ergo concessis diebus ad se comparandum, quò, quâ par erat, animi luce atque ardore, obiret id opus, quo nullum diuinius aut augustius contrectari à mortalibus potest. Parec Philippus, & ut id otium votorum tunc summa erat, ita eo tempore usus est, ut illius breuitatem cœlestium Gratiarum redundantia abundè suppleuerit; nam, cum peractis Comitijs, & rebus Ordinis publicis ritè ordinatis, Philippi Neomystræ sacrificio constituta dies, singulari Patrum, ob conceptam de Viri sanctitate opinionem, expectatione illuxisset, prodit ille ad aram ornatu Sacerdotali trabeatus, & vultu ac cultu reliquo, ex consortio sermonis DEI Diuorum alicui immortalium, quàm mortali homini similiore incedens. Itaque rem diuinam exorsus omnium Patrum animos oculosque tralucetibus collatæ diuinitus gloriæ splendoribus perstrictos, in dulces lachrymas & amplissimam, deliciarum diuinarum diuitem, contemplationem soluit. Iamque sacrificium ad Umbilicum erat, & peracta corporis & sanguinis CHRISTI Sacrosancta Consecratio; cum in illo Mariano Patrum Cœtu inusitatæ lucis irradiatio videri, mox, per nouos excessus animorum, librati in DEVM, corporis ac spiritûs imperiis, iidemque sursum su-

*Patrum in  
Capitulo ge  
nerali de eo  
existima-  
tio.*

*Primitiis  
celebranti  
Angeli ac-  
cumbunt.*

stolli cepti, non iam in sua potestate erant, sed raptu quodam absorptæ mentis, ex præsentè, in sacrâ Eucharistiâ Christi Maiestate, illius spiritu magis, quàm suo agebantur. Atque hiquidem motûs Prodromi erant admirandi euentûs, qui postea secutus, rei insolitæ admirabilem Coronidem inposuit; vix enim Seraphicus Neomysta noster, puris illis, & cœlo assuetis manibus DEVM panem Angelorum sustulerat adorandû, cùm ecce cœlestis concentus è sublimi, omnium, qui aderant, auribus affluens, mirâ suauitate insonuit, ter geminum illud, & spiritibus Seraphicis familiarè *Sanctus, Sanctus, Sanctus Dominus DEVS Sabaoth*, dignâ angelico artificio modulatione, ingeminans.


Quæ res, ut non minùs mirificè affectit illam piissimam Patrum Congregationem, quàm admissum olim ad similem cœlestis Beatitatis delibationem, Vatem dicam, an Euangelistam Isaïam, ita haud dissimiles motûs, atque effectûs in vtrorumque animis procreauit. Nam quemadmodum Isaïas refert, suos illos Seraphinos, sonoris atque altissimæ intelligentiæ vocibus (quæ illorum sunt vernacula) magnâ contentione Diuini amoris, se mutuò ad collaudandum Deum prouocasse, ter Sancto illo cantu; ita in illorum animis Sanctorum Virorum, qui huic Philippi sacrificio, eiûsq; Musicæ intererant, sublimiorem quâdam humano captu diuinæ Triados perspicuitatem, existimationemque ingenerauit. Præterea quemadmodum apud Isaïam vi atque efficacitate vocum Seraphicarum commota sunt superliminaria, ita illius Venerandi Senatûs moti in Deum, ac promoti animi sunt, & dilatata corda, trahace, atque efficace cœlestis illius concentûs dulcedine, quæ, quamuis esset sublimissima, & eâ effectas mentes sublatè proucheret, non secùs tamen, ac Isaïæ factum, cùm specta-

spectaculi sui diuinitate attonitus, dixit : *Va mihi, quia vir pollutus labiis ego sum* ; sic nemo Parrum illorum fuit , qui in clarissimâ illâ contemplationis luce, velut in nitidissimo speculo se ipsum contuens, nō sit falsus, indignitatem suâ, & se confessus peccatorē : atque adeò ipse Neomysta, cuius meritis, ac sanctimonix, festiuo hoc fauore cœlites applaudebant. Vt illi Prophetæ Seraphini, ad magnitudinem Diuinæ Maiestatis perculsi, sua sibi ora, atque oculos occultabant, sic obiecto sibi se, Philippus, qui in tantâ dignitate Sacerdotij, tātis ac tam augustis mysterijs operaretur, indignissimum se profitebatur. Verum, vt infimus humilitatis gradus, semper coniunctus atque connexus est cum supremo Exaltationis, ita admoto de Altari, cui adstabat, illius labris calculo, sub forcipe cœlestis panis comprehenso, omnia in eo mundata & mutata sunt, atque ipse etiam mutatus in virum secundum cor DEI, & in Diuinæ eius voluntatis luculentissimum Interpretem. Quo factum est (vt itidem contigit mutato, per calculum, Isaia, cum promptè se in omnia DEI obsequia paratum offerret, dicendo : *Ecce ego, mitto me*, & Dominus diceret, *vade*) vt Philippus paulò post totius familiæ Marianæ ductor, & Concionator Ecclesiæ vniuersalis Apostolicus constitutus, vtriusque dignitatem officij, non solum, factis æquauerit, sed multis etiam insignium decorum luminibus ita illustrauerit, vt hæc eius cum Isaia collatio, deque rei vniuersæ paritate ratiocinatio nostra, non debeat quæ sita ad ornatum historiæ otiosa digressio videri : quando familiariore iam DEO, hoc faustissimo Legis Gratiæ tempore, istarum cœlestium necessitudinum cum Diuis, DEI Amicis noui testamenti, quàm cum Diuis, Seruis

testa-




testamenti veteris, longè frequentior, longèque vberior  
 vsus, & communicatio esse solet. Certè ea sapientiâ, eâque  
 prudentiâ PHILIPPVS fortem, ac fidelem operam na-  
 uauit toti Ordini Seruitutis Marianæ, omnibus in illis Ma-  
 gistratibus, quibus postea functus est, tantâ, ac tam diuini-  
 tus collatâ potentiâ, in opere, ac sermone fuit, in obeundo  
 munere Apostolici concionatoris (quod nomen eâ ætate  
 magnæ & longè latèque parentis dignitatis fuit) quanta  
 argumenta admirabilium operum illo in opere ab opera-  
 rio fidelissimo in agro Domini præstitorum extiterunt;  
 de quibus, cùm deinceps frequens nobis sermo futurus  
 sit, eoque properet oratio, hætenus de cohonestatis cœli-  
 tus hisce comitijs Senarianis, & in ijs Neomysta PHILIPPO  
 nostro, ista non alieno, vt videtur,  
 loco retulerimus.



HISTO.





## HISTORIAE

VITÆ AC RERVM GESTARVM  
BEATI PHILIPPI BENITII

## LIBER SECVNDVS

BEATVS PHILIPPVS FACTVS GENERA-  
lis, se sistit Clementi Quárto summo Pontifici, qui  
suâ Auctoritate Electionem eius ratam  
facit habetque.

## CAPVT PRIMVM.



Actenus cum priuato PHILIPPO,  
inter haud dubia futuræ magnitu-  
dinis eius preludia versati, iam cum  
eodem ad Rei Seruitanæ guberna-  
cula admoto, vt in reperto Virtuti-  
bus eius patentiore Campo, paulò  
ampliora ordiemur.

Ita igitur, vt dicere instituimus,  
Sacerdotalibus Sacris initiatus Philippus, cum honoratæ  
hac dignitate humilitati suæ parùm admodum gratula-  
retur, vt nouis honoribus onerandam exponeret, Aucto-  
ritate (quam iam inde ab ingressu Ordinis pro lege ha-  
buit) Beati Patris Bonfilij de Monaldis, eius, quem suprà  
Septemuirorum nostrorum Principem laudauimus, in-  
ductus est. Is vocato ad se Philippo, pro more, quo cum  
semper in potestate habuit, vniuersi gregis Mariani diffi-  
cultates, & ardua confectum negotia, deinde suum, atque  
superstitum Collegarum fractum Senio robur, & hinc ori-

*Ad Pub-  
lica suspi-  
cienda of-  
ficia agè  
inducitur.*

Cæsennam migrat, editisque illi agræ Ciuitati leuandæ, aliquot mensium strenuo labore, egregijs spiritualis Beneficienciæ documentis, discedit.

Interea promulgata anno Christi Millesimo ducentesimo sexagesimo septimo Ordinis generalia Comitia Florentiæ habentur, in quibus Beatus Pater Manectus de Antellis, Vir è Septemuiris Ordinis satorib' vnus, eximie sanctus, ætate & multorû itinerum atq; austeræ vitæ laboribus prægrauatus, cum se Prioris Generalis Magistratu abdicasset, omnium Patrum suffragijs Beatus Pater Philippus Benicius, paucis, antequam superuenisset horis, in Priorem Ordinis Generalem (quod Reipublicæ Marianæ benè vertat, vt vertit optimè,) absens eligitur, anno trigesimo suæ ætatis, sed sanctitas suppleuerat ætatem Philippi: can enim erant sensûs hominis, & ætas senectutis, non annorum numero computatæ, Vita immaculata, & cummulata omnibus tanti muneris numeris, atque absoluta. Id verò vbi Philippus intellexit, inopinatæ rei horrore consternatus, B. P. Manecto Præsidi comitiorum, & electionis eius auctori ad genua accidit, & supplex infimis precibus, maiorem viribus meritisque hanc prouinciam deprecatur; se enim eò maximè, Religionem esse ingressum, quòd considerit sibi licitum, non solum priuato, sed seruo etiam omnium media stino viuere, eoque in statu, obedientiæ ac subiectionis suauissimis fructibus frui potius, quàm vt cuiquam in mentē veniret, vt se Seruitijs atque obsequijs natum destinatumque à Deo, imperijs in alios præposterè admoueret. Auerteret proinde DEVS, ac Domina Deipara, vt aliud ipse consilium, aliamuè, ab

*Eligitur  
in Generalem Ordinem.*

*Quod onus  
excutere  
tentans,  
diuinitus  
absterretur.*

hoc fixo semel animi decreto, sententiam, vel cogitationem in animum inducat. Quæ cum summâ contentione peroraret, resque eò esset deducta, vt hæc decretoria voluntas eius nullis conditionibus dimoueri posse videretur, Diuina providentia causam Religionis, & huiusce arbitrium controuersię suscepit, nam derepente, omnium, qui simul erant congregati, aurib⁹ vox allapsa cœlitus est, huius tenoris; Philippe, caue resistas spiritui sancto; Ego te elegi de mundo, vt sis custos huius gregis mei. Ea sententia perculso Philippo silentium deinceps, ac præfecturæ Generalis onus, honoremque imposuit. Itaque in supremum locum sublat⁹, postquam consedit, ipso habitu oris, & specie quâdam, quàm pro humanâ, augustiore, magnos in omnium astantium animis admirationis, venerationisq̃ue morûs concitauit. Deinde vehementi quodam mentis excessu, in admirationem raptus benignitatis, ac providentiæ Diuinæ in religionem, exhortationem

*Psal. 32. exorsus est ab illis Psalmi verbis: Exultate iusti in Domino, rectos decet collaudatio.* In eâ, commendatâ Patribus Diuinarum laudum celebratione, ad inuicem. Constantiam, in accepto, per septembiros, instituti nostri auctores, spiritu, mirificè omnes cohortatus est: hos, eos thesauros esse asserens, in quibus Deus posuerit altissimæ sanctitatis ac scientiæ abyssos. Tum acerrimâ peroratione, in

*In inauguratione concilio Trid.*

Religionis perturbatores, desertoresq̃ue arrepti semel propositi inuectus, illud Rēgij vatis, *Dominus dissipat Consilia gentium, reprobat autem cogitationes populorum & reprobat consilia principum:* in factiosum hoc & ambiciosum hominum genus, tam diuinè exposuit, vt nō modo in hac Concone extemporalī, sed in alijs etiam multis, quas eodem modo super psalmos, incredibili spiritûs imperu, atque

enr-

energiâ, varijs occasionibus instituit, multi optimæ notæ  
 scriptores, id in eo mirati sint, quod in Diuo Gregorio  
 Nazianzeno quondam veneratus est vniuersus Oriens,  
 quod nullus videlicet vnquam in illis Censuræ locus fue-  
 rit. Receptis de hinc adici magistratûs Insignibus (quæ pro  
 illius æui more, virga censoria, & sigillum Ordinis erant)  
 inter gratulantium Patrum obsequia, & significationes  
 solitas subiectionis; tot honoribus suis, solus Philippus se-  
 cum tacitè ingemiscens, magnas animo curas ex amica-  
 rum alioqui Virtutum, Humilitatis & Obedientiæ confi-  
 ctu, vt ex mæsto vultu colligi poterat, concoquebat. Per-  
 actis in hunc modum ritibus, qui Generali inaugurando  
 adhiberi solent, ex more ei socius siue collega adiungitur  
 P. Lotharingus Florentinus è Gente Patruicia Stufensi, quæ  
 Philippus ipse magnam in spem, ab adolescente in Reli-  
 gione educauerat; vir, in quo generis claritudo, & eximie  
 literaturæ præsertim politicior præstantia, cum vitæ inte-  
 gritate, suauitate morum, & grauitate prudentiæ, ex æ-  
 quo certare videbantur. Itaque confectis omnibus, vbi  
 Philippus sibi redditus, solus acquieuit, cepit seriò reuol-  
 uere animo, & cogitare, quantâ Charitate, quantâque  
 opus prudentiâ sit ad tot homines Religiosos, quorum Pa-  
 stor tam ex improviso euaserit, ad vitæ æternæ pascua in-  
 offensè deducendos. Etenim, vt erat vir sanctus, exemplo  
 optimorum operum, quàm authoritatis supercilio, aut  
 splendore verborum efficacior, ex regulæ nostræ præ-  
 scripto, apud se statuit, imitationem, quàm obedientiam,  
 & amorem potius, quàm timorem à fratribus suis exigere.  
 Hinc omnibus benignus ac facilis, sibi asper ac durus, sibi  
 parcus, alijs liberalis, comis, ac plenus visceribus miseri-  
 cordiæ: longè aliter ac solent aliqui, qui velut armati, po-

*Gubernan-  
di modus,*

testatis flagello, bonam frugem ex subditis, vi atque asperitate extundere, id demum, cum laude, ac verè præfisse, præposterè arbitrantur. Vnde omnem vitæ suæ rationem, hoc in honore, ita instituit Philippus, ad reliquorum disciplinam, vt primus aggredieretur labores, vltimus cessaret; alij fructibus commodisque Dignitatis eius fruerentur, sibi onera atque incommoda reseruaret: ac nihilominus seruum se inutilem, in tam sancto more (quem ille debitum existimabat) reputans, addebat his omnibus, vitæ singularem rigorem, & humilitatem, quâ inter suos tam præstante fuit, vt singulorum fratrem potius, ac socium, quàm Antistitem aut moderatorem præferret. Ac tametsi sub inici officij principia, multis grauibusque negotijs adurgeretur, conficiendis itineribus, instituendis Visitationibus, orationibus ad populos habendis, reuocandis ad salutis viam errantibus, solandis in mæore iacentibus, Ciuitatibus ac Prouincijs in mutuam gratiam reducendis, denique commissis sibi à principibus viris, à Pontificibus, ab Imperatore, mandatis obeundis: tamè quâ licuit, nunquam Choro, nunquàm asceticæ vitæ exercitationibus, aut die aut noctu absuit; atque id dispendium (si modo dispendium) admirabili industriâ, ac dexteritate tractandarum rerum, quâ mirificè pollebat, facilè & compendio compensabat. Quibus in omnibus, id vnicè agebat Philippus, vt Pax toto orbe inter Christianos coalesceret, ad Ecclesiæ Chatholicæ obedientiam cuncti redirent, & concordibus armis animisque, terram, Seruatoris nostri vitâ mortèque sacratam, ex Othomanicâ Seruitute, in libertatem vindicarent. Sed hæc deinceps ex historiæ serie enteleatiùs viderimus; quibus vt Philippus initium daret, vbi ab Episcopo Florentino Joanne Mangiadorio (qui Ardingo

*Eius sãu-  
lit as & vi-  
sa rigor.*

dingo illi Primario Ordinis Servorum Patrono virâ fun-  
cto successerat) in officio est confirmatus (id enim fieri ab  
Episcopis in talibus Electionibus; Urbano quarto summo  
Pontifici placuit, quòd difficiles illâ tempestate, longique  
ad summos Pontifices aditûs essent) Philippus tamen si-  
stere se Clementi 17. Pontifici maximo, nihilo secius sta-  
tuit, non tam vt stabiliretur eius auctoritate in suscep-  
to magistratu, quàm, vt eius auspicijs atque authoritate Di-  
uinæ Vicariâ, res deinceps gerendæ vim tantò maiorem,  
atque momentum haberent, & de incrementis (quod i-  
dem Pontifex demandârat) Ordinis Servorum, eiusdem-  
que in diuiniore literatura, ac potissimum in studio lin-  
guarum Græcæ Hebraicæ, Arabicæ & Caldææ progressi-  
bus, Sanctitati suæ exactam redderet rationem, ac sicubi  
etiam Servorum Deiparæ operâ in propagandâ, aut pro-  
pugnandâ fide, vti vellent, sciret, eos esse paratos, atque in-  
structos ab omnibus, quæ ad missiones requiruntur. Et  
commodum per id tempus acciderat, vt ab Rege Tartaro-  
rum, (quem alij Chamum alij Cabilam vocabant) legatus  
ad Pontificem adesset, purpuratorum eius Regis, ac pro-  
cerum Regni facilè Princeps, Coyatulus nomine, qui Re-  
gis sui verbis, per interpretes Veneros, ab Sede Apostolicâ,  
Euangelij Præcones, in id Regnum destinari efflagitabat.  
PHILIPPVS id tempus esset rursus, DEVM sequendi, ac gra-  
tificandi Pontificis voluntati, & denique etiam insigni  
occasione ampliandi Religionis nostræ fines, succensus  
Diuinæ gloriæ salutisque animarum Zelo, summi Ponti-  
ficis genibus aduolutus, aliquot sui Ordinis Alumnos, ad  
eam expeditionem obtulit. Habitus est à Pontifice Philippus  
humanissimè, eiusq; tam proluxâ de Ecclesia Dei bene me-  
rendi voluntate, in illo Purpuratorû, aliorûmq; Præsulum  
confes-

*Pontifici  
se sistit,*

*Cui in Tar-  
tariam E-  
uangelis  
præcones  
offert,*

confes-

confessu, magnificè collaudatâ, agnouit: famam, quæ de eo iam tum, cum collega esset Manecti Generalis, Romam impleuerat, veritatem sanctimonix illius vix æquasse. Cæterum, quæ confecta Philippus volebat, à Pontifice Cardinali Orthobono Fiesco Innocentij IV. Nepoti, ac secundo Protectori Ordinis Seruorum demandata sunt, qui & Philippi ex Pontificis autoritate Electionem approbavit, & vnâ cum illo de idoneis viris, in expeditionem Tartaricam, cuncto oratore Coyotulo legendis, transiegit. Ea res auspiciatissimis initiata principijs, non nisi felices successus videbatur pollicerimam postquam illis Apostolicis viris, & futuræ inter Barbaros Ecclesiæ, luminibus, Ecclesia Romana bene precata esset, Populusque Romanus eos optimis omnibus esset prosequutus, opportunè, vbi Venetias peruenerunt, stantem in anchoris Classem, ac vela propediem ventis daturam nacti, eam conscendunt, &, quod felix faustumque sit, vt ad Scythas appulerunt, suam quisque, vt erant antea digestæ, fortiti, prouinciam, operi se destinato accinxere; in quo quàm strenuâ operam nauarint Serui Deiparæ, vel inde liqueat, quod longè lateque per Asiam toto Tartarorum Imperio, atque adeo in ipsa Orientali India, siue quæ extra Gangem fluuium est, Colonias deduxerint, quas ad nostram vsque ætatem, vel omnes, vel pleraque obtinent: nam cum aliquot annorum centurijs, nihil certi de nostris comperit, tam vasto terrarum tractu diuisis haberi posset, demum anno à partâ salute 536. supra Milesum quidam venerabilis Pater Anastasius, ex alto, Venetijs portum tenuit, cum tribus socijs, nostro Europeorum Seruorum, prorsus habitu. Is Romam ad Paulum Tertium (qui Ordini nostro mirificè fauebat, eoque P. M. Dionysium Laure-

*Ex quibus  
successio*

rium



*adhuc in-  
illis Plagiis  
superstes.*

rium Beneuentanum, Cardinalem S. Marcelli, creauerat) perductus, omni beneuolentiæ genere exceptus est, impetratâ etiam quarundam pro illis partibus legum pontificiâ approbatione. Referebant isti: per antiquâ memoriâ, permanus acceptâ constare; Ordinem Seruorum suis in oris, ab iis Patribus satum; qui à B. P. PHILIPPO, aliquot antè sæculis, eò missi fuerant: cæterum, procedente deinde tempore, copiosiore hominum ac cœnobiorum numero, magnis incrementis propagatum, inclaruisse in illis regionibus. Non tam noua, quàm iucunda Pontifici, cæterisque, qui admissioni hominis aderant, ea uisâ narratio est, poterântque aduenæ Patres, ex missorum quondam numero, reduces uideri, còque illos septem Iuuenes, aliquot sæculorum dormitatores, referebant, adeò recenti memoria, ex remotissimis orbis partibus, uelut ex longo exciti ueterno, res ante aliquot gestas ætates, denarrabât. Anno item postea allatâ salutis 1600. alij aliquot, eodem cultu uestium, ac nomine Seruorum, iisdem ex partibus, Florentiâ iter Romam habuerunt, ad sacri subilæi munitiam consequendam. Sed quod paulò clariùs euincit, quantâ, & famâ & operâ, tametsi absens, Diuinæ gratiæ aspirante fauore, Philippus inter illas Barbaras gentes effecerit, ualueritque, memorabile est, quòd cùm anis proximè superioribus, Æthiopes etiam sèculares Florentiam uentitassent, uix ingressi urbis pomeria, quâ nutibus, quâ signis alijs, quod Italicè nescirent, utcunque Domum B. Philippi, viâ Guicciardina, ab obuijs inquirerent, uelle sciantes, effigiem B. Philippi, quæ in eâ Domo asseruetur, quæque proximè ad Prototypon accedere dicatur, uenerari; quam utique Domo suâ allatam Religionem, non nisi à nostris hominibus, quos in Patria habebant, hausisse,

H

creden-

credendi sunt. Atque hic quidem huiusce, in Asiam expeditionis euentus fuit, cætera ab illis Patribus præclare gesta, distantia locorum, & commercij, cum ijs gentibus raritate, interciderunt. Porro summus Pontifex perspectâ, in hac Seruorum, ad propagandam fidem exhibitione, egregiâ in DEI Ecclesiam, Philippi mente, cum quoque Apostolicum Concionatorem creat, quem ille siue honorem, siue onus, eò libentius suscepit, quod animo iam statutum haberet, visitatis Italix Conuentibus, ad Occidentas, ac septentrionales Provincias proficisci. Ex his in speciem perplexis ambagibus haud obscure liquet, fuisse planè opus Diuinæ providentiæ, curæque de suis Deiparæ Virginis, quod Vir sanctus ita ex inopinato, & tempore tam opportuno, coactus sit rei nostræ publicæ habenas capeffere; quando fatiscentibus senio, ac laboribus primis ac præcipuis Seruitanæ familiæ columinibus, nihil propius aberat, quàm vt vitium aliquod nouæ fabricæ machina faceret: si succedaneo fulcro caruisset; namque sub hoc ipsum tempus, vt paulò ante memorauimus, Beatus Pater Manectus Generalis, plenus dierum, laborumque, magistratu se abdicauerat; Beatus Pater Bonaiuncta decesserat: eumque in Cœlum secutus fuerat primus septemuirorum & Choriphæus Bonfilius, Beatus quoque Pater Amideus, varijs ac tenacibus morbis confectus, alijsque multis exercitus acerbitatibus (quos inuidiâ semper animi altitudine, non modò tolerabat foriter, sed etiam, cum Apostolo gloriabundè) ad æternas amoris delicias percipiendas in cœlum receptus est. Fuit Beatus Pater Amideus (vt tanti viri memoriam obiter ab interitu vendicemus) præter illustrem generis splendorem, summâ prudentiâ, & rerum gerendarum dexteritate præditus,

*Philippi  
Generalis  
rus quàm  
Religionis  
commo-  
dus.*

*B. P. Ami-  
dei men-  
tio.*

rus, quibus alijsque dotibus, haud mediocri vsui, & adminiculo fuit in Religionis primordijs Beato Bonfilio, qui eo adiutore arduis semper in rebus vsus est: quoad succumbente laboribus, atque actæ ætati corpusculo, impar publicis negotijs factus, inter forissima patientiæ exempla ac documenta constantiæ, CHRISTVM, spei suæ scopum & diuturni Seruitij Authoramentum præstolabatur. Eius singularis sanctimonia (cuius magnam domi forisque opinionem collegerat) & publicâ famâ, & rebus admirabilibus, quæ diuinitus circa illum contigerunt, asserta est; in quibus illud in primis est memorabile, quod incustoditus Infans in puteum (qui est ad pedem montis Senarij) prolapsus, cum indidem esset extractus exanimis, & viro DEI exhibitus, eum Viuificæ crucis impressione, vi-  
sæ ac Parentibus restituit.

Nec illud minùs illustre, absolutæ eiusdem sanctimonix, & eximij in DEVM amoris, ex bonorum operum odore collecti, argumentum fuit, quod illò animam, iam cœlo inferendam, agente, toto Senario monte suauissimi odoris fragrantia extiterit: & simul atque expirauit, magnus flammæ globus à præsentibus, & rei miraculo attonitis rectâ è lectulo eius Cœlum petere visus sit.

## PHILIPPVS PRIMAM VISITATIONEM COENOBII ARETINI INSTITVENS,

Patres, per annonæ caritatem, inediâ penè cencos recreat, pane Diuinitus impetrato.

## CAPVT SECVNDVM,

**R**epublicâ ita, vt diximus, apud Pontificem Clemen-  
tem quartum, Constitutâ, eiusdemque salutaribus

*Publica  
Aretina  
urbis &  
privata Cō-  
suetus Ca-  
lamitates.*

monitis, & benedictione animatus Philippus, Vrbe veterē discedens, Aretium iter ingreditur, vbi diuina prouidentia, quæ illius opēram magnis molitionibus destinabat, materiem, sanctitati eius ac meritis patefaciendis, præparauerat; quò vbi peruenit, eius loci Conuentum visitaturus, & Conuentum ex inedia & urbem ipsam ex discordijs redactam ad incitas inuenit; nam Guelphi in eâ atque Ghibellini, mutuâ inter se lanienâ debachantes, Diuinâ humanâque omnia miscebant; eoque vesaniæ progressa partium studia sunt, vt non modò alternis internecionibus, sese ferro conficerent, sed etiam flammis facesque relictis subijcerent, agris, corruptâ messe, vastitatem afferrent, arbores frugiferas inciderent, alijsque sexcentis modis, ciuilia odia, in mutuum excidium, omnibus Barbaricæ hostilitatis exemplis, nobilitarent. Prorsus vt arenæ Larualium Furiarum, inter se infestis radis concurrentium, quàm Christianæ Ciuitati similis tunc Aretium esse videretur. Ex quo; quod erat necesse, consequebatur, vt Ciuilis belli clades, ingens frugum inopia, & omnium rerum caritas exciperet; cuius acerbitas cò PP. nostros adigebat, vt si DEVS in tempore suis laborantibus non affuisset, vel desererent peramantem sui Ciuitatem, vel certè in vestigio extinguerentur fame; quæ B. Patri cò, præ alijs locis properandi causa fuit. Itaque vbi ad Cœnobium delatus, omnes in conspectu habuit, & eos, vt erant exanguēs, & tabidi, & longâ inediâ propemodum extincti, sic vt viua quædam, & vix ossibus hærentia cadauera, & manes hominum potius quàm homines videri possent, pius Pater est contemplatus, tam fædo suorum spectaculo intus sensibus ingemuit, & illicò de ope circumspiciendâ (neque enim præsens periculum moras ferebat) cogitare cepit.

*Subleuata,  
diuinitus  
impetratâ  
annonâ, à  
Philippo,  
inopia.*

cæpit. Ergo more consueto instrui Triclinium, & apparari mensas, deinde se omnes in Ecclesiam sequi iubet: ubi vnâ omnes, ante augustissimum Eucharistiæ Sacramentum, ac B. mæ Virginis effigiem aræ maximæ, in preces affusi, aliquamdiu tacitis & collectis in DEVM mentibus orantes, solum hæserunt, donec Philippus, rupto illo, ad fleendum DEVM eloquente silentio, spiritus exuberante, feruore, in has voces erupit. Clementissime DEVS, qui in auijs quondam solitudinibus, vndique destitutum populum tuum, filios Israel multifariam pauidisti, & Extorrem Eliam vatem tuum, sub Iunipero fatiscentem, cœlesti cibo recreasti, Turbas, sequaces tuos, incremento misericordiarum manuum tuarum, in monte satiasti, militibus tuis Paulo atque Antonio per Coruum annonam duplicasti, & ministerio Angelorum tuorum, Mariam Magdalenam prodigioso pane nutriuisti, non committas, oro, vt serui tui, in te sperantes, fame confecti intereant; & tu Domina S. ma Cæli Regina, & afflictorum Consolatrix, per ego te lac illud, quod diuinitus tuo ex virginico pectore fluxit, & pauit eum, qui omnia pascit, oro, quæsoque, ne tuis, in hoc præsentis periculo, ad optiuus filijs desis, quos adhuc vsque tempus, semper texisti, & fouisti singularibus, præcipue in illos curæ ac sollicitudinis tuæ argumentis. Nondum desierat hæc aliâque his similia in mentis abreptæ excessu: cum à foribus Monasterij inuisitatus fragor, velut vrgente de causa pulsantis, omnium auribus allabatur. Accurrit festinè Ianitor, fores recludit, neminem mortalium reperit, reperit tamen missum diuinitus longo malo obsessis, com meatum, duo bene capacia canistra, panibus eximij candoris plena, & attonitus renunciat, fixo adhuc in oratione Generali ac Patribus, quod accide-

H ;

rat:

*Comparata ex diuulgato miraculo sanctitatis opinatione ad fidam Verberum vritur.*

rat. Illi cum Antistite suo, & authore miraculi, in gratiarum effusi actionem, postquam De i ac B. mæ Virginis benignitatem ac providentiam suppliciter adorârunt, mensæ, ijs panibus instructæ, quorum & suauitate ab longâ inediâ, & admiratione, ob miraculum animis corporibusque recreandi erant, læti stupentésque accubuerunt. Neque ab eo deinceps tempore eguerunt, ciuitate etiam è vestigio annonæ malignitate leuatâ. Eius fama miraculi, cum, multis & secundis populi admurmurationibus vulgata, ad Præsulem Aretinum, qui tunc erat Guilielmus Verberinus, peruenisset, is re, ex officio, & cum curâ, examinatâ, id admirabile factum Philippi meritis ac sanctimoniam censuit esse adscribendum. At Philippus perpetuus osor cenodoxie, isto in se applausu contrahabatur, & in caput mali Dæmonis retorquebat auræ popularis pericula; quippe cuius secundis flabris vteretur ad traducendum, ad saniora Consilia, melioremque mentem ipsum vulgus, quemadmodum Aretini suo bono experti sunt; nam paulò post Philippus, auctoritate subnixus Pontificij concionatoris, & recentis miraculi famâ celebris, publicis concionibus, priuatísque colloquijs, Aretinis, præsentia instantiâque ex discordijs mala, ita ad viuum ob oculos posuit, vt licet potentiorum ciuium aliquorum animi vindictæ adhuc cupidine tenerentur, tamen auctoritate PHILIPPI, concordia pietatisque fundamenta esse iacta, appareret, quòd in posterum vulgò multa publica emendationis argumenta ederentur.

PHILIP-

## PHILIPPVS IN CAPITVLO PISTORII CELEBRATO, ORDINEM SERVORVM,

nouis legibus constitutum, ad exactam

Religiøsæ Reipublicæ formam  
reducit.

## CAPVT TERTIVM.

**P**Eractâ, tam præclaro ad nominis PHILIPPI celebritatem operæ precio, visitatione Conuentûs Aretini, & cæterorum, qui rum in Hecurriâ erant: Philippus, constituto die, Patres, quibus suffragandi in Capitulo, ac dicendæ sententiæ ius erat, Pistorium conuocat, vt de communi consilio, omnium opinionibus in medium allatis, exactiores aliquæ leges conderentur; proinde exorsus ab illo Psalmi 118. versu, *Beati immaculati in via*, admirabili *De Constitutionibus* facundia, momentis que grauissimis, demonstrauit: leges *condendis* diuinas vnicum præsidium esse, & columnen hominibus *ad Patres* Religiosis; ac proinde tamen si Religio, ipsis trigintaquin- *in Conuen-* que annis suauissimâ charitatis lege, in cordibus exaratâ, *tu generali* septemvitorum fundatorum, prudentiâque & industriâ *refert.* B. Bonfilij primi Generalis administrata sit, adiunctis quibusdam legibus, ex opportunitate latis ab successoribus Generalibus, conuenire tamen magnopere, vt iustum volumen veterum nouarumque legum, ac salutarium statutorum fiat, sub nomine Constitutionum Ordinis Servorum, cum ipse iam ordo à summo Pontifice approbatus, numero hominum, locorumque, plurimum auctus, necessariò requirat formulam, quâ similitudo æqualitasque morum, ac ceremoniarum, vbique æquè seruanda, constituatur. Itum est ab omnibus, qui congregati totâ frequentiâ aderant, in B. P. sententiam, eiq; ipsi negotium datus



datur scribendi, digerendiq; eas leges, vt maximè de Re-  
 ligionis esse perspexerit. Philippus breui rem confectam  
 dat, tam quòd autoritate summorum Pontificum Ale-  
 xandri 1 v. Urbani 1 v. & Clementis 1 y. Religioni facta.  
 iam fuerit, cogendi Conuentùs, siue Capitula, & conden-  
 di leges potestas, tum etiam quòd ex longo vsu Conui-  
 ctùq; Primorum PP. & ex priuatâ ipsius, quæ ei diuinitus  
 contigit, illustratione, adumbrata animo, ac iam pene ex-  
 pressâ eius rei lineamenta haberet. Igitur paucis diebus  
 vniuersi Instituti formulam, ad certa capita redactam,  
 digestamque, venusto ordine in tres partes (quarum pri-  
 ma decultu Diuino, altera de bonarum literarum studijs,  
 tertia de Asceticorum morum decoro, & bonorum, siqua-  
 erant, administratione tractabat) suâ descriptam manu,  
 Patribus eius Capituli conscriptis, censendam, maturâque  
 deliberatione discutiendam dedit. PP. vbi eam animis  
 manibùsque satis versarunt, non modò eam sanciuerunt,  
 sed etiam libentissimis voluntatibus acceptatam, in mo-  
 res atque in exercitium quamprimum, vt induceretur,  
 statuerunt, tantæque sanctitatis eæ leges semper sunt ha-  
 bitæ, vt à morte Philippi, publico decreto sancitum sit, vt  
 in singulis Conuentibus, singulis Mercurij ac Sabbathi  
 diebus, ad mensam vnâ cum opusculo, quod de origine  
 nostrâ idem ipse B. P. conscripserat,legerentur, atque ad  
 hanc nostram ætatem, huic formulæ, magna ex parte  
 constitutionibus nostris modernis insertæ, sua autoritas  
 ac veneratio constet. Atque hoc tam feliciter obitum Le-  
 gislatoris munus (vt boni Authores opinantur) aliquos  
 primæ notæ Scriptores in eum errorem induxit, vt putâ-  
 rint, scriptumque reliquerint: Philippum, Ordinis Seruo-  
 rum esse authorem, ac primæum Fundatorem; in quo  
 tamen

*Quæ ex  
 reliquorū  
 mandato  
 ipse Con-  
 ficit.*

*Cur aliqui  
 eum Ordi-  
 nis Seruo-  
 rani autho-  
 rem existi-  
 mant.*

tamet si toto, vt dicitur, cœlo, clarissimo errore lapsi sint, (quod ex huius historiæ Annaliumque nostrorum tenore conficitur) tamen excusatione digni videntur, quod à vulgi opinione, & quorundam illius æui scriptorum, qui idem non satis accuratè examinatum, monumentis suis temerè inseruerunt, in eam errandi necessitatem inducti sint. Etenim, vt passim increbuerat: quendam Philippum Benitium Florentinum, virum præstanti doctrinâ ac rara sanctitate, suam quandam Seruorum B.<sup>mæ</sup> Virginis Religionem claritudine prædicationis, & admirabilitate miraculorum, intra extrâque Italiam, per varias orbis partes propagauisse; fama, quæ pro ingenio suo omnia in maius effert, & crescit eundo, ad verissimas atque ingenuas Philippi laudes, decus conditæ Religionis temerè de suo adiunxit. Nam, vt quisque de ingentibus Religionis incrementis inaudiebat, quæ illis duobus de triginta annis, (quibus ei B.P. præfuit) cernebantur, vtque omnia omnes Philippo meritò referrent accepta, vt, cuius operâ, aucta, nouis Cœnobijs, ornata insigni doctrinâ, stabilita ac constituta optimis legibus, denique confirmata atque relata in album Mendicantium Ordinum per diuersos Pontifices Religio fuerat, factum est, vt inumbratâ paulatim per tot decora septem Primorum PP. famâ, ac rerum gestarum, gloriâ, totius gloriosi operis, fundati Ordinis opinio in vnum Philippum inuitum, inclinaret. Quibus ex omnibus, Diuina erga hanc Religionem prouidentia mirè tralucet; nam vt illi principium, ex Diuino oraculo, nomen, ex mutuo alioqui infantium ore, Habitus ab ipsa B.<sup>ma</sup> Virgine, vti & Regulæ præscriptio contigit, sic constitutiones ei per virum DEO <sup>afflatum</sup>, partæ sunt, vt nullâ, nisi diuinitus acceptâ parte constare, eam omnibus sæculis testatum relinqueretur.

PHILIPPVS ACRI, DE ABDICAN-  
DO GENERALATV, TENTATIONE SOL-  
licitatus, Interulâ sibi detractâ Elephanticum  
vestit, & è vestigio curat.

## CAPVT QVARTVM,

*Quàm va-  
rie Philip-  
pus deposi-  
tionem sui  
officii vrese-  
rit.*

**I** Actis hisce, ac sæliciter ita stabilitis, bonarum Legum  
fundamentis, cum satis in præsentia communi rei pro-  
spectum, caurumque esse videretur, vt à quouis Ordo duci  
iam, & obseruari eâ disciplinâ, res prosperè geri possent,  
PHILIPPVS, pro perpetuo suo in solitudinem amore, ac  
latendi votis, seriò secum de abdicando Generalatu cogi-  
tare capit, eiusq; rei aliquoties iniectâ priuatim mëtione,  
denique etiam in hoc Pistoriensi Patrum Concilio, omni  
ope egit, vt id assequeretur, ac primò quidem agens Iure,  
licere id sibi contendebat, per legem, in omnium primis  
comitijs Generalibus, Florentiæ habitis, 1255, factam, qua  
integrum esse Generali decretum fuerat, Vigiliam suam  
alteri tradere, seque in ordinem redigere, ad pristinam,  
priuari conditionem. Deinde ad preces conuersus, se, an-  
te illum omnium PP. confessum, humi prosternit, còsque  
enixè orat, vt, quod sibi per leges liceret, id etiam eorum  
cum bonâ veniâ ac pace liceat: se iam per añum integrum  
functum hoc magistratu, periculû fecisse, corporis animi-  
que virium suarum, & comperisse, tenuitatem earum, tan-  
to muneri gerendo imparem esse: proinde quoniam ip-  
sorum PP. confessione, latis modò legibus factum ipsis sa-  
tis sit, vellent, annuerentque, vt qui eas leges illorum iussu  
collegerit, eas primus parendo obsequendòque sancirer,  
sin aliter animari essent, denunciare, se nullis conditio-  
nibus adductum iri, vt in potestate persister, habere præ-  
sidium

fidium allatę paulò antè legis, quo sciat, neque sibi id fraudi, neq; illis offendiculo hoc eius consiliũ esse posse. Hęc atque his similia, quã erat præditus Diuinâ facundiâ, cùm Philippus ingēti spiritu disseruisset, incredibile est, quãto animorum motu cunctos, qui aderant, perculerit. Tamen si in re ancipiti ac repentinâ neque DEVS Patribus, neque ipsi sibi Patres defuerunt; quippe ille idem consensus, qui in eo deligendo fuerat, vnus omnium in eo retinendo fuit; eique vicissim, Consentaneis animo vocibus, neque assentire se, palam denunciant, neque ipsum nisi cum vitâ depositurum Magistratum. Perstitit tamen in sententiâ Philippus, & eloquentiâ ac precibus consumptis, lachrymas & alias rationes quantas, & quàm exquisitissimas solerti Humilitatis ingenio excogitari possunt, flectendis Patrum animis nequicquam admouet; illis, obfirmatis sententijs, nihil mutantibus. Ita illo die ex eo certamine Philippi Humilitas, & Patrum Charitas, neutrò inclinatâ victoriâ, discesserunt. Sed cùm Philippum interea auctissima tentatio, speciosis laruata rationibus, in omnem partem miro artificio versaret, ac maioribus ex repulsâ incrementis recrudesceret, in eâ spe acquieuit; fore, vt per occasionem adeundi Pontificis Maximi, inter alia, quæ impetrata volebat, hanc quoque causariam missionem impetraret. Fuit sanè hæc omnium, quæ vnquam illam inconcussam Philippi mentem pulsarunt, facillè callidissima, ac periculo proxima tentatio, nam & Diuinæ ordinem, providentiæ, quæ vices ac tempora solitariæ ac laboriosæ vitæ; Diuinis vocationis suæ instinctibus moderatur, ac temperat, inuersum ibat, & salutem publicam multorum, præsentemque, vix nuper coaliti Ordinis, necessitatem posthabendam, priuatæ quieti ac tran-

*Sed nihil impetrat,*

*Ex repulsâ crescit tentatio.*

quillitati, syncerissimam mentita demissionem, persuadebat. Ac fortasse Philippus humanum aliquid, pro naturæ imbecillitate passus, in fraudem fuisset inductus, nisi, quæ perpetuò illi vigilauit Deiparæ Virginis cura, pessimi suâ foris ludibria, ac vaframenta, alijs atque alijs suauib' iuxta ac mirabilibus modis discussisset. Eorum vnus fuit, quòd, cum dimisso Patrum cætu, se in viam dedisset ad Pontificiam aulam, quæ per id tempus Viterbij erat, cert<sup>o</sup> suscepti abdicationis consilij, ei tabellarius superuenerit cum literis, quibus nunciabatur, B. P. Manectum in extremis versari, quæ res commotum Philippum, captum iter omittere, & se ad B. P. Manectum conferre coëgit; quod à morituri-  
*Moribundo Mane-  
 do Mane-  
 eto adest  
 Philippus.*  
 ente eo, vehementer ipsum expectari, literæ afferrent. Igitur, quod retrò itineris ad montem Senarium fuit, celeriter remensus, postquam aduentu suo, & conueniente tempori oratione Manectum est consolatus, varijsque, pro veriùsque sapientiâ, sermonibus de rerum præsentium fugacitate, & contrâ de æternitate futurarum, vtrò citròque disseruissent: B. Senex, postquam quarto loco Prior Generalis Ordinem suum singulari industriâ, per Gallias præfertim propagasset, supremum diem obiit, anno Christiano 1268. non sine singularis sanctitatis fama; quippe qui inter rei Diuinæ celebrationem, benedictione suâ, habiles claudio pedes: muto, vocalem linguam: & surdastro aurium vitalem vsum impertiuierit. Sed hoc diuerticulum (vt ad Philippum redeamus) distulit tantisper, non discussit suscepti itineris, abdicationisque consilium: vt miraculo opus fuerit, ad conuincendum Philippum, tam abiectè de se, deque meritis suis, & habitudine gubernandi sentientem. Quippe reuocatis in viam socijs, B. P. Sosteneo de Melioribus, B. P. Vguccione de Vguccionibus, & P.

& P. Lotharingo Stufenſi, (quos in hoc ipſum conduxerat, ne Pontifex difficultatem, & penuriam ſucceſſorum, præſtendere poſſet repulſæ) cæpto itinere, Viterbium ire pergit. Ventum eſt in Senenſem agrum, cùm ecce, vix ingreſſis, & inter Bonconuentum ac S. Quiricum, viam carpentibus, obuiam ſe dat ex vico Camiliano prorepens ſenex; is, vt trahendæ miſerabili vitæ nullum cenſum, niſi in viatorum benignitate habebat, ita ad inopiam extremam, Elephantia, atque vlcera tabo fluentia, quibus viuus ac ſpirans exedebatur, velut miſeriæ cumulus accedebat: adhæc etiam frigidum atque aſtremo coelo, vt turpi aſſi tempus ferebat, ne centone quidem lacero ſatis tegebat ſiderata tot malis membra. Hic ergo vt in conſpectum venit, ita perſonatus, voce emortuâ ac lacrimabili B. Patrem ſtipemorat, quem ille intuitus, & commiſeratione tam cruciabiliter affectæ conditionis intimis medullis diſfluens: aliquantum è viâ decedit, ac detractam ſibi tuniculam, ſiue candidam, quam gerimus, ex lanâ interulam, homini iniicit; illud D. Petri ſubiungens; *argentum & aurum non eſt mihi, quod autem habeo, hoc tibi do.* Vix ad contactum corporis totum id donum peruenit: cùm illico deſluere vitiatæ cutis fatentes ſquamæ, coaleſcere, ac toto corpore euaneſcere vlcera, redire viſ, vigorque emortuiſ membris, ac toti denique corpori ita reſtitui color, calorque vitalis viſus; vt veſtigium nullum in homine deterſæ modo Elephantiaſe ſupereſſet. Mendicus tam cumulatæ ſælicitatis ac beneficentiæ miraculo in ſtuporem datus, ſublatis in cælum, voce ac manibus, ſine modo & ordine, iam Dei clementiam adorât; iam extemporalis medici ſui genua præhenſans: eum verò Diuinum hominem, ac cœlo ſibi delapſum deprædicat. Et quamquam ſeriò increpitem,

*Donatâ interulâ Elephantiaſe cum curat.*

*Quod miraculum à curato, pra gaudio sui impotente, promulgantur.*

abstinere intempestiuis acclamationibus, ac soli Deò gloriam eius facti, in quo nihil de suo agnosceret Philippus, iuberet: ille recentis beneficii gaudio amens, ab alienato, à sensu eorum, quæ iuebantur, animo, tantò valentiùs miraculum, cum Philippi perplexâ anxietate ac rubore, stentoriâ Voce ingeminabat. Cùmque per id omne iter, neque auelli, neque abigi posset, quin vitrò se, gratitudinis ergò, Patrum obsequio manciparet, omnia illa compita, per quæ iter Viterbium fuit, in concurrentium, eo ciente, hominum circulis, & iustis propè concionibus, admirabilis facti fama compleuit: vt quantumuis ad deponendum honorem properaret Philippus: fama tamen rei gestæ illius aduentum Viterbium, anteuertens, maioribus, quàm abdicare volebat, honoribus, illum inuolueret. Nam Pontifex vbi superuenit, aecedente ad veteris existimationis prærogatiuam, comperti huius prodigij fide, summâ eum in veneratione, atque in amore habitum, quæ confecta velleret, cum Cardinale Protectore, cuncta ad se cum fide relaturus, conferre iussit. Id eo impensius celeriusque sibi faciendum Philippus censuit, quod odoratus, ex insolitis procerum eius Regiæ honoribus sibi exhibitis, proditum se, ac circumuentum famâ miraculi recentis videret. Vt exire posset, eos omni ignominia molestiores applausûs, reductis breuiter ad duo capita negotijs, Cardinalem perurgebat; primo, ratas haberi à Pontifice factas nuper cõstitutiones orabat; altero, haud paulò enixius petebat, vt Generalatu se abdicare, atq; eam Prouinciâ alteri tradere bonâ eiusdem Pontificis veniâ liceret. Cardinalis, auditis per benignè ac libenter, suo more, ijs, quæ ab illo disertè & cum spiritu in medium afferbantur, vtrumque petitorum caput, Pontifici proponendum ample-



amplectitur; Et si ad alterum, quod de abdicatione erat, & quod Philippus maximè illi comendabat, non satis inclinaret; solitis inter se habitis honoribus discedunt, decisione totius rei in colloqui Pontificij diem dilata, sed Philippo non tam corroborandarum legum, quam abrogandi sibi imperij spe lato, visum est conditrici, & Columini familię Servorum suorum Deiparę, istud mali Dæmonis comentum, quo iam diu Servorum maximum, Philippum, in rei comuni perniciem infestauerat, memorabili ostento discijcere; siquidem eã nocte, quę diem, colloquio Pontificio dictam, præcessit, visus est sibi per quietem Philipus alterũ lacertum, à corpore, cum ingenti doloris sensu, suã manu truncare capisse: & quo minùs id egerit, augusta ac venerandã specie Viraginem, opportunè superuenientem, obstitisse; quo ominoso insomnio cõsternatus, ubi euigilauit, & suspenso animo, id somnium, de illorũ genere esse, quę non de nihilo obijciuntur dormientibus, haud vanè coniectans, rem omnem ad collegam Lotharingum ordine refert; is eodem se spectaculo, eadem nocte, turbatum affirmat, & cum in ea mutilatione, Philippi vices grauissimè doleret, à B. ma Virgine certiore se esse factum: hoc ostento significari abdicationem, cuius consilia secum, Philippus agigaret; quod quid aliud esset, quàm medio in opere, velut truncam, ab reliquo corpore dextram, cum summo publici, priuatq; boni detrimento, cessare, ac iacere inutilem? videret igitur pro sua sapientia, quid ageret; caueretque, ne astushic aliquis Cacodæmonis in insidijs sit, qui sub quietis & humilitatis inanibus nominibus, socioriã ac perniciẽ publicã machinetur. Itaq; magnopere conuenire, vt memor vocationis suę ad Ordinẽ primæuę, memor 2. dę ad Ordinis gubernacula; memor deniq; rerũ adhuc illo duce feliciter succedentiũ; sumpto nouo animi impetu,

*Tentatio  
abdicationis  
Magistratus  
ostenta  
discussa.*

impetu, contra omnes difficultates, DEO ac Deiparâ Virgine auspiciis, audentiùs, fidentiùsque vadat. Hisce atque alijs multis rationibus, & ipsâ Lotharingi auctoritate, & consensione maximè eorum, quæ secundum quietem eâ nocte utrèque vidit, victus tandem Philippus, dactis, quas paulò ante truncatum ibat, manibus; in posterum deferendæ dignitatis voluntatem, perspectâ, quæ luberat fraude, commutauit; effecitque, ut magnis ausis, & victoriâ, quam spe iam deuorauerat, aduersus nostrum Marianum manipulum, callidus hostis excideret. Hic idem, aut illo certè nequior aliquis inueterator cacodæmon, Patrum aut aorum memoriâ sibi depoposcisse videtur, affini ac prorsus germano pugnæ genere, D. Ignarium Societatis JESU conditorem: sed pari operæ precio; nam cum vir sanctus, Societatis, cuius secundum DEVM auctor fuerat, ut erat par, creatus esset præpositus Generalis, & ille humilitatis, ac priuatæ sortis amore occupatus, nihil eius dignitatis vel ad aures, vel ad animum admitteret, ipse quoque, pulsus, illius meritis, ex obsessio corpore, maligni hostis, miraculo refutatus est: cumque rursus, ut PHILIPPVS noster, sanctissimis legibus Ordinem suum constituisset, defunctum se ratus, abdicandi magistratûs difficultatibus, vacationis apud suos perferendæ actionē resumpsit; sed quam id tunc DEO cordi non esset, Patrum omnium communis consensus, quo iussus est omnia alia cogitare, & accessiones toto orbe terrarum, ductu, atque auspicijs Ignati ad clarissimam ac florentissimâ Religiosam eius familiam factæ, docuerunt, & docent hodièque, ingenti rei Christianæ bono.

Quod non ingrato, ut opinor, lectori diuerticulo commemorare volui, ut appareat, quibus anfractibus diuinus rerum,

rerum salutarium Architectus, mirabilium operum suorum ac molitionum lineas ducat; quantumvis illi ipsi quibus operis atque administris utitur, occultorum eius ignari iudiciorum, atque speciosioribus vero, privatae salutis, atque quietis rationibus, exire iniuncta sibi munera narrantur. Qua in re D. Augustinus perbellè describit æqualitatem, quâ inter Ecclesiæ necessitates, & honorum ambitum, neutro impingens animus, sibi cõstare debeat; eoque, in simili æstu fluctuantibus, certam monstrat Cynosuram, ad Eudoxium in hæc verba scribens: *si quam operam vestram Mater Ecclesia desideravit, nec elatione avidè suscipiatis, nec blandienti desidiâ despuatis; neque otium vestrum Ecclesiæ necessitatibus prapponatis, cui parturienti, si nulli boni ministrare vellent, quomodo nasceremini, non inveniatis.* Ex quo sane conficitur, quantum periculi inest honoribus vltro affectatis, tantumdem præsidij, Ecclesiæ DEI, ad edendos in veram lucem partus suos, situm esse in verè sincerèque modestis præsulibus: non illis, qui, ut idem loquitur Augustinus, *fluuium respuunt, & mare sitiunt*, dum fucarâ humilitate obscuriorum Ecclesiarum ac dignitatum potabiles atque dulces latices fastidiunt, salæ verò & aucturæ fissimæ marinæ, impudenti æstuant cupiditate. Eluso igitur (ut ceptam seriem prosequamur) hoc, hostis Seruitani nominis, dolo, restabat, ut pro officio, confirmationem, novarum Constitutionum PHILIPPVS sollicitaret: sed intercessit ei rogationi inopina mors Pontificis Maximi Clementis quarti, qui illis diebus, festâ ætate, & afflictâ molestis morbis valetudine, penè repentè supremum diem sanctè accipere obiit 10. Kal. Septembris, Anno, à partu Deiparæ nostræ, ducentesimo sexagesimo octavo, supra millesimum.

# PHILIPPVS, CVM A CARDINALI- BVS, MORTVO CLEMENTE QVARTO,

Pontifex maximus designatur, arreptâ in auiam  
solitudinem Mantagnatâ fugâ,  
delitescit.

## CAPVT QVINTVM.

**I**Nterea Elephantiacus à PHILIPPO curatus, cùm, vt paulò antè meminimus, in omni circumuicinia vrbs Viterbij, totòque Senensî agro Præconem strenuè egisset ac buccinam sanctitatis Philippi, deprædicando, quod in se contigerat, miraculo, medicum suum Viterbium sequutus, famam facti, quæ adhuc recens erat, in animis Procerum, qui cum in illâ vrbe agebant, recentiore fecit, ac celebriorem, cùm semet præsentem exhibuit, & solito suo instituto concionabundus, regionatim per ciuitatem, quid sibi à Philippo, Seruorum Generali contigisset, lætus vegetusque diuulgaret. In quo, etsi Philippo, cuius hinc nomen tota vrbe clarabatur, ægrè faciebat, tamè discussâ iam depulsæ nuper tentationis nube, cogitationes suas, à sensu eius molestiæ, traduxit ad Ordinis curam, quam de integro, ac velut de nouo resumpsit, & quidquid alij dicerent, cogitaréntue, ille id seriò agebat, vt res Ordinis publica, fauoribus ac priuilegijs Apostolicæ sedis, amplificata, stabiliretur. Qui conatus eius ac studia haud mediocriter promouebantur, propensâ in ipsum & secundâ Pontificis voluntate, reliquorumque Procerum beneuolentiâ. Verùm ita illo rerum gerendarum expeditionibus designandis, adumbrandisque salutaribus, ad id, quod agebat, momentis, intento, sumus Pontifex moritur. Is insperatus casus, vt Philippi designationes, retardauit, ita in vniuersâ

Repub-

*Promin-  
ciam seriò  
procuran-  
dam resu-  
mit.*

Republica Christiana, ac præsertim in senatu Cardinali-  
 um, initium nouis motibus, varietatîque voluntatum de-  
 dit; nam sub idem tempus etiam in bello, quod cum Fri-  
 sjijs gerebat, desideratus est Imperator: atque ita orbo  
 orbi Christiano, vtriusque parentis elatis funeribus, in-  
 sumâ rerum omnium perturbatione parentandum fuit.

Accessi quidem Apostolicæ, pro cæterarum difficultatum  
 auctario, malè extinctum, diris non ita pridem deuoti Fri-  
 derici Imperatoris, odium, ad aduentum in Italiam ex  
 Germaniâ Corradini recrudit: multisque defectioni-  
 bus, ac res novas molientium tumultibus materiem sub-  
 ministravit. Ad hæc Hæresis (vt gaudet turbatis tempori-  
 bus ea pestis) varijs se per Italiam locis intrudebat, quan-  
 quam non defuerint, qui se illi irrumpenti strenuè oppo-  
 nerent. Inter quos palmam tulit laudis ac Martyris S. Pe-  
 trus Martyr Ordinis Prædicatorum, de Religione nostrâ  
 Servorum, sub eius, vt alibi diximus, primordia, præclare  
 meritis; itaque hisce motibus, suis exciti sedibus facile  
 primi Europæ Principum, Viterbium huius interregni  
 tempore, conuenêre, vt PHILIPPVS Galliæ, & Carolus Si-  
 ciliz, ac Neapolis Reges, Item Henricus Britanniz Prin-  
 cept, cæteri Reges Principesque, qui adesset domesticis  
 impliciti difficultatibus, non poterant, frequentes Orato-  
 res miserunt. Porro tot externa vniuersalis Ecclesiæ ma-  
 la, vno domestico, atque intestino, eoque palmari cumu-  
 labantur; incredibili videlicet, & quæ diu tenuit, varietate  
 studiorû, ac voluntatum, Patrum in deligendo Pontifice:  
 eique incommodo, præter cætera, vel inde plurimum diu-  
 turnitatis accedebat, quod eâ ætate, secus ac nostrâ, mos  
 erat, aperto loco, ac publicè ea commitia celebrari.

*In summa  
 temporum  
 perturbatione,*

*Ita summi  
Pontificis  
electione,  
inter alios  
proponi-  
tur.*

Hic ergo alijs alios ad Pontificium fastigium nominantibus, Cardinales, Orthobonus, Ordinis nostri Protector, & Octavianus de Vbaldinis, & horum sequuti auctoritatem plerique cæterorum Patrum purpuratorum, PHILIPPVM proponunt: rationem consilij sui ac sententiæ in B. Patris summâ prudentiâ, eximâ doctrinâ, ardenti Zelo, & quod caput est, in prodigiosa sanctitate, cuius recens argumentum oculis sese adhuc, atque animis ingerebat, fundantes. Quæ, vt agebantur in loco aperto, atque in multorum, mortalium frequentia, facili eorum, quæ tractabantur, rumor per urbem manauit: qui, vt talis ad Philippum quoque peruenit, suprâ quàm credi potest, illius animum affecit; nam, vt erat veræ ac genuinæ Humilitatis tenacissimus, ita Honorum culmina, de vertigine ac grauioribus lapsibus semper suspecta habuit, & facili intellectu est, quis mentis eius status, hoc audito nuncio, fuerit. Nam qui ad dignitatem Generalatûs, tantò Pontificiâ Maiestate inferiorem, & initio coliorruit, & eam aliquamdiu degustatam, tantâ nuper contentione abdicare voluit, vt ostentis Diuinis ac terribilioribus in officio diutius continendus fuerit; quanto terrore, omnium in terris summa celsitudinem, eum esse contemplatum, censebimus? Obuersabatur præterea sagacis viri animo misera temporum illorum, ac rerum facies, gliscentium Hæresum atque inualefcentium violentia, morum corruptelâ, Principum Christianorum dissidia, & Politicorum (vt vocantur) *Ratiô status*, humana omnia, Diuinaq; privatâ suâ utilitate merens, & per idæui omnia obtinens: quo fiebat, vt collatâ, cum tenuitate suâ, & vitæ ab ineunte ætate susceptis rationibus, tantâ rerum mole: subductis in vtramque partem argumentis, omnia alia quàm Pontificatum admittere



tere inexorabili decreto statueret. Et quoniam verebatur, ne post eò progressa horum procerum studia, vi, quod fit, collocaretur in Pontificio solio, ad Cardinalem Protectorem accedit, eumque vehementer orat, monetque, ut captis absistat, & tractata, pro sua prudentia & cura, retractet; tum velut rogata opera, precij loco, spiritu prophético, Cardinali varicinatur, ipsummet breui ad Pontificatum euehendum, sed breui atque exigua, tanta dignitatis vitæque usurâ, Vitam finiturum; quæ omnia exactè euenerunt: mortuo enim Innocentio quinto, successus est Othobonus, sub Hadriani v. nomine, anno, ab allata salute 1276. Nec in Pontificatu diutius, quàm vnicum mensem vixit. Mirum fortasse, minùs æquis rerum æstimatoribus, minùsque historiarum peritis videatur, qua fieri potuerit ratione, ut Philippus, qui Cardinalis non esset, Pontifex potuerit designari. Quos hoc loco ad scriptores remittimus, à quibus discant: Urbanum, Alexandri iv. successorem, non fuisse Cardinalem; Post hunc minimo minùs abfuit, quin factus fuerit Pontifex, P. Joannes Vercellensis, Ordinis Prædicatorum Generalis; cuius loco, habitâ absentis ratione, Pontifex factus est Guido Fulcodius præter omnem spem suam. Eugenius item, Triumphantiû Abbas Cisterciensis, Urbanus v. Abbas itidem Marsiliensis; Clemens v. ex Archiepiscopo Burdigalensi; præterea Urbanus vi. & Cælestinus v. ex Anachoreta, omnia alia cogitans, transmissio gradu Cardinalitio, sine purpureis Galeris Pontificiam Tiaram induere iussi, Pontificatum, adiêrunt, velut eo digni, Patrum designatione, ut PHILIPPVS noster, pene initiari sunt. Et quod ad rem quidem attinget, si quis coniecturis, & Imaginum, ac statuarum monumentis, locus est, ubi de veritate constat historicâ; ter-

*Quam al-  
teri digni-  
tatem va-  
ricinatur,*



geminam Coronam Pontificiam, quam vulgò *Regnum mundi* appellant, ad exprimendum, quod à capite repulsa fuerit, ad pedes Philippi pinxit, sculpsitq; , illa Antiquitas, & mediæ, ad nostram vsque, ætates: vt argumento sunt, perantiquæ huiusce rei memoriæ; adeò fugientibus etiâ, vt corporibus vmbra, quoquo modo honos inhæret. Verùm, vt eò, vnde huc digressa est, reuertatur oratio: vbi aduertit Philippus, non modò frustra fuisse, quæ Cardinali Protectori à sententiâ dimouendo, attulerat, sed etiam, illud inter & reliquos Cardinales, susceptum eius inaugurandi negotium, gnaviter ac studiosè pertractari; consilium sumit, dignum Philippi humilitate; quippe nocte intempestâ, nemine ex illis Proceribus, qui ob stare possent, salutato, clam Viterbio, nullò nisi Lotharingo collegâ, & socio vno fratre Victore, conscio, fugam init.: commendatâ Lotharingo Religione, datisque mandatis, vt nulli indicium, vbi ipse loci sit, ederet, vtque nouas leges, in mores atque vsus induceret, ac diem comitijs, octauum Kalendas Iulias, Florentiæ habendis ediceret; quibus se affuturum pollicetur, vbi præsens in illum studiorum, mota procella, deferbuisset. Cõstitutis ita, quoad fieri poterat, à properante, rebus; ad montis Tunninati sylvas, in eo, vt censebatur, periculo, pro Asylo futuras, citatâ celeritate, sese in viam conijcit. Ita exclusi conatibus suis fautores Philippi, alios atque alios, haud pari deinceps concordia, respicere ceperunt. Quod mihi factum reputanti, vt quidem non inficior, ingenti gloriæ esse, ceteris Mendicantium familijs: Nicolaos, Benedictos, Alexandros, Innocentios, Pios, ac Sixtos summos ex Gremijs suis, Eccle-

siaz.

*Ipse ad eni-  
sandum  
omne Ho-  
noris peri-  
culum, fu-  
git.*

fiæ Pontifices dedisse; ita accessus ad illorum gloriam magnus esse videtur: Ordinem Servorum, Humilitatis Domine suæ æmulum, Patrem habuisse, atque habere etiamnum inter cælites, qui mentis altitudine, supremæ in terris dignitatis fastigium, infra virtutem animi relictum superârît, PHILIPPIVS incerea optatas ad latebras suas delatus, recognitâ inrer illa lustra, specie antiqui spelzei sui, in Monte Senario, renouatâ, vt Dauidica aquila, Iuuentâ, eandem, vel paulò ardentiorẽ, contemplationis rerum Diuinarum contentioneĩ exorsus, præter cæteras corporis afflictiones, eam vitæ rationem iniit, inuitantibus ad similes lauricias, quæ tunc erant, quadragenarij Ieiunij ferijs, vt herbis tantum agrestibus, & exiguo pane, quem accolæ Rusticani subinde afferebât, ac gelidæ haustu, vitam parcissimè toleraret. Sed videlicet inter illa inculta sylvarum, & aspera inhospitalium scopulorum, beâbatur, quoad fieri poterat, in mortali corpore, animus, æternæ felicitatis delibatione, & filij DEI intuitu, qui in excessibus mentis, vnâ cum sanctissimâ Matre, Anachoretæ suo sæpe intervifendo, liberaliter sui copiam faciebat, modis talibus; quibus exprimendis, quidquid in humanis ingenijs, picturata Eloquentiæ est, necessariò succumbat. Visitur adhuc hisce temporibus, in eâ solitudine, ad primam Tuaruari montis accliuatẽ, planitiuncula, in qua sita est, sacra B. PHILIPPI ædes, nec procul inde, in solitario recessu, inter porphyretica saxeta, cellæ duæ, à quibusdam Ordinis nostri Patribus, vitæ solitariæ studiosis, restauratz, conseruandæ Philippi memoriæ causâ, qui primus ea loca incoluisset. Ex his vnus fuit B. P. Benincasa Florentinus, qui

anno

*In iis late-  
bris vita  
tenor.*

*Ab alijs  
illustribus  
Sanctitate  
viris culti.*

anno 1402. illius latibuli secreto se includens, cum annos  
omnino quinque & viginti, in eo sanctissime traduxisset,  
ex longa vigiliâ, ad æterna festa vocatus est, collectâ non  
exiguâ sanctitatis opinione. De eo præter illa, quæ con-  
fcijs viri Sanctimonie, latebris illis, conteguntur, memo-  
ria est proditum, quod Signo S. Crucis Energumenum,  
stygio inquilino liberârit, & sub mortem eius, templorum  
Campanæ, sponte sua concrepuerint; eoque factum est,  
vt, orto, inter conuicinos populos, de funere eius dedu-  
cendo, habendoque cadauere, litigio, in id arbitrij vtrinque,  
conuenerint, vt iunctis ad plaustrum, quo sacrum pignus  
veheretur, duobus, nullo domitis iugo, Iuuenicis, ei demum  
populo sarcina cederet, cuius ad fines, nemine agente,  
boues duxissent. Qui sibi permisi, restâ ad Montichiellum  
duxerunt, ibique sacræ Reliquiæ honorifice illatæ condi-  
torio, locum sepulturæ ac venerationis inuenerunt. Tri-  
bus ergo mensibus in hac solitudine exactis: appetente  
comitiorum tempore, cum discedere pararet Philippus,  
insolita illum, diuinitus immissa, incescit cupido, aliquid  
pro hospitij, cæterorumque beneficiorum gratiâ, loci In-  
colis, Accolisque, in vicem reponendi. Ecid verò, non so-  
lùm munificè, sed mirabiliter etiam, quò sanctitas eius  
clariùs proderetur, per eum Deus præstint, vt ex memo-  
rabili euentu miraculi sequentem in modum patuit.

## PHILIPPI SANCTITAS DENVOT INNOTESCIT, ET ASSERTITVR, ELICITIS

è Saxo, saluciteris vndis, quæ Therminis PHILIP-  
PICIS in monte Tunniato, nomen  
fecerunt.

### CAPVT SEXTVM.

**P**Riùs igitur, quàm relicto Tunniato, PHILIPPVS com-  
mitijs.

mitijs præfutura, iter Florentiam ingrederetur, Diuino, quo agebatur, spiritûs impulsu, eum conscendit collem, qui nunc huiusce, de quo agimus, fontis caput, & salubrium istarum vndarum scaturigo est. Ibi, posteaquam præferuidas in preces aliquamdiu incubuit, quas ex responso vitæ, quod intus atque in animo sentiebat, exauditas esse cognouerat, velut alter Moses, versus, cum ingenti fiducia ad proximum saxum; percussûmque, quem fortè manu gerebat, scipione, DE I imperio, Incolarum, aduenarûmque bono, vomere aquas iubet. Dictum, factum. Petra velut in vndas eliquata, non modò largiffuos, sed præditos etiam vi medicâ latices, copiosè profudit; qui deinceps, Thermas Tunniatî montis, & sanctitatem ac fidem PHILIPPI, ad æternam posteritatis memoriam, nobilitarunt. Equidem, si pro connexionè, & cognatione hieroglyphicâ, quam cum Diuinâ Gratiâ Aquarum natura atque affectus habet, digredi nos hoc loco, fatigandi Lectoris verecundia pateretur, non iniucundâ, vt opinor, catastrophe, hic adduceretur in medium, admirabilium rerum varietas, quam Aquæ ministerio Diuina sapientia designauit. Verûm, vt ab instituto non abeamus longiùs, & cætera taceamus, huius certè Elementi operâ, eadem, DE I sapientia videtur peculiari quadam ratione ad clarandum Philippi nomen, & solitudinis amorem, vtî voluisse. Ita primum secessum eius in montem Senarium, ita hunc secundum, in Tunniatum, elicitis vtrobique perennibus fontibus, omnium sæculorum memoriæ commendauit, ac velut per apta quædam symbola, victam ijs in locis vitæ puritatem, perennitate donauit. Cæterum quod ad ipsas atrinet aquas, sciendum est; eas in Origine suâ

*Fons miraculose elicitum.*

*Eiusque affectiones.*

*Et crater.*

*Indubita-  
saque mi-  
raculi fi-  
des.*

(occultis hiulcæ terræ meatibus resorptæ) subiêrunt, & per passûs ferè centum, sulphuris, nitri, Calchontidis, atque Aluminis mineralibus miscuère sese, vt eorum tinctæ contagione, desinunt, potari posse, ita tantò lauantium v-  
sui salubriores fiunt. Denique per flexuosos, ac subterra-  
neos tractæ meandros, indidem, vnde iussu PHILIPPI  
scaturiuère, profunduntur, copiosâ aquarum scarebra,  
quæ subiecto excipitur cratere, denûm ferè cubitorum  
symmetriâ, quæ tamen capacitas temporum iniuriâ ar-  
ctior est facta, sæcibus, quas sæculentæ vehunt aquæ, in  
candidum, ac porosum pumicem concretescentibus. Inde  
redundante conchâ, effusus per decliuiâ collis latex, in-  
certis ac variatis subinde alueolis, in plures spargitur ri-  
uos, quos tamen vnum ad caput collectos, Balneatores per  
artificiosum rubum deriuant ad fontem situm in viculo  
quodam, vbi ægri lauant. Cæterùm religione, & harum  
salubritate aquarum ductus Ser. mus Cosmus I. Magnus  
Hetruriæ Dux, nouis operibus, veteribus quoq; restaura-  
tis, grandi eas impensâ meliorem in modum munijt. Ac-  
que, vt omittamus opinionem quorundam, qui has aquas  
confundunt, cum ijs, quæ ex vetustæ vrbis Rosellarum ru-  
deribus eruperunt (qui tamen locus totis viginti milliari-  
bus distat Tuñiato) tamen si cæterâ luce historiæ destitue-  
remur, quæ fidem rei, quam agimus, abundè facit, par es-  
set, acceptæ per manûs aliquot sæculorum, memoriæ In-  
colarum credi, qui præter hanc auorum, at auorûmque  
authoritatem, peruetus etiam manu scriptum Chronicon  
monstrant, quod a gesti synceritate, Germanam harum  
originem aquarum, luculenter, in hæc verba, prædit.

„ Balnea S. Philippi, id cognomen sortita sunt à B. Phi-  
„ lippo Ordinis Sæuorum, Florentiæ, ex Patricia Benicio-  
rum

rum familiâ oriundo, qui, cum esset eius Ordinis Genera-  
lis, & vir cum sanctitate, tum doctrinâ illustris, & anno  
Christi 1269. mortuo Clemente IV. Pontifice Narbonen-  
se, parùm inter Cardinales de sufficiendo successore con-  
ueniret, à multis ex illis, Pontifex est renunciatus, sed ille  
pro magnâ suâ humilitate, tam magnam vitaturus digni-  
tatem, cum aliquot socijs, occultus in Tunniarum, Sena-  
rum fugâ, peruenit. Vbi, cum aliquamdiu sanctè ac solita-  
riè vixisset, demum, cum discessum ad suos fratres para-  
ret, orationibus à Domino obtinuit, vt ex loco quodam,  
quartâ milliaris parte, ab Eremitorio eius, disseto, ægris sa-  
lubres aquæ scaturirent; quo obcento, & ingenti, quod in  
summo colle erat, saxo, ter scipione percusso, subito ea vis  
aquarum exiliuit, quæ has Thermas constituunt. Ex qui-  
bus apparet, hisce Thermis Diuinitus, vt alijs ab naturâ,  
originem contigisse.

Haftenus Chronicon. Porro, quod ad ipsas medicas  
aquarum vires, atque efficaciam attinet: præter ipsorum  
Balneatorum testimonia, saluberrimas eas esse, multi gra-  
ues Scriptores monumentis suis testatum reliquerunt:  
& cum primis Andreas Baccius, & Elpidianus, in opere,  
quod de Thermis & Balneis Sixto quinto summo Ponti-  
fici inscripsit, in quo ita censet: has Thermas insitâ qua-  
dam, tum Diuinæ gratiæ, tum naturæ miraculo, medendi  
præstantiâ, & compendio, faciliè reliquas omnes Italiæ  
Thermas antecellere: certè ex eorum prodigiosâ produ-  
ctione & bonitate, ingens ad Philippi Gloriam accessio est  
facta: & valent hodièq;, ad summam venerationē eius, apud  
cōuicinos loco populos; de qua veneratione totis iam tribus  
sæculis nihil remiserunt. Sed Philippus interim, flagrante  
recentis facti applausu, famæ cessurus, vitatâ publicâ viâ, &

Vis Aqua-  
rum medi-  
ca



Senarum ciuitate, ipsi alioqui additissimâ, tum alijs locis, vbi nosceretur, per occulta callium, Florentiam profectus est, editis in vno miraculo, pluribus; certè enim si quis rei totius gestæ seriem ex vero & iusto, ac non vulgi opinione, æstimeret, clariora prodigia sunt, respuere summam dignitatem, cuitare populorum effusa studia, ac propè diuinos honores, quàm ex scopulo vndas euocare. Ita nobiscum censuit optimus harum rerum æstimator D. Chrysostomus, cum liberè pronunciauit, Temporalium bonorum contemptum alijs miraculis esse mirabiliorem.

### PHILIPPVS PERACTIS FLORENTIÆ COMITIIS, ET ITINERE IN GAL-

lias, ad visitandam Religionem, & promulgandum Euangelium, instituto, ad urbem Mutinam quibusdam consceleratis Diuini

Numinis execratoribus, meritis pœnas, quibus

breui post deflagrauere; præ-

dicat.

### CAPVT SEPTIMVM,

**P**ostquam, hisce itineribus, nobilitato in perpetuum Tunniato, Florentiam peruentum est, conuocato Patrum cæru, PHILIPPVS, concionem habuit, super illud Psalm. 86. *Fundamenta eius in montibus sanctis.* In eâ, vbi Regnum cœlorum, ac ciuitas DEI, in militante lateat Ecclesiâ, & quoductu ac disciplinâ Asceticæ militiæ Pugnatores, ac præsertim iurati in obsequium Deiparæ Serui, obire munera sua, & ad cœlum niti debeant, cum sæliciter, & vehemente, quo æstuabat, à recente solitudine, spiru (subiectâ suauissimâ apostrophe de B. ma Virgine, deque præsentē eius in suos curâ, ac tutelâ) exposuisset; ordinatâ, pro tempore, cæterâ Republicâ Comitia soluit.

Hic Conuentus Patrum primus fuit, in quo rogatæ nuper

in

*Constitu-  
tionib⁹ suis  
à Capitulo  
Generalis  
confirma-  
tis.*



in Pistoriensi Congregatione leges, perlatae sunt, ac vim  
 vsumque confirmatarum habere iussae, quoad opportuno  
 tempore auctoritas illis Pontificia accederet; tum qua-  
 tuor Diffinitores, singulis praefecti Prouincijs, atque ipsa  
 Prouincialia Capitula, instituto hodierno, celebrari cepta.  
 Conuocatis dehinc priuatim Patribus, PHILIPPVS neces-  
 sitatem proponit profectionis suae extra Italiam, ad visi-  
 tanda, quae illic essent coenobia, ex praescripto decreti Ca-  
 pituli Generalis, ad Burgum S. sepulchri, Anno Christi  
 1262. celebrati; praeterea se eodem vocari ab iniuncto  
 Concionatoris Apostolici munere. Tum datis monitis, ac  
 mandatis, quae res tempusque exigebat, in socios Itineris,  
 ex omnibus deligit BB. PP. Rocouerum Vguccionem, &  
 Gherardinum Sustenium, quos solos, ex numero septem  
 primorum Patrum superstites, qui per aetatem tolerare  
 labores possent, Vicarios Generales caeteris nationibus  
 destinaterat; deinde his succenturiat, duos alios, Germa-  
 num, Gallumque, qui vel non ita pridem erant sacris no-  
 stris initiati, vel missi a suis, ut illi Generali Concilio inter-  
 essent, & quoad eius fieri posset, euocatum Generalem,  
 linguarum viarumque peritiâ deducerent. Ij fuerunt P.  
 Gualterus Theutonicus, & P. Joannes Francicus. His socijs,  
 addito F. Victore, indiuiso B. P. Comite, cum P. Locharin-  
 gum Vicarium suum interim in Italiâ nominasset, & ma-  
 gno Charitatis sensu, cunctis valedixisset; seque, illisque,  
 & causâ itineris, D. Virgini Annunciatae commendatis, vnâ  
 Bononiam iter auspicantur, quo vbi, superatis, non sine  
 defatigatione, Pyrenaeis montibus, peruenerunt; visitato,  
 quod illic ab Anno Christi 1263. fundatum erat, fratrum  
 Domicilio, Mutinam versus caprum iter prosequuntur.  
 Erat anni tempus, quo sub ortum Caniculæ, solis ardori-

*Et alijs sibi  
 tum comi-  
 tibus dele-  
 ctum in  
 Italiâ sub-  
 stituitis.*

*In Gallias  
 iter habes,*

bus omnia torrentibus, periculosa per Italiam ac laboriosa esse solet itineris conficiendi ratio: ea tamen morari Philippi, ac sociorum cursum non potuit, quin flagrante, etiam meridie, puluerulentam viam carperent, quoad misertus sociorum Philippus, eos, ambularis aliquamultis miliaribus, aliquâ parte quietis, æstu ac lassitudine debilitatos, recreare voluit: & opportunè oblata est in patente æquore, patulis diffusa ramis, Vlnus, quæ gratâ umbræ, & frigidulæ auræ susurro, velut inuitabat ad acquiescendum viatores; huc cum Patres subeunt, inueniunt collectum ibi, ex fæce & colluie hominum, manipulum aleatorum, scortorumque, & viatoribus imminentium prædonum; qui cum locum, omnium scelerum & impietatum statuiis ceperant. Hi pro similium videlicet hominum licentiâ, novos hospites virulentis probris ac sannis excipiunt, quæ Patres tamen pro exaggeratæ mentis constantiâ, facillè transmittabant, refutabantque modesto silentio. At ubi nefarii homines, in Fescenninas strophas, & diras Diuinæ Maiestatis execrationes, & maledicta in Deiparam, ac Diuos omnes, per aleam, perque ludibria, sceleratas linguas laxârunt, id verò Philippus non ferendum ratus, pro ardenti Diuinæ gloriæ Zelo, Apostoli verbis, *si quis loquitur quasi sermones DE I*, impiam turbam increpitar, docetque, linguam homini vocalem, præ cæteris animantibus, diuinitus ideo datam, ut tam præclari muneris largitorem collaudet, ac pro beneficii, innumeris gratias agat, eoque, impiè ac nefariè, contrarios in vsus, hoc est in conditoris contumeliam exacui; quod si spe impunitatis ita, licenter furerent; solere DEVM eò grauiore manu, quò grauiore pede, descendere, ad sumendas de tam horrendis sceleribus pœnas: quas denunciare se ipsis ait, *DE I*

irati

*Aleatores  
blasphemos  
in viâ of-  
fendit.*

*Quos seve-  
re corripit,  
ultione di-  
uinâ præ-  
dictâ.*

irati nomine, sine morâ cælitus ingruentes, nisi confes-  
 sum resipiscant, & mutatâ voluntate, de expiandis, omni  
 ratione, tam atrocibus delictis, placandóque Numine, se-  
 rió cogitent. Ad tam seueram denunciationem, aliqui ex  
 illo perditorum globo, consternati, pollicentur, se in Phi-  
 lippi potestate futuros : contrâ cæteri in rabiem efferati,  
 eum, sociósque circumstant, & facessere inde quàm pri-  
 mum iubent; ni faciant, malè multatos abituros; ac sub-  
 inde congeminatis in DEVM, & Fecialem eius PHILIP-  
 PVM vlcimis probris, parùm ab illatâ violentia aberant.  
 Tum PHILIPPVS, actum de miseris videns, eorúmque  
 illacrimans exitio, & quâ erat humilitate, deprecatus, si  
 quid molestus monendo fuisset, ad socios, & eos qui in  
 spem bonæ frugis se illi adiunxerant, agite, inquit, fratres,  
 propripiamus istinc nos quantociùs, ego enim illam cœli  
 faciem (fortè ad cœlum digitum intenderat) quæ tran-  
 quilla vobis ac serena videretur, minacem iratámq; video,  
 & vlticia fulmina in istos infelices expedire; & cùm  
 dicto, destitutis sub arbore illis, orco iam deuotis victimis,  
 socios præ se actos in viam concitat. Vix digressi erât, cùm  
 ecce sereno cœlo, repentinè audiri flatûs horrifoni, & ni-  
 grescere circa in fælicem arborem, & condensari nubes,  
 solis aspectus adimi, & tenebris conduplicatis, inhorre-  
 omnia, dein omnis mali vis in vnâ collecta procellam, *Quâ subitò, fulmine  
 icti, impli-  
 cantur,*  
 illi Vlmo allabens, cùm, fulguribus, fulgetrisque horribi-  
 lea in modum prolusisset, ad extremum excusso decu-  
 mano fulmine, Vlmum ipsam, & consceleratos illos tam  
 potenter icit, vt arbor stirpitus, hominésque in cineres  
 redacti, momento deflagrauerint. At Philippus & sui, qui  
 omnia ex propinquo oculis vsurpabant, tam formidabi-  
 lis

lis spectaculi atrocitate, exangues, supplices cœlo manūs tendebant, DEI erga se benignitatem, & noxia illa in capita Iustitiam collaudantes; ac, si quæ fortè spes in tam afflictâ causâ, pro addictorum profligatâ salute deprecantes. Cæterum, qui, Philippo auctore, eam cladem, & iuxta æternam perniciem euaserunt, dignam tam memorabilis Diuinæ ultionis exemplo, vitæ ac rerum suarū rationem ineuntes, reliquum ætatis in deplorandis iis, quæ ad eam diem malè riserant, exegerunt, & sparsi per Æmiliam atque Insubriam, DEI clementiam, & Serui eius PHILIPPI sanctitatem ac propheticum spiritum diuulgârunt. Idem præstitit, suo modo, ætatis suæ Apelles, Andreas Sartorius, qui, pro suâ in D. Philippum religiosâ pietate ita graphicè hoc factum coloribus expressit in porticu D. Annunziatae Florentiæ, vt vel picta facti representatio horrorem incutiat contemplantibus.

## RES A B. PHILIPPO IN GALLIIS ET GERMANIA

gestæ.

### CAPVT OCTAVVM.

**E**Rat, eâ tempestate, rerum status, in Italia, & in Regno Gallicano, longè dissimillimus. Nam Friderici Imperatoris Hæredes, Italiam, sædum in modum, sub acerbo iugo afflictam, lacerabant. E contra Gallia, succedente sancto parenti, pio Filio PHILIPPO, prosperè, latèque florebat; tanti refert ad regnorum sælicitatem, pij sint, an impij Principes. Is Philippus, paterno instituto vniuersim Religiosos omnes, ac præcipuè aliunde vel extorres, vel propagandæ pietatis causâ, venientes, singulari benignitate, & beneuolentiâ complectebatur, & iam anrè, in eo Regno,

Regno B. P. Manecti operâ varijs in locis, Ordinis nostri homines domicilia fixerant, & quibus incrementis per eas terras profecerant, ijsdem longè latèque fama nominis & sanctitatis B. P. increuit; adeò vt incredibili studio primarum Ciuitatum, & exciperetur publicè singularibus beneficijs atque honoribus, & priuatim homines, summâ contentione, frui alloquio, & ardentes spiritu Apostolico conciones eius audire affectarent. Verùm hæc tam læta initia, & gratulantium inter se Gallorum ac Philippi gaudia, tristi nuncio nonnihil funestata sunt; quippe per eos dies affertur ex Africa: Ludouicum Francorum Regem, expugnatâ, per summam fortitudinem, Carthagine, victisq; perduellibus, & reliquijs eorum Tunetum compulsis, in eius vrbis obsidione decessisse: scilicet, vt cuius viri meritis, ac fortitudini, pares honores, omnibus apparatus suis, reponere Gallia non potuisset, integro Gloria præmio in cœlo triumpharet. Ea iactura vel potius fortunæ commutatio, quia turbatura videbatur Reipublicæ Christianæ faciem, atque Ordinis bono, meditata atque allata domo, PHILIPPI consilia, quæ cum reduce Rege conferre aliquando statuerat, grauitèr eum affecit, cumulante maximè id incommodum funere Cardinalis Rudolphi, qui apud eundem Regem Legatus Apostolicus, Philippi cœptis mirè fauebat. Inter has ancipites curas fluctuanti Philippo De vs affuit, iniectâ Philippo Regi, paterni Regni ac pietatis Heredi, eâdem mète, quæ in Patre fuerat; à quo, cùm B. Pater per benignè inuitatus, appellatusq; esset; is eum Philippum ipsum magno in honore, amorèque habuit, cum congregationem ipsam in Gallia nostrorum hominum, in Regiam tutelam curâque suscepit, tanto fauoris significatione, vt spes maxima af-

*Itineris  
fructum,  
mors Re-  
gis Gallia  
retardat.*

*Sed à suc-  
cessore a-  
què huma-  
niter inui-  
tatur.*

M

fulge-

*Religionis  
locum Gal-  
liis auget.*

fulgeret; stabilitis, quæ acquisita erant, cœnobijs, adiiciendi per florentissimum illud Regnum multò plura. Visitatis igitur Parisiensi, Tolosano, Mompolierio, Viennensi, Auinionensi, Marsiliensi & qui in Delphinatu, alijsque in vrribus erant, Conuentibus, animum adiecit ad nouos exædificandos: id quod facili, ac magno numero præstitit, quòd, vt clari auctores affirmant, ab omnibus pro Apostolo habitus, magno vndique certamine, à viris principibus, alijsque, de prima Gallicanâ nobilitate adiretur, qui illius manibus Religioso Deiparæ Habitu amiciri, iniciarique orabant. Oportunus hic, aut potius proprius locus esset, singilatiùs tam admirabiles progressûs (habita ratione tēporum, locorûque, ac varietatis eorum) vel in syllabum redactos, describendi; sed cùm sub annum Christi 1389. factâ ab Ordine reliquo, per occasionem enati inter verum Pontificem Bonifacium Nonum., & Pseudopapam Clementem, schismatis, Patrum Gallorum (excepta vnâ Galliæ Narbonensis Prouinciâ, quæ adhuc reliquo Ordinis corpori adhæret) diuisione, plerâque monumenta vel interciderint, vel interuersa sint, ita vt extinctâ, per dissidium, necessitudine fraternâ, vix quicquam certæ lucis huic ex illis partibus historiæ affulgere potuerit, inuiti desumus officio. Ordinatis in hunc modum rebus Gallicanis, præfectoque ei Prouinciæ Vicario Generali B. P. Gherardino Sustennio, PHILIPPVS instituto per Sequanos, qui trans Rhenum sunt, Heduoſque itinere, in Germaniam ibat, sed cùm, famâ anteuolante, ei genti illius sanctitas, ac promouendæ pietatis ardor, innoruisse, inuitantibus populorum ardentissimis studijs, ita incubuit in Diuini verbi prædicationem, & Conuentuum, qui illic erant, emendatioris Religionis, cultum; vt non secus ac Galli, Sequani certatim nomina ad nostram Militiam, profi-

*Alibi etiâ  
maximis  
accedenti-  
bus incre-  
mentis.*



profiterentur. Affirmatissimè Gentis eius Añales habent: eâ tempestate in Italia, Gallia, Germania, Generale PHILIPPO, Patrum Seruorum millia decem censa esse, præter Tertiarios Fratres ac Sorores, quos vocamus Mantel-latas. Magnum momentum tanto incremento attulit, Alexandri IV. summi Pontificis datum in fauorem nostræ Religionis rescriptum, quo omnibus, qui de factione Friderici secundi Imperatoris, Innocentij IV. Pontificis sententiâ, anathematis vinculo tenebantur, redeundi cum Ecclesia in gratiam, potestatem faciebat, si ad specimen veræ deantè actæ vitæ licentiâ, pœnitudinis, institutum Seruorum suscepissent. Quo factum est, vt Barones, Marchiones, Duces, & Principes, aliq̃ue Dynastæ, frequenti numero, remissio opulentix, ac gloriæ militari nuncio, ex magnis Dominis Serui facti, in Religionis leges iurarent, aut qui tolerando seueriori primi Ordinis instituto non erant, tertio Ordini manciparent sese.

*Quaque  
occasione  
id acci-  
deris,*

Author est in annalibus suis Giansius noster, hoc primo, in Germaniam, Philippi aduentu, Rudolphum Habspurgi Comitem, Austriacæ magnitudinis ac maiestatis authorem, satorémque, non quidem affinitate vllâ criminum Friderici, sed spontaneâ pietate, & amore gloriosi obsequij, nominisq̃ue Seruorum Deiparæ, tertij Ordinis habitum ab ipso PHILIPPO vnâ cum coniuge suscepisse, contractamque per eam occasionem mutuam familiaritatem, causam fuisse, cur euectus postea ad Imperium Rudolphus, missus ad Nicolaum 3. Pontificem, Legato, oraret sibi Philippum mitti, vt eo Diuinæ legis voluntatisq̃; interprete vteretur. Alij id factum in secundum eius ad Rudolphum iam Cæsarem aduentum differunt. Vtunque se ea res habet, id certum compertumq̃; habetur: operâ atq̃; industriâ

*Etiâ in  
Germania  
floreſcit Or-  
do, Gene-  
rale Phi-*



Philippi, Ordinem Seruorum non tantum longè latèque per Germaniam superiorem, ac præcipuè in Saxonia, Westphalia, & in Germaniam inferiorem ad Frisonum, usque Orientalium Emporium Emdam (quod est ad Amisij fluminis, se in oceanum exonerantis, ostium) magno hominum, ac cœnobiorum numero, sed etiam per Pannoniam & Poloniam prolatum fuisse. Quod cum incredibili celeritate, fulminis in morem, parentis ab Oriente usque in Occidentem, præstitisset, inito in hunc ipsum finem adeundæ Hispaniæ Consilio, partis eâ bienni expeditione rebus, B. P. Vguccionem Progeneralem præfecit: itinere in Gallias instituto, ut in transitu novas à se deductas colonias stabiliret, Lutetiam Parisiorum venit; ubi cum PHILIPPO Rege denuo in colloquium veniens, qualiacunque instituti Seruorum ijs in oris primordia, & relictum Vicarium suum Vguccionem, memoratis viri meritis ac sanctimoniâ, ei commendat. Quæ aliâque ad vniuersam rem Christianam spectantia, negotia, dum inter utrumque PHILIPPVM agitantur, fama Parisios affluit, creatum ex Archiepiscopo Leodiense, Pontificem, Gregorium X. qui per id tempus, Reipub. Christianæ causâ, Prolomaide Syriæ, cum Eduardo Angliæ Principe, aberat. Quo tam oprato, post diuturnum Ecclesiæ interregnum, nuncio exhilaratus B. P. vocantibus in Italiam vrgentioribus causis, profectionem Hispanicam in præsentia dilatatam, cum Italicâ permutauit.

PHILIPPVM CVM SOCIIS IN ITALIAM PER ALLOBROGVN ALPES ITER habentem, post tridui errorem, atque inedia, Angeli in viam reducunt.

CA.

## CAPVT NONVM.

**D**igestis hoc ordine, ac stabilis Germaniæ, Galliæq; rebus, PHILIPPVS & literis suorum, & rei in Italia publicæ necessitatibus sollicitatus, viam molitur cum socijs, vel filijs potiùs, quot spiritûs fecunditate ac fecundia apud exteros genuerat. Horum in numero, sanctitatis spectabilis fuit Ioannes Francofordiensis, è primâ apud Vspetens nobilitate, Iuuenis, sed pietate in Deiparam, & reliquis animi ornamentis nobilior; qui, cum fortè ijs diebus, quibus Philippus Francofurtum ad Mænum adierat, de certo vitæ statu capeffendo deliberaret, noctu quâdam ipsa B. ma Virgo se illi multâ conspicuam gloria, videndam obtulit, & quoad consulum salutem suâ, & obtemperatum Diuinæ voluntati cuperet, aduenam ex Italia Patrem, cum adire iussit, qui pullâ in veste, popularibus eius per eos dies concionaretur: illius sermonibus, & consilijs morem gerendo, certam salutem eum, & porrum fluctuanti inter ancipitia consilia menti, reperturum. Paruit Ioannes cœlestibus monitis, & conuento sequenti die Philippo (qui & ipse ab eadem B. ma Virgine, quid Iuene fieri veller, præmonitus erat, ac certior factus) ordine exponit veniendi causam, & authorem DEI MATREM. Philippus perbenignè acceptum iuuenem, expositis, quæ talibus consilijs vel moras vel impedimenta facessere solent, vt habebat à communi Dominâ in mandatis, coopratum in numerum Seruorum cœlestis Reginæ, habitu induit Religionis, in quâ ille ad annum vsque 1345. vitam singulari pietate, ac præcipuè, à seueritate in se ipsum admirabilem produxit. Ac demum postquam varijs in locis, ac præsertim Lucæ (quo pallium Philippi magno in eâ ciuitate ægrorum bono ex Germaniâ attulerat) cœnobijs

*Cum Ioanne Francofordiensi in Italiam reuertitur.*

*Illius mirabilis vocatio.*

præfuiſſet, reuerſus in Patriam, Francofurti extremum diem clauſit, miraculis & in vita, & poſt mortem clarus, & apud ciues ſuos magno ſemper in honore ac veneratione habitus; quamdiu illis bona mens & ſyncera Religio conſtitit, vt fuſius habent Annales noſtri.

Hoc ergo Ioanne & Fr. Victore Italo, & altero Ioanne Gallo, ac F. Gualtero Germano ſocijs, PHILIPPVS, inito Italiam verſus itinere, cum alpes eſſent ingreſſi Allobrogum, viâ militari deerrârunt, ac toto triduo per opacas, & ſolis feris peruias ſyluas viam veſtigantes, redeundi, vt fit, in viam ſtudio, ex alijs erroribus in alios impliciti, nullam rationem inueniebant, explicandi ſeſe, ex impeditis illis ſaltuum anfractibus; & augebat rei difficultatem inedia, ac laſſitudo, quibus triduanis conſtitati, dum neque porionis aliquid, leuandæ ſiti, neque cibi, ſedandæ fami, reperirent, linqui iam animis, viribûſque deſtitui incipiebant; cum Philippus ad conſuetum precationis ſubſidium conuerſus, idem ſocijs facere iuſſis. Poſtquam ardentem charitate ſuorum, & magnâ, in Dei ſuauiſſimam providentiam, fretam ſpe, orationem, cum lachrymis, ad Deum fuſiſſet, repente voces aliquæ, humanis ſimiles, afflant, quibus feſtiuâ gratulatione compellari Patres, ad amiſſam viam; & reſectionem virium, poſt tot labores inuitabantur. Ad quas ipſi ab exorſa oratione vertentes ſeſe, quamprimùm eluctari potuerunt ex ſenticofis illis plagis, in duos incidunt, qui habitu quidem, ac reliquo cultu corporis, paſtores videbantur, cæterum, vt poſtea apparuit, Angeli erant. Ab his in proximum Tugurij hoſpitiū, mul-

*In alpi-  
bus  
Philippus  
cum ſuis a  
viâ aber-  
rat.*

*Miraculo-  
ſe reſecun-  
tur & in  
viam re-  
ducuntur.*

*Ab Ange-  
lis habitu  
paſtorum  
apparenti-  
bus.*

re-

re, accumbere iussi, purè suauitèrque epulati sunt: a dī-  
que DEO infinitis gratijs, ducibus hospicibus suis, redu-  
cuntur in rectam viam. Et Duces quidem officio perfun-  
cti, depositis personis, repenti ex oculis Patrum euane-  
scentes, videri desierunt, ac Philippus cum suis in Italiam  
descendit; vbi virtute atque industriâ Vicarij sui, aliorum-  
que Patrum labore, magnam multorum Cœnobiorum  
ad Religionem, factam accessionem esse, per illud absen-  
tiæ suæ biennium, ingenti solatio suo reperit. Ita per Pe-  
demontanos profectus, atque de via, intransitu, noua illa,  
eo absente, cœnobia, cum voluptate, inuisens, superatis  
Apennini Iugis, peruenit ad montem Senarium, vbi vt  
passim alibi, incredibili Fratrum gaudio exceptus, quàm  
propitio DEO ac Deiparâ, totâ peregrinatione vsus esset,  
exultantibus inter mutuas gratulationes, denarrabat.

# PHILIPPVS MVLTORVM PRIN- CIPVM VIRORVM INVITATV ALIQVOT

sacris Domicilijs fundatis, alijsque restauratis,

vocatus ad OEcumenicum Concilium

Lugdunum abiit.

## CAPVT DECIMVM.

**T**Raductis in Senario, vt in publico Ordinis vniuersi  
domicilio, & origine, ex quâ PHILIPPVS primitias  
spiritûs hauserat, cum magnâ animi voluptate, ali-  
quot diebus, Florentiam descendit: vbi aditâ D. Virginis  
Annunciatæ Imagine, gratias primùm, vt æquum erat,  
agit DEO & sanctissimæ MATRI eius, ac Dominæ suæ:  
quorum benignitate & curâ, restoro illo peregrinationis  
biennio gestæ, bene ac fœliciter vertissent, deinde admis-  
sis ad complexû B. P. Alexio, & cæteris eius loci Religiosis  
suis, maximis vtrinq; Charitatis & gratulationis significa-  
tionibus,

*Philippi  
cum suis  
Florentia  
congressus.*

tionibus, certatum est. Nobilitabat eum congressum tum Philippi autoritas, tum præcipuè veneranda B. P. Alexij Canities, & senile gaudium, quo seriem audiebat tot lætorum Religionis progressum. Erat is tum solus in Italia superstes ex septemuiris, instituti nostri Ducibus; nam quatuor iam in cœlum migraverant, & reliqui duo extra Italiam res gerebant. Is ergo narrantis Philippi ab ore pendens, ac tanta intra atque extra Italiam nominis Seruitani incrementa, & tot animarum lucra, in commune eiusdem ætarium redacta intelligens, septuagenario maior,olorinum illud coætanei sui canebat: *Nunc dimittis Seruum tuum Domine, secundum verbum tuum in pace &c.* quam hoc illius votum, multos in annos Deus distulerit, siue ut multò ampliora, ad solatij sui cumulum videret, siue, ut quàm diutissimè laborantibus in obsequio Dominae suæ Seruis, primaque lucis ac feruoris illa fax luceret; essetq; vnde exactè Scriptores, qui serò res nostras scribere exorsi sunt, discerent, velut ex oculato teste, & quorum ipse pars magna fuisset, admirabilem ortum, ac progressum per integrum sæculum Religionis huiusce. Vixit autem annos omnino centum & decem, & ex his in Ordine 77. tanto studio humilitatis & subiectionis, ut licet à pueritiâ bonis literis insignem operam feliciter nauauerit, & doctrinam minimè vulgarem, cum sanctitate & singulari prudentiâ habuerit coniunctam, tam longam ætatem priuatus agere omni ope studuerit; ut in eum finem aduersam valetudinem, qua ut plurimum variè exercitus est, impetrasse diuinitus videatur. Itaque sibi, ac valetudini suæ relictus, ægritudines animi, in affecto corpore, adeò persanauit, & in potestate habuit, ut apaches penè videri posset; quippe qui robustissimos quosque iuniorum, non modò

*Præcipue  
cũ Alexio  
viro sanctissimo.*

*Cuius virtutes recēsentur.*

modò æquaret, labores, inediâ, & castigandi corporis patientiâ, sed superaret etiam, in decrepitâ ætate. Vini præsertim tantus osor fuit, nullo abhorrentis naturæ vitio, ut cum languenti ventriculo fouendo necessariò esset adhibendum, imperio Superiorum ad id adigi debuerit. Præterea, licet tranquillo semper & placido oris habitu esset, redundante in aspectum, animi serenitate, nullus tamen eum vnquam ridentem vidit, nec vicissim quisquam sacris ad Altare operantem, nisi persusum vberimis lacrimis in adeundo Choro, semper primus, in abeundo semper vltimus in statione fuit, nec tamen in tam pertinaci contemplationis studio, alteram instituti nostri partem, quam Activam vocamus, vel æger omittebat. In re domesticâ tractandâ diligens, & exactus, in reducendis ad bonam frugem proximis, tantâ fuit efficacîâ, ac suauitate alloqui, nunquam ut eo audiendo fatiareretur. Eius diuinæ eloquentiæ vis cum in pluribus alijs in viâ salutis reductis, tum in Fratre eius germano, nomine Clarissimo, de Falconerijs, & Neptæ B. Iuliana de Falconerijs, quæquâ dispari in re memorabilis exstitit. Hic periculoso implicitus quasi, æternam salutem lucro oppignorauerat. Ista, relictis diuitijs, & generis splendore, Patruj exemplo, Seruitutem B. mæ Virginis ambebat. Vtrique Alexius adfuit: Fratri ut malè parca restitueret, author fuit; & Iuliana eius salutaribus monitis, mirificè accensa, prima, ut creditur, ex Virginitibus, Terrij Ordinis, Habitum sumpsit, & in eo, Alexij præcipuè culturâ, singulari pietatis laude, supremum, diem obiit; quibus, alijsque piè fortiterque gestis, Alexius in summâ senectute, in montem Senarium, ex altiori loco viâ in Cælum compendium facturus, ascendit, ibique plenus dierum, ac meritorum, mirabilem viuendi finem

*Et morum  
suauitas,  
atque ar-  
cana ser-  
monis vi-*

*Et salutis  
suorum stu-  
dium.*

*Denique  
mors mi-  
rabilis,*

fecit. Quippe in supremâ cum morte luctâ, ei Agonotheta Christus, suauissimi infantis specie, adfuit, qui veteranum Athletam suum, coelestium florum corollâ, adhuc in arenâ coronauit, & coelestes Genij, sub candidissimorum alicum formâ, frequentes, triumphantem deducturi, apparere visi. Sed ad Philippum redeamus, qui non minùs quàm Alexius, de amplificato extra Italiam instituto nostro lætus, de eodem intra Italiam, per illud absentiae suæ biennium, mirum in modum aucto ornatoque sibi gratulabatur, ac præcipuè argumentum, quod ante oculos in ædícula D. Annunziata versabatur, cum manantibus præ gaudio lachrymis mouebat: cùm scilicet augustum illud facellum, ad summam Deiparæ Virginis gloriam, tanto, tum populi Florentini, tum cæterarum gentium concur-

*Philippus  
populi in-  
cesâ in Di-  
nam An-  
nūciatam  
Religione  
miræ re-  
creauit.*

su, ac miraculorum frequentiâ, tanto opere videret inclarusse; præterea ex tot virorum Principum, ac summorum Pontificum & Regum donarijs, signis, anathematis, Tabellisque votiujs, impetratæ sospitatis testibus Diuini numinis, in loco colligeret præsentiam. Et habuit sanè, hodièque habet, hoc illa cœlestis Imago proprium, cum paucis, ac pecculiare, iam inde à primò eius existentis vestigio, vt perpetuo, ac nunquam interrupto tenore, quotidianis miraculis cultorum suorum pietatem ac Religionem per omnes adhuc ætates, in officio contineat. Testantur id tum edita typis, auctore P. M. Luca Ferrino; tum ingentia volumina manu scripta, quæ habentur in Bibliotheca eiusdem D. Annunziata, quæ de his miraculis conscripta sunt. Quæ nos aliquando, bono DEO, & eadem Virgine, S. ma auspicijs (si magnitudo ipsorum miraculorum ac multitudo, quæ est penè infinita non obster) cogitamus, vt hanc historiam, in vnum collecta corpus, latinitate, ac

*Qua per  
subsequen-  
tia secula  
miraculis  
propaga-  
tur.*

Typis



Typis donare. Quanquam ut à nemine mortalium illa  
 scribantur, consensus populorum, & quotidiana præsen-  
 tissimi Patrocini experimenta, tum vis quædã Diuinitus  
 atque occultè indita huic S.<sup>mæ</sup> Imagini, celebritatem eius  
 & Religionem perpetuabunt. Certè hac nostrâ ætate cò  
 usque venerationis, ascendit, ut ostendi nisi clam, ac de  
 nocte non possit, ne affluētis contentione multitudinis  
 aliqui obterantur; cui incommodo, ut Principum caueat  
 providentia, & omnes intelligant, sanctiorem Hetruriæ  
 Thesaurum eam effigiem esse, duabus clauibus, quarum  
 alteram ipsi, alteram Cœnobij Antistes conseruat, obiecta  
 vela clauduntur, & eorundem insuper Principum annulo  
 signantur. Ac nihilominus, si quando vel hospitibus Prin-  
 cipibus, vel Regum ac Rerumpub. oratoribus, postico, &  
 clam in cœnobium, exiguo comitatu admissis, intempestâ  
 nocte, atq; oppeffulatis templi foribus, Imago reuelatur, *Eius ima-*  
 nullâ diligentia ita eluditur ciuitatis ardor, quin tot, quot *ginismate-*  
 Ecclesia capere potest, irreparent, multoque plures templi *stas, & ad*  
 aditus, ac fores obsideant, strepero pulsu, atque infimis *eam con-*  
 precibus, vocibusque intromitti orantes. Sed illud in pri- *uersu.*  
 mis admirandum est, & quod Diuinam quandam vim illi  
 vulgus inditâ esse, vel maximè conuincat, quod sic admissi  
 vix prima Virginei oris lineamenta, ad faces videant, cum  
 solui statim in lacrymas, ac prorumpere in singulûs, ac  
 gemitûs, interat compunctionis indices, ac pectora palmis  
 plangere incipiant vniuersi; atque ad eò illi etiam, ut fre-  
 quenter fateri solent, qui non tam pietate, quàm curiosi-  
 tate ac rei insolentia ducti, accurrunt. Tam plena est illa  
 facies Gratiarum, ut planè diuinitus ac perpetuo mira-  
 culo contingere necesse sit ut tanta mouendi vis in  
 vnus aspectum Imaginis cadere possit, quantam

vix veterum Poëtarum licentia Palladis Ægidi, durandis in Saxa hominibus, affingere ausa fuit. Eius etiam huic Imagini insitæ virtutis testis est omni exceptione maior B. Aloysius, clarissimæ Societatis Iesu, ac Sermæ familiæ Gonzagæ Iubar; quippe, in cuius historia refertur: profiteri solitum: ex D. se Virgine Annunciatâ Florentiæ, velut ex optimâ nutrice, primitias spiritûs sui suxisse. Ad hanc ergo D. Annunciatæ Aram (vnde nos ipsius Virginis suauitas in hanc quoque digressionem pellectos, pertraxit) postquam PHILIPPVS omnes grati animi affectûs exonerasset, & solatus esset suos, ad ordinanda, quæ per absentiam cumulatæ erant, negotia, contulit sese: ac primò quidem morem gesturus populorum ac principum virorum studijs, quibus certatim inuitabatur, ad noua apud se Ordini nostro Monasteria capienda; vel restauranda, atque amplificanda ea, quæ temporum iniuriâ collapsa fuerant. Exorsus est, ab oppido S. Sepulchri, auspicijs Episcopi Nicolai Castellani, qui lapidem eius cœnobij angularem iecit, ac deinceps, Senensium, Lucensium, Pistoriensium, Perusianorum, Vrbeueteranorum, & Cortoniatum, aliorumque populorum inuitatu accersitus, multa Ordinis cœnobia vel facienda locauit, vel facta refecit. Exinde Arcetium, studiosissimam sui Ciuitatem profectus, edicta illic comitia celebravit, anno allatæ salutis 1273. Constitutis, in ijs comitijs, quæ ad stabilitatem, ornatumque Religionis facere videbantur, in vicem aliquid gratitudinis ergo repositurus Benefactorum Munificentiæ, in communionem bonorum operum, quæ toto in Ordine fiunt, ipsos, & Tertij Ordinis homines, more Maiorum, atque auctoritate Pontificiâ, publico instrumento recepit. Dimisso inde Petrum Conuentu, PHILIPPVS Senas, Romam illinc

*Philippus  
Ordinis cu-  
ra & aug-  
mento in-  
nigilat.*

*Communi-  
cationem  
bonorum  
operum Be-  
nefactori-  
bus & Ter-  
tariis im-  
partitur.*

illinc petiturus, proficiscitur: ibi, ne vsquam nisi re aliqua memorabili gestâ, diuerteret, missum ad se, ab ipsa Dei-para adolescentem, annorum quatuordecim, Claromontensem nomine, ex antiquâ, ut quibusdam placet, Pellacanonum, vel ut alijs, ex antiquiore ipsa Româ, Sylviâ gente (quæ hodie magnâ licentiâ vocatur Piccolominea) in obsequium Virginis arratum, Seruorum albo adscripsit, mutato Claromontensis sonoro nomine, in Paternum Dominae Ioachimi nomen. Sub quo ille nomine, in virum sanctum adultus, maioribus rebus, quàm quæ exiguo, pro nostro more, diuerticulo, perstringi possent, fortiter ac mirabiliter gestis, à Paulo v. Pontifice Maximo, nostrâ ætate in Beatorum Catalogum est relatus. Interea agenti Senis PHILIPPO, litteræ afferuntur Cardinalis Orthoboni Protectoris; quibus, cùm significaretur: Pontificem, qui tum erat Gregorius x. profectionem moliri Lugdunum Galliæ, quò Concilium OEcumenicum conuocârat, nihil cunctatus, ad urbem res Religionis cum Pontifice ante discessum constituturus contendit. Eò delatus, & ad ea, ad quæ venerat transigenda, aggressus, intelligit: Pontifici placere, ut vnâ ipse cum aliquot doctorum virorum Ordinis comitatu, in Galliam ad Concilium se comiteretur. Cognitâ Pontificis voluntate, Philippus ad se euocat F. Henricû Bonicollum Gandauensem, qui dictus est Doctor Solennis, aliôsque, qui pro Ordine Seruorum (ut pro Prædicatorum Minorumque Ordinibus D.D. Thomas, Bonaventura, & Albertus Magnus) illum Lugdunensem P.P. confessum cohonestarent. Profectus igitur Româ Pontifex, comitantibus Græcorum Imperatore, & Rege Neapolitano, alijsq; plurimis Cardinalibus, Principibus, Præsulibusque, Florentiam venit, si quâ ratione ægræ ciuitati

*B. Ioachim-  
um sus-  
cipit.*

*Ad Conci-  
lium Lug-  
dunensem.  
nâ cû Hen-  
rico Gan-  
dauensi &  
alijs profi-  
ciscitur.*

*Pontificē  
in sedandis  
Florentinis  
dissensionibus  
suar.*

& ciuium suorum factionibus pessundatæ, medicinam, finemq; intestinorum malorum afferre posset; in quo tam egregio conatu, fideli operâ Philippi vsus est: qui Patriæ, Charitate, ac Zelo succensus honoris DEI, salutisque tot in illis laniensis pereuntium animarum, pro pace grauiter ac magnificè, in proteruos verò, ac peruicaces odiorum ciuiliū satores authorésque, acriter, fortiterq; dicendo, summi Pontificis conciliandæ ciuitatis studium, aduersus ingentem inoliti mali molem, sustentabat. Nec minori vsui Lugduni quàm Florentiæ PHILIPPI opera Pontifici fuit. Conuenerant ad illud Lugunenſe concilium Palæologus Græcorum Imperator, & eiusdem gentis Patriarcha Constantinopolitanus, ac præterea Legati variorum Græciæ Principum, quorum præcipuè de contrarijs, inter Patres quæsitum est, ut concordia cum illis stabilita, leuataque Reipub. Christianæ discordiarum sentinâ, tota vis ciuiliū armorum, eò facilius in Christiani nominis iuratum hostem Mahometanum verti posset, si latinæ Ecclesiæ cum Græcanicâ conuenisset. Controuersia præcipua erat de processione ex Patre filioque Spiritûs sancti, super quâ positione alijsq; aliquot contrarijs, cum decimum iam & tertium, Græci cum Ecclesiâ Catholica, in gratiam concordiamque rediissent, hoc frequente congressu nihil actum esse cum Græcis ab Latinis compertū est, nisi quod actum egerint. Ea eius Nationis lubrica conditio & afflictus rerum Occidentalium, ac vel in primis Pontificiarum status, pium Pontificis animum sollicitum habebant; reditumque cupiebat ad pristinum splendorem, refarcitis cladibus, quæ ab Imperatore Friderico, & Manfredò illatæ fuerant; tum eandem Ecclesiam Catholico Cæsare, ac beata pace (quibus per aliquamultos iam annos caruerat).

suf-

*Concilii &  
Pontificis  
instigum.*

suffultam optabat; vt versis in Turcam communibus armis, Hierosolymitanum Regnum recuperari posset. Quæ cum sumopere necessaria, & Pontifici vehementer cordi esse PHILIPPVS perspexisset: primùm publicè pro argumenti dignitate, de rebus sumâ vi atque energiâ disserere, deinde priuatim singulos Procerum adire, monstrare necessitatem eorum, quæ à Pontifice fuissent proposita; & omnia denique agere, quibus Græci Latinique inter se coalescerent, & in communem hostem, iunctis opibus armarentur. Accedebat, quòd sub istius tempus concilij, nouâ atq; ampliore spiritus exuberantiâ agi se vir Sanctus, atque impelli sentiret; quo fiebat, vt & cum veneratione multâ audiretur, & coniunctâ, cum Diuinâ quadam efficaciâ, incredibili suauitate, omnium animis vim afferret. Et subseruiebat dictionis ardori donû linguarum, nempe præter Natiuæ, & partæ studio Latinæ linguæ, Græcæ, Hebræicæ, Teutonicæ, Hispanicæ ac Gallicæ scientia: quas ita callebat exactè, vt velut nouum Apostolum vnusquisq; linguâ suâ illum audiret loquentem. Et comòdum per illos dies & vehementer opportunum rebus, quæ in illo conuentu, à Pontifice, ac Patribus agebantur, accidit, vt septem uiri Romani Imperij Electores, post longum, & varijs funestum cladibus interregnum, Regem Romanorum salutarerent Rudolphum primum Austriacum, Habsburgi, atque Holsatarum comitem, inclytum bello Heroa, & Pacis artibus, singularique in superos pietate, ac Religione, nulli Principum ætatis suæ secundum. Id prorsus ex Pontificis voto euênit, magno sequentium sæculorum bono, & PHILIPPVM incredibiliter exhilarauit, quòd illi cum Rudolpho, vt aliàs diximus, magna intimæ familiaritatis necessitudo iam dudum intercederet; quæ illi postea PHILIPPVM in Germaniam euocandi, ad

*Quantum  
elapsum  
& lingua-  
rū peritia  
Philippus.*

ad componenda Principum Imperij dissidia, & ad debellandas Hæreses causa fuit, vt suo loco exponemus. Interea Concilio finis impositus, & in eo Diuini verbi Apostolicis præconibus, ex eius præscripto imperatum, vt Crucem, recuperandis Hierosolymis promulgarent, inter Catholicos, omni ope pacem componerent, denique Murum pro domo Domini opponerent sese, gliscentibus præsertim in Germania Hæresibus: & cum primis illi stultissimo hominum Generi, qui rudissimâ stoliditate, Flagellantes appellati, flagellationes suas Martyrio præstare, & ad ortum sectæ suæ, Christi Euangelium exspiraturum, asserebant. Itaque accinctus ei operi PHILIPPVS, salutato Pontifice, in Italiam reuertit, & à Bonnoniensibus iniunctum exorsus munus, tamen cum populum factionum studijs, alternisq; cædibus propè excisum reperisset, breui tamen pacatum reliquit; eique gratiæ, ad posteros aliquo monumento testandæ, Senatus Bonnoniensis, sumptu publico, magnam partem Cænobij Seruorum à fundamentis extruendam curauit. Sedatis Bonnoniensium turbis, Florentiam inde ire pergit, eodem animo, fiduciaque; sed ad operiosiores rerum mores; domi enim ciuitas communi illius æui afflata peste, suis secum viribus pugnabat, & foris simul cum externo hoste vicinorum populorum, iisdem prope odijs bellum gerebat. Accedebat ad multiplicium malorum summam, quod iam per annos duodecim, pastore Episcopo destituti, securius simultates, cæterasque malas artes exercerent, discrepantibus, in re vtriusque saluari, partium studijs, ac neutris eum approbantibus, quem altera partium Episcopum sedi Apostolicæ nominasset; hoc ipso, quod aduersæ factioni probaretur. Interea Gregorius x. Lugduno rediens, ex via, &

vita,

*Quam in  
Hæreses &  
dissidia au-  
ouit & ex-  
orçeti.*

vita, cœlestem Romam migravit; cique in Pontificatum suffectus Innocentius v. cum mouentes, in Pisanos, exercitum, Florentinos discedere ab Armis iussisset, illique Pontificis imperio obsequenter paruissent, in gratiam fidemque recepti, ab eodem leuandis animabus, multis magnisque spiritualis munificentiae muneribus affecti sunt. Ea insolita eius populi in damniandis semel sumptis armis facilitas, concionum Philippi, publicè per eos dies habitarum Florentiae, fructus fuit.

PHILIPPVS DELATVM SIBI EPI-  
SCOPATVM FLORENTIÆ, FVGA AD PI-  
storieneses, euadit, & eosdem Pistorieneses scissos Guelfo-  
rum Ghibellinorumque factionibus, magnâ ex parte in viam salutis  
reducit, institutis poenitentium, tam virorum,  
quàm mulierum Soda-

litij.

#### CAPVT VNDECIMVM.

**I**Taque PHILIPPVS, lucido illo Ciuum suorum inter-  
uallo vsus, ad componendam alteram Reipublicæ par-  
tem, quæ Episcopi defectu laborabat, concione aduo-  
catâ, graui oratione, damna atque incommoda cessationis  
eorum, ac discordiæ, in deligendo Pastore, demonstrat; ac  
subinde in eam perniciem, summâ vi spiritûque Aposto-  
lico, cum singulari moderatione coniuncto, perorans,  
horatus est populum, Clerumque (nam ad hos quoque  
communis factionum labes peruenerat) vt Gregi Florenti-  
no, penè iam in Inferni lupi faucibus periclitanti, cõcor-  
dibus animis, ac sententijs, Pastorem dicerent; cum dere-  
pente, haud dubiè moti, populi volentis iubentisque, con-  
sonus clamor cooritur, in hæc verba; Episcopus noster Pa-  
ter PHILIPPVS esto. Ictus, inopinato multitudinis, decre-

*Florentinis  
suis Episco-  
pi admissi-  
onem per-  
suades.*

*Quibus ip-  
sum expos-  
centib9, su-  
gam arri-*

O

10, 11.



to, PHILIPPVS, ad eas voces non cohorruiť solũm, sed erubuit, atq; obmutuit etiam, eodque omnis omnino præclarus ille dictionis ardor, per reliquum Epilogum elanguit. Tamen conclusã vtrunque oratione, paulò post etiã Florentiã quã occultissimè excedit. Florentinus interim populus, & tota gens Ecclesiasticorum, in sententiã, iisdem, quibus in concione studijs, persistere; dicere: virum è prima ciuitatis nobilitate, eximiã prudentiã, & notã sanctitate, & ad omnia sumã gerenda, digerendãque natum, & quem prærogatiua Cardinalitij collegij, paucis ante annis, dignum Pontificatu iudicãrit, vtrique præoptandum homini externo, qui sedi Florentinæ immineat à Pontifice, nisi conueniatur; aliãque multa meritis sancti viri consentanea, inusitatã concordiã, publicè ac priuatim conferre: ex quibus satis apparebat, non temerè, & ex vulgi leuitate, conclamatum in PHILIPPVM fuisse. Sed Philippus, iam dudum in similibus, ac maioribus etiam periculis humilitati suæ yelificari doctus, fugã ad Pistorienses elapsus, cũ in alium Episcopum non satis conueniretur, aditum ad eum honorem reliquit externũ (vt non absurdè coniectabatur futurum) videlicet Iacobo Perusino, ex familiã Augustinianã, qui ab Honorio 1 v. summo Pontifice, PHILIPPO, in Episcopum Florentinum subleťtus est. Atque his quidem successibus Florentiã, virtus se Philippi atque industria exeruit. Cæterũ haud faciliora illi Pistorij, ex Concilij paulò antè laudati decreto, complandanda restabant. Siquidem ea ciuitas, si qua villa alia, efferatissimis spiritibus animisque, Guelforum Ghibellinorũq; factiones, ad exutam vique humanitatem, quotidianis ciuiliũ irarum exemplis, nutrebat; quæ illi infania, vt e-

*Pistorien-  
sum facti-  
ones com-  
ponere ag-  
greduntur.*

rať

rat cum cæteris Italiæ populis, illius sæculi infelicitate, communis, ita difficilior in ipsis curatu erat, quòd suo pte ingenio factiosa Gens, cætera generosa, ac sagax, omnem medicinam, præter sanguinis missionem, respueret. Cui rei argumento esse potest, quòd extincta Guelforum ac Ghibellinorum, in generis humani ex cogitata pernitiæ, nomina, in eâ vrbe, longo interuallo, sub Atrorum Alborumque nomenclaturâ, reuixerint. Itaque ingenti operâ tam adulto, tamque penitus insito malo sanando, desudandum PHILIPPO fuit. Ille tamen rei difficultatem, infra animi ardorem habitam, Deo fretus, magno animo ac forti aggreditur, nec minore perficit fructu; cum enim ex superiore loco, infrequentissimo Fistoriensium auditorio, ardentem Diuino spiritus, & grauem terroribus, orationem auspicatus esset, ab illo Psalini versu. *Super flumina Babylonis illic sedimus & fleuimus, dum recordaremur tui Syon:* deplorabilem ipsis statum suum, tam graphicè atque ad vîu ante oculos statuit, vt sui pudere primùm, mox etiam feruor poenitere pleròsque inciperet. Horum ex numero quidam, egregiè nobilis, cui Bonauenturæ nomen, Vannij de Bonaccuro, filius, & suis, & cœlestibus Ciuibus, repentinâ mutatione spectaculo fuit, is partium Ghibellinarum Dux, & antesignanus erat, ferox animi Iuuenis, & ex mala causâ celebre magni bellatoris nomen consequutus. Hic armatos exercitus timere nescius, conscientiâ, & concione Philippi percussus, damnatis sceleratis armis, artibusque in ciues sæuiendi, supplex ad Philippi vestigia prostratus, infimis precibus orat, ne grauetur, ex animo ad DEVM reuertentem se, Seruorum misericordissimæ Dominæ numero aggregare. Ad ea PHILIPPVS: se quidem

*Psalm. 136.*

*Ingens spiritus acrimonia indissidentes inuictus.*

*Bonauenturam partium Ghibellinarum Ducem ad poenitentiam sermone.*

dem bonæ piæq; voluntati eius morem gerere paratum dicere, si cum inimicis omnibus, ac peculiariter cum aduersâ factione, bonâ fide, & meliore humilitate, in gratiâ rediisset, ac deinde ea omnia, quæ nefario atque iniusto bello parata, suos in vsus conuertisset, legitimis Dominis ex integro restituisset. Ijs conditionibus, & præferocis animi experimentum capere, & sternere, æmulaturis tam nobile exemplum, viam, vir sanctus volebat; qua compendio sed necessario, Deo, ac iustitiæ adiungi possent. Bonauentura vtrumque accuratè præstitit, atque ira demum voti compos euasit. PHILIPPVS hoc, huius Ducis, tam opimum spoliū, sibi ac Deiparæ gratulatus, nouæ militiæ nouum Tyronem, monitis, ex asceticæ Philosophiæ sacrario depromptis, armat, docetque: quemadmodum benecepta inoffensè prosequatur. Quæ Bonauentura monita tam altè in pectus demisit, vt inter Beatos census Ordinis Seruorum, res gesserit tales, atque ita vixerit, vt eum titulum nomenque, sine contrariis, factis æquauerit. Vt ex illius vitæ historia Italicè editâ liquet. Verū non stetit hic concionum Philippi, priuatorūque monitorum vis & efficacia: plurimi enim, ex vtroque sexu, illius ciuitatis, ad ipsum, velut ad sequestrum, ineundē cum Deo pacis, affluentes, illius se totos arbitrio per mittebāt. Eos PHILIPPVS in duas classes siue sodalitia, alterum viro-

*Et suorum  
numero  
aggregat.*

*Ciues piis  
excitati so  
dalitatis, ad  
virtutem,  
& penitē  
tiam infor  
mat.*

rum, mulierum alterum, digestos, quid porro deinceps agere, quidque omittere debeant, docet. Ac viros quidem, qui, prælucente Bonauenturæ exemplo, reliquā aetatem, antea actæ vitæ suæ facinoribus deplorandis, & acerrimā penitentiā vindicandis, addixerant, quia ex sanguinarijs illis, vel inimicis, vel commilitonibus Bonauenturæ erant, nequa vnquam obliuio, iniectam ipsis diuinitus penitenti-

dinis mentem, labefactaret, indutos rubris sacco, monimenta patratum cedium, perpetuò circumferre voluit; unde & Pœnitentium, & quod se publicè ad multum sanguinem cedere consueffent, Flagellatorum Ordinis Servorum B. mæ Virginis, nomen sortiti sunt. Ita & ipso cultu, & suo cruore, pro effuso olim alieno, nobiliter purpurati, & gloriofè foddati, ingenti exemplo, ac faluti fibi & ciuibus erant, & quotidianis incrementis in Chriftianâ pietate proficiebant, duftu præcipuè ac disciplinâ B. P. Bonaventuræ, qui illis pofttea præfeftus, haud feignius quàm olim ad clades, atque incendia, ad omnia Chriftianæ virtutis decora, faciem ipsis præferebat. Nec minùs illuftris feminarum Piftoriensium, quàm virorum pietas fuit, ac fortaffe hoc illuftrior, quòd nullâ cede, aut scelere publico designato, arduam virtutis viam, mafculo animo, PHILIPPO hortante, ingrederentur; quippe eodem tempore, quo viri fuas Metamorphofes moliebantur, aliquot è primarijs ac nobilibus Matronis, mixtis alijs mediæ fortunæ, concordibus animis, votisque Deo Placendi, Habitum Tercij Ordinis Servorum à B. P. fufceperunt. Atque ita indutis, velatifquè monialium more, Clamidatarum, (vulgò Mantellatarum) nomen, à fumpto hoc philofophico pallio, inditum eft, & in iuftam congregationè coalefcens, procedente tempore, plurimas fpectatæ virtutis Virgines dedit, vt fufius in annalibus demonftrat Gianius nofter.

*Quib⁹ præfeftus Bonaventura infigni exemplo prælucebat.*

*Viros femina ardore fuperant.*

INNOCENTIVS QVINTVS PONTIFEX MAXIMVS ORDINEM SERVORVM antiquare aggreffus, irritò conatu, paulò poft vivere defijt.

## CAPVT DVODECIMVM

*Inexspe-  
ctatus in  
Religionē  
Seruantiā  
turbo, Phi-  
lippum ex-  
ercet.*

*Ortus ex  
interdictā  
numerosio-  
re Ordinū  
varietate.*

**D**VM hæc à Philippo, domi forisque, geruntur, & di-  
ciplinā eius, ac primicio adhuc spiritu, omnia do-  
micilia feruent, eoque nomine, & egregijs Philippi  
facinoribus, in omnium amoribus sermonibūque Ordo  
Seruorum versatur, ne videlicet tam lætis successibus, vel  
efferrer animos, vel per noxiam securitatē, in ignauiam,  
aut soccordiam delaberetur, tempestas in eum, Diuino  
permisso, cooritur talis, in qua & Philippi fortitudo, & ip-  
sius Ordinis firmitas, ac præsens in Seruos suos, Deiparæ  
Virginis Tutela, non obscurē spectata est. Eius rei huius-  
cemodi ratio fuit. Mortuo Gregorio x. Inuocentius quin-  
tus, rerum potitus, nihil antiquius habuit, quàm vt decreta  
Concilij Lugdunensis, quàm primū, & quàm exactissi-  
mē, propositum Patribus finem, effectūque fortirentur,  
& cum in primis illud (quod cum alio Concilij Lateranen-  
sis decreto conspirabat) quo cauebatur de numerosiore  
in Ecclesiā varietate Religionum: vt, si quis vocari se à  
DEO, ad vitæ Religiosæ statum intelligeret, ad vnā ex il-  
lis familijs approbatis, atque ad paucas redactis, sese ad-  
iūgeret, nouam nullam conderet, ac si quæ essent, hac in-  
tempestiuā hominum licentiā conditæ, eæ ex huius de-  
creti præscripto, abolerentur. Et salubriter id quidem, ac  
pro temporum illorum necessitate prouidē sancitum est;  
namque, vt est veræ Religionis simia, atque vmbra quæ-  
dam Superstitione, apud varios populos, malè feriat homi-  
nes, ad imitationem clarissimarum familiarum, quotidie  
nouas, alio atque alio cultu vestitū, alijs atque, alijs no-  
minibus legibūque, cominifcebantur, & suapte authori-  
tate, nullius suffragio propagabant. Quam rem daturam  
aliquando in Ecclesiā Dei turbas, vt iam tunc cæperat,  
non absurdē Pontifices verebantur, censébantque, ei libi-  
dini.

dini modum obicemque esse ponendum. Caterum calamitas Ordinis Servorum, in eo vertebatur, quod in horum inauspicatorum Ordinum classem reijceretur; quemadmodum Innocentio Pontifici faciendum videbatur. Qui proinde Cardinali Otthobono, Ordinis Protectori, in mandatis dat, ut ad dicendam causam, rationemque reddendam de suo Ordine, Generalem Servorum Romam citet. Philippus interea Pistoriensibus suorum comitijs præerat, magis de ornandâ, quàm de vendicandâ in sortem numerumque probatorum Ordinum, religione suâ, sollicitus; cum ecce Cardinalis litteræ superueniunt; quibus nonmodò dicta P. Generali dies, sed interim etiam, ex vi Decreti imperatū est, ne ipse, neue quisquam alius Superior Ordinis nostri, deinceps quēquam vel ad Habitum, vel verò etiam ad Professionem admitteret, nec externorū confessiones excipere, vel eorum Cadavera apud se humare auderent; denique ne bona imobilia (quippe ut ad ærarium, Pontificium deuoluta iam) vlla ex causâ alienarent, distraherent, ue, sub anathematis, ac dirarum pœna. Quibus omnibus id agebatur, ut velut præiudicatâ causâ omnes intelligerent; ex mente Pontificis, inter expunctos per id Decretū, Ordines, Ordinem quoque Servorum censeret. Perculit is nuncius non mediocriter Sanctum virum, sed ita tamē, ut adesset animo, & magnitudinē difficultatis, haud quēquā humanis rationib⁹, sed cœlorū Reginæ, Primæuæ Instituti Fundatricis virib⁹ metiretur. Sed nequid interim, quoad ipsū stare, humanæ prouidentię desiderari posset, primores Patrū, in Senarium montē euocat. Ac fortè per eos dies perquam opportunè, BB, PP, Sustenius & Vguccio, qui soli supererāt, ex septemuiris nostris, senio ac laborib⁹ cōfecti, è Germania Galliâque, eodem ut se ad felicē mortē compararēt, superuenerant. Quibus, ac ceteris Patrib⁹ cōgregatis, Philipp⁹ litteras Protectoris recitat, quo res loco sit, demō-

*Eam ob rē citatu, ad dicendam causâ Philippus, suis minimè deest.*

strat, ac

*Ea in tre-  
pidatione  
ad Domi-  
ni opẽ con-  
ceptis pub-  
licè votis  
confugit.*

ac deinde rogatis singulorum sententijs, quid in re tam arduâ, atque ancipiti factu opus sit, exquirat: P. P. qui de summâ rerum agi videbant, anxie varièque animis spem inter & metum fluctuabant. Hinc aliquot Pontificum, Ordinis confirmationes, PHILIPPI spectata rebus in artibus arduisque industria, ac Diuinæ in suos providentiæ suavitates, bene sperare iubeant, inde verò duorum Conciliorum auctoritas, summi Pontificis præiudicium, & rei de qua agebatur, magnitudo, metum ac sollicitudinem acuebant. Demum cum vndiquè angustia premerent, omnibus sententijs in iditum, ut ad Præsidium Dæi Genitricis, unicæ Ordinis Condutricis, confugeretur. Itaque in omnibus Ordinis templis, supplicationes perpetuæ, cum *Antiphona Salve Regina*, cantu, è choro ad eiusdem Virginis sacella, conceptu voto, præfenti huic periculo auertendo, decretæ sunt, perpetuo ad posteritatem monumento futuræ: hunc Ordinem super B. mæ Virginis Tutelam fundatum, atque sub eius adquiescentem Patrocinio, nullis neque hominum, neque inferorum conatibus everti posse. Dehinc ad PHILIPPVM versi PP. rogant atque hortantur, ut pro sua sapientia operam det, nequid res publica detrimenti capiat. Atque his alijsque rebus, pro tempore, ac discrimine, in eo PP. Conuentu actis, PHILIPPVS sacrificijs & obsecrationibus alijs, præter illa votiva, propitiando Cœlesti Numini indictis, & P. Lotharingo, dum ipse abesset, ubique curare, atque adesse iussu, præsertim aduersus vim externorum, ac Præsulum, si qua, pendente causa, ingrueret: ipse properè ad urbem iter arripit. Cum ecce, vix viam ingressu, nunciatur: Innocentium Pontificem, exiguâ quinque mensium vsurâ, delibato potius, quam gesto Pontificatu, morte sublatum esse. Qui casus

*Sed præci-  
pue ac pri-  
matim Phi-  
lippus.*

ut in



vt in præsentia sollicitudinem Ordinis Seruorum non nihil leuasse visus est, ita creditum, nec temerè, Diuinitus eâ poenâ multatum esse Pontificem, quòd eundem Ordinem (cui, vt graues authores testantur, ante adeptum eum apicem, parum æquum se ostenderat) delere cogitârit. Interea tamen, vt facilius oriuntur, quàm occidât res aduersæ, Marianæ Religionis calamitas, auctori suo superuiuebat, quanquam, illo extincto, aliquantò æquabilior. Sed admirabilis quædam rerum commutatio, quæ per eos dies Romæ contigit, omnium, ac præsertim PHILIPPI spem maiorem in modum erexerat; nam simul atque ad urbem peruenit, Cardinalem Otthobonum, sub Adriani v. nomine, creatum Pontificem intelligit. Nec dubitabat, quin eum, qui multos per annos, summâ fide, sumâque cum curâ, Patronum Ordinis Seruorum egisset, tam propitium, paratûmque ad conseruandam vindicandamque haberet ab interitu Religionem, quàm studiosum eiusdem euertendæ Innocentium paulò antè expertus fuisset. Accedebat præterea, ad hæc affulgentis spei momenta, quòd Hadrianus, ex longo Protectionis usu, ortum, progressum, ac statum Ordinis pernoscere, teneretque præsentî memoriâ; quæ ipse ad firmitatem huius Institutiâ summis Pontificibus prædecessoribus suis impetrasset. Ad hæc opinio eiusdem Pontificis, de Philippi sanctitate, dignâ ab eo Pontificatu aliquando iudicatâ: quâ illi ante nouennium, & hunc ipsum Pontificatûm, vacinatus furerat, & arduas res, communi Ecclesiæ vniuersæ, & priuato Ordinis sui bono præclare gesserat; omnia ex voto, laborantis dubio discrimine, Religionis successura spondebat; vt afflicta Religio, in vno Pontifice, & Patronum sortita videretur & Iudicem. Neque ea absurda ratio-

*Morte Pontificis distractum periculum.*

*Meliores spe affulgent, ex Cardinalis Protectoris assumptione.*

*Sed morte  
denuo Pon-  
tificis con-  
ualefcit di-  
fcimen.*

cinatio fuit. Cum enim ad primum eius affatum admiſſus Philippus, luculentiùs apud ſatis conſcium veritatis eorù, quæ afferebantur, pro Ordinis ſui, ab illis duorum Conciliorum decretis indemnitate, diſſeruiſſet, Pontificem in omnibus conſcientem habuit. Sed DEO Opt. Max: & maximæ MATRI eius, qui claratam Serui ſui Philippi conſtantiam, & reliquorum Seruorum tolerantia, exercitam, atque his iſſis vijs, magis ac magis ſtabilitam rem Seruitæ, nam volebant, placuit exemplum ſtatuerè, quo demonſtraretur, neque odio cuiusquam ruere, neque ſolo humano favore ſtare ea, quibus ipſi æternitatem decreuiſſent. Ac proinde vt nuper Pontifex Innocentius excidium Ordinis meditatus, poſt quintum meſem ſublarus eſt, ita Hadrianus v. in omnia alia pronus, intra meſem, ab initio Pontificatu mortuus, diuinæ providentiæ, quoad difficultates noſtras ſuum curſum reliquit: magnus ſanè vir, & ſupremo honore digniſſimus, vt qui difficillimis ad Germanos Britanniòsque legationibus perfunctus, miſerè collapſam Chriſtianam diſciplinam, illis in regnis reſtituerit. Quibus alijsque plurimis laboribus, & affectu ætate feſſus, ac de Ordine noſtro optimè meritus, ad æternæ felicitàtis ſplendidiùs Sacerdotium tranſiit. Is caſus tam alieno tempore, tametiſi nonnihil affecit Philippum, non tamen de ſtatu deiecit, quin maiore animo cepta perſequutus, omnes ad nouum Pontificem Ioannem xx i. rei bene gerendæ aditùs rimaretur. Itaque Ioannem Vrſinum Cardinalem qui apud Pontificem, gratia, atque authoritate, plurimum pollebat, aggreditur, & ſuum facit: eoque deinde agente, benignè auditus à Pontifice, editis & voce & ſcripto documentis, quibus Ordinem ſuum, duobus illis Conciliorum decretis, minimè peti probabat, ſolidè grauitèque

*Cauſam  
Ordinis de  
nuo ſolente  
Roma agit  
Philippus.*

luorum

fuorū causam orauit: effecitque tandem, vt Pontifex por-  
 rectum super eā causā Apologeticum libellum, aduocatis  
 Consistorialibus; Pontificij Iuris Cōsultissimis, examinand-  
 um daret: iuberētque, eosdem, vt ad se cum fide referrēt,  
 quæ Iuris esse censuissent. At Philippus, quanquā ea initia  
 satis læta viderentur, sperarētque, lice semel contestatā, si  
 non præcipitaretur, omnia salua fore: tamen, qua erat so-  
 licitudine, ac prudentiā, præter hos, alios, similium rerum  
 in vrbe scientissimos Iuriconsultos, ad causam adhiben-  
 dos putauit; vt quā plurimis suffragijs, & facilius, & glo-  
 riosius, Ordo Seruorū, in periculosissimā causā absolutus,  
 triumpharet. Neque eum spes fefellit; quippe tam consti-  
 tuti à Pontifice, quā conducti ab ipso Philippo, Iuriscon-  
 sulti, concordibus sententijs statuerunt, illa duo, duorum  
 Conciliorum placita, contra Ordinem Seruorum, vt sub-  
 nixum, fundatūque, in autoritate Sedis Apostolicæ,  
 omnino nihil facere, & in eam quoq; sententiam, ad Pon-  
 tificem, vt erant iussi, retulerūt. Quibus ille permotus, au-  
 ditis, quæ in vtramque partem, quæstioni subiecta fuerāt,  
 ad extremum ita statuit, Quoniam Religio Seruorū mi-  
 nimè comprehenderetur in numero eorū Institutorum,  
 quæ ab vtrōque Concilio perstringebantur, placere: vt is  
 Ordo, suis legibus viuat, vigeatque vt hactenus, impertur-  
 batus, ad varietatem decoris domūs Domini, & comunem  
 Ecclesiæ vtilitatem. Atque hic exitus fuit periculosissimæ,  
 quæ ad eum diem, in hunc Ordinē, vnquam commota est,  
 procelle. Quæ cum Superū benignitate, & Philippi sumā  
 moderatione, in hunc modū innocuè detonuisset, habitis,  
 Deo ac Sospirici Virgini, gratijs, ac salutato tū Pontifice,  
 tum Cardinale Vrsino, B. P. ad montem Politianum profici-  
 scitur; vbi Patres illius iussu, ad comitia conuenerant.

*A Consi-  
 storialibus  
 commissis  
 in fa-  
 uorem Or-  
 dinis ema-  
 nat Decisio*

*Et ipsius  
 Pontificis  
 placitum.*

*Superatis  
 periculis  
 Comititia  
 celebra-  
 tur.*

Quò vbi peruenit, & Patres, dubij, apud curiã Romanã, euentus expectatione suspensos, consolatus est, causã communis victoriã, & eos, qui illis velut antiquatis iam atque eliminatis ex verorum Religiosorum numero, importunis vociferationibus insultabant, Pontificio Rescripto repressit; atque, vt deinceps ei Insolentiã generi obuiam ireretur, præter alia, ad Religionis decorem facientia, in illis comitijs decreuit, vt Religiosi publicè pro concionibus, & priuatim in familiaribus colloquijs, auditores de priuilegijs Ordinis, & Pontificum repetitis confirmationibus eiusdem, ac denique de Pontificis Ioannis xxi. decretoriã, amotã lite, sententiã, certiores facerent. Quod, cum impigrè præstitum esset, celerius, quàm inualuerat, ea de Ordine nostro temere concepta opinio euauit.

PHILIPPVS A NICOLAO III. PONTIFICE, ADIUNCTVS CARDINALI LATINO, Guelforum ac Ghibellinorum, apud Florentinos, tumultus sedat.

### CAPVT DECIMVM TERTIVM.

*Nova Ordinis diffcultates.*

**I**gitur perfuncta tam periculosã iactatione, Religionis Seruitutz Cymba, parùm absuit, quin, vixdum satis refeito armamentario, nouis fluctibus, è portu rursus in altum, fluctuatura raperetur: nam cum, digressus ad Comitia perficienda PHILIPPVS, ad corroboranda benecepta, regrederetur ad curiam, tempore, ac propensã Pontificis voluntate, in rem debilitatã Religionis vsurus, magno dolore suo certior fit, Ioannem Pontificem decessisse. Sed cum post semestris interregnum, demortuo Ioanni successisset, assumpto Nicolai III. Nomine, is ipse Ioannes Ursinus Cardinalis, à quo aditum, ad agendam apud Pontificem

zificem causam suam, Philippo parefactum fuisse, paulò  
 antè commemorauimus, cum verò respirare, seseque de-  
 mum ex integro erigere afflicto Ordini licuit; nam præ-  
 ter inclytæ Gentis Vrsinorum vniuersæ, insitam ac per-  
 petuam erga familiam nostram, beneuolentiam, ex nu-  
 perâ familiaritate, PHILIPPVS ita charus acceptusque,  
 Pontifici euasit, vt, cum is, ex sorore Nepotem suum F. La-  
 tinum Malabrancam Cardinalem creauisset, ei PHILIP-  
 PVM adiunxerit, Theologi nomine, adiutorem, ac vicissim  
 eundem Nepotem, Ordini Seruorum, tali præsidio iam  
 diu orbo, Protectorem dederit: id quod ad recuperandam  
 Religionis dignitatem, & aduersus vim ac violentiam,  
 multorum, qua frequenter exercebatur, plurimum valuit.  
 Interea, appetente comitiorum tempore, bonâ noui Pro-  
 rectoris veniâ, ad Burgum sepulchri, destinatum ad id  
 operis locum, sese confert, & ibi ex more, luculentam ad  
 populum eius loci, orationem habuit; in qua illam Christi  
 Seruatoris nostri sententiam: *Luca 14. Qui non renunciat*  
*omnibus, quæ possidet, non potest meus esse discipulus,* tantâ, & tam  
 diuinâ facundiâ diduxit, vt ex auditoribus quidam, cui  
 Andree nomen, bono loco natus, parentibus, ac diuitijs  
 valere iussis, supplex Apostolico Concionatori, ad genua  
 prouolurus, cooptari oraret ab ipso, in numerum Seruo-  
 rum Cælorum Regina; qui voti reus, postquam magnos  
 in virtute progressus, præsertim in solitudinis & vitæ a-  
 speritate fecisset, & ex studiorum similitudine, vt fit, illum  
 inter, & aliquamultos Apennini Eremitas, amicitia, ac re-  
 rum æternæ salutis commercia & necessitudines inter-  
 cessissent, eos omnes, ex vagâ illâ, & tamen rigidâ, tamen  
 parùm tutâ nostris temporibus, vitâ, traduxit ad Ordinis  
 sui Instituta sectanda, Anno 1294. aliâque multa præclare  
 gessit;

*Denuo cō-  
planantur.*

*Sequuntur  
Comitia  
Genera-  
lia.*

*Et cuius-  
dam con-  
uersio fuit  
tuosa.*

*A Rudol-  
pho Impe-  
ratore po-  
stulatur  
Philippus.*

gessit; quibus inter septem B. Philippi discipulos locum  
& nomen Beati promeritus, ab Annalibus nostris celebra-  
tur. Interea, destinatis, in Germaniam Galliâque Vica-  
rijs Generalibus, qui trepidos illic nostros anxiosque, de  
exitu moti nuper in Religionem belli, erigerent, ac solat-  
rentur: Legati ab Rudolpho Cæsare ad Pontificem ad-  
sunt, qui inter alia, Imperatoris sui nomine, ab eo enixe  
petebant, ut, quoniam per Imperium variæ ac noxiæ se-  
dæ grassarentur, idque malum in dies latius serperet;  
consideretque Imperator: PHILIPPI Generalis Servito-  
rum spectatâ virtutē, & Apostolico spiritu, obuium iri  
posse ei pesti, eum ad se primo quoque tempore Pontifex  
legare vellent. Ad cætera Pontifex Legatis perbenignè,  
& ex sententia Imperatoris, respondit; de PHILIPPO,  
tamen si nihil in præsentia negârit, paulo difficilior fuit;  
quod Florentinus ac Bononiensis populus, sub id ipsum  
tempus, fessi fractisque domesticis factionum malis, missis  
Legatis, à Pontifice, ut à communi Generis humani pa-  
rente peterent, ut interpositâ autoritate suâ, pacem in-  
ter laceratæ Reipublicæ partes componeret. Quam  
prouinciam, ut extra ordinem, & integris olim partium  
viribus, odiisque, bene aliquando administrauit PHILIP-  
PVS; ita eum rursus ei necessario operi administrum Pon-  
tifex designauerat. Sed caput erat difficultatis, quod Gar-  
dinali Malabrançæ Nepoti, ad eos populos conciliandos,  
& recipiendam à Bononiensibus Toparchiam Æmiliæ;  
Legato, adiunctum PHILIPPVM volebat: cuius apud eos  
populos sanctitas, atque authoritas, ex recentibus factis,  
summâ in opinione erat, ut earum contemplatione, faci-  
lius salutaria consilia, ad aures, illi populi, atque ad animos  
admitterent. Neque Pontificem opinio fefellit; nam Bo-  
noni-

*Pontifice  
egre annu-  
ente,*



nonienses, & Æmiliam tradiderunt Legato, & factionum  
 Principes, autoritate Legati, & PHILIPPI veneratione  
 permoti, priuata odia sua, atque inimicitias bonâ fide  
 Reipublicæ condonârunt. Quibus fâliciter confectis, or-  
 dinatâque ciuitate, ac cæterâ Prouinciâ, Legatus cum Phi-  
 lippo ad Florentinos transgreditur. Ea videlicet erat in-  
 ueterata mali vis, omnibus illius miseræ Reipublicæ venis,  
 ac visceribus altrè latèque hausta, ex vanissimâ, duorum  
 nominum, Guelforum, & Ghibellinorum causâ. De qui-  
 bus, cùm frequens nobis hætenus mentio fuerit, futurâque  
 deinceps sit; in gratiam lectoris, & claritatis rerum, quas  
 agimus, originem ac fontem, vnde tot cladibus nobilitata  
 nomina manârint, hoc loco commemorare non spero ab  
 instituto alienum fore. Variant in rei decantatissimæ ori-  
 gine prodendâ, authores: quæ ipsa eius reperiendæ diffi-  
 cultas, prodere videtur: funesta nomina, apud Inferos, in  
 Generis humani perniciem esse excogitata, & à Furiarum  
 aliquâ, ad miscendam rerum naturam, terris inuecta, Ea  
 tamen videtur omnium maximè verisimilis, quam ali-  
 qui in hunc modum recensent. Rogerius Siculorum Rex,  
 annis ab hinc ferè centum, veritus, ne si Conradus III. Au-  
 gustus, in Italiam veniret, regno ab eo pelleretur (Cæsa-  
 rum armis, Siculorum Dominatui semper infestis) missis  
 in Germaniam Oratoribus, hostem, Guelfonem Ducem  
 Bauariæ, in Cæsarem concitauit, belloque ibi conflato, ex  
 Italia, Duci, & suo, & (vt viribus sanctitatis speciem adde-  
 ret) Pontificis Maximi, cuius se beneficiarium profiteba-  
 tur, nomine, ingentia misit auxilia. Cum his Signa contu-  
 lit Henricus, Cæsaris filius, in oppido Ghibellino natus,  
 quo etiam, memoriâ natalium, velut Gentilicio cognomi-  
 ne gaudebat. In hac igitur acie, lō Ghibelline: in altera, lō  
 Guelfo,

*Eumque  
 prius con-  
 siliandis  
 Florentinis  
 admonen-  
 te.*

*Guelforum  
 & Ghibel-  
 linorum  
 Origo.*

*Bzouius  
 A 1233. ex  
 Paulo Æ-  
 milio & Ca-  
 rolus Sigo-  
 nius Hist.  
 Bon. lib. V.  
 Ad Annū  
 1227.*



Guelfo, clamabatur; & ex eâ die seruatum, vt Guelfi, Pontificum, Ghibellini, partes Cæsarum, dicerentur. Sed penè iam extincta ea nomina, & deleta ex hominum memoria, scelere Friderici secundi, pro Testara Cadium, atque incendiorum futura, recruderunt. Is enim iustâ Gregorij Pontificis irâ, diris deuotus, eâ re exasperatus adeo est, vt per Prangipanos, summæ potentia Ciues Romanos, Pontificem vrbe depellendum curârit, atque apertè cum eo, & cum Ecclesiâ, quique Ecclesiæ partes tuebantur, bellum gerere instituerit. Itaque ab eo tempore, Italia in duas distrahi partes cepta, alijs, Imperij, alijs Ecclesiæ opes, sequentibus: quorum hi Guelfi; Ghibellini illi vocat. Quæ factiones, per multos pòst annos, Italiam tenuère; atque ad vltimum exitium redegère: per Hetruriam præsertim, Lombardiam, Romaniolam, & Marchiam, crudeliter grassata. Neque verò solum aliæ ciuitates Imperatorem, aliæ Pontificem sequuta, infestis inter se armis animisque decertarunt, sed in ipsismet etiam singularibus vrbibus eò furoris ac vesaniæ processerunt, vt alij Imperatori, alij Ecclesiæ studerent, atque se inter se pellere ciuitatibus, & spoliare bonis, inexprabili stimulante odio, niterentur. Vt igitur ea pestis præcipuè Hetruriæ incubuit, ita Metropolim eius Florentiam, nouem annorum pace ac felicitate luxuriantem, omnibus cladi- bus deformauit, duabus principibus familijs, Buondelmontium, atque Amideorum, inter se collisis. Quarum securæ auspicia, vel furorem potius, aliæ septuaginta duæ Patriciae familiæ, in partes abière. Triginta nouem ad Guelfum, cum Buondelmontibus, reliquæ ad Ghibellinum, cum Vbertis, adiunxère sese. Nec segniùs in partium studia, quàm tragicas in clades, itum. Quib⁹ tunc primum

finis

*Et progressus.*

finis fuit, cum accisis utrinque ciuitatis viribus, sponte sua, mutuae internecionis satietas, armis vel inducias, vel Iustitiam indixit. Ita ex longo experrecti veterano Florentini, vanitatem certaminum, suorum, & Guelforum ac Ghibellinorum nomina, Patriæ, Reique priuata naufragio facto, docti suo malo Grammatici, declinare tandem didicerunt. Cæterum sub istis nominum Iaruis, personata Optimatum, ac plebis ambitio; primas in Republicâ partes ad se trahentium, bacchabatur. Optimates in sito nobilitatis malo, cum Imperatore Ghibellini, penes se, id est paucos, imperia atque honores, exclusâ plebe, esse volebant, Dominationis litora, quam proximè legentes. E contra Guelfa plebs, Ecclesiæ subnixâ viribus campum & popularia comitia (in quibus viri fortes, siue plebei, siue Patricij esset, ex æquo honores adire ac gerere possent) perurgebant. Verum, cum nullus esset certaminum finis, & ipsi tum Ghibellini, tum Guelfi, satis viderent, sine arbitrio, nihil ad pacem confici posse, inuitâ concordia, ut diceretur institui, Pontificis fidem atque auctoritatem inuocauere. Sed enim, ut lethaliter faucij, ad vulnere suorum aspectum territi, periculo monitore, illico quidem impatienter implorant Medicum; at ubi is venit, & conrectare malum, expedire ferrum, manûs salutares admo-  
Difficillima cura inde ortorum malorum.

uere caput, maiore quam, quâ imploratus fuerat, impatientia, repellitur. Ita Florentini, quanquam mutuis afflictis cladibus, faucibus ciuitati ac penè confectæ, medicos quæsiuere, oblatos tamen à Pontifice, scientissimos, Legatum à latere Nepotem, & PHILIPPVM popularem suum, primâ statim curâ repulerunt. Et si enim initia rerum omnia secunda pollicebantur; quod magno apparatu, & magnis communis lætitiæ significationibus, legati exciperentur,

Q

Car-

*Conficitur  
tamen va-  
riâ indu-  
striâ Phi-  
lippi*

Cardinalisq; velut iactis pacis concordiaëque fundamen-  
tis, tam grato aduentu ad felicitis rei æternum monumen-  
tum, extruendo, ad diuam Virginem, quæ Nouella dicitur,  
magnifici operis templo, primum lapidem, suâ manu,  
summâ cum celebritate locârît; deinde tamen ad cætera  
perficienda conuersus, partes tam tenaces reperit pessimi  
instituti sui, vt re infectâ, desistere in præsentia captis, &  
quod PHILIPPVS suadebat, transactionem in aliud tem-  
pus reijcere coactus sit. Interea PHILIPPVS, & sibi priua-  
tim, & omnibus Hetruriæ cœnobijs, ac Sodalitijs, quæ  
placandæ Diuinæ iræ, & flectendæ hominum tantæ per-  
uicaciæ, opportuna videbantur, indixit. Tum ipse obire  
cuium potentiorum domos, hortari, obsecrare, terrere,  
placare, denique nihil reliqui facere, quod obstinatis ani-  
mis, in tam conduplicatis tenebris, vel lucem aliquam af-  
ferre, vel inferre salutarem vim posset, donec obrutos  
rationum ponderibus, conuictos conscientijs, perculsôs-  
que impendentium malorum ( si durare animo staret )  
metu, cò perpulit; vt manûs darent, & se in Legati, & Phi-  
lippi potestate futuros, sine ambagibus pollicerentur.  
Quare DEO bene iuuante, quæ res, paulò antè, incredibi-  
lis superatu videbatur, PHILIPPI Diuinâ efficacîâ, & ve-  
neratione prorsus complanata, & ad Pontificis, ac Le-  
gati votum, confecta est. Quin ad tantæ rei auctarium, non  
solum flexi ad pacem, & Christianâ humanitatem ciuium  
animi sunt, sed etiâ Philippi fulminib<sup>9</sup>, multi altiùs afflaci,  
rebus humanis, arreptâ feuerioris vitæ ratione, nuncium  
remiserunt. Inter quos, secundum Philippi, opimum in  
hoc belli genere, spoliū, Vbaldus, ex nobilissima Adi-  
mariorum familiâ, Ghibellinarum partiū Dux, ad DEVM  
conuersus, nobile de se, &, quod multorum animos ad i-

*Vbaldo  
Admario  
conuerso.*

denq

dem decus prouocauit, spectaculum præbuit. De quo, à PHILIPPO in Seruorum, ac deinde etiam in Beatorum Album, ob egregia merita, relato, hoc loco, quæ digna memoriâ ab ipso patrata sunt, in medium adduceremus, nisi alio loco id opportuniùs fusiùsque facere animus esset. Cæterùm compositis, hoc successu, ex æquo & bono, partium controuersijs, vt nemo Ciuis Florentinus expers esset, obortæ repente salutis, de restituendis Patriæ exulibus, eadem felicitate actum, Sexaginta familiæ Ghibellinarum maximè partium, redierunt, ijsque bona sua, quæ illis vrbe eiectis, publicata fuerant, ex integro restituta sunt. Porro vt ea Pax non modò rata, sed firma etiam ac perpetua foret, neue recurrente præteritarum simultatum memoriâ, labefactari aliquando posset, Conubijs, atque Affinitatibus, inter se Optimatum, ei periculo Philippus cauendum putauit; effecitque eodem industriæ cursu, vt Vberti cum Buondelmontibus, Adimarij cum Tassanis, Pazzij, cum Donatis, cæteræque principes factionum familiæ, horum fædorum sanctitate coalescerent. Pro quibus omnibus, piè fortiter ac feliciter gestis, Senatus populùsq; Florentinus, quòd PHILIPPVS BENITIVS Ordinis Seruorum Generalis, ruentem ad interitum, Rempub. seruassèt, pacem ac Ciues Ciuitati reduxisset, bene magnam pecuniæ summam, perficiundo D. Virgiius Annuntiata templo, decernendam censuit, eaque ex Sc.to numerata, ei magifico operi, coronidem imposuit. Nec cessit easdem ob causas Florentinis, vel beneuolentiâ in Philippum, vel Religione in eam Basilicam, Cardinalis, quippe qui & per semet eam Ecclesiam piè aduentibus, largâ benignitate Indulgentias impertiuisset, & maiores impertiendi Pontifici auunculo author fuit.

*Exulibus  
& spoliatis  
restituta.*

Q. 2

PHI.

PHILIPPVS, MISSV NICOLAI III.  
PONTIFICIS MAX: ET RVDOLPHI PRIMI

Austriaci Cæsaris rogatu, ad sedandos Romani

Imperij tumultus, secundo in Germaniam  
proficiscitur.

CAPVT DECIMVM QVARTVM.

*Philippus  
ad Cæsarem  
proficiscitur.*

**A**Tque his, anni huius 1280. hyeme, Florentiæ actis, & ad Pontificem, per Latinum Cardinalem, cum honorificâ PHILIPPI commendatione, atque industriæ summâ laude, relatis, Pontifex, tam prospero rei difficillimæ exitu gauisus, tantò libentiùs, diuturno Rudolphi Augusti desiderio, Philippi missione gratificatus est, quantò clariore experimento, exquisitæ viri prudentiæ iam roties periculum fecisset. Itaque anno sæculi huius octuagesimo, Philippus, Pontificis iussis, & Cæsaris voluntati morem gesturus, P. Lotharingo, interim Italiæ rebus, cum Vicariâ potestate, præfecto, ipse secundo in Germaniam iter instituit: eoque delatus, & ad Rudolphum adductus, pro arctâ veteris amicitiae necessitudine, atque expectationis diuturnitate, perhonorificè ab eo, perque benignè exceptus est. Persuncti deinde salutationum officijs, in familiare colloquium veniunt. In eo Cæsar totum animum suum, & vniuersas in administrando Imperio, consiliorum suorum rationes Sancto viro, ad arbitrium aperit: ac subinde, quia ipsum omnium Religiosorum in hac Catholicâ expeditione militum designauerit Ducem, quantum ab eo speret, quidque præstitum velit, in compescendis Sectarijs, ac reducendis ad officium Bauariæ, Bohemiæque Principibus, qui Imperium derectabant, fuscè grauitérque exponit. Ad quæ PHILIPPVS, præter alia,

alia, se in hoc ipsum à Pontifice missum, vt quantum ferret virium ac reliquæ facultatis tenuitas, suæ Maiestati præstò, ac præsidio esset; proinde vteretur, quò vellet, qualicunque operâ suâ; nihil enim esse, quod non ipsius, & Ecclesiæ tam iustâ causâ subire cupiat. Cæterùm bono animo esset: confidere se, Diuini Numinis præsentem opem, tam bonæ menti, tamque salutaribus molitionibus affuturam. Nec vana ea yaticinatio fuit; quippe comparatis duobus iustis exercitiis, Rudolphus debellato breui Boiorum Duce, copias in Ottocarum Bohemiæ Regem, duxit; qui superbiam atque opum fiduciâ exultans, vsque ad contemptum Rudolphi, inuasam Austriam suæ ditionis fecerat. Sed eum victum acie, Rudolphus apud Niderspurgum fudit, fugauitque: ac denique supplicem ad se venire coëgit. Quæ dum in acie à Sagato Rudolpho geruntur, à rogato PHILIPPO, Pontificij, atque Imperatorij Concionatoris tituli, haud profunctoriè explentur; nam suis, & eorum quos ducebat, concionibus, & consilij priuatis, effecit, vt alij, sumpta in Cæsarem, impia arma ponerent, alij pacem, veniamque recusati Imperij orarent: alij eiuratâ Hæresi, redirent cum Ecclesiâ in gratiam; denique permulti etiam, damnatâ præsentium rerum fugacitate ac fallaciâ, in varijs familijs, ac præcipuè in nostrâ Seruorum Deiparæ, Religiosam vitæ actionem completerentur. Ita armis, artibusque pacis perdomiti Imperij atque Ecclesiæ Perduelles, deinceps imperata fecerunt; Cæterùm Imperator tanti æstimauit ea PHILIPPI merita, ipsiusque Ordinis gloriosæ Seruitutis dignitatem, vt non solum omnibus domicilij nostris, per vniuersum Imperium suum, amplissima Priuilegia, atque immunitates dilargitus sit, sed ipse etiam suscepto, vnâ cum Augustâ

*Quempræ  
sens variè  
animas.*

*Conatusq;  
eius concio-  
nibus pro-  
mouet.*

*Augustor  
habitu Ter-  
rario in-  
dijt.*

PHILIPPVS, MISSV NICOLAI III.  
PONTIFICIS MAX: ET RVDOLPHI PRIMI

Austriaci Cæsaris rogatu, ad sedandos Romani

Imperij tumultûs, secundo in Germaniam  
proficiscitur.

CAPVT DECIMVM QVARTVM.

**A**Tque his, anni huius 1280. hyeme, Florentiæ actis,  
& ad Pontificem, per Latinum Cardinalem, cum  
honorificâ PHILIPPI commendatione, atque in-  
dustriæ summâ laude, relatis, Pontifex, tam prospero rei  
difficillimæ exitu gauisus, tantò libentiùs, diurno Ru-  
dolphi Augusti desiderio, Philippi missione gratificatus  
est, quantò clariore experimento, exquisitæ viri pruden-  
tiæ iam toties periculum fecisset. Itaque anno sæculi huius  
octuagesimo, Philippus, Pontificis iussis, & Cæsaris volun-  
tati morem gesturus, P. Lotharingo, interim Italiæ rebus,  
cum Vicariâ potestate, præfecto, ipse secundo in Germa-  
niam iter instituit: eoque delatus, & ad Rudolphum addu-  
ctus, pro arctâ veteris amicitiae necessitudine, atque ex-  
spectationis diurnitate, perhonorificè ab eo, perque  
benignè exceptus est. Perfuncti deinde salutationum of-  
ficijs, in familiare colloquium veniunt. In eo Cæsar totum  
animum suum, & vniuersas in administrando Imperio,  
consiliorum suorum rationes Sancto viro, ad arbitrium  
aperit: ac subinde, quia ipsum omnium Religiosorum in  
hac Catholicâ expeditione militum designauerit Ducem,  
quantum ab eo speret, quidque præstitum velit, in com-  
pescendis Sectarijs, ac reducendis ad officium Bauariæ,  
Bohemizque Principibus, qui Imperium derectabant,  
fussè grauiterque exponit. Ad quæ PHILIPPVS, præter  
alia,

*Philippus  
ad Cæsa-  
rem profi-  
ciscitur.*



alia, se in hoc ipsum à Pontifice missum, vt quantum ferret virium ac reliquæ facultatis tenuitas, suæ Maiestati præstò, ac præsidio esset; proinde vreretur, quò velleret, qualicunque operâ suâ; nihil enim esse, quod non ipsius, & Ecclesiæ tam iustâ causâ subire cupiat. Cæterùm bono animo esset: confidere se, Diuini Numinis præsentem operam, tam bonæ menti, tamque salutaribus molitionibus affuturam. Nec vana ea vaticinatio fuit; quippe comparatis duobus iustis exercitiis, Rudolphus debellato breui Boiorum Duce, copias in Ottocarum Bohemiæ Regem, duxit; qui superbiam atque opum fiduciam exultans, vsque ad contemptum Rudolphi, inuasam Austriam suæ ditioris fecerat. Sed eum victum acie, Rudolphus apud Niderspurgum fudit, fugauitque: ac denique supplicem ad se venire coëgit. Quæ dum in acie à Sagato Rudolpho geruntur, à rogato PHILIPPO, Pontificij, atque Imperatorij Concionatoris tituli, haud profundiore explentur; nam suis, & eorum quos ducebat, concionibus, & consilijs priuatis, effectit, vt alij, sumpta in Cæsarem, impia arma ponerent, alij pacem, veniamque recusati Imperij orarent: alij eiuratâ Hæresi, redirent cum Ecclesiâ in gratiam; denique permulti etiam, damnatâ præsentium rerum fugacitate ac fallaciâ, in varijs familijs, ac præcipuè in nostrâ Seruorum Deiparæ, Religiosam vitæ actionem completerentur. Ita armis, artibusque pacis perdomiti Imperij atque Ecclesiæ Perduelles, deinceps imperata fecerunt: Cæterùm Imperator tanti æstimauit ea PHILIPPI merita, ipsiusque Ordinis gloriosæ Seruitutis dignitatem, vt non solum omnibus domicilijs nostris, per vniuersum Imperium suum, amplissima Priuilegia, atque immunitates dilargitus sit, sed ipse etiam suscepto, vnâ cum Augustâ

*Quem præsens variè animat.*

*Conatusque eius concionibus promouet.*

*Augusta habuit Terriario induit.*

coniuge, gestoque sub Ppurâ, & Paludamento; Habitus Tertiij Ordinis nostri, Frater Ordinis Seruorum, ac Seruus Deiparæ, omnino appellari à nostris, imò, verò etiam esse voluerit. Equidem reputanti mihi, hanc summi Imperatoris beneuolentiam, penè infra Maiestatem exercitam, atque hæc eadem, quæ ipsum inter & PHILIPPVM, tantâ familiaritate, & significatione initæ necessitudinis gesta sunt, sub hæc in Germaniâ familiæ nostræ exordia, & cum reditu iam nostro in eandem Germaniam (vnde à Sectarijs, odio Dominæ, & nominis nostri, exacti eramus) comparanti, videri solet: singulari Reginæ Cœlorum, ac Dominæ nostræ beneficio factum esse, vt occulto quodam Diuini spiritus instinctu, hæc inclytissima Austriacorum Gens, in hunc Ordinem, pecculiari ac penitus insitâ quadam amoris, ac pietatis teneritudine, feratur. Etenim vnde Rudolpho, deque priscis illis temporibus, ea sufficiant, quæ hæcenus retulimus (quanquam nulla vnquam oratione nostrâ, ille, illius Augustæ memoriæ Principis, gratificandi nobis vastus animus æquabitur) & de temporibus hisce nostris loquamur; quibus ab hac eadem Augustissimâ familiâ in Germaniam restituta, ac restaurata Religio nostra est: ea extitit, Augustissimi ac religiosissimi Imperatoris Ferdinandi II. (cuius memoria in æternâ benedictione erit) in Ordinem nostrum pietas, vt ex æquo cum Rudolphi I. Pietate certans, vel æquare, vel superare beneuolentiæ illius contentionem visus sit. Certè enim, non modò ipsa sua Cæsarea Maiestas, & cum Augustissimâ Coniuge Eleonorâ, & Augustis omnibus Liberis, ingenti in Cœlorum Imperatricem Religionis atque obsequij exemplo, ante annos ferè quindecim Habitum Confraternitatis nostræ induit, & plurimis è purpuratis suis, vt

idem.

*Qui idem  
hoc saculo  
à multis e-  
iusdem in-  
clynâ do-  
mus Au-  
striacæ su-  
scepius, cū  
eximia ta-  
lione bene-  
ficiorum.*

idem obsequij genus capefferent, author fuit, sed etiam aliquot Coenobia attribuit, atq; attributis talia Priuilegia honorumque prærogatiuas dedit, quæ S. Cæsareæ Maiestatis suæ, in familiam nostram, pietatem animumque, posteritati facundissimè testabuntur. De Augustissimo Ferdinando Tercio, paternarum virtutum non minùs, quàm potentia Herede, deque Ser.<sup>ma</sup> Imperatrice Maria Hispaniarum Infanta, coniuge pientissimâ; quia verecundiam eorum alio loco fatigauimus, hîc plura dicere supersedebimus. At de Ser.<sup>ma</sup> Sorore, Anna Iuliana Gonzaga, Archiducis Ferdinandi Tyroleos Principis, Viduâ, quæ reuocandi in Germaniam Ordinis nostri principium fecit, quando aliquam rationem inire, Austriacæ in familiam Seruorum, munificentia, amorisque capimus, tantò minùs tacendum est, quòd, & soluti humilitatis ipsius curâ, liberius scribere, & securius Cœlo illatam laudare possimus. Hæc cum suam & Ser.<sup>ma</sup> Filia, Sororis Annæ Catharinæ, regiam dotem ( exstructis magnificè fundatisque tribus Coenobijs, vno Monialium Claustralium, primi: altero Tertij Ordinis nostri monialium Tertiariarum: tertio Patrum Seruorum, O Eniponte ) liberalitate planè Austriacâ profudit; post omnia sua ijs operibus impensa, demum se ipsam & vnâ Ser.<sup>ma</sup> Filiam, in Ordine nostro Deo, ac B.<sup>ma</sup> MATRIS eius obsequio consecrauit. In quo Mater, superstite adhuc filia ( & ô sit quam diutissimè ) Seruitute bene seruitâ, ante annos fere 12. supremum diem clausit, nò sine iustâ opinione spectatæ sanctimonix: vt ex opere, quod de rebus gestis ei<sup>9</sup>, Confessarius Typis dedit, cõstare potest. Omittimus hoc loco, quæ sũ pro itidè Habitu nostro, hui<sup>9</sup> Heroinx Filia, Añâ Imperatrix, Matthiæ Augusti, Augusta Cõiunx, gloriosæ memoriæ, & fecit, & facere, Matris

exem-

*Ordinis  
hiscetemp-  
poribus per  
Serenissi-  
mam An-  
nam Iulia-  
nam Gon-  
zagâ Ger-  
mania re-  
sistit.*

exemplo, destinauerat, consecrato, in trium Cœnobiorum foundationem; magno auri Pondere, si Coniugi valecudinario superuixisset. Quæ illius salutaria, & honorifica Ordini nostro (cuius institutum profiteri statuerat) consilia, licet immatura mors discusserit; testamento tamen, quo animo in nos esset, Legatorum munificentia satis declarauit. Sed quid Ser. mus Archidux Leopoldus celebranda memoria, Ferdinandi secundi Cæsaris frater, & in fouenda Seruitutânâ gente amulus? Cuius viui tanta non solum humanitas, sed cura etiam ac sollicitudo de nobis fuit prorsus, ut res suas, cum nostras ageret, agere videretur. Cuius beneuolentiæ, beneficentiæq; constructum instructumque liberaliter à se, Archiducale Monasterium, in Tyroli, ad montem Waldrastensem, præsentissimo B. mæ Virginis Parrocinio, ac frequentibus miraculis, nobilem, æternum monumentum nobis, posterisque exstat. Eamque eius in nos beneuolæ, beneficæque mœtis propensionem, tum nativâ sponte suâ, tum Ser. mi Coniugis exemplo, Ser. ma Archiducissa Claudia Medicea, strenuè benignèq; prosequitur. Sed claudat beneficium hoc & æternitate memoriae dignum agmen Austriaeorum, Ser. mus Archidux Leopoldus Wilhelmus; Imperatoris Ferdinandi secundi Filius, & Tertij Frater, Ordinis in Germaniâ nostri Protectoris singularis, nec non Ser. mæ Archiducissæ sorores; Maria Renata; Regina Poloniæ, & Maria Anna, Electrix Boiariæ: quæ licet exstructis Cœnobiorum monumentis, pietatem, propensionemque suorum animorum in Seruitutem nostram Marianam nondum declarârint, iniquitate magis temporum, quàm voluntatum defectu; tamen tantis tamque prolixis fauoribus, ac beneficijs Ordinem nostrum (cuius Habitum, ut cæteri omnes, in Germania.

Austria.

*Aliorum  
eiusdē  
Austriacæ  
domus  
in Or-  
dinem  
munificentiæ.*

Austriaci Principes, etiam infantes, sub purpuris gestant) prosequuntur, ut pietatem, quam sub eodem Habitu gerunt, magno nostro emolumento solatioque, luculenter, serenèque prodant. Huic Sermæ Austriacæ, non minùs sanguine, quàm pietate cognata Ser.<sup>ma</sup> Domus Bauarica eadem in eandem Seruiturem nostram Religione, curaque eius prouehendæ fertur. Id quod Sermus Ferdinandus Elector Colonienfis, dato Ordini nostro, dotatòque liberaliter Cœnobio S. Crucis, prope ciuitatem suam Bonnam, Superis Medijsque restatum voluit. Nec minore fauore feruorèque Ser.<sup>mus</sup> Elector Maximilianus, eius Frater, interposita apud summum Pontificem suâ, sapientissimi Potentissimique Principis autoritate, opus promouet, quod Ordini nostro per aliquot iam sæcula in primis votis fuit, nimirum huius ipsius B. P. PHILIPPI Canonizationem. Ac præterea iam dudum ipse consecratus, duos suos promissionis Sermos Filios, velut alter fidelis Abraham, per Habitûs nostri lugubris susceptionem, B.<sup>ma</sup> Virgini obrulit in Seruos, & consecrauit. Id quod de se, deque suo Sermo Filio Alberto Sigismundo, fecit Sermus eius Frater Dux Albertus. Habet itaque Religio nostra, duarum in Imperio Romano Domorum maximarum, suffulta tam præsen- ti præsidio, ac fauore, vnde speret; reponenda sibi, quæ per duo iam sæcula A catholicorum violentiâ, & odio Nominis sui adempta desiderauit. Sed ut ad cæptam historiæ seriem redeamus, ex qua nos Rudolphi Cæsaris prolixa in Ordinem Seruorum studia digredi coëgerunt; Philippus exacto in hac expeditione Germanicâ, biennio, editis- que ad summum Cæsaris solatium, Imperijque emolumentum, singularibus sanctitatis suæ prudentiæque documentis, petita atque impetrata ab Imperatore mis-

*Item Sere-  
nissima E-  
lectoralis  
Domus Ba-  
uarica.*

*Philippus  
officio fun-  
ctus, in tra-  
diam re-  
uertitur.*

R

sione,

sione, in Italiam reuertit, comitijs Generalibus Viterbium, ad Kalendas Maias, promulgatis, interfuturus. Et quia in eo conuentu, de rebus grauibus, ac de muniendo in futurum aduersus eiusmodi Calamitates ( qualibus aliquamdiu hætenus Ordo æstuaauerat ) decernendum fuit, placuit eodem etiam, quamuis grandæuos, accersere BB. PP. Vguccionem, & Susteneum: vt ex senili, & multorum annorum vsu collectâ, defæcati spiritûs, prudentiâ, vnâ in medium consulerent. Postquam conuentum est, Consilijs sententijsque collatis, inter eos conuenit, vt B. P. Philippus & B. P. Lotharingus Stussa, & Bonauentura Pistoriensis, summam rei, & consultorum in se susciperent, ac Romanâ proficiscerentur, & à nouo Pontifice, Martino I V. ( qui mortuo Nicolao tertio successerat ) postquam ei vniuersi Ordinis nomine, aditum honorem fuissent gratulati, peterent, orarêntque, vt aliquot antecessorum concessa Ordini Priuilegia, & confirmationes, ac præsertim decretoriam, de nuperis controuersijs, proximi prædecessoris Nicolai tertij sententiam, rata in posterum ac fixa, dato rescripto, esse iuberet: & quoad id efficeretur, PP. Romæ, rerû actis intenti, subsisterent. Interea BB. PP. Vguccio & Susteneus, regressi ad Senarium suum, vbi mortê, pro votis, quibus dissolui, & esse cum Christo optabant, operiebantur; cùm inter se per viam, de Ordinis ortu, progressûque per annorum 50. spatium, ac de præsentis statu eius, longè latèque per orbem prolato, deque alijs, Diuinę circa incolumitatem, & gloriam eiusdem, prouidentię, prodigijs, sermoninarentur, ac deinde nascētibz, vt fit, ex alijs, alijs sermonibz, ad collegarum suorum memoriam, & fælicem eorum, ex hac lacrimarum valle, ad beatas sedes migrationes rememorandas, delaberentur, ac demum prolongatione incolarûs sui, & desiderio celestis Patrię, in lachri-

*De Capituli Generalis voluntate nouâ Ordinis confirmatione apud Martinum IV. sollicitat.*

*BB. PP. Vguccioni & Sustenio, exolutionis desiderio astuantibus, lachryis allapsa consolatio.*

chrimas soluti, diuturnitatem Exilij sui deplorarunt, ecce  
 è propinquo vocem exaudiunt, distinctis articulatísque,  
 in hanc sententiam, verbis, solantem. O Serui DEI, & MA-  
 RIÆ, parcite lamentis: breui à laboribus vestris quiesce-  
 tis: eoque coelesti oraculo, mirificè recreati, beati Senes,  
 paulò post, in Monte Senario, collecti ad Patres suos, in se-  
 nectute bonâ, pleni dierum, & meritorum, eâdem die, at-  
 que ad eò horâ eâdem, placidâ morte quieuerunt. Forè  
 per eos dies PHILIPPVS Româ Florentiam reuerterat, pro-  
 motis apud Pontificem publicis negotijs, illâq; nocte, quâ  
 vltimam, illud beatû Patrum par, in terris egit, ei visio, in  
 quodâ mentis excessu, obiecta est, qua duo cãdicantia lilia  
 de terrâ succidi, eadêmq; B. mæ Virgini in cœlo offerri, sibi  
 videre videbatur, eòq; ostârto, illustrante, intrinsecus mœ-  
 rem, diuino spiritu, illico intellexit: illa duo lilia, Vguccio-  
 nem ac Sosteneum esse, ad æterni veris amânitatem, per-  
 petuò viuendam, à Deiparâ V: inuitatos. Itaque sumò ma-  
 ne, in sequentis diei, conuocato Patrû Cœnobij Florentini,  
 cœtu, ac rei oblatae serie narratâ, eos de preciosa hqrum  
 auorum morte, certiores facit: gauderent proinde, ac gra-  
 tularentur sibi: ea duo lilia, ex præsentî ærumnarum con-  
 ualle translata, & perpetui viroris Paradyfi horris inserta,  
 æternâ felicitate gaudere, æternûque gauisura. Proin-  
 de inquit Filij, eos dilectos BB. PP. nostros, qui nobiscum  
 atque ante nos laborauerunt in Euangelio, ac viâ vitæ, suo  
 vobis exemplo strauerunt, & innocentia meritorûque  
 suorum luce commonstrârunt, mecum in vota vocate, vt  
 propitij ac volentes, apud comunem Dominum efficiant,  
 vt, quam nobis, ad æternam gloriam, viam, factis suis præ-  
 iuerunt, tutò ac feliciter sequi possimus. Author est  
 nobilis eques, Nicolaus Burgesius in opere, quod de rebus

*Eorundem-  
 que felicis-  
 simum in  
 Cælum  
 transitum  
 Philippus  
 videt.*

*Et Patrî-  
 bus Floren-  
 tinis ad cõ-  
 gratulatio-  
 nem denun-  
 ciat.*



*Frequentē  
que Philip-  
pi Extases  
& Revela-  
tiones.*

gestis PHILIPPI scriptum reliquit: præter alia cœlestia Charismata, quib⁹ cum DEVS cumulatissimè, spiritus sancti sui vocatione decorauit, insignem fuisse cœlestium secretorum, per frequentes extases, communicationē: quibus, cum altissimè plerumque absorberetur, ubi ad se redibat, prophetico spiritu, multa de rebus futuris, atque absentibus, in illo mentis æstu fundebat, quæ, ut prædicebantur, fidelissimè eueniebant. Ex quibus hoc factum, exempli gratia, placuit, ut opportuno loco, cæteris prætermissis, adducere.

## QVID PHILIPPVS SVPREMV RELIGIONEM LVSTRANS, FOROLIVII,

Florentiæ, Senis, ac Tuderti, egerit,  
tuleritque.

### CAPVT DECIMVM QVINTVM.

*Acrius in  
Foroliu-  
sen, imperiū  
Pontificis  
detrectan-  
tes, dicit.*

**I**Nterea, cum, præfago hoc eodem spiritu, intelligeret PHILIPPVS, illud exoptatissimum tempus instare, atque adeò in propinquo iam adesse, quo, deposita corporis ac Magistratus Sarcinâ, feliciter migrandum sit, ut & solari suos, & omnia ubique ad perpetuitatem ritè constitueret posset, plerâque Ordinis Cœnobio supremum sibi lustranda putauit. Itaque obitis plerisque Italiæ urbibus, Foroliuium accessit, non tam ad visitandos suos, quam (ut quibusdam authoribus placet) iussu Martini IV. Pontificis Max: ut eam urbem, quæ per id tempus, parente reliquâ omni Æmyliâ, Pontificis imperium detrectabat, ad officium, ac saniora consilia reduceret. PHILIPPVS (iam similibus turbis componendis feliciter exercitus) magno animo prouinciam aggreditur, & confluente ad famam opinionemque sanctitatis eius, totâ urbe, concionem habet,  
more

more suo,ardentem,ac grauem; & in ea Apostolicâ libertate,Foroliuensium intestina inter se odia,& in sacrosanctum Principem,impietatem, perfidiâque redarguit, atque omnia mala præsentia,impendentiâque,quæ defectiones sequi solent, si ad saniora consilia aduertere animos noluerint, denunciat. Sed ea illius oratio diuersos, dissimilésque, in auditorum animis motûs creauit; nam quibus præsentior mens, animûsque memor Religionis fuit,ad lamenta plena pœnitudine,& ad DEI, & Pontificis conuersi obsequium, imperata facturi videbantur: at alij, ac præsertim efferatorum Iuuenum Globus, qui factionis Ghibellinæ vesaniâ imbuti erant,nullâ sancti honestiue ratione habitâ, facto in concionantem impetu, eum arripiunt, pulsâtumque, ac flagris, miserandum in modum,cæsum,eum pari verborum indignitate,ferociter,ciuitate proturbant: sed Philippus eâ tam insigni contumeliâ incredibiliter lætus, quantum sibi de toleratis, Christi exemplo,iniurijs gratulabatur,tantùm animo angebatur,ne ea violentia authoribus noxæ esset. Ergo, ut erat malè multatus,totóque corpusculo miserè contusus, sese in genua erigit, ac primùm Christo, & B.mæ Virgini gratias agit,quòd ipsorum causâ,sibi quidquid id incommodi esset,perpeti contigisset,ac mox in preces quàm ardentissimas incumbit,pro violatoribus suis. Non fuerunt irritæ eæ preces;quippe ex illâ iniuriosorum Iuuenum ceteruâ,vnus,nobilitate generis,&ferociâ animi primarius, qui,præter communem operam,eijciendo,multandóque Philippo,nauatam,eum impactâ in os insigni alapâ,percusserat,sceleris sui atrocitate,ac pœnitentiâ percussus,ad vrbis principem Ecclesiam proripuit sese,& illic in genua coram effigie quâdam Deiparæ Virginis,cuius alioqui

*A quibus  
offensis a-  
crier pul-  
satur.*

*Pro viola-  
toribus ar-  
denser de-  
precatu.*

*Unius co-  
rum mira-  
bilem im-  
petrat con-  
uersionem.*

*Qui ab An-  
gelo Senas  
deductus.*

*Suscep-  
to  
Religionis  
Habitu &  
Peregrini  
nomine,  
sanctitate  
flore.*

singularis cultor erat, in genua subsidens, illatæ Sermo ini-  
uriæ, suppliciter à Dominâ, veniam exposcit; oratque  
quoniam fixum sit, aliter deinceps vitæ ratione instituere,  
id consilium suum, libens ac propitia regere ac deducere  
dignaretur. Vix precandi finem fecit, cum Misericordiæ  
Mater, postquam se Iuueni, miro pœnitudinis sensu deli-  
buro, visendam obtulisset, eum Seruos suos adire iubet.  
Quod strenuè exequuturus, sine morâ se in viam conijcit,  
& Philippum, haud procul vrbe consequutus, ad eius se  
pedes abiicit, inter lacrimas ac singultûs, doloris ingenuos  
indices, atrocis offensæ veniam precatus, ordine exponit,  
quid à B. mâ Virgine, in mandatis acceperit: orare proinde  
se, vt, quamuis immerito, sibi violatæ, paulò antè, per-  
sumam vesaniam, Religionis, habitum impertiatur. Ad ea  
PHILIPPVS, lætâ, tam repentina mutationis, admiratione  
perfusus, acceptum beneuolè Iuuenem, Senas, vbi co-  
mitiorum occasione, voti dampnandus esset, præcedere iu-  
bet. Quod cum ille, arrepto in Hetrurium itinere, perfice-  
ret, Angelus se ipsi, haud dubiè custos, aspectabili specie  
viæ ducem adiungit, & Senas vsque lætum, atque incolumem  
deducit. Hic est Peregrinus ille, qui postquam est in  
Ordinem admissus, vitæ genus aggressus est, & pœnitentia  
operibus, & virtutum omnium luminibus ac miraculis,  
adeò illustre, vt (quæ Philippi orationis efficacia fuit.)  
Stephani Paulus videri potuerit. Ob quæ decora, ac nota  
singularis sanctimonix argumenta, à Paulo v. Pontifice  
Max: nostrâ demum ætate, in Beatorum numerum est re-  
latus. Cætera, vt quæque ab illo gesta sunt, quia alio for-  
tasse loco persequuturi sumus, nunc Philippum, deceden-  
tem prouinciâ, ad triumphum affectabimur. Cum igitur,  
non solum Peregrinus, sed omnes etiam Foroliuenses,  
Phi-

**PHILIPPI** primùm concionibus, & mox precibus ad sa-  
 nio- <sup>Tandem eo</sup>  
 riorem mentem rediissent, præsidiumque Pontificium, <sup>agente, Fa-</sup>  
 cieto Vidio de Monte Feltrio, aduersæ factionis Ductore, <sup>roluientes</sup>  
 ac Ioannem quendam Ducem Gallum recepissent, eoque <sup>Pontifici</sup>  
 vniuersa Æmylia in Ecclesiæ ditionem esset redacta, <sup>subiuncta</sup>  
 Martinus IV. Pontifex, auditâ operâ, quæ in eam expedi-  
 tionem, aliâsq; complures eius generis, collata à **PHI-**  
**LIPPO** fuerat, cum pro meritis remunerari decreuit. Ec-  
 quia satis intelligebat, quantopere ei cordi esset, quan-  
 tùmque in id laboris & curæ apud superiores Pontifices  
 impendisset, vt Ordo eius, per aliquot iam annos pericu-  
 losè oppugnatus duobus illis sæpe memoratis Concilio-  
 rum decretis, tectus, atque incolumis persisteret, præterea  
 etiam notam ac perspectam haberet firmitatem eorum, <sup>In remu-</sup>  
 quæ tum ab ipso **PHILIPPO**, tum ab aduocatis Consisto- <sup>neratione</sup>  
 rialibus, ad Ordinis defensionem adducta fuerant, existi- <sup>nanata o-</sup>  
 mauit, nullâ in re, **PHILIPPO** se acceptius gratificaturum, <sup>pere, à Pon-</sup>  
 quàm si eum, atque Ordinem vniuersum, hoc periculo <sup>ifice pote-</sup>  
 & curâ, quæ illos diu iam, ac molestè exercuerat, dato rei <sup>statem ac-</sup>  
 finiendæ Diplomate liberaret. Itaque accito Perusium, <sup>cipit, ordi-</sup>  
 vbi tunc Pontifex agebat, F. Henrico de Gandauo, qui <sup>nis à vere-</sup>  
 Parisijs Doctor Solemnis est dictus, & à **PHILIPPO** ad pro- <sup>ribus calu-</sup>  
 pugnandam communem causam, Collega & administer <sup>niis vendi-</sup>  
 accitus fuerat; ei potestatem fecit, vt in publico pupura- <sup>candi</sup>  
 torum Patrum Confessu, super eâ causâ, prolatis in me-  
 dium rationib<sup>9</sup>, verba faceret. Henricus vt Pontifici morè  
 gereret, & verò optatè gerendæ rei, opportunitati nō desset,  
 insigni oratione sumam rationum complexus, postquā &  
 Senatus est darus, quæ erat summa doctrinâ ac dicendi copia, <sup>Quod præ-</sup>  
 tanto splendore, ac dignitate dixit, vt omnib<sup>9</sup> in sui admi- <sup>stet per</sup>  
 ratio- <sup>Henricum</sup>  
 sem- <sup>Gandauit</sup>

rationē raptis, quæ voluit, haud dubiè persuaserit. Quod cum inter dcedum, ex studio audiendi, racitisque, versosum in se vultuum, approbationibus, sagax coniector, animaduertisset, peroratione, quàm maximè ad mouendam sanctissimi Instituti commiserationem, apta, vsus; motis conuictisque omnium animis, demississimâ supplicatione institit, vt Pontifex ac Patres, Ordinem Seruorum, ab ipsa B. ma Virgine, diuinitus fundatum, nominatum nouo nomine, nouo modò, ex infantium & lactentium ore, à tot summis Pontificibus approbatum, à S. Romanæ Ecclesiæ tot Cardinalibus protectum, à tot Regibus Principibusque receptum ditionibus, cultumque omni veneratione, ac longè latèq; per orbem Christianum prolatum, respicerent tandem, eumque mēore, ac sollicitudine confectum, traductum sinistris opinionibus, vexatum in quorum hominum iniurijs, denique à morâ illi hæc licet, obnoxium cuiusvis violentiæ, erigerent; ac pristinæ gloriæ, dignitatisque, ex tot miraculis, rebûsque, ab eius hominibus fortiter ac mirabiliter gestis, partæ, restituerent. Ceterum se vt qui non suam, sed æternæ Virginis Matris DEI causam agat, de euentu æquo animo esse, ac confidere: consumptâ omni humanâ industriâ, eam sibi, & causæ suæ minimè defuturam, idque sensurum quemcunque malo suo, qui impiam illi litem mouere, quàm illius tueri, ac sustinere causam maluerit. Quæ, cum summo silentio, & secundis tam Pontificis, quàm Cardinalium voluntatibus, audirentur, satisque appareret omnibus, vera solidaque, à afferri Pontificis Ioannis xxi. sententiam, quâ is Ordinem Seruorum, geminis illis Conciliorum decretis excluderat, de communi totius augusti Senatûs assensu approbavit, ratamque ac veram pronunciauit; decreuitque id,

*Plenissimâ  
Ordinis  
confirmacionem,  
Martino  
IV. & Pri-  
uilegia de-  
novo acci-  
pit.*

id, ad perpetuam rei memoriam, amplissimo dato diplomate, & concessis insuper ad afflictæ Religionis solatium, maioremque eius, paulò antè depressæ, splendorem, novis, Privilegijs. Quo sanctissimi Pontificis tam effusò studio, lætus Frater Latinus Cardinalis, illico ad Philippum literas dedit, quibus eum ad Curiam, quæ tum Perusij erat, adesse, iubebat. His ille acceptis, quamprimum iter cepit, debilitato itinerum ac pœnitentiæ laboribus corpuseulo, a fello insidens, cum ad eum diem, omnia itinera pedes confecisset. Interea ad Religionis, ac PHILIPPI exercitiũ, huic rursus rei penè confectæ, mors Pontificis intercessit, magno PHILIPPI, & omnium Servorum mœrore. Sed, cum in eius locum sublectus esset Pontifex, Cardinalis Iacobus Sauellus, qui postea Honorius IV. est dictus: isque quamprimum Perusio, Romam petisset, eum Philippus secutus est: & agente Latino Cardinale, ceptam causam Ordinis, apud eum magnâ contentione egit. Pontifex perbenignè acceptum, bene sperare iubet; fore, ut captũ, in eius, atque Ordinis gratiam, negotium, propediem à se confectum detur. Quo responso utcumque recreatus Philippus, ad comitia, quæ in diem 5. Idus Maij promulgata fuerant, relictis Romæ Patribus, qui causæ vacarent, ipse Florentiam est profectus. Quò, ubi peruenit, postquam ad solennia vota B. Iulianam de Falconerijs, aliòsque multos utriusque sexus Tertij Ordinis, per semet suscepisset, operamque supremam, Generalibus comitijs, cæterisque Ordinis publicis rebus, accuratissimam dedisset, omnibus ritè ordinatis, & constitutis, aduocato omnium PP. Concilio, in hunc modum locutus fertur. Iam anni ferè duodevigesimi sunt, Filij & Fratres in Christo dilectissimi, à quo, communis Dominæ, ac MATRIS nostræ imperio, & ve-

S

strarum

*Nonnulla  
stacula.*

*De novo re-  
momentur.*

*Philippi,  
mortē su-  
am, Patri-  
bus in Ge-  
nerali Ca-  
pitulo Con-  
gregatis,  
prædicatis  
ac valedi-  
centis ora-  
tio.*

strarum consensu voluntatum, impar hoc viribus meis, supremi vestri Regiminis onus utcumque gessi, & instante resolutionis meæ tempore (ut mihi per suam immensam benignitatem DEVS significare dignatus est) satis intellego, me ad curriculi mei metā peruenisse. Quapropter concedere video, ut & vos aliquid à vobis, si non pro meritis, certè pro necessitate meā sumā, impetrari patiamini, & ego vobis pro facultatis tenuitate, ut pietissimis filiis, quos extremum alloquor, ea relinquam, quibus vivere, ac sustinere statum vestrum, cumque ad posteros, cum dignitate propagare valeatis. Atque ad me quidem, quod attinet, quando mihi subducendi administrationis meæ rationes, causa indicta est, quæ comperendinari ultra statutum diem non potest, æquum esse existimo, tantum mihi temporis otijque concedi, quantum Accepti cœlitus, atque Expensi rationibus referendis sufficiat. Cæterum vobis ipsis satis constat, cuiusvis fidelis & cordati Serui esse, anteuertere aduentum Domini sui, ut, cum venerit, & pulsauerit, intrepidus, bonæ conscientiæ testimonio, confestim apperiat ei. Eapropter priusquam lux ista vitalis occidat, & se dies condat, ad agendum datus, gestā tam diu animarum vestrarum curā, ut meæ, quod superest temporis, impēdam, bonā vestrā veniā, secedere in solitudinem Senarij nostri decreui, ut me illic, aliquot dierum exercitatione, ad supremam luctam ac migrationē comparem. Vobis interea, quos relinquo, vnum, in quo omnium plenitudo continetur, hereditatis nomine, lego, atque id quidem ipsum, quod Seruator noster, transitorius ex hoc mundo ad Patrem, suis discipulis legauit, videlicet, ut diligatis inuicem: quo ex mandato cum omnia pendeant, fir-  
tāmque



rāmque in se omnem vtriūsq; vitæ fælicitatem, ac totam  
 cuiusque profectûs, tam publici, quàm priuati summam  
 habeat, mandata omnia, consilia, virtutes, legem denique  
 vniuersam, & Prophetas complectatur, vtiq; suapte præ-  
 stantiâ, & Christi Domini commendatione, augustius est,  
 quàm vt à me vobis commendari, necesse sit. Si tamen vo-  
 bis aliquid mihi tribuendum esse videtur, vt hoc tribuatis,  
 per eum, qui dilexit nos, & se ipsum tradidit pro nobis, su-  
 premum vos oro, atque obtestor. Hæc aliâque in hanc  
 sententiam, super hoc argumento, prolocutus, positis ge-  
 nibus, oculisque in cælum defixis, primum ardentissimâ  
 oratione, commissos in Magistratu errores deprecatur,  
 deinde cum lachrimis, diuini Numinis prouidentia, dile-  
 ctum gregem suum commendat; orâtque enixè, ne Diui-  
 na eius benignitas sinat, vt post discessum suum ab Infe-  
 ris Lupis inuadatur, terreaturue. Quamobrem, de suffi-  
 ciendo sibi Pastore, cum PP. agere aggressus, eis P. Løtha-  
 ringum Stuffam, spectatæ prudentiæ, industriæq; virum,  
 proponit, pro Generali, & Procuratore Ordinis, apud Pon-  
 tificem futurum. Placuit omnibus prouidum consilium,  
 quanquam displiceret illius capiundi necessitas; nam de  
 PHILIPPO, ea in omnium animis insita opinio erat, vt  
 omnia ab ipso geri, fierique Spiritûs sancti magisterio  
 crederent: & Patris Lotharingi perspecta, arduis in re-  
 bus, virtus, PHILIPPI prærogatiua, omnium cæterorum  
 suffragia adiunxit. Eo igitur in Vicarium Generalem, &  
 Procuratorem Ordinis, apud curiam Romanam, sic electo,  
 & salutaribus documentis, à PHILIPPO, pro tempore in-  
 structo, conuersa ad cæteros Patres oratione, Beatus Pater

*Quâ illis  
Charitatē  
aliâq; vir-  
tutes legat.*

*Patremq;  
Lotharin-  
gum substi-  
tuit curat.*

certas ac statas, pro Religionis incolumitate, preces, nunquam omittendas iniunxit: & inter alias præcipuè illas breues, quas, à Matucino & Completorio, vîsurpamus: *Sub*

*Ad montis  
Senarij spe-  
luncam se-  
cedens, ar-  
etissimo vi-  
uendi rigo-  
re, mortis  
præiudic.*

Inde perfectis comitijs, postquam Fratribus & Senatui Florentino, cæterisque necessarijs supremum valedixisset, ad solitudinem montis Senarij, & ad eam Speluncam, in qua olim, vt suo loco est dictum, duos annos, habitu Fratris conuersi, exegerat, profiscitur, & postquam duos illic menses, in suauissimâ contemplatione, & acerbo viuendi, sui que præter morem castigandi modo, vixisset, comitantibus, Patre Lotharingo, & Patrum Hetruriæ primoribus, Senas, inde Tudertum abiturus, contendit. Senas ingressus, puer duodennis, Franciscus nomine, nobili genere ortus, se offert, & seruiore, in tantillâ ætate, plusquam veterano, infimis precibus orat; vt sibi, Seruorum B. mæ Vir-

*Ex itinere  
Senis agen-  
ti, puer du-  
dennis Frä-  
cisus, pro  
Habitum sit  
supplex.*

ginis habitus, & conuictus gratiam facere dignetur. PHILIPPVS, hinc teneram ætatem, inde adolescentuli ardorem, suis vtrûmque momentis, pensitans, cum neque admittere consultum, neque reijcere, in manifestâ Diuinæ vocationis euidentiâ, tutum videretur, mediâ ad illum solandum, seruandumque viâ vsus, Habitum tertij Ordinis induit: in quo apud Parentes degere iussus, vsque ad firmiorem ætatem, integro decennio, Deo Magistro, Nouitius in sæculo egit, eâ integritate, atque innocentia, ex qua futura eius sanctitas facile conijci posset. Quæ sanè & admiratione & imitatione dignissima extitit, tum miraculorum multitudine, tum ipsa institutæ vitæ ratione. Ac ne omnia hoc loco persequar (quod fuisse facit in annalibus nostris Gianius) illud in hoc Francisco memorabile est, quod præter reuocatos ad vitam quinque mortuos, per-  
petuo

*Quius spec-  
tata postea  
sanctitas,  
non nullis  
recensitis,  
attingitur.*

petuo, per tres annorum centurias, & ampliùs, miraculo,  
 hodie etiam, incorruptum corpus eius, spectetur Senis in  
 Hetruriâ. Quin etiam paucis post obitum diebus, candi-  
 dum ex illius ore liliū egerminauit, in cuius singulis folijs,  
 aureis inscriptum literis *Aue Maria* viscebatur. Id lilium  
 ab Rege Francorum, per Legatum petiit, atque impe-  
 tratum, à Patribus, ac Senatu Senensi, ad nostram vsque  
 ætatem, conseruatur Lutetiæ Parisiorum: ex quo flore a-  
 pud eam gentem multus, sanctitatis Francisci, ac bonus  
 odor fragat. Ei miraculo causam fuisse credibile est, quòd  
 hic Angelus, totâ vitâ Virgo, quingenties, omni die, Domi-  
 nam suam, hac salutatione Angelicâ, salutare consueuerit.  
 Hoc ergo adolescentulo, in tantum, quantus postea factus  
 est, virum euasuro, Religioni, quâ licuit, aggregato, PHILIPPVS  
 Patres Senenses, de decessu suo mæstos, solatus,  
 Tudertum ire constituit, ac de viâ Perusium diuertens,  
 Honorio IV. qui eâ tempestate Pontificatum gerebat, & *Philippus Pontificis*  
 Cardinali Latino Protectori, Religionem summâ cum cu- *benedictio-*  
 râ comendat. Inde acceptâ Pontificis benedictione, & sa- *nem impe-*  
 lutato Protectore, cepto itinere Tudertum ire pergit, *trat.*  
 sed ita, vt quoad fieri posset, vias publicas, & hominum  
 obuiam prodeuntiū, & eum officiosè prosequentium, fre-  
 quentiam, inuestigatis semiris, & viarum occultissimis,  
 deuiraret. Etiam hisce vltimis vitæ diebus, singulari quo-  
 dam studio, solitudini & tranquillitati mentis ita deditus  
 erat, vt in cœlo, quò erat propediem venturus, iam esse vi-  
 deretur. Verùm, quò ille enixiùs hos honores & venera-  
 tiones hominum fugiebat, tantò illum arctiùs & prolixiùs *Quem Ta-*  
 vbique sequebantur: certante, cum humilitate eius, Diui- *derini ad-*  
 nâ in eo euehendo, prouidentia: nam vix ad pedem mon- *uentus pra-*  
 tis, in quo situm est Tudertum, vetusta & nobilis Vmbriæ *sagi, ma-*  
*gnificè ex-*  
*ciunt,*

vrbs; deuenerat, cum motâ repentē vniuersa ciuitate, vno;  
 eoque inter se non collato consilio, omnes Ordines, Cle-  
 rus, Nobilitas, viri, mulieres, pueri, puellæque, non secus  
 ac reduci, paratâ magnâ Victoriâ, Imperatori alicui, portis  
 sese obuiam effunderent, vultusque olearum frondibus,  
 alijq; viroribus, & floribus, plenâ calathis, certatim spar-  
 sis, viam sternerent, faustis acclamationibus (Benedictum  
 venire Seruum Domini, insonantibus) suam in urbem non  
 Sospitem sed Sospitalem Diuum deducuri. Hos, atque eor-  
 um apparatus eminens conspicatus PHILIPPVS, & pro fa-  
 miliari sibi suâ humilitate, tam plausibilem, triumphalis  
 pompæ speciē, auersatus, illico, verso aliorum itinere, ex  
 viâ venientibus decedit, soli DEO, soli DEO honor & glo-  
 ria, ingeminans. Itaq; vitatis noui Suburbij forulis, & por-  
 tâ Ciuitatis, cui à S. Cruce nomen est, per varias, ad laten-  
 dū, fallendūque insequentes, ambages, properē versus  
 viam Vrbeuetanam præripit sese: ratus, illic se incogni-  
 tum, in urbem, per auersam Vallis portam penetrare pos-  
 se. Sed properanti salutarem iniecit moram occursum  
 duarum feminarum, quæ, suadente inopiâ, atque libidi-  
 ne, duabus malis consultricibus, infami corporis quæstu,  
 vitam tolerabāt. Has obuias factas, Philippus, facili, quod  
 erant, ex impudentiâ, gestibusque fractioribus, cognouit  
 esse meretrices, & simul de illis Dæmoni eripiendis, &  
 Christo mancipandis, rationem init. Fortē illæ priores B.  
 Patrem, cum socijs, procacibus locis atque disterijs saluta-  
 tos, exceperant: num sanctuli quid attulissent interrogan-  
 tes? Ad quæ PHILIPPVS, vt qui salutem illis afferebat, cum  
 annuisset, cæpit ex Seraphico illo pectore, monita salutis,  
 promere, & altè grauiterque exorsus, miseris illis Veneris,  
 mancipijs, enormitatem scelerum suorum, & præsens, in  
 quo

*Quam ille  
 pompam  
 declinans,  
 sinere ali-  
 orsum ver-  
 so.*

*Meritri-  
 ces proca-  
 citer sibi il-  
 ludentes:  
 conuertis,*

quo versarentur discrimen, si non in tempore resipiscerent, sic ad viuum ob oculos posuit, vt consternata illæ, & ab iocis ad lamenta, à risibus ad singultûs & lachrimas versæ, & demum etiam ad DEVM conuersæ, tam probrosam atque exitialem vitam, magno cum periculi sui horrore, execrarentur; ad extremum lachrimis & pudore cooperatæ, accusatâ non nihil inopiâ, quæ ipsas ad cætera mala manu duxisset, humillimè à Philippo pacem, veniâque precantur. Quas ille, magno commiserationis sensu, solatus est: deinceps bene sperare iussas, donari tantâ pecuniâ curauit, quantâ opus erat, ad eas per triduum honestè sustentandas. Interea iubet omni ope & operâ, iusto de peccatis suis dolore, & salutaris emendationis proposito, DEVM placarent, & se ad exactam, de antea actâ vitâ, Confessionem, præpararēt; tum ipsis, vnde reliquum vitæ piè tollerare possint, curatum iri: nec dubitare se; quin cætera, quæ ad perficiendam conuersionem requiruntur, bonus ac misericors DEVS subministraret. Hoc illæ solatio recreatæ, omnia, quantum in se situm fuerit, DEI auxilio, ex PHILIPPI præscripto, perfecturas se pollicentur, atque inde ab eo digressæ in urbem, veteris Samaritanæ modo, meliores factæ, Philippi sanctitatem, charitatēque, strenuè passim deprædicant, & exacto deinde triduo, peccata sua per Exomologesin, apud PHILIPPVM expiāt. Hæc deinde, illo authore, cuidam domui prope Aquam spartam, in oppidulo, cui Arnolfæ nomen est, ad eluendas lachrimis pœnitentiæ, animæ suæ maculas incluse-  
runt sese. Eo loco deinde monasterium est conditum Monialium nostri Ordinis, quod hac etiam, nostrâ ætate visitur, & originem suam ad has duas faminas refert, Earum una Helena, altera  
Flora

*Conuersio-  
nisque &  
vitæ subsi-  
dia promi-  
det.*

*Quæ in-  
elusa ar-  
etampœni-  
centiam  
peragunt.* Flora vocabatur, & hoc loco, vsque ad supremum diem, magno pœnitentiæ & sanctimonix exemplo, viuentes, præter æternam fœlicitatem, meruerunt mortuæ in album Beatarum Ordinis nostri referri. Inde urbem, Vallis portâ, vt ceptum est dici, harum duarum animarum & visati ambitiosi honoris spolio clarus, ingreditur. Ac nesci quidem fefellit obsequiosa ciuitatis industriam; quin ingenti frequentia populi, non exciperetur modò, sed vel inuitus, faustis acclamationibus, aduentum gratulantium,

*A populo  
faustis vo-  
ciferatio-  
nibus indul-  
gẽte, denno  
circumme-  
ntur.* deduceretur domum: illum verè virum Dei, illum peccatorum conuersorem; illum, ægrorum cœlestem medicum, ac Dei amicum, benedictum, venire in nomine Domini. Quibus vociferationibus incredibiliter offensa Philippi Humilitas, ægrè impetratâ breuis silentij gratiâ, modestissimâ indignatione; si nos vobis, inquit, Tuderini pacem afferimus, & precamur omnem Diuinitus benedictionem, quid est, oro, vos, quòd molestias reponitis? quòd misero homuncioni, & inutili seruo dei parâ, eos intempestiuos applausûs aggeritis, qui homini peccatori minimè conueniunt? Proinde si animo gratificandi nobis, has curas suscepistis, per, ego, vos, communem Dominum

*Philippi  
ad applau-  
dente, ora-  
tio.* Deumq; nostrum oro, vt abeat is domos vestras, & nos nostram abire permittatis: hoc mihi pro præcipuo honore, & animi erga me vestri indicio erit. Quod eò æquius concedetis, quò magis abhorret ab humanitate vestrâ, vt ego à vobis, omnium primi postulati mei repulsam feram. Sed nihil agebat, incenso ad summum, multitudinis studio: cui in omni magno affectu perdifficile est moderari. Ergo vndique omnes cæteruatim affluere, alij, audiendi, alij, videndi viri, alij, contingendæ dextræ, aut vestis cupidine, vniuersi, vt illius benedictione bearentur. Denique ad hæc omnia

omnia, vno omnium ordinum consensu, summâ cum potestate illum Vexilliferum dicunt: qui magistratus, eâ aetate, in liberis Italiæ ciuitatibus summus erat, ac penè Dictatorius. Ita prosequente omni nobilitate, & plebe, ad templum Cœnobij sui procedit, ibique ante principem aram, fusa aliquamdiu, per excessum mentis, oratione, postquam se collegit, in hæc verba, velut ex alto sopore expergesfactus, prorumpit: Gratias tibi ago Domine, quia *hæc requies mea in sæculum sæculi, hic habitabo, quoniam elegi eam.* Eoq; præfago futuri, velut Epitaphio, sibi ipse gloriosum & celebre sepulchrum signauit, quod in ea vrbe perpetuum erat habitaturus: vtcunque à B. Patris Patriâ, illius, cupidâ reliquiarum, oppugnetur. Cæterum quod reliquum fuit dierum, vsque ad excessum, PHILIPPVS in exactâ, ad propinquam, præuisâque mortem, præparatione, atque in Tudertinorum promouendâ salute, collocauit. Itaque, *cum dilexisset suos, qui erant in mundo, quos relinquerebat, in finem dilexit eos:* eâque dilectione, velut fluminis impetu, ad lætificandam iam ex propinquo, ciuitatem, DEI, omnia secum in DEVM rapiebat. Hinc multa publice pro concione, multa priuatim, monere, componere Procerum discordias, & omnium ordinum inimicitias; audire diligenter eorum, qui ad frugem redibant, confessiones (inter quos illæ duæ nuper conuersæ, mulieres, fuere) cæterâque affectæ vrbis vitia, atque ægritudines, personare, tanto studio, atque feruore institit, vt se iam ciuitas vix ipsa agnosceret; tanta erat morum

*Nihil impetrat, sed ad cœnobium festinè deducitur.*

*Obitum sibi denuo vaticinatur.*

*Reliquos citâ dies in præparatiouem ad mortem, & reconciliandis ciuibus insumit.*

mutatio, emendatioque  
facta.

T

PRE-



# PRECIOSA BEATI PATRIS PHILIPPI MORS, ET AD EAM SUPREMA

comparatio, & vltima ad Fratres  
monita.

## CAPVT DECIMVM SEXTVM.

**L** Vstratâ ritè, in hunc modum, Tudertinâ vrbe, scilicet  
vt quàm purissimâ terrâ moriens exciperetur, B. Pa-  
ter, ipso die Assumptæ Virginis festo, peracto, cum  
inuitato spiritûs ardore, Sacrificio, ita, vt erat æstians,  
flagrânsque diuinâ charitate, suggestum conscendit, fre-  
quentissimâ vniuersi populi concione, ac primò quidem,  
hac copiâ sui vniuersos exhilarauit, & mox orationem  
exorsus est, quæ, vt erat ipsius postrema, ita omnium, quas  
vnquam perorauit, Epilogus videri poterat, tantâ copiâ  
tantòque ardore, & tanto auditorum motu, ac solatio, di-  
xit. Paulò post dimissam concionem, vbi se B. P. intrò in  
coenobium contulit, statim febriculæ morbo tentari cæ-  
pit, sed leuiter: ille tamē satis intelligens, cum propinque  
mortis Prodromum esse, sibi gratulatus est, multis adstan-  
tibus, aduenisse id tandem fælicissimum tēpus, quo, cor-  
poris vinculis solutus spirit⁹ suus, liber euolaret ad DEVM.  
Ingrauescēte deinde morbo, ac paulatim iam in lethale  
vergente, Episcopi vrbis, ac Medicorum hortatu, in  
secretius cubiculum (quod hodiè que ostenditur, & in ma-  
gnâ veneratione est) se recepit; vbi sibi persuaderi passus  
est, vt in lancê culcitrâ, de qua nobis alibi sermo erit, à  
quodam Iacobo, Ciue Tudertino, mutuò oblatâ, fractum  
recenti morbo, & veteri, ac perpetuo pœnitentiarum vsu,  
corpusculum componeret. Sed vt cilicium, quo asperri-  
mo cinctus erat, exueret, id verò ab eo nullis precibus im-  
petrari

*Vltima  
Philippi  
eademque  
ardentissi-  
ma concio.*

*Et lectulus  
decreto-  
rius.*

petrari potuit; quippe qui censeret: militem Religiosum, potius in armis militiæ suæ, quàm inermem occumbere debere. Ita Vir sanctus, velut Lilium, vel Rosa, inter spinas suas, mortem, sanctissimæ atque austerissimæ vitæ congruentem, appetebat, tantâ cōstantiâ ac patientiâ, vt non homo mortalis, sed cœlestis aliquis Genius, inter illas corporis animique afflictationes, iacere videretur. Eas maiorem in modum augebat & illud, quòd civium pietate, quâ certatim inuisebatur, turbaretur ipsius, illo in agone solitudo, quam ad figendam in Deo mentem, studiose captabat, vt paulò antè diximus. Sed qui illius in proximos perpetuus amor fuit, vtcunque vltimas illas vitæ horas in vtriusque amoris exercitatione partiebatur. Verùm cum ex crebrioribus deliquiorum symptomatis moneretur; tempus esse, atque id quidem breue, conuasandi, ac valedicendi rebus humanis; conuocatos ad se, vniuersos Fratres, hisce verbis allocutus est. Dilectissimi in Christo Filij ac Fratres; conuocandi vos vniuersos, in huic locum causa mihi fuit, præsens necessitas ingrediendi viam vniuersæ carnis, & tempus resolutionis meæ, quod proximo die, octauæ Dominae nostræ consecrato, instat, sicut Dominus Iesus significauit mihi; qui me fœlicissimus nuncius non ita absorpsit beatitate suâ, vt vestri mihi memoriam ademerit, quin *sicut iustum arbitror, quamdiu sum in hoc tabernaculo, suscitare vos in commonitione*, atque eò quidem enixius, quia certus, *quòd velox sit depositio tabernaculi mei*, imò operâ dabo cum Apostolo Petro, *et frequenter vos habere post obitum meum*, vt horû, quæ supremum moneo, memoriâ faciatis. Quapropter oro atq; obtestor vos hodierna die, & quâ valeo in vos authoritate, etiâ iubeo, vt hoc corpusculû meû,

*Patientiâ  
ac fortitudi-*  
do,

*Extrema  
ad suos ex-  
hortatio.*

relictum ab anima fuerit, terræ suæ, nullâ insigni pompâ elatum, populari tantum, atque humili sepulturâ, paupertatis nostræ instituto, funeretur; quidquid studiosa hæc nostri ciuitas, pro suâ pietate, in contrarium molitur. Tenebris enim memoriâ: me, tamen, vestrâ perpetuâ voluntate, Generalem agere coactus sum, meâ tamen, libentius acturum fuisse, ac moriturum, cum fratrem conuersum, quem in primo ingressu indueram; quippe cum hic ipse, in quo nunc defudo, agon, perpetuò mentis oculis obuersatus sit, viuâ certitudine: humillimam vitæ, tutissimâ morte defungi. Satis ergo sit, hoc me in vitâ solatium, vestro obsequio condonasse: nunc vel in inuiti cadauere meo, ut illò pervos frui liceat, pro vestrâ æquitatē concedetis. Alterum, & verò præcipuum, maximumque est, quod nō solum ego vos, per omnia pia ac sancta, oro, quæsoque, sed etiam quod Dominus IESVS *transiturus ex hoc mundo ad Patrem* omnibus mandauit, ut vos scilicet inuicem diligatis, feratisque alter alterius onera, atque infirmitates; hæc enim legitima Tessera est verorum Christi discipulorum; ipso, qui est testis fidelis, attestante, *in hoc cognoscent omnes, quia discipuli mei estis, si dilectionem habueritis ad inuicem.* Quibus peramanter, fusèque dictis, & pro exuberantē, ad vicinitatem sphaeræ suæ, charitatis, ardore, exaggeratis, ita vbertim omnibus obortæ lachrimæ sunt, nemo ut esset ex astantibus, qui mellifluo flammomôque illi Seraphino, præ teneritudine, & dolore amissi tam Diuini doctoris, respondere posset. Quod cum pientissimus Pater, medio in conflictu suo, animaduertit; inter mortuis, ad eos, vocibus conuersus, bono animo esse iubet; quippe sibi, illisque, expedire hanc Irionem ad Patrem: quæ, si, ut in DEI miseratione speret, ex voto cesserit; habituros eos

Patrem,

*Quia multis, funeris quamcumque pompâ deprecatur.*

*Ad fratrem nam charitatem exhortatur.*

*Consternatos consolatur.*

Patrem, & aduocatum apud Patrem: quemadmodũ, dum  
 viueret, cum vbique, apud maxima Orbis capita aduoca-  
 tum habuissent. Quibus in vocibus, linquente animo de-  
 ficiens, aliquantisper conticuit, sed augeſcente magis ac  
 magis, morbi violentiã, iisdẽmque incrementis, Philippi  
 inuicta malis, animi constantiã, geminã flammã absume-  
 batur, alterã, exæſtuantis immodicẽ febris, alterã verò ar-  
 doris deſiderioſum, quibus diſſolui, & eſſe cum Chriſto,  
 ſine modo ſuſpirabat. Sed hæc inter pœnaſ tamen depre-  
 henſo, ſemper præſens ratio, & integrum iudiciũ con-  
 ſtitit. Adueſperafcente vigefimo die Auguſti, anno Chriſti  
 1285, iterum Sacroſancti Corporis Chriſti, & Extremæ vn-  
 ctionis Sacramenta depopofcit; quod cum eſſet factum, &  
 præſto eſſet, cum adorandã ſynaxi Sacerdos, afferente  
 vim viribus amore, è duro leſtulo ſurrigit iam penè ene-  
 ctos, & in mortem rigentes artus, ac, vt erat cilicio, & toto  
 veſtitus habitu (quem honoris B. mæ Virginis & pœnitent-  
 iæ cauſã, nunquam ponere conſueuerat) humi ſe perhu-  
 militer proſternens, inter ardentiffimos pœnitentiæ a-  
 ctus, ſingultus, lachrimas, ſuſpiria, & innocentis pectoris  
 tuſſiones, aliãque cognitionis ſui argumenta, ſumpto illo  
 viuifico comœatu, itinera Æternitatis ingreſſurus, Eccle-  
 ſiam DEI, ſeſemer, Religionem, Patriam, vrbem ipſam  
 Tuderti, ac denique omnes Diuinæ opis indigos, DEO fer-  
 uentiſſimã & latiſſimã charitate, commendat; ac deinceps  
 velut ſatis prouidiſſet omnibus, qui cordi erant, illis  
 ſeruatori ſuo commendatis, ipſe ſecò penitiùs in DEVM  
 penetrat, quò ardentius eos, qui curæ fuerant, Diuinæ  
 prouidentię commiſſet. Itaque repositus in leſtulum,  
 flagrante intus dilecto, ſic anima beati viri liquefacta eſt,  
 vt proruperit in profundiffimi ſermonis Myſteria: ex quo

*Sacramen-  
 ta, emi-  
 grantium  
 propria,  
 poſtulata,  
 quanto ar-  
 dore ſuſce-  
 perit.*

*Pro ſua a-  
 liorumque  
 ſalute de-  
 precatur.*

*In flammigera suspensa erumpit.*

*Psalmos poenitentiales ac Litanias recitat.*

*Ab alienatur a sensibus 3. horarum spatio.*

*De Divini tribunalis rigore suoque conflictu narrat.*

rum altitudine, satis appareret; beatissimum hūc olorem, iam tum ordini cantum, quem per omnem æternitatem felicissimè erat canturus. Sed iam ultimæ lineæ propinquior factus, provida vicissitudine à delicijs cœlestibus, animum ad curam poenitentiae traducit, & D. Augustini exemplo, Psalmos poenitentiales, descondis, quibuscunq; noxis adhibet; ac mox Litanias Sanctorum, quos præsentes, propitiolque, in supremo discrimine, pro æterni triumphi causâ, prehensandos putabat, exoritur. Quibus ritè atque ardentè in vota vocatis, contigit, ubi ad eam formulam est ventum; *Peccatores, te rogamus audire nos*, ut sic abalienaretur à sensibus vitæ DEI, ut per tres ipsas horas, pro mortuo habitus sit ab astantibus, atque id quidem non temerè, quod nihil indicij in eo, nisi mortuale, appareret. Superuenit interim, DEI monitu excitus, ad id ipsū, quod agebatur, Frater Vbaldus Adimarius, qui certitudine fretus cœlestis oraculi sui; PHILIPPVM nec dum vitæ confinia excessisse, nomine compellatum, suscitatur. PHILIPPVS ad eius vocem sibi redditus; Prò Fratres, inquit, quàm horribilis est, huius ultimi certaminis conflictus! Scitote; me ante Christi Tribunal statutum, non vulgari defunctum esse discrimine; siquidem tortuosus ille veterator, & salutis humanæ ofor Sathanas, approbatus mihi peccatis meis, & in immensum exaggeratis, omnibus nocendi artibus suis egit, sategitque, ut de Divina misericordiâ, per desperationem desponderem animum. Et plena periculi pugna pendebat, quoad superueniens benignissimus Iesvs meus, & mea Domina MATER eius, increpitum, ab actumque antagonistam profligârunt: deinde quasi non esset satis immensa Misericordiâ eorum, depulisse tam formidanda-

dandum, tamque præsens periculum, adiecerunt immensum solatium, ex monstratâ Coronâ, quam mihi inutilli seruo, & immerito, præparauerunt in æternum. Agite, ergo Fratres mei, adeste animis, atque expergisciminor, *Hostis veritas praecauendas* ad veternosi huius hostis verfutias, fraudes, & insidias deprehendendas: videt ille se, multo merito suo, Diuinis omnibus donis, bonisque exutum, & inuidiæ astro, in rabiem datus, in easdem nos miseras, vnâ secum pertrahere, omnibus viribus, artibusque laborat. Sed non desunt aduersus illius imperûs arma. Abstinentiâ, Humilitate, Patientiâ, & quæ maxima harum est, Charitate, illius conatûs affiguntur. His dictis, inualecente, nouis auctibus Extasi, oculos primùm in Cœlum figit, mox eisdem anxie, varias in partes circumferens, librum suum ingeminat; cedò librum meum, date librum, inquit, quis eum eripuit mihi? reddatur quantocius. *Librum suum anxie deponit.* O librum, qui bona omnia mea contines, quærite illum Fratres, non enim sine eo diutiùs vitam trahere possum. Ad ea anxij Fratres alius alium codicem porrigere; sed frustra: respuente eo quoscunque oblatos, & strenuè suum librum postulante: eum se, neque alium velle, illum solum in vltimis votis esse. Demum perplexis omnibus, atque ignaris, quem tandem librum intelligeret, à Fratre Vbaldo Adimario, cuius in gremio acquiescebat, intellectus est. Itaque porrigi iubet Effigiem CHRISTI, è Cruce pendentis, eburneam, quam vir sanctus manu semper gestare consueuerat, & in quâ, fixo obtutu, hæere cum, Adimarius animaduuererat. Eam porrectam verò PHILIPPVS pectori apprimat;

&amp;c

Crucifixi  
imagine  
datâ aqui-  
esfit.

& eam suauiter exosculatus, Hic est liber meus, inquit, hic est; in quo ego innumera beneficia scripta lego Redemptoris mei, qui, effuso pro me omni cruore, hoc corporis sui spoliū, pendulum ex felici arbore, reliquit. Tum dein, de legere, ac relegere omnia illa beneficia, & peccularia præsertim, per omnem vitam accepta, & meditari varia viuifica Passionis Mysteria institit, ac paulò post, gaudio spiritus velut triumphante, Canticum: *Benedictus Dominus Deus Israel* &c. totum recitauit. Atque hic iam tandem ad vltimam lineam peruentum est. Eius minimè ignarus vitam Apostolicam, quàm Ppropheticam, pressa ac debili voce, Psalm. 30. *Inte Domine speravi* &c. pronunciat, hærensque ad vltimum eius versum, vibratis in Christi Crucifixi imaginem oculis, nouissimis verbis, tacito exultantis animi iubilo, sibilo auræ lenis, quàm simillimis, dixit: *In manus tuas Domine, commendo spiritum meum*. Atque in ea voce, composito, quàm honestissimè corpore, cultuque eius, deficiens, cœlestem animam cœlo reddidit. Quæ, vt quanto-pere sibi gratularentur acceptâ, cœlites monstrarent; illi cō psallentibus ad sacrum funus Fratribus; suauissimo

Post exha-  
lationem  
SS. animæ,  
celitum  
concentus,  
aliâq; mi-  
ra existens.

concentu, derepente Nærias interpellarunt; cuius hoc argumentum fuit. *Euge Serue bone & fidelis, qui à Virgine super familiam suam fuisti constitutus, intra in gaudium Domini tui*. Suauitatem inexplicabilem, earum vocum, excepit incomparabilis odoris fragrantia, quæ totum locum, vbi positus erat, oppleuit, & tertio miraculo, ex iacentis S. Patris facie, tanta vis cœlestis lucis emicuit, vt quidquid circa eum esset, à clarissimo lubare coruscarer. Quo, tergemio prodigio, versi ex stupore, in læticiam rerum admirabiliū, spectatores Frarres; omissis funebribus, spiritu exultantes, læta, atque festiua iubilauerunt. Incidit hic PHILIPPI  
exces.



*Mortis  
tempus.*

excessus in annum Christi 1285. ætatis verò PHILIPPI  
 quinquagesimum secundum, vñdecimo Kalendarum  
 Septembrium, qui octauæ Assumptionis Dominæ sacer  
 est, cùm, occidente sole, per urbem, ex consuetudine Ec-  
 clesiæ, signa darentur ære campano, ad salutationem An-  
 gelicam, prorsus vt ipse prædixerat. Sed quia cū die exspi-  
 rauit, & absolutis Vesperis & Completorio, forrè etiam vt  
 locus esset, B. mæ Virginis octauæ celebrandæ, visum est  
 postea Leoni x. Pont. Max. festum PHILIPPI in sequen-  
 tem diem 23. Augusti reijcere: idque dato diplomate san-  
 citum, obseruamus. Hac tam preciosâ, tamque prodigosâ  
 PHILIPPI morte, per urbem vulgatâ, illico omnium or-  
 dinum, atque ætatum concursus ad D. Marci fit, quo illa-  
 tum iam esse illius funus, rumor prodiderat, ac certatim  
 sacrum illius corpus, vt veræ integræq; domiciliū sancti-  
 tatis, omni veneratione prosequuntur, mandatis ipsius  
 vltimis, quibus veteabantur eiusmodi honores, pietatem  
 populi stimulantibus potiùs, quàm obstantib'. Quò factū  
 est, vt à fratribus, vnâ cum Episcopo, Senatūque Tuderti-  
 no, religione supremæ voluntatis obstrictis, sacri corpo-  
 ris humatio acceleraretur. Verùm eorum diligentia mi-  
 raculum intercessit. Erat tum in vrbe Tudertinâ, Virgo,  
 Agnetula nomine, Tabellionis Pauli Guitonis, ciuis Tu-  
 dertini filia: hæc in sonantibus ad funus Philippi, camp-  
 anis, intus aliquid efficacioris inuirementi sensit, quo per-  
 mota parentem orat, vt ad sacrum corpus se deferri curet:  
 (neque enim aut ingredi pedibus, aut manum dexteram  
 tendere, aut adducere, aut in mobili corporis mole, vsquam  
 se commouere poterat) obsequitur pietati filix parens, &  
 eam in templum illatam, factâ per populi cuneos, viâ vi,  
 ad feretrum, in quo corpus iacebat, sistit. Illa, magnâ fidu-


*Concursus  
& venera-  
tio corporis  
audito ei-  
us obitu.**Puella ma-  
nibus pedi-  
busq; con-  
tracta, ad  
corpus sa-  
crum conta-  
ctum, con-  
ciâ, nalescit.*

*Ex mira-  
culo fune-  
ris celebri-  
tas.*

*Oris linea-  
menta, tunc  
excepta.*

ciâ, apprehensus ut cunque, aut tactis PHILIPPI manibus, ex templo conualuit, stetit, ambulauit, DEVM laudauit in sancto suo; & domum nemine baiulante, regressa est. Patres, eo miraculo se iam solutos religione rati, coacti etiam studio populi, sex diebus inhumatum corpus, eodem quo iacebat loco, expositum effusis populi honoribus relinquere, in animum induxerunt. Ibi interea Plasterum & pictorum opera, excepta sunt illius vultus vel mortui lineamenta. Cui Patrum diligentia debemus, quod hodieq; Imagines exstant peruerustæ, & ex illis haustæ recentes, quæ ab ipsius oris habitu haud magnopere abludant. Cæterum specie fertur fuisse, quæ gentilitiam nobilitatem non sine maiestate aliqua, mixtâ humilitate spiraret. Fuitque staturâ iustâ, facie amenâ, & emendatæ venustatis, capillo sufflauo, oculis verò viuidis, cæsiisque; quantum potui colligere ex quadam, quam in Italia vidi, imagine eius, quam propè Archetypum cæterarum vocabant. Sed operosius fuerit, eam eius imaginem delineare, quam rerum omnium Artifex Deus perfecit, id est Internum hominem repræsentare, atque ob oculos, suis coloribus ponere. Non est id vel ingenij vel spiritus nostri tenuitatis, sed cœlestis alicuius genij opus; imò potius ille ipse eas lineas duxerit, qui cœlestes virtutum maximarum luces, omnipotentis digiti sui penicillo fælici illi animæ induxit, & easdem luces multis magnisque miraculis (ut è sequenti patebit libro) à morte luculenter illustrauit.

HISTO-



## HISTORIAE

VITÆ AC RERVM GESTARVM B.  
P. PHILIPPI BENITII, FLORENTINI, ORDINIS  
SERVORVM BEATISSIMÆ


Virginis.

## LIBER TERTIVS.

MIRACVLA, AB IPSO MORTVO EDITA,  
aliâque sanctitatis eius argumenta  
complectens.

DE MIRACVLIS VETVSTIORIBUS.

## CAPVT PRIMVM.



Vanquam duobus superioribus Libris varia suis locis Miracula recensita sint, ita viua, vt viuum PHILIPPVM, sanctum, satis probare possint, tamen hoc tertio libro visum est ea Miracula in medium afferre, quæ à morte ipsius, in sanctimoniam eius testimonium contigerunt, vt omnes intelligant, quantum viuus mortuusque apud DEVM potuerit, ac possit etiam num. Etenim ea miraculorum apud mortales opinio inoleuit, vt eum tunc demum sanctum, Beatumque pronuntient, quem, vel in se, vel in alijs, rerum mirabilium patratores experti sunt; vt hinc scitè elegantèrque Gregorius IV. Pontifex Max. pronuntiârit, ad absolutæ suis numeris integritatem sanctitatis testificandam, duo vt plurimum requiri: virtutem scilicet morû, & signorû veritatem (duobus verbis, *Merita, Miracula:*

*In Bulla  
canoniz. S.  
Antonii de  
Paduâ.*

c. ult.

ut videlicet hæc duo quâdum velut reciproca attestatio-  
ne, cum in sanctitatem asserant, in quo, aliqua quâdam in  
paritate, reperta fuerint, iuxta illud D. Marci Evangelistæ,  
*Illi autem profecti predicauerunt ubique, Domino cooperante, &  
sermonem confirmante sequentibus signis.*

*Deum in-  
ter atque  
sanctos su-  
os quoddam  
veluti cer-  
tamen.*

Possit & alia huiuscæ asserti apta, à nobis alibi addu-  
cta, ratio, etiam hic adduci, ea scilicet; quòd DEVM inter,  
& latere cupientes, Seruos suos, pium amicùmque certa-  
men existere soleat, quo, quantò magis anxie isti, pro viri-  
li parte, sua decora in obscuro habere, atque oculere stu-  
dent, tanto enixius vicissim DEVS, virtutis eorum gloriam  
ac splendorem, admirabilitate prodigiorum protrahere  
in publicam lucem & conspectum eorum amat homi-  
num, qui afflictis rebus suis, in eorum præsidio, præsidium  
quærunt. Hinc vnde Philippus ab sepultis accuratè rebus  
suis securitatem quæsiuit, inde DEVS meritorum, eius ma-  
gnitudinem ordiri, & palàm testatam facere constituit.  
Vt scilicet morum virtus, signorum veritate probaretur.  
Ex his præcipua nos collecta, ex processibus Florentiæ ac  
Tuderti super sanctitate Philippi institutis, argumenta,  
hoc tertio libro confectabimur: seruata in Nominibus il-  
lorum temporum, omnis fuci ex parte simplicitate, quâ in  
dictis Processibus efferuntur.

*Sanatus  
contractus.*

Quorum hoc primum esto, quòd cuidam Andreolo  
Ioannis, Tuderto oriundo, omni manuum atque pedum  
usu ita destituito, ut si quò tendendum esset, id non aliter,  
quàm serpendo, rependòque posset, imploratâ Beati Phi-  
lippi ope, è vestigio manûs pedesque sic revixerunt, ut  
ambulare, laborareque sine obstaculo posset.

*Liberata  
Dementia  
ca.*

Alterum beneficium se accepisse Iuliana Martinelli  
Mondionensis, in porticu Basilicæ Diui Marci (ubi Beati  
Philip-

Philippi Conditorium fuerat ) præsentibus duodecim aut pluribus testibus, fidem fecit: scilicet, se, diu multumque; ab inquilinis cacodæmonibus habitatam vexatamque, Fratribus Philippi, Ordinis Seruorum Deiparæ precibus meritique, ab eorum violentiâ, ac rabie esse integrè liberatum.

Tertiam Philippo debet gratiam Iacobucci Camutianus, qui cum diebus singulis, ac non raro in die sæpius, morbi caduci vi ruens, sædum in modum quateretur, miseratus ipse afflictam sortem suam, auxiliarem Philippi manum inuocauit, quæ illum illicò sic crexit, vt illo deinceps morbo nunquam corruerit.

*Comitialis  
morbus depul-  
sus,*

Non minùs præsentem Philippi opem experta est Margaritha, Vxor cuiusdam Venturellæ de Biuignate, Fuliginatis, doloribus torta phreneticis, quibus fiebat, vt, non modò stomachus ad quandam fatuitatem vsque relaxaretur, & reliqui artûs omnes quodam stupore sic torperent, vt nulla sanorum officia obire posset, sed etiam vt salutiferæ Crucis signum videre mulier non sustineret. Et eò vsque inualuerat morbi furor, vt si non obsticissent dati ad custodiam homines, in flammarum vndarumque voraces sæpe præcipitem se datura fuerit. Hæc ita tot oppressa calamitatibus, cum affusa supplex Philippi sepulchro, illi se fidenter commendasset, toto illo morborum globo leuata, fidem fecit, meritis Diui Philippi cumulatam salutem sibi, ac sanitatem contigisse.

*Phrenesis  
absterfa,*

Successit curæ Angeluzzius Lilius Collazzonas: cui inusitatus capitis dolor omnē sui, ac præcipuè oculorum vsus, præ summâ acerbitate, ademerat. Qui cum ad Diui Marci Ædem, tunicâ, è fetis molestâ, indutus, ac nudus, pedes venisset, ibidémque Deo, ac Diuo deuouisset sese: apparense ipsi Philippo, omnis omninò dolor ille, & cæcitas, obortâ luce, ac sanitate, depulsi sunt.

*Item capi-  
tis dolor.*

Æscu-

*Claudus  
erectus.*

Æsculāpium quoque Philippum laudauit quidam Ascoribanus Bernardi, à Castro nouo: qui vsu sinistri pedis ira captus erat, vt nisi scipionis adminiculo ingredi non posset. Vtuncque conductus ad Philippi Tumulum, postquam eius patrociniū inplorauit, restitutus in integrum, expedire ambulauit.

*Arthritis  
elimina-  
ta.*

Paulus item Monticellius, è Comitatu Tudertino, decem ipsis mensibus, Arthritide cruciatus, adeò debilitatus est, vt erigere se è lecto, aut quoquam commouere, nō posset. Cū baiulatus ad sepulchrum Philippi, ei se piā fiduciā enixè commendasset, omnes illico dolores euānuerunt; & refusa per artūs neruósque viuida vis, egit, vt qui paulò antè mouere se non poterat, iam eādē horā, ad auersam vr̄bis partem redire, ac deinceps omnia sanorum posset munia obire.

*Crus com-  
minutum,  
redente-  
gratum.*

Neque pro se tantū supplicantibus adfuit Philippus, verū etiam pro coniunctis personis. Nam quædam Mulier, Andrea nomine, Simonueij, ex oppido S. u. Siluestri vxor, testata est; quòd; cū grande saxum, & quod humo attollere vir bene foris vix posset, filioli sui cruri illapsum esset, id totum comminuisse. Cū verò sequenti nocte periclitantem filium, mæsta Mater Beato PHILIPPO commendasset, eum sanum integrūque reperit, & geminato miraculo, lactens adhuc infans, solo DEO docente, hæc verba protulit: Sanctus Philippus me liberauit.

*Struma  
complan-  
ta.*

Ita quoque Iacopuccius Beneuenuti, ex oppido S. Praxedis, publicam fidem fecit: filium sibi nomine Reinerum, cum ingenti, è collo pendulā strumā, natum. Cū illū sic deformem, DEO ac Beato Philippo deuouisset, ad motum sepulchro Diui, & tunicā interiore eius, quæ id loci, cum veneratione asseruatur, lustratum, illico, abacta,

præ-

præfenti numine, illâ colli monſtruosâ appendice, æquate atque incolumi collo eſſe receptum.

In faſcina quoque Philippi valer imperium. Nam Angeluzzus filius cuiuſdam Stephanæ, ſiniſtro afflatus faſcino, quo per duos ipſos meſes contabuerat, ſecundû DEVM, Philippi patrociniſſimo commendatus, ſtatim difflatâ vi Amuleti, reualuit; aſſerente Miraculum aliquot ſubſequentium Meſium continuatâ ſanitate.

*Faſcina  
neruata.*

PHILIPPVM etiam Chirurgi virtute pollere, ſenſit quædam fæmina Imilia nomine, vxor cuiuſdam Benincaſæ, à monte Molendino. Ea dexteri cruris & linguæ affectu, gemino malo ſic afflicta fuit, vt nec audire, nec reddere voces vllas poſſet, ac ne quidem, cûm religioſus vſus & neceſſitas poſtularer, Confeſſionis ſacramentalis. Cûm ſe Philippi conditorio ſiſtens, duplicis ærumnæ à Deo remedium, per Serui eius Philippi preces & merita, quo poterat modo, ſupplex peteret, ex templo, nullâque vel breui interpoſitâ morâ, exaudita eſt, & acceptâ utrâque facultate priſtinâ, vnde venit, læta vocaliſque remeauit.

*Crura &  
lingua.*

Nec minùs fælix in calculi curatione noſter Medicus Philippus fuit. Iacopuccius enim filius Beneuenuti Logi, è Tudertinâ Dynaſtiâ, cûm calculi doloribus, vſque ad meatûs naturalis pertinacem obſtructionem, diſcruciaretur, à Sabina Matre Deo ac B. Philippo deuotus, additâ Sponſione, ſi ſuffragijs Diui torturæ eximeretur, ſe illius aram multis luminibus colluſtraturam, aliâque pia opera obſequij eius obituram; illico à conceptâ voti formulâ, moleſtam petram excreuit, atque ita ſubductis calculis, deinceps per omnem vitam nullos ſimiles dolores numerauit.

*Item calculi  
curationem.*

Alia



Alia, item Mattiuola nomine, cuiusdam Bartholomæi Beneuentani coniunx, acerbissimis calculi cruciatibus, consumptis iam medicinarum remedijs, diuexata, ubi Philippi sarcophago est admota, & ab eius patrocinio sperauit & efflagitauit vltimam opem, petrâ leuata est monstruosa in suo genere magnitudinis, eaque affixa est Diui conditorio ad spectaculum, & fœmina deinceps eo malo, quod solet tamen in affecto semel corpore habere radices, nunquam loborauit.

Alia rursus Illuminata nomine, calculi diritate à medicis exposita, cum Philippi, in tam præsentis periculo, patrocinium implorasset, vix orandi finem fecit, & petrâ effudit, quam cum cerco Anathemate, eidem tumulo appendit, falsa præsentibus testibus, se Diui meritis discrimen euasisse.

Verum non tantum cum morbis, sed cum ipsis etiâ stygijs iniquis, pro suis supplicibus, nec semel pugnavit Philippus, & vicit. Quædam fœmina Ludouica nomine tantâ Dæmonis Tyrannide tenebatur, vt perpetuis stridoribus, stygio illo æstro expressis, omnibus circa se intolerabilis fieret, nec tanto implicita malo, tendere cœlo, supplices implorandæ opis gratiâ manûs, nō formare salutiferū Crucis signum, nō recitare Dominicam orationem, salutariemque Angelicam, non denique porrigere mendico stipem, permittebatur. Huic ita expositæ, se videndum ac spectabilem offert Philippus, &, veni, ad Ecclesiam meam, inquit, & ab infirmitate & Dæmonibus, qui te exagitant, liberaberis. Cum mulier paruisset, venissetque ad Philippi sepulchrum, ei que indormisset, in eo sopore, à Philippo subleuari se atq; excitari, ac demum liberatam ereptamque omni cacodæmonis violentiæ ac præstigijs sensit.

Nec

*Dæmonia  
ca libera-  
ta.*

Nec adeò Regium morbum extimuit Philippi potentia. Vgolinuccia quædam, Petruccij Scopelli filia, tam potenter ab hoc malo affligebatur, utin eius paroxifmis mortua videretur, adeò nullus in eâ motus, nulla signa vitalia apparebant. Mæſta Mater eius eam D. PHILIPPO commendat, ſpondetque, ſe, ſi opem deploratis rebus attuliſſet, vnâ cum filia ſupplicem, cum gratâ veneratione, ad eius tumbam eſſe venturam. Hoc dixit, & ilico euanuit omnis morbus, nec reuénit vnquam ad filiam.

Chiragram quoque, à medicorum Scholâ pro incurabili habitam, curauit hic noſter Hippocrates. Eâ quædam Ioannula Rigalaſcha per aliquamultos annos quàm arctiſſimè contracta, inuocata Philippi ope, apud idem eiſepulchrum in Diui Marci templo, multis, qui præſentes erant, ſpectantibus, libera, liberos lacertos extendit, eorûmque, quamdiu vixit, uſu gauiſa eſt.

Cæcis præterea ac claudis lumen, & gradiendi potestatem dedit. Nam Conſita Vguccionis, Peruſio oriunda, habilitate pedum capta, ac præterea à natiuitate cæca, cū pari ad Diuum fiduciâ, animi ſcilicet greſſibus ac luminibus, ſupplex accuriſſet; utrîque calamitati medelam inuenit: vt nec adminiculo deinceps, nec ductore ad ambulandum opus haberet.

*Caci illu-  
minati.*

Eandem publicæ lucis uſurâ, interceſſione apud DEVM, Philippi, quidam cæcus mendicus impetrauit, qui adductus ad eius, adhuc in feretro, antequam conderetur, iacētis pedes, ubi eos religioſè ac piè eſt exoſculatus, ſanctitatē Philippi, & obortæ repentè lucis claritatem, mirat⁹ eſt.

Pari aur maiori miraculo, cuiuſdam hominis Coloni, dirionis Oruitanæ, filius (in hanc lucem, expers lucis, & cæcus editus) qui à parente, efficacibus ſingulari fiducia la-

X

crymis,

vix initiatus ad medelam PHILIPPO, fuerat vtrūque auxiliarem Patrem, repentinā illustratus luce, quā vsque ad mortis tenebras est vsus, circumspexit.

*Philippi  
contēptrix  
elinguīs fa-  
cta, respi-  
scens, resti-  
tuitur.*

Interim, post funera, tam acer sui vindex, contra contēptores, quā benignus in supplices, PHILIPPVS fuit. Fæmina quædam, meretricio quæstu infamis (cuius propterea nomen reticetur) pro similibus hominum licentiâ, impiâ linguâ in Diui contumeliam exacutâ, multa temere effutiuerat, sed non diu; nam derepente obmutuit: quo factum est, vt aliter intus canere, ac melius loqui coacta sit. Confessa itaque & deprecata, eloquentissimâ taciturnitate, ad pedes sancti funeris, impij oris sui nefarium scelus, religiosiorem, quā prius habuerat loquelam, recuperavit.

*A lupo  
strangula-  
tus reuini-  
scit.*

Dispersa quoque corporis membra non colligere solum sed & animare nouit Philippi potentia. Accidit haud procul Tuderto, vt in malè custoditum vagantēque incuriē infantem lupo incideret, qui oblatus illius innocuī agni iugulum ferociter ac truculenter inuadens, omnem indidem, cum cruore vitam exsuxerat. Superuēnit lanienæ Mater infantis, quæ illum anxie ubique, sed non hic, quærebat, & priusquā à belluâ rotus discerperetur, filium exanimem recepit. Quo se verteret infelix mulier, quidue ageret mortuo filiolo, non satis inueniebat, quod recordata PHILIPPI, paulò antè in cælum, non sine prodigijs, recepti, impositum gremio filioli cadauer, Diui nondum humari admouit cadaueri; fusisque, quas spes dolorque inflammarant, precibus, infans reuixit.

Diceres, etiam in PHILIPPI sandalia vim non modicam dimanasse; adeo etiam illæ contra calamitates valué-

re.

*Sandalia  
ignem ex-  
tingunt,*

re. Vir quidam bonus ac pius, ac proinde bene Benedictus dictus, Beati Philippi familiaris, ab eodem dū vixerat, parvum crepidarū, simplici opere è Iuncis fluuiialibus textarum, munere acceperat, quod ille non vulgari religione asseruabat. Itaque orto domi eius incendio, iuncas crepidas iam benè siccas, magnā cum cērti præsidiij spe & fiducia in Muneratorem suum, furentibus flammarum vorticibus iniecit; quibus flamma citiùs cessit, quàm fluuiò, vnde iunci erant oriundi, cessura videbatur.

*Alteri in  
fantulo san-  
nitas.*

Etiā fugientē cum sanguine vitam in tenellis infātuli membris retinuit Philippus. Berardellus filius infantulus cuiusdam Ioannelli Venturæ, à Regione collis, gerulæ nutriticis Margaritæ gestatus in vlnis, lætè ac festiuè gestiebat, cūm derepentē factus exanguis, mortualem in modum ita expalluit, ac deformatus est, vt coram publico Tabellione iurati tam Parens quàm Nutrix affirmarint, quòd nullum viuidi vigoris indicium, daret, à se pro mortuo habitum, ac vt talem, diuo PHILIPPO à se commendatum, aut vitæ, aut sanitati; cerrè sanitati esse restitutum, ac deinde ad tanti beneficiij agnitionem, prout antè sponderant, effigiem ceream, paris puero ponderis, facelli, vbi PHILIPPI sepulchrum erat, tholo affixerunt: & ex voto, singulis, quoad Berardellus vixit, annis, quatuor Christi pauperes, redeunte anniuersario Miraculi die, puro piòque sepalo sunt excepti.

*Alteri vi-  
ra restitui-  
tur.*

Quantum verò inter semimortuum & mortuum interest, tantò patientiore miraculo leuata orbitas est cuiusdam Viduæ, quæ ex diuturno, ac permolesto morbo mortuum vnicū filium deplorans, cūm Philippi sanctitatē illi resuscitādo imploraret, in vestigio filiū vidit rediuiū, qui

palàm ac viuידè coram ijs, qui ad leniendum Matris mæ-  
rorem aderant, professus est, se diuinâ benignitate, Beati  
Philippi auxilio partâ, secundam vitam viuere.

*Febrim  
æstus pel-  
litur.*

Denique vt constaret, nullum morbi genus huius me-  
dici artem effugere, etiam febribus æstuantissimis, post  
mortem est medicatus. Ciuccijs Poli, à Regione Cammuc-  
cianâ Tuderri, febris continuâ æstuans, inuocatâ Philippi  
medelâ, eo ipso conualuit momento.

Quidam præterea Reginaldus Gualterus, à Regione  
sancti Siluestri, cum febris tertianâ supra modum quate-  
retur, auditâ Philippi nondum sepulti, celebri à miraculis  
famâ, cum se illi comendasset, & sacras eius Exuvias vene-  
rabundus attigisset, subito se omnis expertû febris sensit.  
Horum, atque his similium signorum, quæ in sanatio-  
nibus Febrim, Apostematum, atq; aliorum morborum,  
patrocinate Philipo, contigerunt, plurima habentur in  
Processibus Canonizationis, & in Codicibus M. M. SS. an-  
tiquis. Quibus omisiss, duo hic memorabilia signa, quo-  
rum alterum ad Religionem venerationemque sacri cor-  
poris Philippi, alterum ad euidentiâ pertinet præsentis  
curæ ac tutelæ, quâ idem Pater, addictos, aut Diuæ Virgini,  
aut sibi, pietate & clientelâ fouet, ac tuetur, referemus.

*Fragran-  
tissimus ex  
apertâ Tū-  
ba odor.*

Ac prioris quidem argumentum esse potest, inaudi-  
tum miraculum, quod in multorum mortalium frequen-  
tiâ contigit, Anno Christiano Milleesimo trecentesimo de-  
cimo septimo; hoc est ab obitu Philippi precioso, Anno  
trigesimo secundo. Quo, cum varijs ac prodigiosis de cau-  
sis, Patres nostri statuisent Diui corpus transferre, atque  
inferre augustiori Conditorio; id vt viuens semper  
fuit bonus odor Christi, in omni loco, ita loculo ligneo ex-  
emptum, primò celestem quandam fragrantiam spira-  
uit,

uit, quæ præsentis populi sensibus, mentibusque illabens, in eorum animis, Religionis venerationisque in Philip-  
pum magnos motus concitavit. Deinde, ac si id parum esset, Anathemata, & statuar, è cera, alijsque materijs, quæ, tro-  
phæa de Morte, Morbis, Dæmonibus, diuersisque morta-  
liū alijs periculis, Philippi sanctimoniâ victis, plurima, ab  
adiutis fidelibus apud sepulchrum fixa, spectabantur, nō  
secus, ac si illius fragrantiæ spiraculo animata, vitam mor-  
tūmq;, & cum illis pietatem ac Religionē haussissent, ex suo  
se pulvere surrigunt, & versis ad aram, in qua sacrum cor-  
pus prostabat, faciebus, illud mirabiliter ac vitaliter sunt  
venerata.

Quod ad præsentiam autem attinet curæ eius, ac soli-  
citudinis de clientibus, aut Diuæ Dominiæ suæ, aut suis, ex  
memorabili euentu, sequentem in modum mirificè asser-  
ta, passim evidentérque innotuit: qui sic se habuit.

Quidam Miles cum suo quodam Commilitone, quem  
pro fratre, ac pro altero se coluerat, relictis domi, coniuge,  
atque vnico filiolo, immemor suorum, memor aut gloriæ  
aut prædæ, castra est secutus. Vt sæpe fit talibus ambulo-  
nibus, reditus ei ad suos non ita, vt abitus, in promptu fuit;  
nam vnâ cum commilitone, in acie mortuus, à multis mi-  
grauit ad plures. Vxor interea eius, quæ domi remanserat,  
quæ erat eximiâ in Deiparam pietate, eam solitudinem  
suam & orbitatem, culturâ virtutum, alijsque bonis arti-  
bus trans mittebat. Ac verò præcipuè filiolum suum cœlo-  
rum Reginæ in Ephebum formabat, tantâ felicitate, vt,  
respondente matris industriæ pueri docilitate, cœlesti a-  
licui Genio, quàm puero mortali, puer esse simithor vide-  
reretur. Indoluit ijs successibus, malus Dæmonis Strygius li-  
uor, & ad notas nocendi artes conuersus, si quâ Matrem &

*Prodigiōsa  
cacodæmo-  
nis, ad se-  
ducendum  
innocentē  
puellum,  
strophæ.*

filium auocatos, per contubernium, à studio Orationis venerationisq̃ue Deiparæ, in medio laudabilis vitæ cursu sistere, atque interimere possit, hanc stropham comēntus est. Commilitonis, quem marito Matronæ commortuum militiæ fuisse, iam memorauimus, corpus formamq̃ue induit, & velut è bello redux, domum subit, & ad Matronam: *doleo equidem vchementè*, inquit, *mihi lectissimum amicitissimūq̃ue fratrem*, tibi *dulcissimum coniugem desiderari*: *ecce* ille quidem fortiter pugnans in acie, sed vt mihi decedens nouissimis verbis tui ac filij curam orbitatēq̃ue commendauit, ita non committam, vt officium aut vlla circa vos diligentia mea pars desideretur. Adeste proinde animis, & mærori moderati, vosmet meliori sorti seruate. Ad hæc Vidua, coniugali mæsta pietate, etsi vchementè illa crimata est funesto nuncio, tamen siue animi virtute, siue quòd sincera afferri crederet solatia, dolori suo æquabilem modum posuit. Tartareus interea impostor, sub illa, quam diximus, laruâ latens, illius iam domūs penatum aliquis Deunculus & spiritus familiaris factus, enixè in speciem, adolescentuli ducem ad pietatem (si superis placet) ductorēq̃ue agebat. Quare vt Matri fucum faceret, inclamare illū solitus, fili, templum adeamus; interim ad omnia alia, quàm ad templa (quæ crucis & ipsa Deipara odit) adolescentulum seducebat. Itaque hac eius educatione hocque Magisterio fiebat, vt infelix, & totus iam ab illo, qui fuerat, mutatus adolescēs, non conciones sacras, non sacra Missæ, aliarūq̃ue Diuinarum laudum officia, vel adire vel audire in animum induceret: quin etiam, obliterato & eliminato, è pectore, omni materno metu ac reuerentiâ, illi bene monenti, &

ad

ad solita Deiparæ obsequia inuitanti, proteruè ac petulanter insultabat. Mater istâ filij Metamorphosi perplexa, atq; ægra animi, confert se ad sacram ædem, ibique coram Diuæ Virginis, consolatricis afflictorum effigie, pectoris sui æstum, filij periculum, & præposterum, quem domum admitterat, Tutoris OEconomiam & imperitam disciplinam dolenter deplorat, imploratq; supplex tam multiplici tamque ancipiti malo, Misericordissimæ Deiparæ præsentem opem, ac libertatem. Peroratâ haud infeliciter causâ, cum mulier domum reuersa acquieuisset, audit à foribus suis intromitti petentis pulsus, sed illa omnia tuta timens, nõ se mouebat, quoad secundò imperiosius pulsante hospite, ei demum domum referauit. Datâ ergo, ac redditâ salute, colloquium ingressi, hospes quid ita tristi sit, quidue animo oneris gerat, edicere iubet. Ad hæc Matriona, se, si calamitatum suarum rationes inire debeat, priùs aliquot integros dies abituros, respondet, quàm doloris mærorisque sui magnitudo atque acerbitas fandi querendique finem inueniat. Quod si tamẽ rem compendio scire velit, sciret, infelicitatis suæ summam esse, quòd susceptum domo, reducem è bello, mariti sui mortui commilitonem, cui, vt fidissimo amicorum, adolescentem filium, ac se matrem, moriens maritus, vnâ cû orbæ domûs curâ commendârit; talem experiatur, in filij rutelâ ac disciplinâ, vt is ex pio, morigero, ac pudico, in omnia alia, ab illo peruersus, in deterrimum impijssimûmque totius ciuitatis euaserit. Hic hospes, condoleasco, inquit, vicem tuam, sed effice; ei nuntietur, vti ex Dei imperio, hinc se mihi quàm primùm sistat. Adstabat fortè colloquentibus puerulus quispiam,

*Mirabiliter à Philippo apparente detegitur;*



qui suapte sponte, sine ullius suffragio, Apparitor factus, ad laruatum Tutorem currit, & prænsum manu, ambulare secum in Ius, Dei iussu iubet. Parec illico impostor, quamvis imbecillo Apparitori, & eiulans vluansque, quid me, Philippe exagitas? quid discrucias, inquit, veterane inimice? Tum Philippus, qui sub hospite consolatore matronæ latebat, Dei autoritate, impero tibi, inquit, age, ede, qui sis, quid veneris, quid tibi in hac domo negotij sit. Hic harere Impostori aqua, vel potius, quâ flagrabat, flamma, & se totâ lubricitate serpentina, in omnes spiras ac volumina versans, effugia quærere; sed frustra: urgente Philippi, qui lupum auribus tenebat, autoritate. Quâ cogente, quando, inquit, ita iubes, & dura rem extorquet necessitas: fateor me Cacodæmonem esse, fateor mariti huiusce faminx commilitonem mentitum; ut, si illa consuetam ac familiarem Religionem, cultumque Dei paræ aliquando omisisset, eâ illam oportunitate obnoxiam mihi, vnâ cum filio discerptam, Tartaro deuoluerem. Tum Philippus: facesse hinc quantocius, Tartaree torris; neque deinceps vnquam audeas ex hac familia quenquam infestare: & cum dicto, Dæmon, edito fragore, qualem edere solet cælum, cum ruere videtur, fusus & fugatus in tenebras euauit, relictâ in medio, cadaueris, quod gerebat, fædâ & graueolentâ sarcinâ. Matrôna, tam admirandi Drammaris spectatrix, in Dei, Deiparæque effusa laudes, & actionem gratiarum, percontatur hospitis nomen. Is quod res erat, confessus, se cum PHILIPPVM esse, respondet, cuius, corpore Tuderti quiescente, administrator spiritus, missus sit à DEI MATRE, ut piorum eius contemplatione obsequiorum, illam tam ancipiti insidiarum Stygij prædonis periculo eximeret.

Hoc

Hoc PHILIPPVS pro Dominae suae honore sequentia pro suo; quae suprà laudata Acta publica, temporis potius quam materiae seruato ordine, subiungunt. Quae tamen antequam persequamur, illud prius comemorandum, quod de Philippi toga, & quod gerimus, scapulari, memoriae proditū est. Videlicet ea paulò post eius excessum, circumlata in publicâ frequentis populi Tudertini supplicatione, coortam irati coeli atrocem tempestatem, redditâ repente serenitate, sedatam, discussisse.

In eâdem Reliquiarum PHILIPPI translatione. (de qua nos paulò antè) quidam, emortuis pedibus, suauolentia, euaporantis è loculo Diui fragrantiae; victus, soporatus est, in eâque quiete, Philippum sibi auxiliares manus praebentem vidit; itaque sibi redditus, redditum quod paulò post vitalem pedum vsum sensit.

*Alia miracula in Philippi translatione.*

Præterea Puella quædam dextero capra lumine, quæ potuit, per confertam turbam penetrans ad Philippi tumulum, eique suam inopiam luminis quæstâ, illico videnti dexteritatem etiam impetrauit.

Nec minùs beneficum Philippum eodem tempore, sensit puerulus, morbo caduco obnoxius; cùm enim miserabili labilique sorti suae stabilem à Philippo opem implorasset, nunquam deinceps hoc affectu præcipitauit.

Sensere & dæmones duram Phippi, veterani Antagonistæ, manum. Quædam Energumena miserabilem in modum ab his Stygijs incolis sex ipsos annos torta, ubi ad Philippi ducta sepulchrum, quieuit; secundum eam quietem, Philippum, ceu Diuinum quendam exorcistam, nefarios è corpore suo genios exigentem vidit, & expergit cens, se liberam vacuamq; infestis habitatoribus gauisa est.

*Energumena liberata.*

In eâdem corporis B. P. Philippi translatione locus  
Y prior

prior, etsi ad honorem sancti, thesaurum suum pretiosiori sarcophago concessit, retinuit tamen sanandi virtutem. Nam quædam inops & miserabilis puella, è monte Castello, manibus pedibusque contracta, & sæuo in super renum dolore ad incurabilem incurvationem vsque discurtiata, in vetusto Philippi sepulchro, vnde recens extracta eius ossa fuerant, locata, è vestigio, in vestigia sese surrigens, recta agilisque prodijt.

*Febris le-  
thalis de-  
pulsæ.*

Attamen salutaris medendi vis priori relicta tumbæ, vel maximè se prodidit in alterâ honestiore, vt sequentia & plura alia miracula docuerunt. Quidam infans, vehementi febris deflagrans, expositus à Medicis, animam agebat. Vnde mæsta parens eius, vt mortis spiculum à filiolo excluderet, ad sepulchrum Philippi confugit, eique filium admouit. Dum sequenti die Patres nostri, in honorem Philippi sacris operarentur, puerum, qui pene in æternam noctem lumina clauserat, illico à fufis piæ Matris precibus, de integro persanatum certam mortem euasisse ceruunt, Philippo obregente. Iterum alius quidam familiari religione Philippo addictus (quam etiam vicinitas Ecclesiæ Diui Marci conciliabat) ex bene sublimi lapsus loco, fractâ tibiâ, per biennium non sine peracuris doloribus claudicauit. Is sic affectus, dicto tumulo Philippi illatus, de repente reualefcens, deinceps passibus æquis ambulauit.

*Claudus  
erectus.*

Non disparem PHILIPPI in curando facilitatem expertus est, non dissimilis patri suo in pietate erga sanctum virum huius eiusdem Filius, Benedictus nomine, quem viuenti adhuc Philippo familiarem fuisse, eoque, ab ipso iuinceis illis crepidis flammærum domitoribus, donatum, suprâ memorauimus. Is vi morbi articularis, qui genua occuparat, tam violenter lectulo affixus hærebat, vt dolo-

*Articula-  
ris morbus  
elimina-  
tus.*

ris

ris magnitudine intractabilis esset, & immobilis: cùm de translatione Philippi, deque prodigijs, quæ eius occasione eveniebant, inaudisset, in mentem ei venit, istarum crepidarum, & enixè petitas, allatâsque, inverso vsu, sed salutari genibus, aptat. Noctesequenti ita piè crepidato Philippus se videndum audiendumque exhibuit; eùmque suaviter solatus, detergo omni, quo vrebatur dolore, vr à domo eius incendij vastitatem, itâ à pedibus & omni reliquo corpore cardigradâ eam pestè auertit. Quare sequenti mane, cubili exiliens, Philippi sarcophagû adit, & de doloribus suis, Diuo Trophæum ad æternam beneficij memoriam statuit.

Nec tamen Philippo persuasit omnis omnino, ad omnia concedenda pietas, sed ea tantùm, quæ Diuinæ voluntati erat consentanea. Non ita enim multò post Philippi excessum, Florentinos pia cupido incessit potiundi corporis Reliquiarûmque tam clari ciuis sui: & re cum Pontifice Maximo, Honorio Quarto comunicatâ confectâque, cùm populus Tudertinus, Pontifice difficilior, negasset, tam nobile spoliū se vlli duros, Florentini ad pias fraudes & furta versi, illud aureum vellus, pluribus, quàm in Argo erant, oculis Tudertini populi custoditum, surripiunt, & impositum iumento, elusâ totius ciuitatis vigilantia, vrbe educunt. Vbi in quendam campû, in agri Tudertini æquore sitû (qui hodie ad eius Cathedralis Ecclesiæ

*Furtiue  
transfere  
Philippum  
volentes Flo-  
rentini im-  
pediuntur.*

Canonicos spectat) peruentum est, se ac iumentum sacræ Sarcinæ baiulum in viam concitant: sed nullo alio operæ pretio, quàm, quòd arbitratos se iam multa, per celeritatem milliaria confecisse, in illo campo, velut in quodam Labyrintho oberrantes, dilucescens dies, & sui illos confessio erroris (cuius à Tudertinis veniam postulabant) prodidit. Et Tudertini quidem vrbe effusi, vltro

libentérque cum errorem suis supplicibus ignouerunt, ac receptum sacrum ferculum, deducúmq; solemni pompâ, templi sui Mausolæo lati recondiderunt. Viget hodiéque eius miraculi memorabile Vestigium; nam quâ per eum campum, totâ nocte, cum sacris exuijs, Florentini ambages egerant, licet eâdem ybique culturâ & curâ aruum colatur, non modò segetis colore, sed etiam, vbi virgulta sunt, eorum humilitate raritatéq; viarum, ab nocturnis erronibus tritarum, flexûs reflexûsq; formâtur. Cuius testandi gratiâ facti, aliquot abhinc annis, Senatus populûsque Tudertinus, ibidem loci, Monumentû, rem gestam picturâ atq; inscriptione exprimens, sumpru pub: statuit.

*Philippi ob  
rectator  
punitus, &  
per peni-  
tentiam  
restitutus.*

Erat eâ ætate, in eâdem vrbe, quidam Satyricæ licentiæ, ac præfixæ frontis audaciæ, in denigrandâ bonorum bonâ famâ quadruplator: is quodam die, in loco publicæ frequentiæ, multa, in multa & bona Philippi opera deblaterans, deridiculo habebat ciuium suorum in Diuum Religionem, còque maiorem in modum allaborabat, si quâ posset, populi studiû à cultura Philippi auertere & peruertere, sed id nefas illi non diu sic abiuit. Adest enim repente superbo, victor à tergo, Deus, & cum circumstantis frequentissimæ concionis horrore, humi affluctum, omnibus artubus deartuatum, ademptâ impiâ voce, infelicem animam & profligatam, nefariæ obrectationis causam agere cògit. Sed quomodo ageret? *Non erat vox neq; sensus.* Succollantibus ergo humeris, aut iuncturis brachiorum, à religiosis ciuibz ferecur ad Philippi vitale sepulchrum: cui impositus, ab impietate & penè iam decretoriâ victimæque eius pœnâ, viuificâ Busti Benitiani virtute, illico reuixit, & tantæ benignitatis monumentum, literis coloribûsq; adumbratum, templi, vbi sepulchrum Diui est, tholo affixit: atque ita ex maledico, Philippi Encomiastes factus,

*4. Regum  
c. 4.*

factus, postea omnia alia, quàm quæ priùs dicere solebat dixit.

## DE MIRACVLIS RECENTIORIBVS.

### CAPVT SECVNDVM.

**N**Vnquam tot curasset noster medicus PHILIPPVS post sua ipsius funera, si contemptâ Virginis vocatione, curare voluisset. Sed dum ex Medico fit virginis Seruus, accepit ab hac infirmorum medelâ eam potestiam, vt iam quatuor integris sæculis, omnibus suis clientibus præsentem afferat medicinam. Eius rei, priori capite, argumenta vetustiora, hoc recentiora, eâque pauca tantùm, è multis, atque magis explorata afferemus. Ioannes Andreas Amideus, è vico Narniensis agri, Coldiscipulo, anno Christiano 1591. Asthmate incurabili ad extrema redactus, valedientibus medicis, itinera æternitatis ingrediebatur iam, atque extremâ vñctione delibutus, ad vltimam seclustam comparauerat.

Intellexit id ipsius neptis Catharina, nostri Ordinis Religiosa Soror, in cœnobio oppidi Arnolfæ: & exorata vnâ cum aliquot sociabus Virginibus, Philippi ope, conceptoque voto, si Auus reualuisset, effecturas se spondent, vt summum, quod propitiandis in necessitate, cohonestandisque Superis, Diuina sapientia excogitauit, sanctum Liturgiæ sacrificium, in Diui Philippi honorem fiat. Vix votum Virgines nuncupauerant, cum, velut alto excitus, ycterno, Ioannes Epiphaneam suam (ita vxor vocabatur) ingeminar; & heus, nō vides, inquit, Beatum Philippum, Ordinis Servorum, qui auxiliariis Archiater meus adueniens, macteanimo, & iam hinc sanum sospitemque esse iussit: addens: Religiosas Bulgarientes, impetratæ gratiæ fideles sequestras extitisse. Hoc necessitati tribuit Philippus, illud delicijs suorum cultorum,

Quòd

*Curatur  
Asthmaticu.*

Quòd cùm anno, à Christo 1599. Beati PHILIPPI, & templo Diui Marci, ad Diuæ Virginis Gratiarum, adornaretur translatio, & aperiretur Ara, ex qua lignea Theca, Philippi continens Ossa, eruenda erat, frequens, qui aderat Populus, eam, pene priùs naribus, quàm oculis vsurpauit; tanta enim repentè roto templo suaueolentiæ sparsio extitit, vt in admirationem rapti vniuersi, qui præsentibus insolitis delictijs innatabant, Dei suauitatem odorantes, cumulas eigratias agerent, pro dignatione, quâ ad tam celestis spiraculi experientiam fuissent admissi.

Similis alia fragrantia sparsio data populo est, decimo octauo Septembris eiusdem anni, cùm ex eadem Theca ossa Philippi promerentur, exciperenturque sumptuosiore aliâ, atque augustiore, in quâ transferrentur.

Ei translationis operi vigesimus primus dies eiusdem mensis Septembris dictus erat, iamque ad Diui Marci, omnia Sodalitia, omnes Religiosi Ordines, omnisque cum Episcopo Clerus ac Populus Tudertinus conuenerant, cæpitque etiam pompa iam duci, cùm subito, nigrescente atque intonante cœlo, ingens turbulentæ pluuiæ procella, præcipitat, quæ non modò Ordinē Religiosi Triumphi dissipauit sed etiam, cùm non minùs violenta quàm pertinax procella videretur futura, effecit, vt de omittenda per eundem diem Translatione, cogitaretur. Sed nihilominus tamen processum est: & quàm primùm, memorato Diui Marci templo elatum sacrum Ferculum, sub Dio constitit, stupentibus cunctis, atque applaudentibus; dicto citius totus ille tempestatis furor, reddidit serenitate, posuit, ac sedatus est. Ita cum cœlo turbido, pro suis Honoribus, non modò pugnauit Philippus mortuus (tantus eorum in viuissos) sed etiam Pompæ suæ congratulantes largiter est remuneratus.

Cum

*Tempestas  
translationi  
obstans,  
dispulsa.*

Cū enim in dirigendo huius Pompæ ductu placuisset Episcopo Tudertino, vt versus portam vrbs Burgenfem tenderetur, vt Religiosæ Ordinis nostri inclusæ Virgines, ad Diuam Annunciatam, Pompæ seriem ac celebri-  
tatem commodè spectare, & quando aliter non licebat, oculis comitari & prosequi possent; erat tum in illo Parthe-  
none quædam ex Religiosis Virgo, Soror Ludouica Mon-  
tenigra nomine, Perusiana, cui ad latus sinistrum, quadri-  
ennio iam, sædè serpens cancer, pectus exederat, eoquē *Carcino-  
ma purga-  
tur.*  
duobus vltimis annis vsque grassatus est, vt adempto illi  
omni omnium membrorum vsu, neque se commouere,  
cū lectulus sternendus esset, neque cū sumendus ci-  
bus, admouere ori manum posset, vt propterea baiulari,  
atque inescari alieno auxilio debuerit. Ea, cū de Phi-  
lippi transuersione inaudisset, maiorem in modum opta-  
uit, cum reliquis Sororibus spectatum interesse, quod cū  
per tam afflictam valetudinem non daretur, inuocatum  
PHILIPPVM orauit, vt sua sanctitate, sanitate vel vnus  
brachij se bearet. Tum spectatum euntes Sorores his  
votis prosecuta, ter sælices vos, inquit, quibus datum est,  
posse videre, & pars esse huius Translationis: atque à dicto  
acquieuit. Postridie mane, vna ex Sororibus, Dorothea  
Florida nomine, visendæ ægræ gratiâ, eius cellulam intrat,  
& ei læta Ludouicâ, non vides, quit, Soror Dorothea,  
PHILIPPI nostri in me benignitatem; is hac nocte,  
per quietem, dexterum lacertum hunc vertici meo im-  
posuit, & ab ex pergefactâ sic repertum, nunc, quâ vides  
agilitate moueo. Tenuit autem eius agilitatis beneficium  
ad Virginis Mortem vsque.

Nec



Nec illud minus mirabile, quod idem Philippus cui-  
dam Vincencio, Raphaëlis Pezzini Florentini ciuis, filio  
contulit beneficium. Hic puerulus, dextero pede labora-  
uerat tam ociose, vt semper ei in quadam sella, quod con-  
sistere non posset, hærendum fuerit, non sine molesto  
parentum mærore, quorum altera, Dianora nomine, vi-  
gesimo sexto Iulij, anni reparatæ salutis Millesimi quin-  
gentesimi nonagesimi primi, aditâ Ecclesiâ Diuæ Añun-  
ciatæ, adoratoque ibi Diuinæ Eucharistiæ sacrosancto  
Numine, postquam Deiparæ magnæ Imagini honorem  
habuisset, etiam ad B. Philippi Sacellum inuisit, & gemino  
stimulata incitamento, amoris videlicet in filiū materni,  
& in Diui grandia merita, fiducia, robur emortuo pedi fi-  
lij sui exorat, & impetrat æturum. Nam redeunti domum  
Matri lætus ac tripudians filius, nouis passibus progredi-  
tur obuiam: nec in vestigijs eius vllum vestigium remansit  
eius compedis, quib hætenus sellæ illi illigatus fuerat.

*Pes male  
affectus  
ostenditur.*

Suam quoque salutem Philippo acceptam retulit no-  
bilis quispiam Ioannes Baptista Guzzaronius, qui acer-  
rimi calculi, & calculo agnatæ arenæ, nec non laterum  
doloribus enecabatur. Et Medici iam in eocuturando, omne  
oleum & operam se perdidisse conclamauerant. Id intel-  
ligens Ioannes, ad cœlestes Medicos & medicinas respicere  
cepit, & imploratâ Deiparæ, per quidquid vnquam Seruus  
Philippus, eius sub obsequio meruisset, ope, vix finem pre-  
cibus fecerat, cum dolores omnes, & dolorum triplex cau-  
sa euamuerunt. Adest matutinus salutator, eodem, quo ea  
repentinâ sanatio contigit, mane, Ostauius Corresinius,  
periclitantis paulò antè Ioannis consobrinus, & admira-  
tus, iam damnato lecto, circumeuntis, tam integræ sanita-  
tis nouitatem, quærit, quid portenri? Ioannes respondet:  
Phi-

*Calculi  
arenæ di-  
spellitur.*

Philippi sanctitatem ac patrocinium huic (ut alijs multis) miraculo magnam causam fuisse, irer ergo Octavius, & necessaria itineri Romam ineundo, cum duobus Patribus & Societate Jesu, qui eodem in procinctu erant in Episcopali palatio, compararet. Paruit Octavius celeriter, & rebus omnibus viæ necessarijs adductis, Ioannes non sine Amicorum, Medicorumque, vix oculis suis credentium, stupore, cum ipsdem duobus Patribus viam & ingressus, & emensus est. Nec vnquam postea vel tentatus memoratis morbis fuit.

Eiusdem Horatii Cortesinij nepos, Carolus vocabulo, puer septennis, per dies viginti, nullo leuationis indicio, ex medicorum sententia, cum præfenti vitæ periculo, grauibz febris ardoribus torrebatur. Itaque actum de *Febbris ex-*  
*tinguitur,* pueri vita rati, cum Diuo Philippo Patronus ac Mater deuouent, & nullâ interpositâ morâ, puer ita deuotus, reuoluit, & eodem die exiliens è pyra sua, idest lecto, obambulare potuit, & ambulare dein ad Philippi vitale sepulchrû. Vbi Mater, quod voti damnata esset, Filium Ordinis nostri Habitu indui curauit.

Alius aliquis, arte alutarius, nomine Cirtius Moscatellius, quum altero lacerto grauiter laboraret, neutro laborare potuit; Sed cum omnis victus eius ratio & census in *Lacerto-*  
*rum dolo-*  
*res miti-*  
*gantur.* lacertorum operâ sicut esset, ac proinde se in arcto deprehensum videret, spondet, si discrimini, patrocinante Philippo fuisset exemptus, se Natale eius diem sacrum semper festumque habiturum, neque vllâ eum artis suæ operâ prophanaturum, affixurum præterea, ad tanti beneficij memoriam, Diui Monumento argenteum brachium. Votum, & impetratum; nam postridie eiusdem Festi, in fodinâ Pontis Comitum, non iam dolenter sed vtiliter, restitutum lacerto, laborauit.

Z

Eti-

Etiā fugientem iam è corpore animam retinere nō  
 uit PHILIPPVS, non manuum aut compedum iniectione  
 sed tantū pallij. E nobilitate Tudertina, Hieronym⁹ qui-  
 dam Leonius, bonā fide attestatus est, quòd anno, ab allatā  
 salute, Millesimo quingentesimo nonagesimo septimo,  
 parens sua, Hortensia nomine, redacta ad vltimam colli-  
 gendi vasa, & migrandi necessitatem, animam agere, &  
 Deo supremū commendari cæperit; eoque ad luctam,  
 à cuius victoria penderet æternitas, sacro, pro more Catho-  
 lico, Oleo delibura, graui cum morte negotio occupata,  
 desierat Mortalibus loqui posse. Tenuit ea anceps tracta-  
 tio per aliquamultos dies, quibus, non modò nihil aut cibi  
 aut potionis sumpsit, sed ne motum quidē vllum vitalem,  
 aut vitæ signum, candenti etiam ferro adusta, edebat. Me-  
 dici, qui proinde iam frustra aderant, & actum cum illā  
 videntes, ac, quòd cum morbo, non cum morte certare so-  
 leant, æternū ei valedicentes, abierunt. Cæteri verò per  
 cubiculum commeantes, ei, vt mortuæ, formato de more  
 crucis signo, bene precabantur. Ad extremū, siue mor-  
 tua, siue in mortis confinio esset, visum est fratri eius, ac fi-  
 lio, aut mortuæ, aut moribundæ, Philippi pallium, quod  
 de ciuitatis Tudertinæ consuetudine, morituriētib⁹  
 imponi solet, adferri, imponique curare. Quod dum fit,  
 Hieronym⁹ ex suburbano suo, quòd vrgentis negotij causā  
 pridie abierat, redibat, cernens Matrem mortuam reperire;  
 sed fefellit illū Philippi pallium, quo applicito, illa, illo spe-  
 tante, cibū sumpsit, & sine vlla difficultate lecto excessit.

Tertiam quoque Beati Patris Philippi translationem,  
 dignam posteritatis memoriā ac veneratione, duo memo-  
 rables euentus fecerunt. Vnus, quòd cū ligneum locu-  
 lum, in quo Philippi Reliquiæ conditæ erant, fabri ex Arā,

in

*B. Philippi  
 pallio inue-  
 nto mori-  
 bunda con-  
 ualescit.*

in qua defossæ, atq; incrustatæ erant, eruere vellent, nullâ  
eum aut arte, aut molimine valuerunt, vel loco dimouere.  
At vbi Eustachius Desiderius, Cathedralis Ecclesiæ Tuder-  
rinę Archidiaconus, manûs admouit, velut adiutrices, om-  
nis obstaculi pertinacia subito cessit: apparuitq; : sacra, sa-  
cris, non prophanis manibus ritè atq; habiliter attrectari.  
Alter erat, quodd (plerisq; opinantibus, non passurû corpus  
transferri se ex eo Templo, quod aliàs magnâ religione ac  
pietate licet clanculariâ, abductû, se tamẽ eodẽ reduxerat)

*Duo in 3.  
Translatio-  
ne mira-  
cula;*

ingens saxum (ilius Aræ mensa) duob<sup>9</sup> impositum sublicijs  
palis, ac perexiguo trutû impulsu, tantâ celeritate ruit, cû  
spectantiû sumâ admiratione, etsi iudicaret altero tan-  
tum numerû fabrum illi moli sumouendæ nõ suffecturû,  
vt viui corporis in morem, fugere saxi moles videretur. Vt  
appareret, lubentem volentemq;, abactâ illâ remorâ, mi-  
grare beatû Seruû ad ædem Aramq; gratiosâ Dominæ suę.  
Etsi autem tantâ, vt vidimus, cupiditate locû mutauerit:  
Philippus, voluntatem tamen opitulandi miseris non mu-  
tauit, sed ex Dominæ suæ contubernio auxit potius; vt vel  
quotidianis vsque in hodiernum diem beneficiorum ex-  
perimētis comprobatur. Nos in ijs, quæ sæpe laudata pub:  
monumēta suppeditant, pergim<sup>9</sup>. Infans, octodecim men-  
ses natus, paternis in vlnis, pro fenestrâ domûs suæ, è re-  
gione ædis Diui Marci positæ, gestat<sup>9</sup>, vt est lubrica in lap-  
sûs infantia, vicenorum pedum altitudinis ruinâ, patri in  
plateam exciderat: & vt Mater infantis, Claudia Ceonel-  
lia, nobilis Matrona, testata est, ab omnibus, quodd nullus in  
eo vitæ hâlicus norari posset, pro mortuo habitus est: sed il-  
latustemplo, & impositus Aræ, cui inclusiua erat PHILIPPI  
Vrna, reualuit; ac breui pôst ne liuor quidd à lapsu super-  
fuit: in cuius memoriam beneficij parentes, Philippi Ser-  
uatoris nomen, infantem deinceps ferre voluerunt. E-

*Infans è  
lapsu pro  
mortuo ha-  
bitus, reni-  
uiscit.*

*Partus do-  
loribus pe-  
nè enectus,  
vnà cum  
infante, li-  
beratur.*

Eundem etiam, qui fuerat, PHILIPPVM adhuc esse, experta est quædam, Belisandra nomine, Iosephi Catari-  
ni, ciuis Tudertini vxor, quæ cum in doloribus partûs  
acerbissimis deprehensa, viribûsque & sensibus omnibus,  
exceptâ audiendi facultate, destituta, vnâ cum fætu inte-  
rixisse videretur, obstetrix, & quæ aderant cæteræ, nuncu-  
pato voto, si Philippi fideli ope periculum euassisset, cum  
puero, & puerperâ, se ad Diui Conditorium, cum oleo, pro  
lucernis eius, primâ quaque opportunitate affuturas, &  
Philippi nomine puerum insignituras, spondent. Et à  
sponsione & prece, editus in lucem infans est, cuius tamen  
nullam vitalem auram hausisse videbatur, vt propterea  
Obstetrix & reliquæ vota precésque geminârunt. Quibus  
conceptis, infans respirare, & labella agitare cæpit, idque  
in pijs fæminis reddendi voti acuit diligentiam.

*Sanguinis  
fluxus sisti-  
tur.*

In album quoquoque clientelæ Philippi relata fuit  
nobilis Matrona quædam, nomine Cleria Guazzaronia,  
quæ fluxione sanguinis, ad vitæ incitas redacta, cum ad  
Philippi præsidium, vt ad certum seruandæ vitæ Asylum  
confugisset, postridie quæsitæ illic opis; damnato, quem  
diu coluerat, lætulo, omni se inueteratâ illâ valetudine,  
& præsentî mortis periculo liberatam sensit, asserente,  
urbano medico Octauiano Taramanno, nullâ humana  
ope mortem euadere potuisse.

Nectamen in censu suorum Patronus hic noster tan-  
tùm numerauit ægros, morbis, sed & egentes inopiâ sub-  
leuatos. Quædam Faustina, cuiusdam Sebastiani Tardini  
coniûx, Marito peregrè profecto, cum nihil ei, alendæ sui  
& quatuor liberorum copiarum restaret, quàm paucillulum  
farinulæ, quâ fieri non poterat, vt vsque ad Tardini Patris  
reditum sustentarentur; ad benignitatem PHILIPPI con-  
fugiens,

fugiens, inops fœmina eum orat, vt quemadmodum olim <sup>Inopia sub-</sup>  
 viuens duarum peccatricum (de quibus superiori libro) <sup>uenitur,</sup>  
 inopiæ subuenisset, ita sibi, paruisque liberis, auctâ anonâ,  
 succurreret. Nulla votis mora, nam PHILIPPVS, factâ ex  
 farinula, farinâ, addicrũ quindecim sufficiens alimētum,  
 Tardini Patris reueniendi tarditatem abundè suppleuit.

Sed & Chirurgi officia nobiliter suppleuit PHILIPPVS,  
 vbi chirurgi mortales omnes desperârunt. Soror Paulina,  
 virgo Religiosa, in Diui Francisci cœnobio Tuderti, bona  
 fide restata est, quòd anno à salutifero partu Virginis no-  
 stre Millesimo sexcentesimo sexto, quædam alia soror, ibi-  
 dem loci, nomine, Laura Saluena, ex graui quâdam sini-  
 stri pedis vstione, hiantem, ac non modici periculi plagam <sup>Plaga in-</sup>  
 contraxerit; quæ ipsam, ipsos quatuor menses, lectulo af- <sup>curabilis</sup>  
 fixerat, affligeratque sauiissimis doloribus, quibus nulla <sup>consoli-</sup>  
 medicina ponere modum poterat, vt proinde duo fami- <sup>datur.</sup>  
 liares medici statuerint, secto crure, infectam partem, ne  
 partes synceræ traherentur, abscindendam. Quod vbi pe-  
 riclitantis Virginis germana, & Religiosa soror, Domitella  
 intellexit, germanam, periculi ingruentis admonitam,  
 hortatur, vt rei cruciabili atque ancipiti, Diui Philippi in-  
 geminatam opem opponeret. Quod cùm illa strenuè  
 præsistisset: & argenteo crure, ad Philippi quandam Effi-  
 giem (quam in choro cœnobij veneratione) affixo, ser-  
 uati cruris gratiâ, spondidisset, se posteritati testaturam:  
 nuncupato voto, reddi cæpra sanitas sectioni obstitit, &  
 post dies quatuor, egressa lectulũ, ingredi per cubiculum  
 cepit, ac duodecim pòst diebus, sanata de integro gradi  
 potuit, vt poterat prius quàm vstularetur.

Non tantum PHILIPPVS ipse his alijsque miraculo-  
 rum signis suam prodidit sanctitatem, sed & ipsa Virgo

*Laboraturus, in festo B. Philippi à B. V. absterretur.*

eius honori non semel consuluit. In ipsdē monumentis refert ē Tudertina nobilitate quidam, Marcellus Valentinus; quendam Pasquinum, cuiuspiam Feliciani Armenij colonum, die vigesima tertiā Augusti (qui Diuo Philippo sacer est) rus, ad rusticandum prodeuntem, incidisse in admirandæ venustatis Viraginem, candidā in veste, in cuiusdam cliui vertice consistentem, quæ hominem percontata quid moliretur? cū ille respondisset, se diurni operis pensum moliri, virago (, quæ Virgo Maria fuisse creditur) meministin, inquit, hodiernam lucem Beato PHILIPPO festam esse? Caue labores hodie, nisi piaculo laborare velis, noxæ futuro. Dixit, & cum dicto videri desijt: & colonus, omisso prophano opere, sacro operatus est, & oblatrus postea examini, die decimo tertio Ianuarij, Anno Millesimo sexcentesimo vigesimo primo, in eo, rei seriē bonā fide narrauit, excipiente iurati verba, publico Tuderti rebellionē Quirico Quirinio, qui rem gestā probè examinatā p̄cōfectum legitimè Instrumentū, publicā fide donauit.

*Puerulus, ē sanguinis fluxu desperatus; Seruatur.*

Deinceps narratur idem Patronus noster infirmam, primæ infantie ætatem varijs beneficijs fouisse. Nam alius quispiam, Rutilius Polcius pictor, edixit publicè: filiolum suum biennem, vocabulo Agnulum, sanguinis fluxu ram impetuoso, mensem integrum, fuisse exhaustum, vtegesturum vnā animam Medici spoponderint. Eoque, aut præsentiam, aut iam venienti mortui assurgentes Medici, longū puero ac parentibus valedixerant. Neq; periculum ex vano hauriebant; nam ita exhaustus puerulus nihil omnino alimenti per bucculam, nisi per vim p̄rque cruciatum apertam, admittebat: & id ipsum quantulumcunque erat, stomachante ventriculo, regerebat. Anxij parentes, & suam, in miserabilis pueri sorte, sortem miserati,

rati, consumptâ omni humanâ ope, ad Diuinam vertuntur, eique exorandæ Patronum Philippum deligunt. Et gratiæ eius caprandæ gratiâ, dum atratum Habitu nostro puerulum, ad Philippi conditorium perferunt, in transitu se obtulit pistoris officina: in cuius promercali, ientacula puerorum crustula prostabant: quorum cum puerulus vnum petiisset, emptum Pater, non pœnitendo pretio, puero porrigit. Qui sublabratum donum, illico abligurare cepit; atque vbi ad Ecclesiam est peruentum, & Religiosi Patres puero PHILIPPI pallium admouerunt, eidemque puer osculum impressisset, sine morâ vlla interiectâ, pristinæ sanitati restitutus est.

Item alius infans, Bernardinus Cypriani Ioannij cuiusdam, è pago sancti Ioannis, filius, iam triduo nutricis ducere vbera posse desierat. Cum ageret animam, Pater eius, cuiusdam Matronæ (quæ Philippi meritis non ita pridem periclitanti proli suæ sospitatem impetrauerat) consilio, filium Tudertû ferebat, & identidem, quod inter eundem expirasse videretur, eû inspiciebat. Cum illû, in Ecclesiâ, vb. PHILIPPI Monumentum est, loci Antistes memorato Philippi pallio lustrauisset, inuasus mirâ lætitiâ atque auditate nutricis vberibus, reualuit, suxit, ætatem protraxit.

Simile quoque est, de quo Fulua Armenia, Matrona Tudertina, fidem fecit; quod scilicet nurûs suæ filiulus grauium defluxionum, è capite in præcordia deciduarum, viscosâ obstructione, cum summo viræ discrimine (quod infans necdum sextum ætatis mensem excesserat, eoque, suffocanti ei massæ impar virib' fuerat, per meatûs viâsq; ab natura stratas, deducendæ) laborarit. Quo die frequens ciuitas Tudertina, electo in Diuum Tutelarem Philippo, eo nomine, mirificâ celebritate, eam Nuncupationem adornabat, infantis Mater Dionora, immemor in priuato luctu,

*Aliis infantes mori eripimur,*



luctu, publicæ lœtitiæ, cum quid ageretur, esset admonita, propitium filio PHILIPPVM inuocat: Vix mulier precandi finem fecit, cum, simul ac puer sternuisset, salutem, quam sternuentibus apprecari solemus, statim sortiri cæpit, & paucis post diebus reualuit.

*Iterum ex-  
tinguitur  
incendium  
filii*

Ab infanti ad confirmatam ætatem curandam rediit Philippus. Ludouicus Fantolinus Perusinus, cum aliquot septimanis febris continuæ ac pertinacis æstuasset, iam morbi violentiæ non solum corpore, sed mente etiam, ita succubuerat, vt voce moribundâ, mœra deliramenta loqueretur: ac proinde à medicis eius soror Iacoba moneretur, vt, quoniam de corporis eius salute proclamatum esset, animæ prospiceret, precum & Sacramentorum præsidio ac viatico. Illa fratrem hortari cæpit, vt per sacram exomologesi suâ peccata expiaret: sed ille, præsentis mortis horrore perturbatus, nihil ad rem respondebat. Vnde pia soror ad Philippum confugiens, eum suppliciter orat, vt fratri, à Deo vel tantum lucidi interualli impetret, quantum sufficiat exonorandæ per Sacramentalem Confessionem conscientiæ. Vix desierat precari, cum, quod angustè rogauerat, angustè impetrat; nam frater non solum accersito Sacerdoti ad faciendam confiteri potuit, sed etiam vnâ eadêmq; DEI, in Philippi gratiâ, operâ, à corporis animæq; morbo absolutus, in solidum conualuit. Accidit id Maio, Anni Millefimi sexcentefimi vigesimi primi.

Sed mox eiusdem Anni Mense Iulio, liberalitatem suam Philippus iterum in infantes, & primò quidem in eandem Fantolinorum gentem, sequentem in modum produxit. Erat eidem persanato Ludonico, filia triennis, nomine Constantia, quæ inser nugandum, triticeum culmum tenero oculo infixerat, sic, vt ictum, vulnus, cruor, & oculi

*Oculus  
culmo infixus*

oculi insignis inflammatio sequeretur. Puellæ Mater, <sup>no pericli-</sup>  
 Margaritha Mellinia, & affinis eius quædam, Iacoba, non <sup>tant serua-</sup>  
 sufficiebant extrahendo culmo; adeò se altè ac mordicus  
 oculo insinuârât; cùm illis consilij inopibus, & quid age-  
 rent nescientibus, superuënir puellæ Auia, & procidens in  
 genua, & supplices cœlo manûs, cum ardente fiducia, ten-  
 dens, O Beate PHILIPPE, inquit, commendo tibi hanc in-  
 fantulam; & his dictis, erigens se & oculum intuita infan-  
 tis, in eo iam neque cruorem, neque feruoris ruborem,  
 neque (quod admirationis Palmarium fuit) ipsū culmum,  
 qui repente euauuit, vspiam videre, aut inuenire, etiam  
 aliarum præsentium oculis, potuit.

Non impari beneficio affectus est alius bimestris in-  
 fans, Ioannes Baptista Baldeschuius, qui ipso die Natiuitatis  
 Seruatoris nostri, anno millesimo sexcentesimo secundo,  
 affectu quodâ (quem vulgò Rupturam vocant) vri caput,  
 & adeò mali vis auxerat, vt, præter archi subligaculi vsum,  
 aliquoties in die à domesticis, capite, ac reliquo corpore  
 deorsum à pedibus verso (si qua ratione suis effusa finibus  
 viscera reponi possent) tredecim mensium diligentia  
 nihil efficeret: donec vtcunque, ad sacram Perusij ædem,  
 Seruorum Deiparæ, Mariæ Nouæ dictæ, delatus est  
 infans, & à contactu vestimenti Philippi, quod in eo cœ-  
 nobio magno in honore asseruatur, suis Intestina sedibus  
 restituta, atque conclusa sunt, omnibus, vt minimè porro  
 necessarijs subligaribus abiectis.

Denuò quædam Faustina, Saluatoris Batilori nomi-  
 ne, septennis filia, ignoro Medicis morbo iactabatur, quo  
 consistere pædibus, non poterat, quin iam in hanc, iam in  
 aliam partem lapsâdo, aut rueret, aut fatigaret ruenti  
 vtrînque obstantes. Post longas rei disquisitiones, Mater

A a

cuius

eius eam quadam Philippī veste lustrari curauit, & subito curata est, Mense Octobri Annā Virgine Matre, millesimo sexcentesimo vigesimo secundo.

*Fascinis li-  
gati solum-  
tur.*

Huic subiungitur in iisdem Actis, Camillus de Penna, puer quadrimulus, qui lethali afflatus fascino, animam penè iam actam agebat; cùm soror quædam Tertij Ordinis Diui Francisci, Vrsulina nomine, Sodalitij Habitûs nostri Seruorum, ad sanctam Mariam Nouam æditua, puerum Diuo Philippo vouet, Habitu nostro, per integrum semestre amicum, si parentibus colluisset: (collibiturum verò persuaserat nota Octauij de Penna, pueri parentis pieras, quæ illi cum Coniuge Adriana Asidea, & Matre eius Olimpia communis erat) A nuncupato voto, quamprimùm puerulus cepit conualefcere & paulò post etiam satis valere, idque anno Christiano millesimo sexcentesimo vigesimo tertio.

Tandem alia puella, Constantia Cantuccia, trimula, eadem Fascini peste, iam pro mortuâ habebatur tam euidenter, vt, cùm parentibus eius, Iosepho, & Hieronymæ Bontempiæ suaderetur, vti filiam Philippo commendarent, responderint, se serò moneri. Inducti tamen postea Marronæ cuiusdam Atalantæ Benedictæ saluari consilio, acquieuerant; & illico commendationis momentû tam illi, quàm restitutus pristinæ valetudini infans, senserunt.

Claudat agmen Clientulorum Philippī in hoc libro, non in beneficio, vrbs Placentinæ Marrona, nomine, ac pietate in Philippum, Angela. Hæc nouennem filiolarum Ioannam, defluxione quadam cruentâ, oculos suffusam, (quâ nec ipsa videre, nec videri patienter, ob deformitatem poterat) deplorabat. Sed factò in arâ, Diuo Philippo sacrâ, in Æde Seruorum, ad Diuam Annam, sacrificio, & obla-

oblatis duobus, ex argento calatis, ut sponponderat, oculis, nullâ vel tenui interpositâ morâ, ex votis, voti damnata, filiam sic videntem vidit, ut ambæ omnia videre possent, præter vestigium aliquod vel minimum deterasæ modò ac depulsæ cæcitat. Atque hæc quidem hætenus de rebus admirabilibus, DE I Numine patrat, tanquam sanctitatis PHILIPPI argumentis. Qui plura numero percipere volet, is Annales nostros, & antiquos Canonizationis Processus, cypis editos, consulat; & inueniet DEVM mirabilem in sanctis suis, & Philippum venerabilem in factis suis.

## OPINIO AC FAMA SANCTITATIS PHILIPPI, DVM VIVERET, ET postquam vixit.

### CAPVT TERTIVM.

**Q**Uanquam de beato Patre nostro PHILIPPO talia hætenus relata sunt, ex quibus eius, etiamnum, mortalis, dum viueret, & immortalis, postquam est mortuus, Sanctitas, multis mirabilium virtutum splendoribus, ita est illustrata, ut glorioso vitæ eius cursui hoc loco meta poni debere videretur, tamen quia nonnulla non minus honorifica relatis, ad huius historię calcem ideo reiecta sunt, ne eorum suis locis commemoratione, rerum gestarum series interrumperetur, visum est aliquem hic eorum gustum, lectori delibandum proponere; ut eorum celesti tractus illecebrâ, *currat post odorem vnguentorum*, quibus Philippum vnxit DEVS, & currendo ascendendoque per imitationis gradus, virtutem & sanctimoniam eius assequatur.

Quantis, qualibûsque virtutum, etiam Miraculis approbatarum ornamentis Philippi pueritia, atque Adoleſcentia inclaruerit, & quanti facta ſit eius Sanctitas à ſep-temuiris, Ordinis primis Primoribus, qui illi adhuc ſub ſchemate fratris Conuerſi latenti, ac pene Tyroni, Tyrocinium Iuuentutis noſtræ Senenſis, ſpiritus ſui ardore ſuccendendum crediderunt, iam ſuprà primo huius hiftoriæ libro meminimus. Quod munus Philippus tanto Ordinis noſtri bono geſſit, vt, ſi primi illius ſæculi felicitas, & abundantia Sanctorum virorum, ipſâ frequentia abolente nouitate (quæ tranſmittedi ad poſteros reſeſtas plerumque ſolet eſſe cauſa) non obſtitifſet, multos alios in Ordine Diuos, præter illos ſeptem eius Beatos diſcipulos, ſuperiore libro laudatos, numeraturi eſſemus, Philippi diſciplinâ ad magnam Diuinæ Amicitia beatitatē proueſtos.

Cæterum, etſi ſuperiore libro inſinuauerimus, quanto in honore, quantâque in opinione ſanctitatis, apud ſummos Pontifices, Imperatores, Reges, reliquosque Chriſtiani orbis proceres, habitus PHILIPPVS fuerit, tamen hoc loco ſuccenturiari meretur Tudertinorum in Philippum pietas: qui cùm in illum riuum, dignitatem Conſalonerij, id eſt eius vrbis Conſulatum perpetuum, conſuliſſent, inumbrante conditionem, hominis Religioſi, ſimilis honoris incapacem, eximia viri ſanctitate; per quam ſibi à Deo, rerum ſuarum potente Philippo, omnia fauſta ac felicia pollicebantur, illi etiam, in cœlum recepto, eum Magiſtratum prorogâcunt, nullo ei deinceps vnquam ſuffecto ſucceſſore, quod haud temerè arbitrarentur; Reipublicæ ſuæ nunquam niſi bene conſultum iri, eo Conſule, cui paulò antè DEVS Opt. Max. æternum, ob res  
bene

*Tudertino-  
rum in Phi-  
lippum  
poſt mor-  
tem vene-  
ratio.*

bene gestas, & Triumphum & Consulatum in cœlo decre-  
uisset.

*Demon-  
strata per  
monetam.*

Huiusce Senatûs consulti memoria, ad posteros pro-  
pagandæ gratiâ, Tudertini monetam cudi voluerûnt (cui-  
usmodi quidam è prima nobilitate Dynasta, Placentiæ  
nummum conseruat) in vnâ facie Pyramidem, cuius in  
cuspide crux, repandis ornata lilijs exstat, referente, cum  
hisce literis R. S. B. M. hoc est Religio Servorum Beatæ  
Mariæ: alterâ vero facie, has cum cruce literas habet: F. P.  
O. S. id est Frater PHILIPPVS Ordinis Servorum.

*Et Thermo  
eius nomi-  
na celebres*

Sed & salutares Thermæ montis Tuniati (quod sancto  
Rocho ob alias sanationes contigisse accepimus) Philip-  
po etiam num viuo, Sancti nomē fecerunt; iam inde à pri-  
mordijs suis, Thermæ sancti Philippi dictæ, Post verò mor-  
tem eius, tanta fuit per Icaliam, atq; alibi passim, sanctita-  
tis eius celebritas, præcipuè verò Tuderti, vt omnes ciui-  
tatis ordines, sexus, ætates, omnesque totius agri Tuderti-  
ni Incolæ & Accolæ, alijs atque alijs ritibus ac modis, ad  
primam mortis eius famam confluerent, ac certatim Diui  
corpus venerantes, ei annulos, vestes, corollas, monetam  
etiam, ac panem & similia admouerent, vt ea à contactu  
sanctitatis, quam viuam spirabat, vim efficaciamque, ad-  
uersus quascunq;, humanas calamitates sortirentur. Quæ  
causa fuit Patri Lotharingo Stuffæ, Ordinis tum Vicario  
Generali, dandi in mandatis Tudertinis Patribus, vti sacris  
eius exuvijs, cum curâ attenderent, agerentque cum vr-  
bis Episcopo, vt suâ autoritate, ac testificatione, miracu-  
la, quæ ad eius Reliquias patrabantur, authentica faceret,  
eaque custodirent: præterea accuratè vestes, Imagines,  
Psalterium, Breuiarium, Indicem Ordinis, siue Registrum,

*De sancti-  
tate eius  
opinio.*

*Manda-  
tū de Reli-  
quijs asser-  
uandis, &  
miraculis  
scribendis.*

& reliquam omnem simplicem ac Religiosam eius supellestilem afferuarent.

*Exequia  
cum Iubilo  
commuta-  
ta.*

Postridie eius diei, quo beata eius Anima cœlo illata est, præsentibus, vrbis Aristite, & Magistratu, iisdemque approbantibus, non mortualem, sed festiuum in modum, Diuinum Sacrificium Solemniter decantatum est, cum cantico Angelorum, *Gloria in excelsis Deo*: & Symbolo Apostolorum *Credo in unum Deum &c.* Cum Introitu *Gaudeamus omnes in Domino, diem Festum Celebrantes sub honore beati Philippi Confessoris &c.* Eaque Celebrandi ratio tenuit, quoad sacrum cadauer conditum est. Post verò persolatos ei om-

*Vigilia ad  
tumulum.*

nes sepulturæ honores, ac pompam, tanto ardore, ut is ipse pro miraculo esset, populus tamen Tuderctinus, à sepulchro auelli non poterat, aut inhiberi, quin more primæuæ Ecclesiæ aliquot noctium pernigilio, funeratas iam Reliquias psalmis, canticis, præconijs, ac Ieiunijs prosequeretur. Ea tunc orta erga Philippum Religio, aucta ac propagata, ad hanc vsque ætatem viget, atque in vsu est, non modò vicinorum ardore populorum, sed longè etiam diffitorum, quorum Principes, tam Ecclesiastici, quàm sæculares, ad habendum Philippo honorem, Religionis ergò, ad hoc eius monumentum, piè ac frequenter, frequentes inuisunt, & cum populis suis, illud lucernis, luminibus Anathematis, Imaginibusque alijs, acceptarum à Deo, Philippi patrocinio, gratiarum testibus, exornant, ac venerantur. Cæterùm ea vitalis, & à Diuina potentiâ deriuata salutifera vis, non solum inest toti corpori, hoc

*Ac reliqui-  
arum etiã  
separata-  
rum poten-  
tia.*

Ioco, vbi conditum colitur, sed partes eius etiam, aliæque de supellestili ipsa, hinc inde inter Principes, Vrbesque & Religiosorum domicilia, distributa, eandem virtutem sentiendam præbent. Eius rei recens ac memorabile ar-  
gumetu-

gumentum accidit Romæ, Anno Christiano millesimo  
 Sexcentesimo decimo sexto, in sacro PHILIPPI Offe,  
 quod ob alia diuinarum multa signa Gratiarum, in Æde,  
 illic nostrâ Diui Marcelli colitur. Nam Ioannes Baptista  
 Rebiba, vir apprime nobilis, vi acutæ febris (quæ, elusâ  
 iam omni medicorum operâ, atque industriâ, illum ad  
 ultimâ lineam deduxerat) ad migrandum perurgebatur.  
 Quo mæsta parens eius, omnibus reliquis curationi-  
 bus actum agi intelligens, & ad Diuinæ, pro filio, opis  
 Asylum confugiens, misit, qui rogaret Patrem Ædituum  
 Ecclesiæ Diui Marcelli, vt partem illam sacri offis affer-  
 ret. Quod cum esset factum, & illa totâ fiducia, & pietate  
 in PHILIPPVM ferueret, vix sacrum Os alteram mam-  
 millarum, vbi lethalis doloris sedes erat, contigerat, cum  
 liquatum, tenacis in ceræ aut glutinis modum, mammil-  
 lam mordicus strinxit, ac velut exsuctâ inde, atque ex-  
 pressâ omni peste, miro cum solatio, agrum leuauit, ac  
 breui, cum omnium stupore, persanauit. Hoc huius facti  
 exemplo illectus Pompeius Maximus, Romanus Dux  
 limitaneus, siue, vt iam vocant Marchio, è Patriciâ anti-  
 quâ gente Fabiâ, atque è stirpe eius Dictatoris, qui cun-  
 ctando restituit rem; in summo vitæ suæ discrimine, ab  
 ardentissimâ creato febre, Diuum PHILIPPVM Dictato-  
 rem dixit, & inuocauit; & illico, non cunctando, PHILIP-  
 PVS restituit rem & sanitatem; nam allato per eundem  
 Patrem Ædituum hoc ipso sacro offe, eoque admoto,  
 Pompeius Libitinæ Annibalem euasit, & quinto post die,  
 lætus vegetusque exijt lecto. Accidit id decimo septimo  
 Augusti, eiusdem anni.

*Quibus  
 Roma se.  
 bricitan-  
 tes lethali-  
 ter cura-  
 tur.*

Haud



*Matrona  
à partu  
doloribus  
liberatur.*

Haud minùs mirum fuit, quod vigesimo postea eiusdem mensis die euenit Cleliæ Rebibæ, eiusdem Marchionis Coniugi, quæ iam octauum mensem grauida, partûsque inuasa acerbissimis doloribus (quorum se summa, velut facta agmine, in sinistra papilla collegerat) cum allatum hoc ipsum sanctum Os, lateri, papillæq; imposuisset, omni derepente sedato dolore, facili ac felici partu enixa est, & integræ valetudini restituta.

*Varia san-  
ctitatis Phi-  
lippi monu-  
menta.*

*2. Petri 1.*

Suppetere hic præterea, ad asserendam PHILIPPI sanctitatis famam, magno illi numero erectæ statuæ, locatæ Imagines, constructa & dicatæ Sacella, varia præterea Sodalitia, & cætus piorum, eo Auspice, ac Tutelari Diuo, per summam fortitudinem, abstinentiâque Christianæ Philosophiæ, DEO militantiæ: à quibus, quanti mortalis immortalisque, factus fuerit Philippus, facile desumi coniectura posset. Verùm, quia, quemadmodum non claretur aut stellis aut facibus Phæbus, ita Philippi gloriam, hæc pia quidem, sed inferiora meritis, monumenta non ita illustrent, vt eorum hic seriem texere, & inire numerum, operæ pretium esse videatur; eoque conuenientiùs supersedeamus, *quòd habemus firmiorem propheticum Sermone,* Oraculi in terris Christi, quod in huiusmodi iudicio nec falli potest, nec fallere; *cui proinde benefacimus attendentes,* velut lucerna lucenti in caliginoso loco disquisitionis: quod omnibus absolutum numeris Diuum, authenticè, aut sanctum constituit. Is sermo est Leonis decimi Pontificis Maximi, qui compertâ, per varia, eâque, vt in re summi momenti, accurata examina, Philippi sanctimoniâ, quibûsdam de eâ præmissis, Rescripto siue Breui Apostolico, eiusdem publicam celebritatem vniuerso Ordini permittit sequentem in modum.

Vobis

Vobis (donec ad Canonizationem ipsius (Philippi) deuentum fuerit, cui ad presens diuersis arduis negotiis prapediti, vacare non possumus) in quibuscunque Ecclesiis, Domibus, Monasteriis, Oratoriis, utriusque sexus, totius vestri Ordinis tam in Italia, quam extra, in quibuscunque locis consistentibus, liceat, absque aliqua superstitionis vel quasi idololatriæ notâ, ac conscientia scrupulo venerari, & in Ecclesiis domorum, ad eundem Philippum, ut pro vobis Intercessor existat, in Orationibus, Officiis, ac Missarum Solemnis precibus tam publicè, quam priuatè, seu secretè, fundere, vosque ipsius orationibus commendare, ac etiam, quod à primis Vesperis vsque ad secundas Vesperas inclusiue, diei ipsius Philippi obitus, qui erit die vigesima tertiâ mensis Augusti, sub duplici Festo Confessoris, cum candelis, Campanis, Antiphonis, Versiculis, Orationibus, ceterisque Ceremoniis, in Festo duplici fieri solitis, adhibitis, Celebrare possitis, & valeatis. *Authoritate Apostolicâ concedimus &c.* Hæc summus Pontifex Leo Decimus. Paulus verò Quintus, eius in Pontificatu Maximo, magnus & gloriose memoriæ Successor, hoc ipsum non solum ratum gratumque habuit, sed etiam proprias lectiones, vitæ eius historiam, compendio complectentes, à sacrâ Rituum Congregatione, suis ritè momentis ponderatas, atque Authoritate suâ Apostolicâ approbatas, in publicis Diuinarum laudum officijs recitandas ac decantandas, vniuerso Ordini, atque Ecclesiæ Florentinæ omni Clero concessit, ad magnorum Hetruriæ Ducum ciuiumque singulare solatium. Id etiam Ecclesiæ Tudertinæ pari aut maiori amplitudine, ob eius illic quiescentis ac patrocinantis præsentiam indulgit.

Eodem Pontifice, sacra Rituum Congregatio, ut præbyteri sæculares etiam, sacra de beato PHILIPPO deque alijs nostri Ordinis Beatis facere possent in Æde Monaste-

Leonis X.  
de Festo  
Philippi  
celebrando  
Rescrip-  
tum

A Paulo  
V. P. M.  
amplifica-  
tum.

*Ad cele-  
brandum  
de eodem  
facultas,*

rij Monialium nostrarum, OEniponte Tyrolis Metropoli, dato, vigesimo secundo Decembris, Anno sexcentesimo duodecimo supra millesimum, Diplomate, potestatem fecit.

Ad extremum denique, anno à partu Virgineo, millesimo sexcentesimo vigesimo quinto, Urbanus Octauus Pontifex Maximus, maiorem patentiorémque PHILIPPI gloriæ ac meritis, pro suâ in eum eximiâ religione, campum aperuit, cum dato Apostolico, per modum Breuis, Rescripto, latè ac passim Episcopatib' veteris ditionis Florentinæ, celebrandi de beato Philippo, vsurpatis proprijs eius lectionibus, Diuina officia, amplissimam facultatem concessit, non sine magnâ accessione ad beati Patris venerationem, apud eos populos factâ. Itaque non tantum duo illa requisita ad ingenuam sanctitatem sanciendam, quæ huius vltimi libri initio, ex Gregorij Noni Pontificis Maximi mente laudauimus, hoc est, *Merita*, & *Miracula* PHILIPPO suppetunt, ac suffragantur ad absolutæ sanctitatis euidenciam, sed trium etiam summorum Pontificum prona ac prompta, ad eius Canonizationem voluntas, satis restatur, omnia alia defuisse adhuc, quàm ea, quæ in Canonizando & in Canonizante requiruntur: ea videlicet, quæ adornandæ tantæ celebritati Ecclesia Militans ad imitationem Triumphantis adhibere solet, per nostram paupertatem huc vsque fuisse desiderata. In quo nos neque paupertatem erubescimus, quia virtus Christi est, neque crudos A catholicos, qui similes sumptus (impie atque impudenter in cœlum mentientes) pretia vocant Canonizationum, neque semicrudos Politico-Catholicos moramur; qui Canonizationum moras, dicunt esse, aut fauoris Principum mundanorum, aut nummorum in

*Huius Vi-  
ta conclu-  
sio,*

Prin-

Principes Ecclesiasticos distribuendorum, inopiam: nam: vt animales homines, non capientes: ea quæ sunt spiritus DEI, ista de spiritus sui vanitate depromentes, hallucinantur, ita nos iuuat Canonizationum Beatorum nostrorum, moræ causam conijcere in eam rationem, quam attulimus, vt in humilitate Dei paræ Dominæ nostræ, & spiritu eius, Conducricis nostri Instituti, præ omni aliâ celebritate gloriaremur.

Atque hæc quidem hastenus summa sit eorum, quæ ab Adolescente PHILIPPO, ante susceptam cœlorum Reginæ Seruitutem, & eadem susceptâ, a priuato, & a Priore Ordinis Generali, ac demum à Diuo iam in cœlum recepto, gesta esse accepimus. In quarum rerum tractatione, propter earum summam dignitatem sublimitatēque, & hinc oriundam reuerentiam, non patimur aliter fuisse versatos videri, quàm sicut illi, qui ex fumi copîâ de ingentis alicuius flammæ pyre amplitudine rationantur; nam si omnem gloriam filia Regis (felicitis Philippi animæ) ab intus circumdata varietate, quâ aut in viuis omnifariam Heroicarum virtutum, atque Anagogicorum excessuum splendoribus irradiata, aut quâ iam in cœlo Maiestate, in æternæ, atque inaccessible mortalibus diuinationibus Gloriæ solio decorata, corruscat, assequi scribendo aliquis aggrediretur, metuendum illi profectò esset, ne tantæ Maiestatis scrutator factus, opprimeretur à gloriæ magnitudine, & eiusdem ignis ardoribus absorberetur; cuius in hoc aliquo fumo adumbrando, eloquentiæ cum factis imparitate cæcutiuerit; atque in ijs etiâ, quæ comperiri aliquâ, & exprimi possunt, balbucinat, maximam ac præcipuam gloriosorum facinorum partem, ignorare coactus sit: quam, aut Humilitatis PHILIPPI in

rebus gloriosis occultandis industria, aut ipsorummet factorum, ardua captu, atque explicatu sublimitas, cognitioni omni, notitiæque subductam, interuertit.

F I N I S.



INDEX



# INDEX LIBRI

## LIBER PRIMVS

### CONTINENS VITAM B. PHILIPPI SÆCVLA-

rem, & in Religione priuatam.

#### CAPVT I.

B. Philippi Patria, Natales, & futura Sanctitatis preludia. pag. 1.

#### CAPVT II.

B. Philippi educatio, vsque ad studia grauiorum disciplinarum. pag. 5.

#### CAPVT III.

Aperiuntur primordia & incrementa Ordinis Sernorum, vt clarius percipi possint, qua dicenda sunt. pag. 9.

#### CAPVT IV.

B. Philippus post nauatam operam literis Lutetia Parisorum & Patavii, Florentiam reuersus, à Deo, bonarum artium amatore, singularibus fauoribus & gratis excipitur. pag. 16.

#### CAPVT V.

B. P. Philippus ante imaginem miraculosam D. Annunciatæ Florentia, admirabili Visione, quam B. P. Bonifilius explicat, illustratur. Hac occasione huius Imaginis historia paucis recensetur. pag. 20.

#### CAPVT VI.

Philippus suppliciter orat, vt ad Religionem inter fratres Conuersos recipiatur, & exaudiens sacro Religionis habitu induitur. pag. 26.

#### CAPVT VII.

B. P. Philippi in asceterio Caphagi, quod hodie D. Annunciatæ dicitur, exercitationes ac studia. pag. 30.

#### CAPVT VIII.

Philippus se in viam dat ad solitudinem, ubi serui sui sanctitatem Deus miraculo manifestat. pag. 33.

#### CAPVT IX.

B. Philippus adhuc sub fratris conuersi nomine, & conditione latens, Tyromibus asceteris Senensis à P. Generali, Magister præsicitur, & detecta eo in itinere, diuino consilio, illum eximia doctrina, sacris Ordinibus vel. inuicem initiat. pag. 39.

B b

CA.

# INDEX.

## CAPVT X.

*Philippus Senis Seruorum Tyrocinio moderatus, fit Sacerdos, cui, reddita functionis sue ratione, per occasionem Capituli Generalis, primo sacrificio operanti, accinit coelitus chorus.* pag. 45.

## LIBER SECVNDVS.

CONTINENS GESTA B. P. PHILIPPI, SVB officio Prioris Generalis, usque ad mortem.

### CAPVT I.

*B. Philippus factus Generalis, se sistit Clementi quarto summo Pontifici, qui sua auctoritate electionem eius ratam facit, habetque.* pag. 49.

### CAPVT II.

*Philippus primam visitationem cœnobii Aretini instituens, Patres per annone caritatem, inedia penè enectos recreat, pane diuinitus imperato.* pag. 59.

### CAPVT III.

*Philippus in Capitulo Pistorii celebrato, Ordinem Seruorum, nouis legibus constitutum, ad exactam Religiosa Republica formam reducit.* pag. 63.

### CAPVT IV.

*Philippus acri de abdicando Generalatu, tentatione sollicitatus, interuēta sibi detracta, elephantiacum vestit, & e vestigio curat.* pag. 66.

### CAPVT V.

*Philippus, cum à Cardinalibus, mortuo Clemente quarto, Pontifex Maximus designatur, arrepta in auiam solitudinem Mani agnata fuga, delitescit.* 74.

### CAPVT VI.

*Philippi sanctitas denuò innotescit & asseritur, elicitis è saxo salutiferis undis, quæ Thermis Philippiis in monte Tunnato, nomen fecerunt.* pag. 80.

### CAPVT VII.

*Philippus, peractis Florentia Comitibus, & itinere in Gallias, ad visitandam Religionem & promulgandum Euangelium, instituto, ad urbem Mutinam, quibusdam consceleratis diuini Numinis execratoribus penas meritas, quibus breuis post deslagrare, prædicat.* pag. 84.

### CAPVT VIII.

*Res à B. Philippo in Gallis & Germania gesta.* pag. 88.

### CAPVT IX.

*Philippum cum sociis in Italiam per Allobrogum alpes iter habentem, post tri-  
dus errorem atque inediam, Angeli in viam reducunt.* pag. 93.

### CAPVT X.

*Philippus, multorum principum virorum inuitatu, aliquot sacris domiciliis funda-*

## INDEX.

*fundatis, aliisque restauratis, vocatus ad OEcumenicum Concilium, Lugdunum abiit.* pag. 95.

### CAPVT XI.

*Philippus delatum sibi Episcopatum Florentia, fugâ ad Pistorienses, euadit, & eosdem Pistorienses scissos Guelforum, Ghibellinorumque factionibus, magnâ ex parte in viam salutis reducit, institutis pœnitentium, tam virorum, quam mulierum sodalitiis.* pag. 105.

### CAPVT XII.

*Innocentius Quintus Pontifex Maximus Ordinem Sernorum antiquare aggressus, irritis conatibus, paulo post uinere desistit.* pag. 109.

### CAPVT XIII.

*Philippus à Nicolao Tertio Pontifice adiunctus Cardinali Latino, Guelforum ac Ghibellinorum, apud Florentinos, tumultibus sedat.* pag. 116.

### CAPVT XIV.

*Philippus missu Nicolai Tertii Pontificis Max: & Rudolphi Primæ Austriae Caesaris rogatus, ad sedandos Romani Imperii tumultus, secundo in Germaniam proficiscitur.* pag. 124.

### CAPVT XV.

*Quid Philippus supremum Religionem lustrans, Forolivi, Florentia, Senis, ac Tuderti egerit, tuleritque.* pag. 132.

### CAPVT XVI.

*Religiosa B. P. Philippi mors, & ad eam suprema comparatio, & ultima ad fratres monita.* pag. 146.

## LIBER TERTIVS

*MIRACVLA AB IPSO MORTVO EDITA,  
aliaque Sanctitatis eius argumenta  
complectens.*

### CAPVT I.

*De miraculis vetustioribus.* pag. 155.

### CAPVT II.

*De miraculis recentioribus.* pag. 173.

### CAPVT III.

*Opinio ac fama sanctitatis Philippi, dum viueret, & postquam vixit.* pag. 127.

## F I N I S.



## Menda sic Emenda.

<u>Pag. 4. l. loculentiore.</u>	<u>lege luculentiori.</u>
<u>pag. 11. l. 5. dissimilandum</u>	<u>l. dissimulandum.</u>
<u>pag. 28. l. 7. ob infantiâ.</u>	<u>l. ab infantiâ.</u>
<u>pag. 29. l. 1. perstringens.</u>	<u>l. perstringense.</u>
<u>pag. 37. l. 4. praecepta.</u>	<u>l. percepta.</u>
<u>pag. 46. l. pen. effectus.</u>	<u>l. affectus.</u>
<u>pag. 49. ad marg. suspicienda.</u>	<u>l. suscipienda.</u>
<u>pag. 62. ad marg. sedam.</u>	<u>l. sedandam.</u>
<u>pag. 77. l. 4. accedit.</u>	<u>l. accedit.</u>
<u>pag. 99. ad marg. conuersus.</u>	<u>l. concursus.</u>
<u>pag. 108. ad marg. sodalitia.</u>	<u>l. sodaliis.</u>
<u>pag. 123. Florentinus.</u>	<u>l. Florentinus.</u>
<u>pag. ead. l. 28. magnifico.</u>	<u>l. magnifico.</u>
<u>pag. 131. l. 14. astans.</u>	<u>l. ostens.</u>
<u>pag. 136. l. 2. dicendum.</u>	<u>l. dicendum.</u>
<u>pag. 175. l. 32. qnit.</u>	<u>l. inquit.</u>
<u>Cetera minutiora æquus lector ipse corrigit.</u>	







